



Digitized by the Internet Archive
in 2016

MARTINI GERBERTI

(NUNC S. R. I. PRINCIPIS & ABBATIS
CONGR. S. BLASII IN SILVA NIGRA)

ITER
ALEMANNICVM,
ACCEDIT
ITALICVM
ET
GALLICVM.



Editio secunda, reuisa, & correctæ.

PERMISSV SUPERIORVM.

Typis San-Blasianis, 1773.

22550

INDEX L O C O R V M.

Abnoba, mons, silvae Martianae, seu Hercyniae tractus. 302.

Alemannia orientalis. 131.

Alemanniae limites in Helvetia. 2.

Alsatia. 343.

Andechs, mons sanctus. 441.

Argentoratum. 345.

Arlesheim. 373.

Augia diucs. 273.

Augusta Rauracorum. 382.

- - Vindelicorum. 181. 419.

Baden 32. 338.

Basilea. 376.

Benedictobura. 424.

Bondorff. 301.

Bononia. 473.

Brigantium oppidum cum vicino Augiae monasterio. 125.

Brisgoiae pagus. 386.

Brixina. 455.

Bürglen. 388.

Buxheim. 174.

Campidunum. 140.

Casinum. 485.

Carlsruh. 337.

Clareuallense monast. 530.

Colmaria. 365.

Compendium. 529.

Concilium gen. Constantien-
se, Ratholdi cella. 268.

Constantia. Creuzlinga. 262.

Danubii fontes. 304.

Donaueschinga. 305.

Ebersmunster. 361.

Elchinga. 195.

Engisheim. 370.

S. Eremus B. V. seu Einsid-
len. 74.

l'Etrée vestigium veteris viae
Romanae. 532.

Excursio inBauariam ex Reu-
the in Sueuia. 406.

Faucense monasterium. 443.

Fauernense monast. 515.

Feldberg. 404.

Ferraria. 473.

Fischingen. 84.

Flauiniacense monast. 508.

Florentia. 495.

Frankenberg. 532.

Friburgum Brisg. 388.

Forzheimium. 334.

S. Galli monasterium. 87.

S. Georgii monast. 307.

Hirsaugia. 333.

Horba, cum pago Amphin-
ga. 319.

Isnen. 136.

Kauffbaura. 418.

X

Linda-

INDEX LOCORVM.

Lindauia. 120.

Luxouium. 530.

Marisburgum. 260.

Maulfa. 454.

Medianum monast. S. Hy-
dulphi. 506.

Memminga. 162.

Monachium. 439.

Murbach. 366.

Murense monasterium. 59.

Mutinae, Mediolan. &c. 501.

Nagalgouia, 319.

Neapolis. 485.

Nicri fontes, ac Decumates
agri. 311.

Oberndorffium. 318.

Oberriedt. 402.

Ochsenhufa. 222.

Oenipontum. 452.

Ortenau, pagus. Monaste-
rium Schuterense, Gen-
genbacense, Etinheimen-
se, Schwarzachenfe. 341.

Ottobura. 154.

Parisi. 511.

Patauium. 461.

Petershausen. 260.

S. Petri monasterium. 393.

Pollinga. 422.

Rappeswila. 81.

Ratisbona, cum Austriae mo-
nasteriis. 436.

Rhenaugia. 291.

Roboretum. 457.

Roma. 475.

Romarici, mons sanct. 531.

Rothwila. 314.

Salemium. 254.

Salisburgum. 430.

Schaffhusium. 287.

Selestadium. 364.

Senonenfe monast. 507.

Sizenkilch. 387.

Stutgardia. 326.

Sublacus. 485.

Tan. 533.

Tegernsee. 427.

Tridentum. 456.

Tubinga. 320.

Tugium. 72.

Turicum, Tigurum, seu
Zürch. 39.

Veldkyrch. 129.

Venetiae. 463.

Verona. 458.

Villinga. 307.

Vindonissa. 16.

Vlma. 197.

Vrbes quatuor filuestres. 385.

Vrsinenfe monast. 415.

Waldsee. 229.

Weingarten. 240. 444.

Weissenau. 445.

Wessofontanum mon. 420.

Wettingen. 35.

Wiblinga. 205.

Zäringen. 391.

Zurzach. 11.

Zwifulda. 211.



ITER ALEMANNICUM.

Ecclēsiæ & reipublicæ causâ e monasteriis atque abditissimis eremis egressos viros religiosos, remotissimas etiam regiones adiisse & peragrasse, exempla honestissima, piissimaque omnis ætatis demonstrant: quibus recensendis haud immorandum duxi. Quum igitur & ego animum adii- cerem ad veterem *Alemanniae*, seu primariae in *Germania* nostra prouinciæ, quæ CHRISTO nomen dederit, edendam *Liturgiam*, quam solam adhuc post vulgatas *Italiae*, *Galliae*, & *Hispaniae* liturgias desiderant catholicae *Europæ* nationes; necesse omnino habui, istam obire prouinciam, & quæ hinc inde latebant, huiusce *Liturgiæ* monumenta eruerem, & Ecclesiæ, patriæque bono publici iuris facerem. Eo in itinere, quæ alia etiam occurrerunt memorabilia, quum in aduersariis meis collegissem, auctores mihi fuerunt tum amici, tum illi etiam, quibus ad præstandam obedientiam voti religione obstringebar; vt publicam in lucem emittam. Quod *Mart. Gerbert. Iter Aleman.* A hic

2 ALEMANNIAE LIMITES

hic habes , lector ! quaecumque illud demum ,
ex rerum , quae sese obtulerunt , momentis pen-
sandum.

Alemanniae limites medio aeuo in Heluetia.

Sexto *Iunii* anni MDCCLX. peractis solemni-
bus redemptionis sanctificationisque nostrae
festis ex asceterio nostro *S. Blasii* digressi , eo-
dem *Gurtwilae* pernoctauimus. Locus hic pro-
pe vetus castrum *Guttenburg* situs est, haud pro-
cul a torrente *Wutach* , quem inter ac *Rhenum*
GOLDASTVS a) pagum *Cleggome* determinat. A-
liis etiam torrens ille *Limes Alpegoniae* superio-
ris & *Cleggoniae* fuisse videtur.

Altero mane per oppidum *Thiengen* iter in-
stituimus , veterem scilicet arcem comitum de
Sulz, qui post comites *Habsburgicos Cleggoniae*
domini erant. Inde per villam *Lauchingen* pro-
fecti , quae apud P. HERRGOTT b) in charta an-
ni DCCCXLIV. *Louchiringa* dicitur , scapha
Rhenum apud *Kaselburg* in *Heluetiam* traieci-
mus.

Videri equidem poteramus contrarium sco-
po nostro incedere viam ad peragrandam *Ale-
manniam* , quum iter versus eam plagam , pa-
gum nimirum *Argoniae* , direximus , quae ad ve-
terem

a) *Rer. Aleman.* T. I. p. 252.

b) *Geneal. Diplom, Habsb.* T. II. n. 49.

terem *Burgundiam* pertinuit, *Trans-Iuranam* scilicet, seu minorem. Loquimur autem hic de nomine ac statu *Alemanniae*, quando res christiana medio aevo in ea effloruit, ac *Alemannia* singularis adhuc *Germaniae* prouincia habebatur; non vero, prout hoc nomine apud *Gallos* tota *Germania* seu *Teutonia* venit. „Qui-
 „dam totam *teutonicam* terram (inquit OTTO
 „*Frising.* a) apud VRSTISIVM b) *Alemanniam* di-
 „ctam putant, omnesque *Teutonicos Alemannos*
 „vocare solent: quum illa tantum prouincia,
 „id est, *Sueuia* a *Lemano* fluuio vocetur *Ale-*
 „*mannia*, populique eam inhabitantes solum-
 „modo vocentur *Alemanni*.“ *Lemanus*, a quo
 OTTO *Frising.* hoc loco *Alemanniam* dictam
 vult, iuxta *AENEAM SYLVIVM*: c) „*Heluetiae* est
 „fluuius, quem *Limatum*, seu *Limagum*, *Lima-*
 „*gam*, *Lindemagum*, *Limacum* dicimus, qui e
 „lacu *Turiceno* manans per ipsam *Turicensium*
 „urbem primo, deinceps vero *Zurichouiam* in-
 „terluit.“ Nihil eos moramur, qui per *Lema-*
num hic lacum *Turicenum* intelligunt, quum
 omnes, quotquot hinc *Alemanniae* nomen, etsi
 falso, deriuant, fluuium illum esse testentur:
 veluti iam Sec. V. *Seruius* HONORATVS in no-
 tis ad *Georgica* VIRGILII, & Sec. VII. ISIDO-

RVS

a) De gestis FRID. I. Imp. L. I. cap. 8.

b) *Germ. Historico.* illustr. pag. 412.c) In descript. *Germ.* cap. 2.

4 ALEMANNIAE LIMITES

RVs *Hispalensis lib. IX. Orig.* Hoc qui non attenderunt, nimis amplificarunt veteris *Alemanniae* limites.

Recte autem P. Marquardus HERRGOTT a) obseruat, certos *Burgundiae Trans-Iuranae*, vti & veteris *Alemanniae* fines ac terminos constitutere, qui toti illi aeuo, quod medium dicimus, vniuersim congruant, ac instar regulae deferuire possint, rem factu esse non modo perdifficilem, sed pene impossibilem. Citat ibi instrumentum RVDOLPHI Viri nobilis de *Keyserstubl, Wettin-genfi* monasterio datum VIII. Kal. Dec. MCCLV. quo eidem duo arua (vulgo *Hoffsette*) vnum videlicet in ducatu vel districtu *Sueviae, Mure* dictum, prope oppidum *Owe* ad ripam *Rheni*; alterum in prouincia *Burgundiae* in villa, quae dicitur *Glattefelt*, situm dono dedit. *Owe* enim oppidum, quod hodie *Eglisau* nominatur, teste etiam *Aegidio* TSCHUDY in epistola ad Nicolaum BRIEFFERUM, quae in MS. codice *San-Blasiano* habetur, ad *Cleggouiae* pagum ac ducatum *Sueviae* veterisque *Alemanniae* attinebat: *Glattefelt* vero oppidum, quod in districtu *Burgundiae* esse scribitur, in pago *Turchgouiae* situm est. Ex quo quidem constat, *Burgundiam Trans-Iuranam* se non intra solos *Argouiae* terminos orien-

a) Proleg. VII. p. LIV. Geneal. diplom. Aug. Gent. *Habsburg.*

orientem versus continuisse, sed & partem pagi *Turicensis* attigisse, quin & ipsam urbem *Turegum* regno *Burgundiae* adnumeratam fuisse. *Otto Frisingensis*, a) tamen, pacem *FRIDERICVM*, ducem *Sueviae* inter, & *BERTHOLDVM Zaringensem* pactam commemorans, eius hanc fuisse conditionem narrat, „vt *BERTHOLDVS* ducatum „exfestucaret, sic tamen, quod *Turegum*, nobilissimum *Sueviae* oppidum, a manu imperatoris ei tenendum remaneret.“ Iam *LYDOVICVS Germanicus* in diplom. an. DCCCLX. vt ex *HARTMANNO*. b) constat, curtim *Turegum* in ducatu *Alemanniae* collocat, facta nimirum tunc regni *Francici* diuisione, vti deinceps obtinuit: cui successu temporum etiam *Burgundia* accessit, sese orientem versus in *Heluetiam* protendens. Quin tamen dici possit, quod *Cocceivs* in *Iurispubl. prudent.* c) contendit, vti *Sabaudiam*, ita & *Heluetiam* vsque ad pacem *Osna-brugensem*, non alio, quam regni *Burgundici* iure *Germaniae* membrum extitisse; est enim distinctio attendenda *Alemanniae Trans-Rhenanae* a *Burgundia Trans-Iurana*. Ostendit quidem in *Genealogia diplomatica* P. *HERRGOTT*, quod, etsi *Burgundiae Trans-Iuranae* prouincia, extinctis *Burgundionum* regibus, *Germaniae* denuo

ac-

a) De gestis *FRID.* L. I. c. 8.

b) *Annal. Einsidl.* p. 15.

c) *Cap. V. Sect. II. n. 26.*

6 ALEMANNIAE LIMITES

accefferit, eius tamen proceres *Alemanniae* ducibus subiecti haud fuerint : id quod ex diplomatibus & chartis obseruat , dum illa monumenta, quae in *Alemanniae* ducatu condita sunt, *Alemanniae* ducis passim meminerunt; quae vero in *Burgundia* exarata , vix vllam de duce istius prouinciae mentionem faciunt. Sed non tacet *Trans-Rhenanam Alemanniae* in *Heluetia* partem.

„ Etenim (verba HERRGOTTI nostri recito) vbi
 „ a *Rom.* regibus ac imperatoribus coenobiis
 „ illis, quae in pagis ducatus *Alemanniae* subie-
 „ ctis sita erant, diplomata, tuitiones ac pan-
 „ chartae concedebantur, id plerumque inter-
 „ uentu ducis *Alemanniae* factum memoratur, vt
 „ nemo non obseruat in diplomatibus , quae
 „ abbatiis *San-Gallensi*, *Einsidlensi*, *Rhinaugiensi*, a-
 „ liisque per *Alemanniam* concessa sunt. Pagen-
 „ ses quoque chartae, quibus fundi iacentes in
 „ pagis *Turgowe* , *Brisgowe* , vel *Rhaetia* eccle-
 „ siis tradebantur, in fine praeter comitem pagi,
 „ mentionem quoque ducis *Alemanniae* frequen-
 „ ter ingerunt.“ Pluribus hoc monumentis
 declarat, nec alia de caussa id factitatum existi-
 mat, quam quod pagi illi priores, & quae com-
 plectebantur monasteria, iurisdictioni ducis *Ale-
 manniae* obnoxia erant : pagi vero *Burgundiae*
 placitis illius ducis non obtemperabant. „ Non
 „ nos moueat (pergit) quod in charta traditio-
 „ nis honorum in *Zurachgouue* anni CMLXXV.

„26. Decemb. OTTO dux *Alemanniae*, & MA-
 „NAGOLDVS comes ad calcem chartae legantur;
 „pagum vero *Zurechgouue* secundum chartam
 „anni MCXXV. 28. Decemb. ad *Burgundiam*
 „spectasse constet. Nam hoc posterius fumen-
 „dum est solummodo de parte *Zurchgouiae*. Ta-
 „ceo, quod inter diem promulgati instrumen-
 „ti an. CMLXXV. illudque aliud an. MCXXV.
 „sesqui seculum intercurrat, quo temporis in-
 „teruallo fines prouinciae vtique dilatari pote-
 „rant.“ Equidem in fixis regionum terminis
 non attenduntur eiusmodi regiminis reuolutio-
 nes: nihilominus tamen ab eo saltem tempo-
 re, quo pulsus *Romanis Franci* cum *Aleman-*
nia etiam *Heluetiam* occuparunt, licet inter
 fratres *LOTHARIVM*, *LVDOVICVM Germanicum*,
 & *CAROLVM Caluum*, apud *Viridonum* anno
 DCCCXLIII. regni diuisio facta sit, haec *Bur-*
gundiae pars a temporibus pacti *Virodunensis*
 semper stetit sub tutela & imperio regum ac
 imperatorum *Germanicorum*, vt a *CONRIN-*
GIO, *SCHVRZFLEISCHIO*, & *MASCOVIO*, quos
 citat P. *HERRGOTT*, satis superque demonstra-
 tum habemus. Idem postea refert monumen-
 tum datum an. aerae Christ. DCCCLXVII. 17.
Aug. id est XXI. annis ante erectionem regni
Burgundiae Trans-Iuranae, quo *LVDOVICVS* rex
 orientalis *Franciae*, ob interuentum *ODOLRICI*
 comitis, & *HILTIBOLDI* missi regii, quibusdam

8 ALEMANNIAE LIMITES

minibus de *Argengeme* diploma concessit, per quod illis elargitus est plenam legem, quae vulgo dicitur BAATH, sicut caeteri Alemanni habent. Ex quo liquet, ut concludit HERRGOTTVS, pagum *Argouiae* ante iacta memorati regni fundamenta ad *Alemanniam* spectasse, legibusque ac priuilegiis *Alemannorum* gauisos esse illius pagi incolas. Rem adhuc firmiter probat Tom. III. P. I. *Monumentorum Augustae Domus Austriacae*, a) imprimis ex OTTONIS de S. Blasio, qui inter alias ADALBERTI, seu ALBERTI III. cognomento diuitis, proauis RUDOLFI I. in *Alemannia* ditiones, etiam comitatum *Lenzburgicum* in *Argouia* situm recenset, aliaque monumenta affert mediæ æui, in quibus illae partes *Sueuiæ* seu *Alemanniæ* accensentur. Quin imo ex Ioanne VITODVRANO *Bernam* urbem usque fines *Alemanniæ* protendit, prout haec a *Gallia* determinatur.

Nobis vero eousque exspatiandum non est, qui fines *Alemanniæ* legimus, prout medio æuo *Burgundiam Trans-Iuranam* terminum habuit. Refert laudatus HERRGOTTVS monumentum LVPOLDI, ducis *Austriæ*, anno MCCCLXXV. quo *Argouia* a *Sueuia* seculo adhuc XIV. vergente distincta fuisse demonstratur; quamquam tunc absorptum adhuc fuerit *Heluetiæ* nomen,

con-

a) Proleg. III. fol. LVIII.

coniuncto *Cis- & Trans-Iurano Alemanniae* dominio vnacum *Burgundico Trans-Iurano*, sola subsistente inter pagos seu comitatus nominis distinctione.

Limagus fluuius *Argouiam* a *Turgouia* seiungit, quae *Rbeno* propius iuncta constanter *Alemanniae* accensetur, veluti etiam *Zurigouia*, atque adeo comitatus *Badensis* ex sententia *GOLDASTI*, *BEBELII*, *GASSERI*, *STVMPFII* & aliorum; ex antiquioribus etiam *Walafridi STRABONIS* de termino *Alemanniae*, quae *Burgundiae* fuit confinis. Errat vero idem *WALAFRIDVS* cum aliis tam antiquis *EKKEHARDO*, *HEPPIDANNO* & *NOTKERO*, quam recentioribus nonnullis *Ararim* cum *Arola* confundens, prout etiam nuperrime abbas *CALMET* in itinere suo per *Heluetiam*, cuius partem alluit *Arola*, secumque in *Rhenum* defert *Limacum* fluvium limitem *Argouiae*, quae *Burgundiae*, *Turgouia* vero *Alemanniae* medio aevo accensita fuit cum parte saltem *Zurigouiae*: licet antea *Romanis* paruerint pagi hi, atque ad *Heluetiam* pertinerint cum parte *Rhaetiae*, cui ad meridiem coniungitur *Alemannia*, sicut ad occidentem *Burgundiae*, ad septentrionem *Thuringiae* & *Franciae*, ad orientem *Boiariae*. Ita fere iam medio sec. VI. *IORNANDES*: a) „Regio illa(in-

A 5

„quit)

a) De rebus Geticis. c. 55.

IO ALEMANNIAE LIMITES

„quit) *Sueuorum* ab oriente *Baioboros* habet,
„ab occidente *Francos*, a meridie *Burgundio-*
„*nes*, a septentrione *Thuringos*.“

Patet hinc, quum iter meum *Alemannicum* praecipue instituerem ad facienda collectanea pro *Liturgia Alemannica* ex monumentis medii aevi, non potuisse me praecise continere intra fines *Alemanniae*, prout hodie *Sueuiam*, aut olim sub *Romana* republica (*Burgundis* a VALENTINIANO I. inuitatis, vt communibus armis crescentem *Alemannorum* potentiam infringere) *Rhenum* terminum habet: sed prout medio aevo ultra *Rhenum* sese protendebat in hanc exiguam *Helvetiae* partem.

Interim, dum haec scripsi, incidi in *Alsatiam* Clar. Dan. SCHOEFFLINI, opus omnigena eruditione refertum, & quod prius suspicabar, reperisse me vehementer sum gauisus. Testatur HIERONYMVS in *Chron.* *Burgundiones* partem *Galliae Rheni* propinquantem tenuisse; quod *Tiro* PROSPER iisdem verbis asserit, & CASSIODORVS eos partem *Galliae Rheni* coniunctam tenuisse scribit. Receptam de *Alemannis* & *Burgundionibus Helveticis* opinionem sequutus primo SCHOEFFLINUS, vbi de *Rauracis* egit, HIERONYMI, PROSPERI ac CASSIODORI loca ad illam hypothesein explicauit. Postea vero, a) re
pro-

profundius examinata, mutauit sententiam, atque *Burgundionibus*, rem ipsius verbis expono, non modo *Cis-Vrsanam*, quae & *Burgundia Trans-Iurana* vocatur, quamque *Burgundionibus* nemo abiudicat, sed & *Trans-Vrsanam*, quae haecenus constanter fuit *Alemannis* adscripta, vindicauit seculo saltem adhuc quinto, ita vt seculi VI. temporibus (quibus *Alemannia* atque *Burgundia Francis* paruerunt) *Helvetiae* pars illa, quae inter *Rhenum* & *Vrsam* *Alemanniae* contigua est, ad *Alemannicum* ducatum fuerit relata, altera parte inter *Vrsam* & *Iuram* montem *Burgundiae* accensita. Qua in hypothesis genuinus atque natiuus HIERONYMI, PROSPERI & CASSIODORI verborum sensus seruatur, qui *Burgundiones* partem *Galliae Rheno* propinquam & coniunctam tenuisse scribunt. Contraria certe argumenta, quae VALESIVS protulit, atque totam *Heluetiam* iam seculo V. *Alemanniae* adscripsit, de statu *Alemanniae* medio demum aevo loquuntur; de quo nullum relinquitur dubium. Ego vero antiqua medii huius potissimum acui monumenta inuestigaturus necessarium duxi, traiecto *Rheno* hanc veteris *Alemanniae* percurrere partem.

Zurzach.

Ad litus *Rheni* primum se nobis vicus *Zurzach* obtulit, quem a CERTO ex familia
Vol-

Voltiniana veterano milite, vt vetus inscriptio lapidis sepulchralis muro ecclesiae collegialis inferti docet, *Certiaceum*, inde *Zerzach*, *Zurzach* dictum volunt. Nos saltem inscriptionem illam, prout integra apud MVRATORIUM a) legitur, adponimus.

M. IVNIO. M. F. VOLT. CERTO.

DOMO. VIEN. VETERAN.

MIL. LEG. XIII. GEMINAE.

CERTVS. ET. AMINANTHVS.

PII. HAEREDES. FECER.

Alii malunt a *Celtico* deriuare, veluti etiam sunt qui *Zurich* a *Zur ach*, ceu rupes ad aquas (quomodo a multis notatum, *Tyrum* a צור *Zor*, *rupes*, nomen habere) seu hic lingua *Celtica* vel *Germanica* urbem aquae adhaerentem haud leuiter coniectant. P. *Rusteno* HEER, sodali meo, haud procul inde *Clingnouii* nato, in mentem venit, nomen obuénisse ex *Surb* & *Ach*, mutata priori litera in *Z*; quod saltem exemplis non caret. *Surb* torrens est, mediam fere *Zurichoniam* secans, & in villa *Detingen* supra *Clingnouium* in *Arolam* se praecipitans, a quo non modo *Zurzachium*, sed & ipsum pagum *Zurichgau* nomen accepisse suspicatur: sicut ab amne seu riuo *Thur* *Thurgouia*, ab *Arola* *Argouia* seu

Er-

a) Tom. IV. Inscript. in append. post praefat. p. 6. n. 9.

Ergouia, multique *Germaniae* pagi, quorum nomina ab vrbibus & villis deducere solent eruditi, ab omnibus & riuis denominandi videntur. *Zurzachium* etiam ad aquas duras vocatum GUILLIMANNUS a) ex antiquo martyrologio probat, vbi S. VERENA V. & M. apud aquas duras deposita memoratur: cuius honori olim monachi S. BENEDICTI, nunc Canonico- rum insigne collegium inseruit.

Certiaceum vero a milite veterano, qui ibi diem obierit, aut urbem murosque restituerit, dictum friuolum putant. a) Nisi familiae forte ratio habenda sit, de qua incertum tamen est, patricia fuerit vel plebeia; celebratur nihilominus veterum testimoniis ac nummis. Munitionem autem ac milites hic loci fuisse alii superstitites

a) De Rep. *Helvet.* lib. I. cap. IV.

b) Illustr. *Loyfus de BÉCHAT* *Memoires critiques sur l'histoire ancienne de la Suisse*, *Tom. II. Mem. V. pag. 381.* hanc appellationis formationem a milite veterano CERTO iure merito explodit, dicens: „Ce seroit donc
„ner aux villes un grand-nombre des fondateurs ou
„des restaurateurs, que de décerner ce titre à tous
„les personnages dont on trouvera le nom sur quel-
„que Inscription déterrée dans l'endroit même. Il y
„a bien peu d'apparence, qu'un simple Veteran, sans
„autre titre ni emploi, eût fait les frais du rétablisse-
„ment, quel qu'il fût, d'un Bourg détruit. Ce-
„pendant on n'a pas balancé à donner en Latin à
„*Zurzach* le nom de ce Soldat.“ Accedit, quod haec appellatio *Certiaci* neque in antiquis monumentis aut chartis medii aevi usquam occurrat.

perstites lapides duo indicant, ambo militum legionis XI. STVMPFIVS in chronico urbem hic sitam, tempore DIOCLETIANI ab *Alemannis* dirutam, a CERTO restitutam esse coniicit, veluti ab *Aurelio PROCVLO* muri *Vitodurenses* in antiquo lapide restaurati leguntur. Cernuntur adhuc rudera duorum pontium ad ripam *Rheni*, nuperque instrumentum ferreum oblongum inferius cuspidatum effossum est, illis haud ab simile, quorum etiamnum vsus est ad fundamenta pontium firmanda. At verisimilius est, illa ex posteriore aetate esse, qua imperio *Romano* corridente, *Francis*, ac postea augustae genti *Habsburgicae* vtraque *Rheni* ripa patuit, paruitque. STVMPFIVS vetus castrum adhuc *Romani* operis esse vult, iisque accedit, qui *forum Tiberii* hic fuisse putant pro militibus, quos is ac *DRVSVS* contra *Rhaetos & Vindelicos* viuentem adhuc *AVGVSTO* vitrico duxerit, hic autem locorum commeatus pro quotidiano nummo venumierit, atque hinc etiam taxillos esse volunt, qui non raro hic effodiuntur. *Forum Tiberii* TACITVS a) memorat, quod *PTOLEMAEVS* ponit in tertia *Europae* tabula; locus autem tam diuerse assignatus difficulter in individuo definiri potest. „Plerique existimant (ait *Iosias* „ *SIMLERVS*, b) hoc esse *forum Tiberii*, cuius „PTO-

a) Lib. IV. Hist. c. 61. & 70.

b) De *Helvetiorum* Rep. lib. II.

„PTOLEMAEVS meminit, & ideo nundinas has „antiquissimas esse, & ab ipso TIBERIO institu- „tas.“ Vulgo quidem haec appellatio ad op- pidum *Keyserstubl* referri solet; sed non sine manifesto errore. GLAREANVS primum germanicam hanc appellationem *Keyserstubl* latine reddidit per *solium, tribunal, praetorium Caesaris*, quum ante GLAREANVM non sub alio, quam teutonico nomine vsquam in antiquis diploma- tibus occurrat. Est autem error inde natus, quod *forum* de loco iudicii, seu tribunali acce- perint; quum tamen illud vocabulum de foro rerum venalium sit accipiendum, vt id pluribus docuit Illustr. MASSEIUS a) quod vnice in *Zur- zachium* conuenit. *Constantienses* ad lacum *A- cronianum*, suas has nundinas esse contendunt, aliquando bona fortuna restituendas, vtpote ad tempus tantum huc translatas. Vernacula lin- gua dici solent *Messe*, a *Missä* haud dubie in festo S. VERENAE, prout & aliae nundinae ab e- iusmodi *Missis* five *festis Messe* nuncupari solent. Aguntur nunc bis per annum, nec vnus diei tantum sunt, vt STUMPFIVS, SIMLERVS, & CAL- METVS volunt inde, quod principalior vna sit dies feria II. post *Pentecosten*, & prima *Septembris* S. VERENAE tutelari sacra. Vulgaris est tradi- tio, sanctam hanc virginem iam ineunte seculo tertio hic sacerdotem sacris operam dantem of- fendisse,

a) *Veron. illustrata*, lib. IV. p. 141.

fendisse, quum antea prope *Soloderum* deprehensa coram praefecto palam confessionem christianae fidei fecisset. Atque hinc vt martyr colitur, licet ob beneficium sanitatis praefecto collatum dimissa, *Zurzachii* demum placide obdormierit in cella, qua sese concluderat, ibique sepulta: vbi postea miraculis inclarescentibus ecclesia exstructa est, hodieque locus hic sepulchri concursu populorum deuotionis causa inuisitur. Cuncta tamen, quae de S. VERENA dicuntur, prorsus incerta atque perplexa videntur *Bollandianis* Scriptoribus ad diem 1. Septembris.

Vindonissa.

Nos *Zurzachii* celebrato sacro, quum nihil amplius ex supellectili litteraria veteri reperi-remus, discessimus, locum adituri celeberrimae olim vrbis *Vindonissae*, quae se a *Kisnac* ultra spatium *Leuca*e protendisse dicitur, in confluentia fluviorum *Rusae*, seu *Vrsae*, & *Arolae*, cui sese mox *Limacus* insinuat: quem transfretantibus nobis, primo occurrit *Gabinii villa*, vulgo *Gebisdorff*, quam a GABINIO, tempore *Romanorum*, quum adhuc *Vindonissa* floureret, exstructam tradunt. Fuit istic verissimiliter bustum: quippe multae urnae sepulchrales effodiuntur, ex quibus vna est cum epitaphio, illaque in bibliothecam *Zofingensem* reposita,

hoc

hoc aedium parochialium muro inditum est. Ostendit mihi pastor illius loci gemmas figuratas, hic locorum nuper erutas, prouti non raro contingit, vt nummi & alia vetera monumenta effodiantur; deduxit me etiam ad duas inscriptiones *Romanas*, quarum vna in aedibus suis, altera in ecclesiae pariete conspicua legionem XI. & XXI. indicant: quum teste TACITO a) *Romani* contra *Alemannos* pugnantes hiberna ad *Vindonissam* habuerint. Lapis litteratus ad aedem sacram zu *Gebisdorff*, qui locus in antiquis etiam diplomatibus *Gabinii vicus* dicitur, hodie adhuc visitur. Referunt eum GVILLIMANNVS in *Habsburg*. exque eo PLANTINVS: optime tamen GRVTERVS in *Thef. Inscript. pag. DLI. 10.* quem STVCKIO acceptum refert. Is ita habet:

M. MAGIVS. M. F. POB. MAC.
CAIVS. VERONA. MIL. LEG. XI. G. P. F.
MARCI. MODESTI. ANNO. XXXIII.
EX. TESTAMENTO. H. F. C
L. ENNIVS. SECVNDVS.
Q. ROMANVS. VERECVNDVS.
H. S. E.

Exstat inscriptio ista hodie adhuc, sed litterarum ductibus a male feriato quodam atque cer-
rito

a) Lib. XX. Annal.

rito homuncione misere deturpatis & corruptis, atro insuper liquore inductis. Ea vero hodierna eius facies est:

M. MALIVS. MI. OB. MAL.
C. AVS. VERONA. MIL. LEG. XI. C. P. F.
MARCI. &c. reliqua conueniunt.

Dignum vero notatu est, quod BREITINGERVS ex DIONE inuicte demonstratum iuit; legionem XI. ad SEVERI vsque tempora *Geminae* epithetho insignitam non fuisse, sed *Claudiam* nuncupatam: adeoque in omnibus illis inscriptionibus, in quas G per errorem irrepsit, C esse restituendum. Lapis litteratus inter arcis *Altenburgi* prope *Vindonissam* reliquias cernitur ita inscriptus:

L. VECNATIO.
POL. MAXIMO. DO.
FOR. COR. MIL. LEG.
XI. C. P. F. CVSORIVS:
ANN. XLVIII. STIP. XX.
H. S. E.
G. ROSCIVS. OMPHA.
LVS. HER. FAC. CVR.

Hunc vero titulum TSCHVDIVS in opere MS. *Antiqq. Helvet. pag. 106.* hunc in modum exponit: *Lucio Vecnatio e Pollia tribu, Maximo, Domo, Foro Cornelii, Militi Legionis XI.*

Ge-

Geminae. Piae. Fidelis. Gusonio (ita enim legit) *annorum XLVIII. stipendiorum XX. Hoc signum erectum. Gaius. Roscius. Omphalus. Heres. faciundum. curavit. Illustr. Loysius de BOCHAT* legit : *Gusorius Hic Situs Est. Sed perperam, contra omnem stili epigraphici syntaxin & analogiam : quae ita restituenda videtur: MILiti. LEGionis. XI. Claudiae. Piae. Fidelis.*

ANNORum XLVIII. STIPendiorum. XX.

C. VSORIVS. Hoc. Signum. Erexit.

C. ROSCIVS. OMPHALVS. HERes.

FACiundum. CVRavit.

Est & alius titulus sepulchralis *Vindonissae* repertus , qui ita habet :

L. TITENNIVS. L. F.

LEMONIA. VIC.

TROINVS. BON.

MIL. LEG. XI. C. P. F.

VALERIANA.

ANNOR. XXV.

STIPENDIOR. LVI.

H. T. F. C.

In muro aedium pastoris *Gabiniovicensis* inscriptio conspicitur :

- - M. CLAVDIO. HMNO. *hymno.*

MEDICO. LEGionis XXI.

CLAVDIAE. QUIETAE. EIVS.

ATTICVS. PATRONVS.

EX TACITO a) haec habemus : „Atque interim „vna & vicesima legio *Vindonissa* ; *Sextilius* „FELIX cum auxiliariis cohortibus per *Rhaetiam* irrupere.

Nauigio *Vrsam* , seu *Rusam* transeuntibus occurrit in littore hospitium , cum paucis aedibus rusticorum paullulum per declium montis ascendentibus , quae retinuerunt nomen *Vindonissae* , nostra dialecto *Windisch* : quae etsi ab *Alemannis* tempore imperii *Romani* diruta, adhuc tamen christiano etiam nomine , sedeque episcopali claruit. Ecclesiam parochialem , cuius muro ex Gentilismi rudibus *Mercurii* statua , nec non *Castoris* & *Pollucis* inhaeret , ab *VRsINO Constantiensi* episcopo, *MAXIMI* successore , & *DIETBALDO* opera *LINCVLFI* extructam esse, lapis exteriori parti parietis infixus prodit :

I N O N O R E S C I
M A R T I N I E C P I
V R S I N O S E B
E S C V B V S I T D E
T I B A L D V S † L I N
C V L F V S F I C I T.

Id

a) Lib. IV. Hist. 70. Tom. III. edit. Venet. a. 1708.
pag. 762.

Id est : *In honore Sancti Martini Episcopi Vrsinus Episcopus & Detibaldus construxerunt, Linculphus fecit.*

Vindonissam regno *Burgundiae* iam ineunte Sec. VI. accensitam fuisse palam est ex subscriptione *BUBULCI* episcopi in Syn. *Epoanensi* his verbis : a) *Bubulcus in Christi nomine episcopus ciuitatis Vindonissae relegi & subscripsi die & consule suprascripto* : id est, die 17. Kal. mensis octauis *AGAPITO* viro clarissimo consule. Quod claret ex subscriptione *AVITI Viennensis*, qui concilio praefuit, habeturque eius epistola tractoria generalis ad episcopos prouinciae *Viennensis*, vt ad synodum veniant. Quamuis autem *Vindonissa* ad prouinciam *Sequanorum*, cuius metropolis est *Vesontium*, pertinuerit, veluti etiam in libello prouinciarum *Gallicarum* castrum *Vindonissae* mentio in prouincia maxima *Sequanorum* fit; *SIGISMVNDI* tamen *Burgundionum* tunc regis eousque se protendebat regnum. Hic erat *GVNDEBALDI* filius, qui, quum opera *S. AVITI* episcopi *Viennensis* ex *Ariana* perfidia ad catholicam religionem accessisset, nihil antiquius habuit, quam vt ditionem sibi subiectam ab *Arianorum* haeresi repurgaret, collapsamque ecclesiasticam disciplinam restitueret. Quum vero primum circa an. 516. patri

B 3

in

a) T. IV. Conc. ed. Labb. f. 1582.

in regno succederit, non potuit circa an. 509. celebrari concilium *Epaonense*, vt visum est CALMETO in itinere *Heluet*. congruitque annus 517. cum consulatu AGAPITI. Capto postea SIGISMUNDO, atque *Aureliae* in puteo cum vxore & liberis suffocato a CLODOMIRO, qui CLODOVAEO M. patri in regno *Aurelian*. succellit, atque etiam *Burgundicum* occupauit; patet, cur conciliis *Aurelianensibus* IV. & V. subscripserit GRAMMATICUS episcopus *Vindoniensis* seu *Vindonensis*, vt se ipsum nominat. a) *Grammaticus episcopus ciuitatis Vindonensis consensi & subscripsi*. Item: b) *In Christi nomine Grammaticus episcopus ecclesiae Vindonensis subscripsi* Concilii prioris tempus notatum indictione IV. BASILIO consule congruit anno 541. ante autumnum, quum quarta indictio finem habitura esset mense *Septembri*, & quintae futurum initium. In posteriori primus, qui subscripsit, episcopus *Lugdunensis* notauit sub die V. Kal. *Novemb.* anno XXXVIII. regni domni nostri CHILDEBERTI regis, indictione XIII. quod congruit an. DXLIX.

Medio seculo sexto vergente a CHILDEBERTO II. postquam castrum *Vindonissense* euersum esset, sedes episcopalis *Constantiam* est translata, vt tamen in illius memoriam tribunal ecclesiasticum *Vindonissae* sit conseruatum, vt discimus

scimus ex scriptore actorum *Murensium* apud P. HERRGOTT: a) „Populus autem iste vadit „ad conditum episcopi, quo & caeteri eius „conuicanei vadunt, scilicet ad *Windefsch*, ibi- „que ecclesiasticum ius audiat, & iudicium „sustinebit, sicut constitutum est omni fan- „ctae ecclesiae.“ In diplomate FRIDERICI I. Rom. regis NOTGERVS decanus de *Vindonissa* subscripsit; at in altero monumento ad annum MCCXXXII. tantum PLEBANVS de *Vindisco* memoratur apud eundem P. HERRGOTT. b) Hic etiam in *Prolegom. IV.* cum GVILLIMANNO congregitur, quod, quum in origines Augustae familiae *Habsburgicae* curiosius inquireret, a *Vindonissensibus Romanorum* praefectis *Habsburgenses* nomen, dignitatem, ipsumque adeo comitatum adeptos adserat. *Vindonissam*, quae & *Altenburgum* postea vocata sit, *Romanorum* antiquitatibus percelebrem primo a legatis, mox a tribunis, postremo a comitibus administratam dicit GVILLIMANNVS; vnde infert, comitatum *Vindonissensem* atque *Altenburgensem* existisse: quumque castrum *Habsburg*, posteriore aevo exaedificatum, vicinum proximumque sit *Vindonissensi* castro, *Habsburgenses* ante ortum castri huius nominis *Vindonissenses* & *Altenbur-*

B 4

gicos

a) Geneal. diplom. T. I. pag. 323.

b) T. II. n. CCXCV.

gicos promiscue adpellat. In alia omnia it *HERRGOTTVS* noster. Negat itaque, *Habsburgensium* maiores vnquam *Vindonissae* comites adpellatos. „Quin (ait) incertum est, nulla-
 „que solida ratione haecenus probatum, *Vindo-*
 „*nissensem* comitatum in orbe terrarum vnquam
 „exstitisse. Tempore enim *Romanorum* legio-
 „nis praefectos, quae *Vindonissae* erat, comi-
 „tes iam esse dictos, mera coniectura est. Sub
 „regno deinde *Francorum* in chartis & diplo-
 „matibus comitum *Vindonissensium* memoria
 „nulla. Nullus *Germanorum* imperatorum de
 „comitatu *Vindonissensi* vel verbo quidem me-
 „minit &c. „Equidem nemo dixerit, nec
 ipse admittit *GVILLIMANNVS*, fuisse a principio
 perpetuas illas administrationes comitum, & in
 stirpem, seu haereditarias. Id postea demum
 instaurato imperio *Francico* & *Germanico* paul-
 latim ingruit, atque adhuc recentior vsus est, vt
 a castris comites nomen assumerent a *Sec.*
XII. circiter vel *XIII.* vt obseruat *P. HERR-*
GOTT, fundatoremque castri *Habsburg* ex
 litteris foundationis monasterii *Murensis* anno
MXXVII. datis ex ipso auctore palam facit
WERNHERVM Strasburgensem episcopum: Qua-
 liter ego *Wernherus Strasburgensis episcopus, &*
castri, quod dicitur Habesbur, fundator &c.

Nomen *Habsburg* varie in antiquis monu-
 mentis scriptum inuenitur, *Habesbur, Habes-*
burc,

burc, *Habechesburc*, variaque varii etyma huius nominis excogitarunt, quae singulari capite *VI. lib. I. de Genealogia diplom.* recensentur, vbi natiua praeterea primigenii huius castri *Habsburgici* delineatio, vt quatuor mundi plagas spectat, atque in praesens in *Argouia* exstat, totidem tabulis aeri curate incisa lectoris oculis exhibetur. Est & aliud huius nominis castrum ad lacum *Lucernensem* altero recentius. Quin alia etiam finguntur in *Brisgoia*, ac *Lotharingia*. Sed primigenium est in *Argouia*, nunc semidirutum in monte, ad quem arduus vndique est accessus, vnus horae spatio distans ab oppido *Brugg*, quod perspicuum nomen habet in nostra vernacula a ponte, quem inde a *Romanis* temporibus fuisse tradunt, vti etiam turrim ad vrbis ingressum, portam antiquae *Vindonissae*. In huius vrbis situ medio inter *Arolam* & *Rusam* eleuatiore loco monasterium *Königsfeld*, lat. *Campus regius*, est excitatum ab *ELISABETHA*, *ALBERTI* ducis *Austriae* & regis *Romanorum* vxore, quae primum ad monasterium istud lapidem posuisse dicitur, atque altare summum ecclesiae eo in loco poni curasse, vbi *ALBERTVS* ex equo delapsus animam exhalauit, lethali a *IOANNE* nepote accepto vulnere an. 1308. Proposuerat sibi imperatrix vnacum filia *AGNETE* vitam eo in monasterio ponere, sed quum praeuenta diem *Viennae* an. 1313.

obiisset, post tres annos illuc ad sepulturam translata est. Vbi AGNES deinceps vixit, cuius adhuc illuc aduentantibus domicilium minime superbum ostendunt; ibidemque an. 1364. sepulturam accepit, veluti etiam plures vtriusque sexus personae Augustae *Habsburgicae* domus, atque inter alios dux LEOPOLDVS post infaustam cladem in *Sempach* an. 1386. in crypta sepultus, quae media in ecclesia sita est; cuius hic breuem descriptionem ex *Monum. Austr. Tom. IV. P. I. cap. VI.* damus. Anno 1739. aperta est pro opere monumentorum *Austriacorum*, quod pluribus tomis post *Genealogiam Diplomaticam* edidit noster P. Marq. HERRGOTT, socio P. *Rusteno* HEER. Vtroque fati abrepto, quum nos manum huic operi absoluedo admoueremus, iterato hanc cryptam a. 1769. summa diligentia lustrauimus, ac plura deteximus, quam in prima inquisitione factum.

Vndecim in ea reperti sunt loculi, cum decem funeribus integris, quae hic ordine chronologico recensemus:

I. FUNUS ELISABETHAE reginae *Romanorum*, ALBERTI I. coniugis, an. 1313. demortuae, cum inscriptione:

ELIZABET. REGINA. ROMANORVM.

II. FUNUS cum inscriptione: LEOPOLDVS DVX AVSTRIAE; *Gloriosus* scilicet. a. 1326. mortuus.

III.

III. Loculus cum cadauere HENRICI *Austriæ* ducis cognomento *Placidi*, filii ALBERTI I. qui a. 1327. obiit, cum lamina inscripta:
HENRICVS. DVX. AVSTRIÆ.

IV. Loculus cum funere GVTTAE seu IVDITHAE filiae ALBERTI I. comitissæ de *Oettingen*, quæ a. 1329. defuncta est; cum inscriptione: GVOTA. COMITISSA. DE. OTINGEN. SOROR. DVCVM. ISTORVM. nempe HENRICI & LEOPOLDI.

V. Loculus cum funere CATHARINAE, viduæ LEOPOLDI I. ducis *Austriæ* a. 1336. demortuæ, ita notatus: KATHARINA. RELICTA. QVONDAM D. LEOPOLDI. DVCIS. AVSTRIÆ.

VI. Funus ELISABETHAE HENRICI *Placidi* viduæ, cum epithefi:

Anno. Dni. M. CCC. XLIII. Dna. ELIZABETH. RELICTA. QVONDAM. DNI. HENRICI. DVCIS AVSTRIÆ ET STIRIÆ.

VII. Sarcophagus cum funere CATHARINAE de *Cussino* siue *Cussiaco*, anno 1349. demortuæ; sine inscriptione.

VIII. Cista cum exuviis ELISABETHAE ducissæ *Lotharingiæ*, cuius inscriptio fere exesa ita restituenda videtur: *Anno M. CCC. LII.* ELIZABET obiit *Lotharingbiæ Ducissa festo POTENTIANAE Martiris*. Fuit autem hæc
ELI-

ELISABETHA filia ALBERTHI I. & vxor FRIDERICI IV. ducis *Lotharingiae*.

IX. Loculus cum cadauere AGNETIS reginae *Hungariae*, viduae ANDREAE III. & filiae ALBERTI I. mortuae an. 1364. sine inscriptione.

X. Sarcophagus cum exuviis LEOPOLDI *Probi* ducis *Austriae*, filii ALBERTI II. *Contracti*, qui prope *Sempachium* occubuit an. 1386. nulla hic habetur inscriptio: repertus tamen est cum eo capulus gladii.

XI. Paruus loculus, qui continebat exuias in cinerem nunc resolutas FRIDERICI filii FRIDERICI *Pulchri Romanorum* regis, ducis *Austriae*, qui praecoci morte circa a. 1322. sex circiter annos natus obiit. Lamina ita inscripta est: FRIDERICVS. FILIVS. *Friderici*. REGIS. *ROMANORVM*.

In choro templi, nunc profanati, duae olim tabulae e pariete erant suspensae, nunc humi stantes, quarum prima ALBERTI I. Imp. liberos superstites enumerat, atque haec est:

Anno domini M. CCC. VIII. in die Beatorum Apostolorum Philippi & Iacobi occisus est Serenissimus dominus Albertus Romanorum rex, filius Rudolphi regis Romanorum, a filio fratris sui Iohanne, loco ubi positum est maius Altare, qui videlicet dominus Albertus in ipso die occisionis reliquit decem liberos superstites, scilicet
Fri-

Fridericum nunc Romanorum regem, & illustres dominos Leopoldum, Albertum, Henricum, & Othonem duces Austriae, nec non & praeclaras dominas, dominam Agnetem reginam Ungariae: Elizabeth ducissam Lotharingiae: Annam ducissam Presslaviae, Guttam comitissam de Ottingen, & Catharinam ducissam Calabriae, pro cuius animae remedio inclita domina Elizabeth filia domini Mainhardi ducis Carinthiae relicta praefati domini Alberti regis vidua & Mater liberorum omnium ducum, de voluntate & adiutorio eorundem fundavit, construxit, & dotavit haec duo monasteria fratrum Minorum & Sororum S. Clarae cum choro & ecclesia, & aliis aedificiis uniuersis.

Altera funerum ibi conditorum nomina nonnulla exhibet, hoc modo:

Post tabulam continentem defunctos de dominio tam viros quam mulieres, qui sunt hic sepulti: ubi in primo locum habet serenissima domina Elizabeth relicta quondam diuae memoriae domini Alberti Romanorum regis cum subsequentibus in dicta tabula. a) Tunc vero sequitur haec tabula, quae continet defunctos de dominio postea hic sepultos in dicta tabula, cum annis domini & diebus, quibus ex hoc seculo migrauerunt ad Dominum.

Domina

a) Tabula tamen hic citata haud amplius reperitur.

Domina Katharina conthoralis domini de Cusino filia domini Leopoldi ducis Austriae anno Domini M.CCC.XLIX. in vigilia S. Michaelis: domina Elizabeth quondam ducissa Lotharingiae filia incliti principis domini Alberti regis Romanorum anno Dni M.CCC.LII. in die S. Potenciae V. Item serenissimi domini Leopoldi filii domini Alberti ducis Austriae, qui prope Sempach in conflictu interiit anno Do. M. CCC. LXXXVI. IX. die Iulii, hic sepulti.

In templi medio supra solum erectum est monumentum ex albo nigroque marmore constructum, in cuius vertice per circuitum germanica haec inscriptio litteris aureis expressa continetur:

In disem Grab ligend von Vnserer Hochgebornen Herrschafft von Ostereich die Edlen Frauen und Herren, die hienach geschriben stand. Zum ersten Fro ELIZABETHA, geborn von Kerntzen König ALBRECHTS von Rome gemabel, der auf der hoffstat verlohrt sein leben. Demnach F. AGNES Iro tochter wylund Künigen ze Vngern. Ferner auch unser genediger Herr Hertzog LÜPOLD der ze Sembach verlor 1386. Hertzog LÜPOLD der alt und Fro CATHARINA sein gemabel geborne von Sauoy und Fro CATHARINA iro tochter Hertzogin von Cüssin. Hertzog HEINRICH und Fro ELIZABETH sein gemabel geborne von Virnburg. Hertzog FRIDERICH König FRIDE-

RICH

RICH *Son von Rome.* Fro ELIZABETH *Hertzogin von Lothringen.* Fro GUTTA *Gräuin von Ottingen deren gedenecken thuen* CH (quas siglas quidam pro *chronica* interpretantur) *Ward erneuert* 1600.

Atque haec de crypta *Koenigsfeldensi Habsburgica* ex *Taphographia principum Austriae*, ubi cuncta prolixius describuntur, paucis adiungere visum est, vel ideo etiam, quod in eo iam sit, ut pretiosa haec *Augustae Habsburgicae* Domus funera, si fata permiserint, in novum D. *Blasii* nostri chorum e fundamentis iam iam exurgentem inferenda, atque in speciali mausolaeo reponenda speremus.

In fenestris ecclesiae singulares historiae ELIZABETHAE, aliarumque personarum Domus *Habsburgicae* insigni opere depictae cernuntur; atque omnia hic augustum nomen *Habsburgicum* spirant. Nec dubium est, quin sit eius primigenium hoc haeredium *Vindonissae*, forte quum primum haereditaria esse ceperunt regalia eiusmodi *Romano* imperio collapsio, sub quo inter praecipuas vrbes fuit in ANTONINI augusti itinerario designata, a qua per *Augustam Rauracorum*, ac *Argentoratum* ad *Treuiros* iter erat. Rudera adhuc theatri ostenduntur, ac varia monumenta eruuntur, urnae sepulchrales, lapides, gemmae figuratae, nummi; qualis nuper inuentus

tus est aureus PHILIPPI *Macedonis*, qui nostrum nunc ornat *San-Blasianum numophylacium*; ac nuperrime cum imagine *Sphingis* gemma, quae etiam figura in vetustissimo lapide turris ad ingressum oppidi *Brugg* conspicua est.

Baden.

Non procul ab his veteris *Vindonissae* terminis abest *Bada* oppidum ad *Limacum* fluvium, a taxillis, qui ibidem inveniuntur in prato, quod ideo *Würffel*- seu *Spiel-Wiese* nominant, & a thermis calidis celebratissima, quarum iam TACITVS a) meminit, adpellatque locum in modum municipii exstructum, amoeno aquarum salubrium usu frequentem. Hinc locus sermone Romano ad *aquas Helueticas*, *thermae Helueticae*, *Thermopolis*, *castellum* seu *vicus thermarum* adpellatur. Etsi vero non adeo aperte ex laudato TACITO colligatur, haud leui tamen coniectura creditur, hoc esse castellum, quod *Romani* ad eius loci praesidium munierunt, eoquod montes eo loco coeuntes pene in angulum regionem claudant. Haud procul in confinibus comitatus *Badensis*, qui cum aliis medio aevo, vt apud P. HERRGOTT videre licet, effloruit, columna effossa est anno 1534. atque in arce *Badensi* exposita cum inferi-

a) Histor. lib. I. c. 67.

scriptione *TRAIANI* augusti, itineris index, qua iter ex *Italia* per alpes *Rhaeticas*, *Curiam Rhaetorum*, *Brigantium*, *Felicem arborem*, (*Arbonam* nunc vocant) *Fines*, & *Vitodurum* iuxta itinerarium *ANTONINI* ad *Rauracos*, per loca *Helvetiae* mediterranea trans *Rhenum*, ceu imperii *Romani* limitem, patebat: atque in hac columna iter designatur mille passuum octoginta quinque.

IMP. CAESARI.

DIVI NERVAE F.

NERVAE TRAIA.

NO. AUG. GERM.

PONT. MAX. TRIB.

POT. COS. II. P. P. DEF.

III. M. P. LXXXV.

Duas in his partibus a *Romanis* munitas vias, vnam ad summitatem lacus *Wallenstadiensis*, alteram supra *Helvetiae* confluentiam primus notauit, designauitque *Clar. SCHEVCHZER Itin. Alpin.* tertio anni 1704. a) „*Wallenstadium* oppidum inter (inquit) & ripam lacus porrigitur „per prata paludosa via *Romana* glarea & lapillis „strata. Talis modi *Romanae* munificentiae momentum ad sesqui horam fere protensum „inueni nupero anno in comitatu *Badensi* inter „pagum *Groß Tettingen*, & *Limagi* cum *Arola*

„con-

a) *Lugd. Batav.* 1723. p. 160.

Mart. Gerbert. Iter Aleman.

C

„confuxum.“ Id genus vias, in *Hungaria* passim obuias commemorat Illustriss. atque Excell. comes *Aloysius Ferdinandus* MARSIGLIUS in *Prodr. Oper. Danubial.* p. 25.

Ad urbem *Badensem* quoque pertinet, quod in alia inscriptione a *Franc. GVILLIMANNO* a) relata, vir *Aquensis* ANNVSIVS MAGIANVS memoretur, qui deae *Isidi* templum a solo de suo posuit. Ita autem habet inscriptio:

DEAE ISIDI TEMPLVM A SOLO
L. ANNVSIVS MAGIANVS
DE SVO POSVIT VIR AQVENSIS. B.
AD CVIVS TEMPLI ORNAMENTA
ALPINIA ALPINVLA CONIVNX
ET PEREGRINA FIL. X.C. DE
DERVNT L.: D.: D.: VICANORVM. b)

Ornamenta huiusmodi vasa fuerint sacris feruientia, qualia hac in vicinia non pauca superiore seculo sunt effossa. Nescio, an ad probro exponendum cultum imaginum, quidam imaginem S. VERENAE, quae ad balnea *Badensia* visitur, olim *Isidis* idolum fuisse dicant: quod, sicut & idolorum templa, ad sacrum usum
a sim-

a) Lib. I. de Repub. *Heluet.* c. 14.

b) Nimirum: *Denarios Centum Dederunt. Locus Datus Decreto Vicanorum.* Vicani autem rustici sunt in vicis degentes.

a simplicibus hominibus adhiberi potuisse forte quis dicat, nulla in ipsa imagine posita virtute, sed ad prototypon viamque imaginem relato cultu. *Quum templa*, inquit S. AVGVSTINVS, epist. XLVII. ad PVBLICOLAM, *idola, luci, in honorem Dei conuertuntur, hoc de illis fit, quod de hominibus, quum ex sacrilegis & impiis ad veram religionem conuertuntur.* In *Lugdunensi S. Stephani* ecclesia imago *Opis* vel *Abundantiae* sub barbaro apud vulgus nomine *Ferrabo* ad sec. usque XVI. perstitisse fertur. *Isidis* statua in abbatiae *S. Germani in Pratis* templo a *Lutetiae* gentilis aevo ad annum vsque MDXIV. illaesa permanfit, vt *Iacobus DV BREVI* a) monachus *San-Germanensis* testatur. Sed hoc de *Badensi* illa non adeo vetusta imagine dici haud potest. Vulgo persuasio est, turrin, in cuius muro inscriptio, quam mox retulimus, adhuc legitur, residuam esse ex templo *Isidis*; sed parum plausibili ratione, quum frequens sit, nouis etiam muris eiusmodi infigi lapides, ne saltem pereant.

Wettingen.

Visuntur eiusmodi in vico *Wettingen*, quod nomen dat celebri monasterio *Cisterciensis* ordinis, alias *Maris stella* dicto. Quam quidem nomenclaturam ex veteri traditione repe-

C 2

tunt

a) Antiq. *Parif.* lib. II. p. 359.

tunt a prima fundatione, facta ab HENRICO comite de *Rappenswil* sec. XIII. Hic enim in sacra peregrinatione & expeditione *Hierosolymitana* in mari periclitatus, edito voto, indicio stellae euasit incolumis. Comiti ad propria reuerso, atque de apto loco ad exstruendum voto promissum monasterium deliberanti, eadem stella in loco, vbi nunc dictum est monasterium, iterum se conspicuam dedit, unde illud *Maris stella* sit adpellatum. At hoc ego factum existimarim more aliorum tutelae B. M. V. consecratorum monasteriorum, *Cisterciensis* ordinis maxime, cuius auctor praecipuus S. BERNARDVS hac salutatione exorsus vulgo creditur hymnum *Aue maris stella*.

Accessimus monasterium hoc mane diei dominicae infra octauam Corporis Christi 8. *Iunii*, vbi nos, antequam monasterium ingrederemur, iunximus solemni processioni, magna pompa celebratae, concurrentibus vndique ex vicinia populis. Peractis sacris bibliothecam adiunimus, nullis fere, ob binam conflagrationem, manuscriptis veteribus instructam, praeter sacra biblia in forma regali, in principio tamen & fine manca, quae maiorem, ac ipsum monasterium, praeseferunt antiquitatem. Notauimus etiam liturgica quaedam, *breuiaria* & *lectionaria* ex sacris scripturis & homiliis Patrum. Seruantur
hic

hic item *chorales libri* ingentis molis, olim ecclesiae *Tigurinae* sacris adhuc Catholicis addictae. Praecipuum vero monumentum est *necrologium*, cuius primigenia scriptura est seculi XIII. alia diuersae adposuerunt manus. Typographo igitur error adscribi debet, dum in *Geneal. Habsb.* ad sec. XII. notatur *necrologium* ante monasterii natales. Excerpta inde vsui fuerunt historiae diplomaticae domus *Habsburgicae*, ac porro esse queant illustrandis stemmatibus illustrum *Helvetiae* familiarum: vsui etiamnum est in capitulo quotannis ad benefactorum commemorationem. Singulariter vero laudatae historiae diplomaticae commodo accidit autographum diploma anni MCCLIX. in quo comites *Habsburgici* longa serie recensentur, atque certissima stirps adferitur ex *Habsburgica* progenie oriundi RVDOLPHI I. *Romanorum* regis. In hoc enim instrumento RVDOLPHVS non modo patrem suum indicat, verum etiam auum & proauum, isto tenore: „Quidquid etiam iuris in saepe dictis vniuersis & singulis bonis & hominibus tam nos, quam bonae recordationis progenitores nostri comites, videlicet ALBERTVS mihi *Landgrauio* pater, nobis tribus fratribus patruus; RVDOLPHVS auus, ALBERTVS proauus, ratione proprietatis vel infeodationis ab imperio vsque in praesentiarum diuissim & coniunctim & communiter ha-

C 3

„ buisse,

„buisse, possedisse, quasi possedisse dignoscuntur.“ Ex altero diplomate an. MCCLV. VIII. Kal. Decemb. Indict. XIV. notabilis est sollemnis donationum ritus: *Acta sunt haec ante portam saepe dicti monasterii extra ipsius septa & clausuras, secundum consuetudinem donationum, in strata regia & publica sub aere libero non concluso. anno &c.*

Varia monasterium isthoc *Wettingense* habuit fata; atque licet ordinis sit *Cisterciensis*, nonnullos tamen abbates postulatos habuit ex monasteris *San-Gallensi*, & *Schafhusensi*, imo etiam ex ordine *Wilhelmitarum* IOANNEM Priorem antea in *Sion* prope *Clingnouium*, D. *Blasio* nostro nunc incorporato; eo quod sub eadem S. BENEDICTI veniant regula. Anno MDXXIX. 18. *Augusti*, vt scribit STUMPFIVS, abbas *Georgius Müller Badensis*, & conuentus *Wettingensis* habitum monasticum, *Missam*, *imagines*, aliasque caeremonias ecclesiasticas abiecit, atque circa religionem cum *Turricensibus*, *Bernatibus*, aliisque *Helvetiae* ciuitatibus, reformatae, vt vocant, religionis conuenit: postea tamen a. 1531. eadem caeremoniae cum antiqua religione sunt reuocatae. Alter chronographus STETTLERVS id factum esse memorat agentibus potissimum *Nicolao MANVELE Bernate*, & *Bernardo BRVNER Glareano*, praefecto *Badensi*, vt omnes, vno solo excepto,

excepto, auitam religionem mutarent, abbate lacrymantibus id oculis faciente cum caeteris, hoc solum obtestantibus, ne comburerentur saltem imagines. Hoc tamen non obstante merito abbas ille male apud suos audit, cuius etiam imago male habita est, quae hodieque cum aliis abbatum imaginibus in ambitu monasterii cernitur. Seruatur adhuc ingens volumen msc. quo abbas quidam *Wettingensis* historiam motuum ob religionem sec. XVI. immutatam est complexus.

Turicum, Tigurum, seu Zürich.

Eodem adhuc die *Turicum*, seu *Tigurum* contendimus; urbem tamen tunc haud ingressi in *Stamphenbach* in suburbio pernoctauimus, quae prima monasterii nostri *S. Blasii* est fundatio, a nobili REGINBERTO de *Seldenbüren* facta, quod vico in *Argouia* prope monasterium *Murense* in agris *Turicensibus* sito hodie dum est nomen. *Tigurinorum* frequens apud scriptores veteres CICERONEM, CAESAREM, PLVTARCHVM, STRABONEM, FLORVM, EVTROPIVM, OROSIVM est mentio. Quaestionem autem hic mouit *Beatus RHENANVS* a), imo aperte plagam hanc alio reuocauit, ad pagum *Vri* scilicet. „Horum pars (inquit b) quam ob caus-

C 4

„sam

a) Lib. I. rerum *German.*

b) De veterum in *Heluetiam* commigratione pag. 76.

„sam nescio, mutatis sedibus in *Heluetiis* con-
 „fedit, proxime *Tigurinos*, quorum hodie pa-
 „gus mutilato vocabulo *Vri* dicitur. Nam *Ture-*
 „*gum* a *Turo* fluuio nomen habet, quasi *Turga-*
 „*uiensis* tractus extremitas aut angulus.“ RHE-
 NANVM alii aut sequuti sunt, aut confutatum iue-
 runt; quos inter GVILLIMANNVS a) malam apud
Vranios iniit gratiam. Dubium hac in re mouit,
 quod apud scriptores *Romanos*, imprimis in
 CAESARIS commentariis, *Tigurinorum*, pagi-
 que *Tigurini*, nusquam vero vrbs *Tigurinae*
 fiat mentio, primusque *Henricus Loritus* GLA-
 REANVS in panegyrico vrbiū *Helvetiae* con-
 foederatarum ita adpellet; quum apud veteres
Turicum, *Turegum*, *Thuregum*, *Turregum*,
Duregum ac *Zurich* vocetur. Vnde sunt, qui
 THVRICVM, regem *Arelatensem*, *turres regum*,
duo regna, aut *reges* nomen huic vrbi dedif-
 se comminiscerentur: cuius originem 2062. an-
 nis ante Christum collocarunt non pauci, a
 dicto nempe THVRICO rege circa tempora ABRA-
 HAMI, triginta annis postea, quam a TREBET-
 TA rege, NINI filio, vrbs *Treuirorum* fuerit
 aedificata: quo de pluribus agit GVILLIMAN-
 NVS l. c. Quae circa commenta cordatiores *Tu-*
ricenses ciues illud LIVIANVM in animo habent:
 „Quae ante conditam, condendamque urbem,
 „poëticiis magis decora fabulis, quam incorru-
 „ptis

c) Lib. III. c. 5. de reb. *Heluet.*

„ptis rerum gestarum monumentis traduntur,
 „ea nec adfirmare, nec refellere in animo est.
 „Datur haec venia antiquitati, vt miscendo
 „humana diuinis, primordia vrbium augustio-
 „ra faciat.“ Certe *Christoph. CELLARIUS* a) fa-
 tetur, neminem veterum scriptorum huius vr-
 bis meminisse. „Haud vero dubie, subdit, e duo-
 „decim (oppidis) fuit, quae migraturi in interio-
 „rem *Galliam*, vt apud CAESAREM lib. I. c. 5. est,
 „ipsi *Heluetii* exuissent. Quod pronius ad
 „fidem fit, quia vrbs nobilis eius nominis *Zürch*
 „hodie superest, quod ipsum *Tigurum* cum
 „Germanorum praepositione *Zu* est, sicut cum
 „eadem vocula ex *Taberna* fit *Zabern*, ex *Tol-*
 „*biaco Zülpich*.“ Quod vero vult, praeposi-
 tionem *Germanicam zu* in locorum istorum,
 quae inter se studiose contulit, nominibus a
 T inchoatis, ab initio ita adcreuisse, vt Z in
Zürch, *Zabern*, & *Zülpich*, idem sit ac *zu Türch*,
zu Tabern, *zu Tulpich*, merito explodit *Io.*
Casp. HAGENBUCHIVS b) in suo *τεσσαρακοσολογιω*
Turicensi, seu inscriptione antiqua (ex qua *Tu-*
rici sub imperatoribus *Romanis* stationem qua-
 dragesimae *Galliarum* fuisse primum innotescit)
 commentario illustrata; atque simplicius longe
 veriusque habet, T & Z inuicem permutata es-
 se;

C 5

se;

a) Notit. orbis ant. T. I. p. m. 281.

b) Epist. epigraph. ad GORIVM V. C.

42 TVRICVM, TIGVRVM,

fe ; in testimonium etiam vocato CLVVERIO a) geographorum sui temporis principe, qui adserit T & Z litteras plerisque in vocibus conuersas inter se fuisse, variante *Celtici* sermonis dialecto, innumeris demonstrari posse exemplis. Inter alia ipsa mox a CELLARIO relata adfert HAGENBVCHIVS : cui autem in dubio relinquendum videtur, vtrum iam *Heluetii* prisca *Zürich* per Z, *Romani* autem sibilum *rs* Z perosi tantum *Turicum* dixerint ; an potius *Türich* antiquitus ab ipsis quoque *Heluetiis*, vt *Turicum* ab *Romanis*, usurpatum, postea demum ab *Alemannis Heluetiam* occupantibus, quod sibilum amabant, in *Zürich* conuersum sit. Adgreditur deinde tam altis radicibus defixam in hominum etiam doctissimorum animis hanc sententiam, *Zürich* Latino nomine *Tigurum* vocari ; petit autem CLVVERIVM & CELLARIUM, quibus etiam VALESIVM iungit, qui tamen circa seculum IX. & X. *Turicum*, aut etiam *Turricum*, nec non *Turregum* nuncupatum esse agnoscit. Quos tres viros in geographiae antiquae studio exercitatissimos, a nemine veterum scriptorum *Tigurum* nominatum esse optime gnaros, non dubitat HAGENBVCHIVS, in alia omnia fuisse ituros, si ipsis constitisset, non medio demum aetate *Turicum* dici cepisse, vt male putabant, sed

a) *Germ. Ant.* lib. II. c. 4. p. 13.

sed iam sub imperatoribus *Romanis* ita vocatum esse. Documentum huius rei luculentissimum, cuius caussa haec modo diximus, praebet titulus sepulchralis, qui nobis ad bibliothecam publicam admissis, mox ad introitum conspicuus fuit in veteri lapide oblongo (vt eum aeri incisum damus (Tab. I.) XV. Calend. *Iunii* MDCCXLVII. in ipsa vrbe apud *Tilietum*, vulgo *Lindenhof*, eruto, hancque habet inscriptionem: *Diis manibus. Hic situs est Lucius Aelius Urbicus, qui vixit anno vno, mensibus quinque, diebus quinque, Vnio Augusti libertus praepositus stationis Turicensis quadragesimae Galliarum, & Aelia Secundina puero dulcissimo fecerunt: vti laudatus doctissimus HAGENBVCHIVS* (quem ipsum graui morbo detentum, quum essemus *Tiguri*, conueniri a nobis non potuisse, doluimus) est interpretatus, atque insigni commentario illustrauit ex veteribus aliis inscriptionibus antiquis. Et licet in aliis iam lapidibus stationis quadragesimae *Galliarum* memoria sit conseruata ante erutum faxum *Turicense*, hoc tamen singulare habet, quod stationis huius locum quoque designet, addito stationis epitheto locali *Turicensis*. „Ita (ait HAGENBVCH. a) „vt dilucide adpareat, hanc stationem XXXX. „*Galliarum* olim *Turici* fuisse, & ab hoc oppi-
 „do

„do nomen *Turicensis* habuisse. Habuit igitur fi-
 „scus imperatoris *Romani Turici* suam statio-
 „nem seu mansionem, in qua officium fiscale
 „quadragesima *Galliarum* erat constitutum. Ab
 „hisce fisci stationibus diuersae erant stationes
 „militum per opportuna loca dispositae, ita ta-
 „men, vt olim adiuncti quoque fuerint milites,
 „qui publicanis in exigendis pecuniis opem
 „ferrent, & contra vim & fraudes mercatorum
 „adessent, quod ne antiquitatis testimoniis con-
 „firmem, otium mihi fecit, doctrina BVRMAN-
 „NI *de Vectig. pag. 145.* Cuius ego rei potissi-
 „mum memini, quia & stationi *Turicensi* XL.
 „*Galliarum* quosdam legionum duarum XI. &
 „XXI. (quarum memoria in faxis antiquis haud
 „procul *Vindonissa* erutis restat) milites praesi-
 „dio fuisse existimo. Hanc coniecturam ex eo
 „potissimum duco, quod paucis passibus ab la-
 „pide nostro aberant eodem die & postridie e-
 „ruti lateres cocti, in quibus hae duae legio-
 „nes legio XI. *Claudia. Pia, Felix.* (vel *Fidelis*) &
 „legio XXI. (illa litteris extuberantibus seu ex-
 „stantibus, haec introcedentibus seu incis) le-
 „guntur, forma & litteris simillimi eorum, quos
 „abhinc annos XXIII. in agro *Turicensium Clo-*
 „*tana* inuentos bibliotheca nostra ciuica adser-
 „uat.“ In nostra etiam *San-Blasiana* bibliotheca
 laterculi eiusmodi legionis XI. & XXI. *Tu-*

ricensibus per omnia similes adservantur, ex *Helvetiae* partibus ad nos delati, & *Vindonissae* effossi; TACITVS quoque legionem XXI. *Vindonissensem* nominat.

Sed vt ad urbem *Turicensem* reuertamur, gratulandum ei est, monumentis eiusmodi nunc saltem demum antiquitatem eius adsertam proditi: quum adhuc tricesimo huius seculi anno I. I. SCHEVCHZER harum rerum curiosissimus vestigator in praefatione specim. Alphab. ex diplomatibus & Codd. *Turicensibus* dicat: *De antiquitate patriae nostrae dixeris, vix esse ex antiquitate notam.* Miror autem, virum sagacissimum, dum in veteribus documentis extricandis versaretur, nihil notasse, quod de castro, nunc vulgo *auf dem Hof*, seu *apud Curiam* dicto, constanter memoratur, circa finem seculi III. *Romanum* praesidem DECIVM sedem ibi habuisse, ac ius dixisse, ubi etiam *Romani* subinde nummi sunt effossi. Sed non ita olim, sicuti nunc, erant studiosi *Turicenses*, in consuetandis eiusmodi antiquitatis reliquiis ac argumentis, quod non nemo data occasione repertae ad initium superioris seculi apud *Kloten* columnae litteratae perscripsit: „Aliae respublicae tale suae urbis „& pagi, siue prouinciae monumentum anti- „quum & praeclarum publicum fieri curarent, „ in

46 TVRICVM, TIGVRVM,

„ in quodam loco publico ponentes , quo & a
 „ peregrinis conspici posset ; & fieret sane non
 „ sine admiratione , si amplissima resp. *Tigurina*
 „ idem cum hac columna fieri curaret.“ Refert
 hoc summe mihi colendus *I. I. BREITINGERVS*,
 quo loco versatur in recensendis eiusmodi anti-
 quis monumentis, in agris pagi *Turicensis* ab in-
 eunte hoc seculo primum in *Limperg*, an. 1709.
 passim inuentis , quae apud P. MONTFAVCON
Antiquit. illustr. a) videri possunt : illa autem
 secundo in *Kloten* anno 1724. detecta , singu-
 lari commentatione illustrauit idem BREITINGE-
 RVS, quam SCHELHORNIVS b) *Amoenitatibus lit-*
terariis inseruit. Idipsum praestitit laudatus BREI-
 TINGERVS in eiusmodi monumentis 1741. apud
 vicum *Lunneren* detectis , peculiari dissertatione
 lingua vernacula conscripta, & *Turici* an. 1742.
 in 4to edita, vbi haud obscura rudera spectabi-
 lium aedificiorum sese prodiderunt, quae oppidi
 seu vrbis antiquae indicium praebent. Nec du-
 bitare sinunt , quae simul inuenta sunt monu-
 menta , quin ad ea tempora referenda sint, qui-
 bus adhuc paganica superstitio obtinuerit ; ido-
 lum inter alia pudendum (similem fere imagun-
 culam exhibet illustr. CAYLVS, *Recueil d'Antiqui-*
tes c) & deforme, simiae potius aut cani caput,
 quam

a) Tom. II. Tab. 189.

b) Tom. VII. p. 1 - 74.

c) Tom. I. Tabula VII. 4. inter *AEgyptiaca* : & Tabula
 XXIII. 1. 2. 3. inter *Hetrusca* monumenta.

quam homini simile; nummi item varii *Romani* usque ad CONSTANTINVM M. detecti; furnum quoque ac hypocaustum vaporarii ad balneum clare discernere licuit: imprimis autem officinam fictiliarii ex materia partim parata ad opus, maximam autem partem iam confecta, innumeris testis ac frustis variorum vasorum, vrceorum, patellarum &c. & vno pene integro vase, in cuius fundo hae litterae leguntur OPASN. Nomen *Eponae* deae legitur in vrna seu scutella, quae inter sceleta humana posita erat, non procul a strato, cum variis partibus aliarum vrnarum sepulchralium, inter quas vna ossibus referta: circa aliarum fragmenta erant ossa adusta cum carbonibus & cinere, vti mos erat apud *Romanos* in cinerem redigendi cadavera. In eiusmodi testa inter nostra cimelia apud *S. Blasium* legitur ASIATICI cum parte litterae sequentis M vel N; in alia autem figurae conspicuae sunt leporis, aquilae alis extentis, cerui &c. vt in *Tigurinis* hominum. Materia eadem est terra sigillata, colore ad lateritium accedente subobscuro, in superficie concinne complanata, vt mihi constitit oculari inspectione in bibliotheca ciuica. Vbi eiusmodi alia etiam, aliis occasionibus, vt iam memini, inuenta habentur; inter caetera pars pauimenti tessellati seu lithostroti, ex marmore insigni opere confecti, ostenditur. Cernitur hic etiam diptychon
con-

48 TVRICVM, TIGVRVM,

consulare AREOBINDI, quod ex duobus laterculis *Norimbergensi* ac *Turicensi*, collatis simul vtriusque tabulae schedis redintegrasse Clariss. GORIUS in opere *de Diptychis veterum* refertur: vtraque in superiore parte sculptam refert imaginem hominis in sella sedentis, cum caduceo seu sceptro, ac alia parua persona superius, & duabus ex utroque latere prospicientibus. Inscriptio litteris longiusculis haec est ex vna parte:

F. AREOB*indus* DAGUL*iuus* AREOBINDUS
Vir ILL*ustris*.

In altera parte, vbi eadem est sculptura superior, sed inferior dissimilis, ac duae personae stramine oppletae notantur, haec est inscriptio:

EXComite SACri STAbuli ET MAgistro MI-
litum PALatii ORientalis EXconsule
CONSul ORDinarius.

In parte postica plana, verba quaedam, minime incisa, sed colore expressa comparent, quae aliud, quam nomina propria praeseferunt. Diptycha sunt *Flauii* AREOBINDI consulis an. 434. aut potius 505. Christianum eum fuisse crucis signum prodit, quod aliquoties occurrit, ut consulibus christianis consuetum fuit. De eius coniuge ANICIA IULIANA agit MONTFAUCON, a) cuius etiam imaginem exhibet LAMBECIUS ex
cod.

cod. DIOSCORIDIS *Vindobonae* seruato. Vide etiam DVCANGIVM in dissert. ad sequioris aevi vel imperii numismata imperatorum *Cpolit.*

Inter MSS. huius publicae bibliothecae principem locum tenet psalterium *Graecum*, totum vncialibus litteris perscriptum in membrana tincta purpureo colore, ad violaceum accedente, adeo gracili, vt quibusdam imposuerit, chartam esse hombycinam existimantibus. Psalmorum tituli, ac notae numerales, integerque vltimus psalmus aureis litteris perscripti sunt, reliqui psalmi omnes argenteis. Accentus *Graeci* ordinarii non comparent, praeterquam in littera Y, vti etiam de aliis *Graecis* codicibus vncialibus, nominatim S. GERMANI *de Pratis*, constat, duo puncta superposita habere eam litteram, quando verbi principium facit. Vocum nulla in cod. *Tigurino*, versuum vero per *⵿⵿⵿* accurata est distinctio more antiquissimo, quemadmodum etiam omnia recensita extremae summe venerandae canitiei sunt signa. Id vero pretium huius codicis inaeestimabile, vsumque praestantissimum facit, quod, licet multis partibus mancus sit ex incuria imperitiaque, quam deplorat I. H. HIRZELIVS in epistola ad I. Hen. WASERVUM bibliothecarium, apud I. Iac. BREITINGERVUM, a) maximam tamen partem

a) Ep. ad Emin. Card. QVIRINI.

tem hiatus, qui in similibus codd. celeberrimis *Vaticano & Alexandrino* in *Anglia* sunt, expleri possint. Insignem adeo operam praestaret doctissimus BREITINGERVS, si, quod propositum habet, effectum iret de *Turicensi* LXX. intt. editione quinto volumine locupletanda ac illustranda, vbi ex hoc incomparabili codice, quoad ipsos psalmos eorumque priscam ac genuinam lectionem distinctionemque, materia amplissima foret. Quod quantum ad posterius pro reducenda prisca versuum distinctione iuxta fidem antiquissimi *Vaticani* codicis *Graeci*, Card. I. M. THOMASIVS sua industria dignum existimavit argumentum, in psalterio cum canticis, versibus prisco more distinctis, *Romae* MDCXCVII. typis Ios. VANNACCII edito. Inter recentiora MSS. quorum maior est copia, imprimis historiam *Helveticam* concernentium, prae caeteris notabiles visi sunt *Iosiae* SIMLERI antiquitatum *Helveticarum libri V. voll. IV.* manu ipsius auctoris exarati, necdum editi, ac nuperrime bibliothecae illati ex priuata *Henr. WASERI*; cuius etiam historia synodi *Dordrechtanae*. V. tomis msc. in eadem bibliotheca seruatur, multaque continet ignota adhuc & oblitterata illius synodi acta, cui is praesens fuit nomine reformationum *Helvetiae*, cum Io. Iac. BREITINGERO seniore a secretis.

Inter libros impressos eminent libri CICERONIS *de officiis*, litteris Rom. minusculis, quae quod ad elegantiam hodiernis typis minime cedunt, impressi a. 1465. *Moguntiae per Iohannem FVST & Petrum SCHOIFFER*; vt patet ex his ad calcem verbis :

Presens Marci tulij clarissimū opus. Iohannes fust, Mogūtinus ciuis. nō atramēto. plumali cāna neque aerea. Sed arte quadam perpulcra. Petri manu pueri mei feliciter effeci finitum. Anno. M. cccc. lxx.

Vidimus *Augustae Vindel.* eorundem officiorum CICERONIS editionem de a. 1466. ex officina FAVSTI, quam etiam se vidisse testatur Cl. SCHOEPELINVS a) in bibliotheca *Genuensī*, in cuius fine haec verba manu adlita leguntur : *Hic liber pertinet mihi Ludouico de la Vernande militi, cancellario Domini mei Ducis Borbonii & Aluernie, ac presidenti Parlamenti lingue Aquitanie, quem dedit mihi Io. Fust supradictus Parisiis in mense Iulii anno Domini MCCCCLXVI. me tunc existente Parisiis pro generali reformatione totius Francorum regni. Plures fuere bibliographi, qui cum Mich. MAITTAIRE in annalibus typographicis ambas has editiones de a. 1465. & 1466. sola anni subscriptione inter se differre, de reliquo vnam*

D 2

esse

a) In Vindic. typogr. p. 61.

esse eandemque editionem adfererent. Hos tamen deceptos, illasque editiones in aliis quoque diuersas esse ostendit *David CLEMENT*; quin eousque progreditur, vt eodem an. 1465. duas diuersas libri huius editiones factas esse contendat, vnam in *fol. paruo*, cuius exemplar exstat in bibliotheca *Harleiana*, alteram in forma *quarta*. In fine editionis de an. 1466. haec habetur subscriptio litteris rubris impressa. *Presens Marci tulii clarissimū opus. Iohannes fust Mogūtinus ciuis. nō atramēto. plumbi cāna neq; aerea. Sed arte quadam perpulcra. manu Petri de Gernshem pueri mei feliciter effecti finitum. Anno M. cccc. lxxvj. quarta die mensis februaryi &c.* Eodem anno 1466. pestis afflixit *Lutetiam*, qua mensibus *Augusto & Sept. 40.* hominum millia perierunt. Lues haec *FAVSTVM* quoque abstulisse videtur *SCHOEFFELINO*, quod post haec solus vbique *SCHOEFFERVS* in libris *Moguntiae* impressis occurrat. Memoranda sunt praeterea in bibliotheca *Turicensi* Biblia *Italica* ex versione *Nicolai de MALERMI* seu *MALETBI Veneti*, *Venetiis* per *Vindelinum de SPIRA* impressa a. 1471. quae prima est totius S. Scripturae in linguam *Italicam* versio luci publicae data, quamque *Iacob. LELONG a)* recenset. Notandum hic vero, duas horum biblicorum haberi editiones eiusdem an.

1471.

1471. In prima haec a fine est *Italica* subscriptio: *Impresso fu questo Volume, nel alma patria de Venetia, ne gl'anni di la salutifera Incarnatione del figliuolo di l'eterno & omnipotente Dio M. CCCC. LXXI. in Kalende de Augusto.* Altera, in veteri maxime Testamento multum diuersa, in fine *Apocalypseos* ita subscribitur: *Qui vi finisse l'Apocalypsis & e il fine del Novo Testamento, M. CCCC. LXXI. In Kalende de Oëtobrio.* Notanda adhuc est *Ioannis GEIGERI* calamo picta tabula geographica ditioris *Tigurinae* cum vicinia, montes, valles, filuas, aquas, vias, terminos &c. mensura geometrica accuratissime sistens; solet in litibus dirimendis adhiberi saltem apographum pluribus tabulis descriptum.

Bibliotheca *Carolina* canonicorum in eadem vrbe pluribus abundat veteribus MSS. quae inter codicem biblicum in fol. regali ipsius *CAROLI M.* esse dicunt, ac certe indicia illius aetatis praebet. a) De quo specimen dedit *Io. Iac. SCHEVCHZER* in *Alph. ex diplomatibus & codicibus Turicensibus*, sed solum litterarum maiuscularum seu vncialium, quae frontem ornant; quum tamen contextus scriptus sit litteris minusculis *Romanis*, quae *D. LA GROZE* ex parte

D 3

Lon-

a) Exhibet enim disertam temporis notam ex *ALGVINI* aetate.

Longobardicae sunt visae. Nos hic (Tab.II.) specimen dabimus scripturae codicis praestantissimi *Turicensis*, quod amica manus nobis subministrauit in aes incisum. Exhibet prologum S. HIERONYMI a capite epistolarum *catholicarum*, cum pericopa illa 1. *Ioan. V.* de tribus testibus, quae ab hoc codice excluditur tota, quum tamen ex hoc pro *Hieronymiano* manifestum sit, pericopam illam diu ante HIERONYMI tempora in vetustissimis N. T. codicibus lectam iam fuisse a Patribus, synodo *Nicaena* utique antiquioribus. In codice paullo recentiore habetur ordo ecclesiasticus *Romanus*, ac post eum variis titulis plura insignia ad rem sacram ac liturgicam capita. Codicem hunc ad rem liturgicam *Alemanniae* haud parum vsui futurum ad *S. Blasium* etiam deferendum indulserunt *Turicenses* canonici. In psalterio sec. IX. vel X. habentur adhuc ORIGENIS signa — ÷ .X. Post symbolum apostolorum habetur symbolum vulgo ATHANASII hoc titulo: *Incipit fides catholica edita a Sco Athanasio Alexandrino episcopo.* Quae sequuntur etiam litaniae & preces indicio sunt, ad sacrum ecclesiae usum hunc fuisse codicem. Cuiusmodi alios ex bibliotheca *Carolina* ad manum praebuit humanissimus Io. Iac. BREITINGER, ling. *Graec.* professor doctissimus, qui nihil caussatus argumentum liturgicum, cuius gratia

tia iter meum institueram, forulos non solum ipse perlustravit, atque ad manus dedit, quae ad rem meam erant: sed etiam domum suam omnes a me notatos codices ex bibliotheca collegit, & quamdiu excerptis faciendis operam dedi, totum studiis meis consecrauit tempus; propria etiam manu delineando instrumentum vetus musicum singulare, ante annos quadraginta, & quod excedit, inuentum *Forsteckia* in arce, alteri immixtum reiecitio ferro, totum rubigine obductum, & iam ad metalli fusorem damnatum, nisi *Hen. WOLFIO* prouinciæ *Alto-Saxonæ* praefecto ob formam suam triangularem singulare aliquid praeferre visum esset. Quod proin summa cum sollicitudine expoliri curauit, in quo quum figuras satis curiosas animaduerteret, litui genus aestimans, maxima cura in cimelio suo seruauit. Forma illius ex adpicta figura (**Tab. III.**) clare satis perspicui potest, nisi quod litterae quaedam, siue figurae in lateribus diuersis a se inuicem discrepent: in uno enim latere omnes figurae punctis sunt expressae, in altero figurae quaedam tantum punctis nonnullis sunt notatae. Praeterea in alio latere litterae siue figurae manubriis propiores existunt. Caeterum omnes characteres cunctis in lateribus simillimi sunt, eodemque etiam ordine dispositi. Quoad materiam, ferri haec speciem

ciem praefert, chalybem enim negant, tum quod ignis cum illo excitari nequit, tum quod magnes eandem attrahit, licet non ea vehementia, prout reliquum ferrum. Sonus plane singularis est, ac claritate cuiusvis aeris sonum vincit, ob id argenti quid admixtum esse credibile est. Quantum ad sonum vero sequentia insuper observantur. Prope baculi aciem clarissimus est, versus manubria paulatim grauior, donec tremulo quodam motu siue undulatione aeris inclusi in cauo baculi, in manubriis terminetur. Si leuiter tantum pulsetur, ita in tremorem impellitur, ut ipsi quasi manui imprimatur. Quodsi sonantem baculum leui digito tantum attingas, omnis sonus statim tollitur atque cessat, simul ac tremulatio illa cessauerit. Denique pro diuersitate laterum variat sonus, quin ipsi quoque anguli diuersum a lateribus sonum edunt. De hoc instrumento clar. ALTMANNVS vltro ignorantiam suam est fassus his verbis: „Effigiem baculi magici mihi missi vidi, sed in eius explicatione me haerere non diffiteor: & malo ignorantiam meam hic faceri, quam incerta & forsan absurda coniectare. Litui genus esse colligo, non tamen adfirmo: incerta enim sunt, quae post sepultas artes in seculis illis ignorantiae, vbi caligo & mera barbaries ab ordine cucullato in-

ferri

„ferri cepit, facta & inuenta sunt, & merum
 „rus olent: nec sanae mentis mica vnquam a-
 „nimaduertitur. Quotquot enim *Gothici* tem-
 „poris reliquias vidi, totidem certe inscitiae &
 „barbariei monumenta.“ AEquior alter, ex ea-
 „dem tamen schola, qui in lituum huncce com-
 „mentatus est, addit: „Mihi vero non fit du-
 „bium, quin omnia non dicam, sed plurima e
 „cimeriis eruta forent tenebris, ni plurimi his
 „obsessi essent praeiudiciis, quibus ducuntur

. . . *ut nervis alienis mobile lignum.*

Putat autem instrumentum sacrum musicum
 mysticum esse in fortibus, vel cultu famosi apud
Germanos idoli *Triglaf* adhibitum, & ad auer-
 runcanda mala factum. Luculentius est *Ludo-*
uici BOVRGETI iudicium ex litteris 26. *Ianuarii*
 MDCCXXXV. „Est hoc instrumentum vel e
 „*Saxonia inferiori*, vel ex *Suecia*. Eius generis
 „instrumenta musica & apud veteres *AEgyptios*
 „in vsu fuisse, ex veteribus monumentis com-
 „pertum esse puto. De magico igitur vsu hu-
 „ius monumenti nulla est suspicio. Quando
 „autem fuerit confectum, non habeo dicere.
 „Saltem hoc accidisse, antequam inuentae fue-
 „rint arithmeticae notae vulgares, dici minime
 „potest: obstant enim characteres *Tertiae*, &
 „*Quintae* musices, qui sub duplo triangulo prio-

„re prostant 333 355 in vnoquoque latere
 „trigoni. Inscriptionem hoc modo legendam
 „censeo: *Detsa Kitris (Kitres) Brüss soexe*
 „*thoon apamma quaex ene thüne tam cloim*
 „*Ioobiub. h. e. Diese Zitter bringt sexhs thō-*
 „*ne auf einem erquickende Thone zu klingen*
 „*Ioobiub.* Eam sic facis latinam: *Haec cithara*
 „*sex edit tonos, gratissimo tinnitu ad clangen-*
 „*dum iubila*, seu ad canendas gaudii cantile-
 „nas. Differt *Ioobiub* a *Iodute*, quae vim patien-
 „tium clamor est, vt docte scripsit nuperrime
 „*Io. Leonh. FRISCH* in Contin. III. Misc. *Berolin.*
 „p. 195. lingua autem inscriptionis est *Saxoni-*
 „*ca inferior* vel *Suecica*. Quum desint mihi le-
 „xica, omnibus numeris absolutam interpreta-
 „tionem dare haud potui, sed ex analogia cum
 „*Germanica* explicavi voces inscriptionis. Ex
 „loco, in quo inueniebatur, suspicor, a quo-
 „dam milite *Suecico* venundatum esse, quum
 „*GVSTAVI ADOLPHI* milites *Lindauiam Brigant-*
 „*tiamque* accederent. De charactere mixtobar-
 „baro nihil habeo, quod dicam, sunt hi mono-
 „grammate & consonantibus cum vocalibus or-
 „nati eodem modo, quo & ante V. & VI. se-
 „culum ad tachygraphiam pingebant *Romani.*^{ce}
 Hæc mecum communicauit Cl. BREITINGERS,
 quod aliquid conferre censeret ad opus meum
 musicum (vbi aliquid breuiter de hoc instrumen-
 to

to differo) promisitque, siquid deinceps egerem sua opera, opusque haberem monumentis *Turicensibus*, praesto se semper ad nutum fore. Hac igitur spe laetus *Tiguro* abii X. *Iunii*, eodemque die sospes perueni ad celebre *Murense* monasterium.

Monasterium Murense.

Locus iste, ut habent acta foundationis huius *Murensis* monasterii „inde, quod inter agrum nostrum & agros rusticorum hic iuxta „superiorem vicum subterranei muri antiquitus „constructi inueniuntur, quod vocatur *Muir-
„lon*, nominatur *Mura*.“ Eosdem habet fundatores, qui castrum *Habsburg* condiderunt, **WERNHERVM** episcopum *Argentinensem*, & **RADEBOTONEM**, qui etiam cum vxore **IDDA**, **ADALBERTO** filio, filiaque **RICHENZA**, filius item **WERNHARIVS**, & vxor **REGVLINDA**, cum filio **OTTONE**, & **HEDWIGE** comitissa de *Habsburg*, nata de *Kyburg*, **RVDOLPHI** I. regis *Romanorum* matre, in ecclesia *Murenfi* sepulti iacent. Laudatus actorum *Murensum* auctor in recensione variae, qua tunc gaudebat monasterium istud, bibliothecae supellectilis imprimis ad argumentum liturgicum, frustra mihi spem iniecerat: quum fere incendiis direptionibusque thesaurus iste interierit, ex ruina superstitibus monumentis inter

ter pauca sacramentorum libro uno : quem quintum auctor ille designat, qui solas continet orationes seu collectas, vti mos fere vsque ad seculum circiter XII. obtinuerat. Calendarium in eo codice praemittitur. Quale habetur adhuc amplius, ac subinde auctum, in alio codice cum epactis, & nonnullis benedictionibus initio, & ad finem subnexa regula S. BENEDICTI monialibus accommodata, quae, vti in plerisque monasteriis ordinis nostri, separatim olim hic habebant claustrum, propius aut longius inuicem distans, sub monachorum praepositura. In diplomate LOTHARII III. foundationis monasterii *Farensis* sub WERNERO I. abbate III. *Ein-sidlen-si*, ad exemplum *Muren-sium*, de quibus modo diximus, & *Beraugen-sium* sanctimonialium, quae ad nostrum *S. Blasii* monasterium pertinent, prouocatur: „Ita scilicet, vt huius „abbas WERNERVS & omnes successores sui „cum fratribus suis eundem locum libere & „potestatiue perpetualiter possideant, & seruitium Dei ibidem instituere, sicuti Deo rationem reddituri sunt, studiose contendant. Ad „publicam quippe & legitimam donationem „praedicti LVTHOLDVS pater & IVDENTA coniux, & LVTHOLDVS filius amatores Christi, „annuente abbate cum fratribus, petitionem fecerunt sub testimonio fidei & diuinae recognitionis

tionis cellam ibidem construi, & regulare claustrum religiosis feminis monasticae professionis, in modum sanctimonialium *Murensum* vel *Beraugensium*: & in eis tot & tales monachos praeponi, qui sciant illis praeesse & prodesse." Sub CHVNONE seu CONRADO abbate apud *Muros* peculiaris ordo etiam inclusorum vtriusque sexus fuit. Regulae praemittitur imago S. BENEDICTI moniali genuflexae regulam tradentis cum habitu crisei coloris, sub quo ad manus & tibias sedentis prominet albi coloris tunica. Cap. 60. & 62. regulae, quae de sacerdotibus monasterii sunt, ad calcem reiciuntur. Gradus 12. vero humilitatis in totidem fere capita diuiduntur. Vnde si non probetur, distributionem capitum titulosque autographos non esse, saltem colligitur, non eandem semper capitum diuisionem fuisse.

Alter codex historicus est, atque inter alia complectitur chronicon, quod eadem manu usque ad annum MCLXXV. perscribitur, quo tempore CHVNO abbas, abdicata praelatura, priuatus degebat. Quum vero praeter dies emortuales pontificum, imperatorum, regum, ac singularia quaedam episcoporum *Constantiensium*, circumiacentiumque monasteriorum ea praecipue referantur, quae ad monasterium *S. Blasii* perti-

pertineant, facile animum induxerim, ipsius esse CHVNONIS seu CONRADI partum, cui etiam chronicon *Bürglense* P. Rustenus HEER vindicauit, ac edidit a); quin eundem ipsorum actuum *Murensium* auctorem facit magno virorum doctorum consensu. Ipsi venerandi *Murenses* sodales ea sunt in opinione, MS. cui chronicon istud insertum est, ad se delatum videri a quodam abbate e *S. Blasio Muros* postulato. Post REGINBOLDVM enim & BVRCHARDTVM praepositos ex *Eremo B. M. V.* accitos, ac VDALRICVM e monasterio *Differtinensi*, qui postea pedum abdicauit, RVPERTVS primum ex *S. Blasii* monasterio huic *Murensi* aliquibus annis Prioris nomine praefuit, quum abbas *S. Blasii* eum, vt *Murenses* petebant, statim abbatem dare renueret. Post hunc consequenter LVITERIDVS, & qui sub eo iam antea Priorem egerat ex eodem monasterio, RVPERTVS, abbates fuerunt. Huic, deposito an. 1108. abbatis munere, VDALRICVS II. primus ex gremio electus, successit, vt tamen post eius successorem RONZELINVM iterum e *S. Blasio* abbas accitus sit CHVNO seu CONRADVS, de quo mox dixi, existimoque eius esse istud chronicon, ex quo nunc quaedam excerpta dabo, donec forte integrum luci publicae detur b). Sequitur

a) In Anonymo *Murensi* denudato.

b) „Ad an. CCCCLIII. Vndecim millia virginum ab Attila rege Hunnorum martyrio coronatae sunt. Pantilus

In eodem *Murenfi* codice alio non minus antiquo caractere sec. circiter XII. chronicon REGINONIS cum continuatione HERMANNI contracti, & BERCHTOLDI *Constantiensis*. In quo ad an. MLXXXIII. ita habetur: „Eo autem
„tem-

Basiliensis episcopus virgines sacras cum gaudio susceptas Romam perduxit, inde reuersus Coloniam peruenit: ibique cum eis martyrium suscepit. DXXXV. Mamertus eps, qui triduanas letanias ante ascensionem Domini instituit, migravit ad Dominum VI. Id. May. DCVIII. Focas August. templum omnium idolorum, quod Pantheon vocabatur, obtinuit, & in honore S. Mariae & omnium Sanctorum dedicauit, & Scae Mariae ad martyres adpellauit. Ad an. DCXI. B. Columbanus abbas cum discipulis suis Sancto Gallo & aliis tempore Sigeberti regis de Hibernia veniens Luxouienſe coenobium multis coruscans virtutibus construebat: indeque postmodum a Theodorico rege pellitur. DCXIII. Scus Gallus solitudinem cellae suae incolere cepit. Theodericus & Theodebertus cum infestis exercitibus apud Tulenſe territorium forti pugna configunt, & magna caede vtrunque peracta Theodebertus victus Coloniam aufugit. Quibus diebus Scus Columbanus de Brigantino pulsus febricitantem Gallum ibi reliquit. “ Mirum imprimis est, quod ponit ad an. DCLXX. „Scus Nicolaus Myrreorum eps migravit ad Dominum (quum tamen constet, illum sec. IV. obiisse.) DCCIII. Beda presbyter vir doctus & prudens hucusque cronica minoris libri de temporibus perduxit. DCCXIII. Pipinus filius Ansgisi nepos Sci Arnulphi maior domus & dux Francorum anno regni XXVII. obiit, pro quo filius eius Karolus regnavit XXVII. DCCXXII. S. Pirminus abbas & eps a Bertolfo & Nebi principibus ad Carolum ductus Augiae insulae ab eo praefectus serpentes inde fugauit, & coenobialem vitam inibi III. annis in-

„ tempore in regno *Teutonicorum* tria monaste-
 „ ria cum suis cellulis regularibus disciplinis
 „ instituta egregie pollebant: quippe coenobium
 „ *S. Blasii* in nigra filua, & *S. Aurelii*, quod
 „ *Hirsaugium* dicitur, & *S. Saluatoris*, quod
 „ *Schaf-*

stituit. *DCCXXIII.* Scs Bonifacius a Gregorio P. Mo-
 guntiae archiepiscopus ordinatus est, qui verbo & ex-
 emplo multis praefuit. *DCCXXX.* Scs Othmarus cel-
 lae S. Galli primus abba constitutus coenobialem inibi
 vitam instituit, & per XI. annos nobiliter rexit.
DCCXXXI. vel circiter: Etho primus Augiae abbas,
 post quoque Argentinae eps ecclesiae a Carolo promo-
 tus, non longe post sui nominis, id est Ethenheim
 coenobium longe ante sua tempora constructum atque
 alio vocabulo nuncupatum, sed tunc pene dilapsum
 ipse construxit. *DCCXLIII.* Karolus Saxones petit.
 Gesbure castrum cepit. Idolum illorum Irmensul di-
 ctum diruit, & laborantem siti exercitum dans diui-
 nitus in sicco quodam torrente aquis reficere meruit,
 acceptisque pro pace obsidibus XII. rediit *DCCLXXII.*
Ad an. DCCCIIII. Sanguis Domini Mantuae inuentus.
 Karolo nunciatur. Cuius rei veritatem perquirendam
 Leoni pp. imperator demandavit. Qua occasione arre-
 pto itinere papa ad imperatorem venit, & cum eo
 natale dñi Carisiaci celebrauit &c. *DCCCLXI.* Megi-
 nardus Augiae mon. & primus incola heremi, quae Tu-
 riceno adiacet lacui, a quibusdam latronibus inibi XII.
 Kal. Febr. peremptus est, post mortem virtutibus cla-
 ruit, Augiaeque sepultus est. *DCCCLXIII.* Translatio
 S. Othmari in basilicam Sci Galli. *DCCCLXXXVIII.*
 Karolus (Crassus) imperio iam priuatus Deo deuote ser-
 uens in villa Alamaniae Nidinga infirmatur, & vt qui-
 dam perhibent a suis strangulatus, Id. Ianuar. vita mor-
 tali decessit, & quibusdam videntibus coelo aperto &
 lumine super adparente Augiae delatus & sepultus est.
 Hatto cellam & Basilicam S. Georgii Augiae in insula

„*busin*, id est *navium domus* dicitur. Ad quae
 „monasteria mirabilis multitudo nobilium & pru-
 „dentium virorum hac tempestate in breui con-
 „fugit, & depositis armis euangelicam perfe-
 „ctionem sub regulari disciplina exsequi propo-
 „fuit:

construxit. *DCCCLXXXVIII.* Bern. Augiae abbas
 missis Romam coenobii sui privilegiis a papa Iohanne
 item privilegium, ut cum sandaliis & episcopalibus in-
 dumentis missas ageret, accepit. Vnde commoto War-
 manno Constantiensi epo apud imperatorem, quasi sui
 peruasor officii & honoris accusatus, eoque ab utris-
 que coarctatur, donec idem cum sandaliis privilegium
 ipsi episcopo traderet publice in synodo sua, id est in
 coena dñi sequentis anni, incendendum. *CMXIII.*
 Apud Scum Gallum Notkerus magister doctus obiit.
CMXVI. (recentiore manu) Hoc anno Basilea ab Vnga-
 ris destructa est, quae postea per Henricum reparata est.
CMXXIII. Sanguis dñi in Augiam insulam a quadam
 matrona defertur, sicut inibi litteris historica relatione
 refertur. *CMLXII.* Otto rex a Ioanne pp. imperator
 ordinatus. *CMLXIII.* Hoc anno datum est edictum
 Ottonis anno regni eius XXVII. imperii autem secun-
 do indict. VI. Actum Veronae Nonis Iunii. *CMLXXIII.*
 Scs Vdalricus Augustensis IIII. Non. Iulii feria VI. mi-
 grauit ad dñum: eodem quoque anno, sed prius, Otto
 imperator non. May subitanea morte apud Partenopo-
 lim obiit & sepelitur. Otto secundus magni Ottonis
 filius regnavit annis VIIII. *CMLXXVI.* Scs Chovnra-
 dus Constantiensis eps migrauit ad dominum, & pro
 eo Gaminoldus praefuit. *CMLXXVIII.* Gamenoldus
 Constantiensis eps obiit, eique Gebhardus nobilis &
 venerabilis succedens XVI. annis ecclesiam rexit, qui
 basilicam Sci Gregorii in ripa rheni, abbatiamque suis
 ex praediis construxit. *CMLXXXV.* Gregorius pri-

Mart. Gerbert. Iter Aleman.

E

„fuit : tanto, inquam, numero , vt ipsa mona-
 „steriorum aedificia necessario ampliarentur, eo-

„quod

mus abbas cellae S. Meginardi obiit , cui Wern. in
 regimine successit. *MVII.* Bern. vir doctissimus Augiae
 abbas ordinatus. *MXXVI.* Wern. abbas S. Meginardi
 obiit. *MXLII.* Bern. abbas Augiae obiit. *MLII.*
 Leo pp. VIII. dedicauit altare Schafhuse. *MLXII.*
 Agna imperatrix velamine sacro se Christo dedicauit.
MLXIII. Consecratum est monasterium Schafhusense
 ab episcopo Rumaldo. *MLXVIII.* Wernherus
 abbas obiit. *MLXVIII.* Rovmaldus eps Con-
 stantiae obiit. *MLXXI.* Otto Constantiae eps a rege
 constituitur. *MLXXII.* Petrus Damiani Cardinal. eps
 & monachus iam dudum mundo crucifixus VII. K.
 Martii migravit ad dnum. *MLXXVIII.* Adelheit
 vxor Rovdolphi regis obiit & apud S. Blasium sepulta
 iacet. *MLXXXI.* Willehelmus Hirsaugiensis abbas
 obiit. *MLXXXII.* Dedicata est ecclesia S. Nicolai a
 Gebehardo Constant. epo. Inceptio noui monasterii S.
 Blasii. *MLXXXVI.* Sigefridus abbas Schafhusensis
 & Luitfridus abbas Murensis obiit. *MCXXIII.* Ber-
 tholdus dux obiit. Ediētum Heinrici III. imperatoris
 datum Spiraē ind. I. V. K. Ian. *MCXXV.* Domnus
 Rovstenus abbas obiit. Priuilegium Henrici imperatoris
 datum Argentinae V. K. Ian. Ind. III. Datum est edi-
 ctum a Lothario III. regni eius I. anno. *MCXXVII.* OV-
 dalricus episcopus Constantiensis obiit. *MCXLI.* Dom-
 nus Bertholdus venerabilis abbas feliciter expirauit.
MCXLIII. Iste est annus *CLXXX.* *mus* ex quo datum
 est ediētum Ottonis magni imperatoris. Ignitus lapis
 quasi massa candentis ferri cecidit de coelo super mon-
 tem Brisach ante valuas ecclesiae XVII. K. Iul. hora
 diei quasi VIII. cum esset dies serenissimus.“ Eiusmodi
 alia exempla lapidum ex aëre cadentium, ignitorum si-
 gnorum & fulgurum draconis instar &c. in hoc chronico
 recensentur. Vidique ingentem talem in ecclesia *En-
 fishemensis* in *Alsatia* suspensum subnigri coloris , quem
Sereno coelo in terram delapsum traditio tenet.

quod non aliter in eis locum commanendi haberent. In his itaque monasteriis nec ipsa exteriora officia per seculares, sed per religiosos fratres administrantur, & quanto nobiliores erant in seculo, tanto se contemptibilioribus officiis occupari desiderant, ut qui quondam erant comites & marchiones in seculo, nunc in coquina vel pistrino fratribus seruire, vel porcos eorum in campo pascere pro summis deliciis computent. Ibi nempe & porcarii & bubulci praeter habitum idem sunt quod monachi. Tanto autem caritatis ardore omnes pariter feruent, ut quilibet eorum non tam suum, quam alienum desideret proficuum, & in exhibenda hospitalitate tam mirabiliter insudant, ac si se perdidisse aestiment, quidquid pauperibus Christi, vel hospitibus non erogauerint. “ Chronicon BERCHTOLDI habetur etiam in codd. *Engelbergensi*, & *San-Blasiano* eiusdem aetatis in codice incomparabili operum ex omni scientiarum genere quinquaginta duum eadem manu, & quidem, ut ex quadam picta littera initiali multi sunt coniectati, moniali scriptorum, quum figura monialis camum tenentis videretur in littera illa, quam rectius alii monachi imaginem esse putant. Non fuit tamen infrequens labor hic monialium etiam in lingua latina pro vicinis praesertim bi-

bliothecis monachorum. Talis in hoc *Murenſi* monasterio inſignis fuit, vt ex laudata iam ampliffima eorum recenſione in actis *Murenſibus* conſtat, addente inſuper eorum auctore monitum abbate dignum: „Sunt adhuc hic multa „alia opuscula libellorum ſatis vtilia, quae o- „portet ſeruare, & meliorare, & non deſtruere, „quare nos non potuimus, nec voluimus, ea „hic ſigillatim deſcribere. Libros autem oportet ſemper deſcribere, augere, & meliorare, „& ornare, & annotare cum iſtis, quia vita o- „mnium ſpiritualium hominum ſine libris nihil eſt.“ At dira incendia direptioneſque, quum praefertim an. 1551. monaſterium funditus deſtrueretur, haec fere abſumferunt, & ex paucis, quae reſidua manſerunt, hoc etiamnum ſeculo vetus necrologium, nescio quo fato, periiit, quod ſuperſtites adhuc nonnulli monachi vidiffe ſe teſtantur; atque excerpta ſaltem aliqua ſuperſunt in recentiori membrana cum titulo: *Tabulae deſunctorum monaſt. Murenſ. abbatum, monachorum & conſcriptorum, collatione antiquorum codicum reſtitutae anno MDCXXIII.*

Inter libros impreſſos oſtendunt *Murenſes* biblia a. 1479. impreſſa, quae vſui olim ZWINGLIO fuerunt: habenturque non ſolum paſſim in margine notae eius manuſcriptae, verum etiam quaedam

quaedam mutationes in textu. Vti in celebri loco *Genes. III. 15.* ita subtiliter erasa est littera *a*, eiusque loco substituta artificiose *e*, scilicet *ipse* pro *ipsa* conteret, vt, nisi manifestum foret ex alio eiusdem editionis exemplari, quod etiam apud *Muros* seruatur, vix oculus interpolationem aduertat. Quod non ideo obseruo, ac si diuersa lectio aliquid in fide immutet; christianis omnibus serpentis antiqui protritionem Christo seruatori attribuentibus, vt tamen Catholici contra Nouatores B. V. MARIAE honorem deferant, quae Deiparae debetur, praecipuo salutis nostrae instrumento: quo etiam totus contextus vexati loci adludit, *MARIAM EVAE* opponens.

Inter Gentilismi reliquias apud *Murenſes* notabile est thuribulum aereum quaquauerſum occlusum, praeter eminentem in medio fistulam mobilem, vnde fumus exurgebat; persona habitu *Romano* superius insistit. De idolo, quod pariter apud *Muros* seruatur, eique simillimum *Rhinaugiae* cernitur, (est autem figura aenea stans, capite manibusque expansis fursum elatis) singularem dissertationem P. CALMET *Itinerario* suo *Heluetico* subnexuit, nihilque caussa-
us barbatam faciem, habet pro *Herto*, seu *Her-*
ta, id est terra matre, quae fuit celebris apud

antiquos dea, etiam *Ceres*, *Cybele*, *Isis* habitata. Huius nomine haud procul a *Muris* vulgo adhuc mons *Ifenberg* dicitur, nec longe inde collis *Islisberg*, aliaque eiusmodi notantur in pago *Turicensi* nomina; quo etiam sunt, qui referant *Luneren*, *Lunghofen* a luna, quo nomine, teste TACITO, *Isis* venit, cuius celebris in his locis fuit cultus, ut iam superius notavi. Sed ut ad nos reuertamur, venerandosque sodales *Murenses*, celebrem superiore seculo abbatem *Dominicum* TSCHVDY habuerunt, cuius multa numerant opera inter recentiores codices. Nostra aetate Reu.^{mus} abbas primusque S. R. I. princeps PLACIDVS, insignis asceta & concionator exstitit. Cuius sacratior esse apud me debet memoria, quod, haud dedignatus, e sacro baptismatis fonte me leuarit. Edidit is *Spiritum duplicem humilitatis & obedientiae per varias exhortationes spirituales praesentatum. Conciones panegyrico-morales*. Eius post GEROLDVM successor tertius S. R. I. princeps FRIDOLINVS paucos ante annos defunctus vindicias dedit actorum *Murensium* pro & contra P. *Marquardum* HERRGOTT, qui hyperaspiten nactus est P. *Rustenum* HEER, in *Anonymo Murensi* denuato, id est, auctore eius detecto, CHVNONE abbate *Murensi* e *S. Blasio*, distincto a genealogista, quem P. *Marquardus* HERRGOTT petit.

tit, quando eum a diplomatibus, documentis
 omni exceptione maioribus, abire deprehendit.
 Id quod vtique commouere haud debuerat cha-
 rissimos sodales, vt si in quopiam deuiarit a ve-
 ro auctor ille, fides in aliis labascet. Aliud caus-
 tantibus respondi, nec genealogiam Christi a
 MATTHAEO descriptam difficultatibus carere;
 quum tamen illic in auctore Theopneusto obse-
 quium fidei teneat; hic vero, in argumento cri-
 tico, cuilibet proferre liceat suas libere rationes,
 ac defendere opinionem sine offensione cuius-
 quam: vti solent in eiusmodi argumentis eru-
 diti salua pace & charitate eousque in sua stare
 sententia, donec certius aliquid & adfertius e-
 ruatur. Quod facilius *Murenfes* praestare po-
 tuerunt in genuina detegenda lectione msc. quod
 penes ipsos est, actorum *Murensum*, lectuque
 difficile est, ac abbreviationibus scatet (vt aut-
 opti testantur, mihi enim, vtut flagitanti, videre
 non contigit) quam in eo, in quo maxime ver-
 titur controuersia; quum id institutum HERR-
 GOTTI nostri fuerit, ex diplomatum indubitata
 fide historiam Augustae domus *Austriacae* scri-
 bere. Haud vero obscurum est arcanum consi-
 lium, cur PEIRESKIUS, imo ipsi *Gallorum* reges
 per suum apud *Helueticos* pagos legatum tanta
 contentione hanc e latebris educere, vindicare-
 que studuerint genealogiam contra Augustae Au-

striacae domus genuinas ab *Habsburgicis* comitibus origines; obtinentibus tunc simultatibus ac litibus de stemmatis antiquitate cum *Austriacis*, tunc *Hispaniarum* regibus. Opportuna aderat *Murensis* genealogia, qua principes *Austriaci* serie duntaxat feminea, non virili, ad *Habsburgicam* familiam, mascula vero ad *Tiersteinicam* pertinere perhibentur. Qua de re GASSENDVS in *Vita PEIRESKII*, & MABILLONIUS in *Itinere Germanico* legi possunt, imprimis vero Io. Iac. CHIFLETII *Vindiciae Hispanicae*, lumina item noua ad *Vindicias Hispanicas*. Haec dixerim sine praeiudicio, vel causae meorum syncellitarum, quos locus professionis monasticae, vel *Murensium*, quos ordo communis S. BENEDICTI arcta necessitudine constringit, atque singularis humanitas, & in iuuandis meis studiis solertia nunc vel maxime deuicit.

Tugium.

Muris 13. Iunii summo mane discessimus facram *Eremum* B. V. petitori per pagum *Zug*, *Tuginum*, seu *Tugerum*, vnum ex principalibus *Helvetiae*, quos cantones vocant, vnacum *Barenfibus*, quo etiam nomine oppidum venit, vbi ecclesia vetusta iam tempore CAROLI Calui aedificata esse dicitur. Sub *Romana* republica *Tuginos*,

ginos, quos STRABO *lib. VII. Toygenos* vocat, cum *Tigurinis* ac *Cimbris* foederatos contra MARIVM, PLVTARCHVS in *Vita MARII* a), & EVTROPIVS memorant. Oppidum ad ripam lacu eius nominis iacet, quem olim lacum *Artensem* dictum ferunt. Anno 1435. pars oppidi subito absorpta aquis disparuit. Superato asperrimo monte in valle *Ægeri* ad *aquas regias*, sic nominato lacu, ob nobiles, cum LEOPOLDO *Austriaco* facientes, in illo submersos, sacrum celebraturi ecclesiam inuenimus amplam cum aedibus parochialibus non ita pridem exstructam, fundata primum parochia an. 1725. pietate & munificentia zelosi his in partibus parochi, qui, licet pauper patrimonio, parsimonia & frugalitate potuit 24. florenorum milia huic sancto operi addicere. Eo adpenso in sacristia BENEDICTI XIII. decreto de rite impendendis prouentibus ecclesiasticis facile intelleximus, quantum res ea religioso pastori cordi fuerit. Inde sumto prandio, iterato ascensu, descensuque praeruptorum montium, sacram tandem *Eremum* confluxu Catholicorum *Europae* celebratissimam tenerrima animi affectione adhuc a longe sumus venerati.

a) Lib. V. Histor.

S. Eremus B. V. seu Einsidlen.

Eam dum attigimus, expositis itineris nostri caussis optimo principi ac abbati numerosissimae monasticae ordinis S. BENEDICTI congregationis, indiuiduum mox comitem accepimus R. P. *Augustinum* FEVRSTEIN, bibliothecarium, nosque per vices in bibliothecam, aut in ecclesiam sacrumque Thaumaturgae Virginis facellum abdidimus, ad quod nunquam nisi aegre per condensa populi terga aditus patet, mutuo sibi succedentis, ac aliis concurrentibus dantis locum. Frequens illuc concursus integrarum tribuum e locis etiam longinquis sacram instituentium processionem. Quo tempore in *sacra Eremo* degimus, inter alios vicani *Gersfauenses* adfuerunt, inter *Lucernates* & *Vrinates*, vbi olim *Turgouia Argouiam* ab *Alemannia* disternabat, siti, atque ad *Turgouiam* pertinebant; nunc supremum ius dicunt, vt principes pagi, quod, vt mihi relatum est, in pagorum diribitione, nulla eorum habita ratione ac memoria, sibi relictis sint. Sed vt ad nos redeamus nostramque Thaumaturgam: vulgares hic sunt explodendae fabulae de fusco nigricanteque colore, quo obducta facies adparet, qui imaginem haud dedecorat, quin terrissime aspicientes adficiat, vt locum habeat il-

lud

Iud Cant. Cantic. *Nigra sum, sed formosa.*
 Contractus est is color ex fuligine lampadum
 continuo ardentium in facello haud spatioso,
 media in amplissima, & auro, marmore, pictu-
 ris ornatissima ecclesia.

Omne vero pretium superat ecclesiae sacra
 supellex, ac summorum principum piorum-
 que fidelium anathemata Quae inter nunc ad
 nos solum attinet commemorare litterariam de-
 uotionem doctissimi P. *Gabr. BVCELINI, Gal-*
liam inquam *Marianam* adhuc ineditam, quam
 sub nomine *Lebuini DE RICHEMONT* abs se
 compositam, quum editionem flagrantia tunc
 imperatorem inter & regem *Galliarum* bella
 impedirent, sacram esse voluit *Eremo Thaumatur-*
turgae; veluti autographae auctoris epistolae do-
 cent operi adglutinatae, quod in bibliotheca
 MSS. seruatur, quae proprium habet locum ad-
 haerens alteri bibliothecae impressorum libro-
 rum fat amplae, exurgentibus in medio py-
 ramidibus duabus concinni operis, quarum al-
 tera numophylacium, altera curiosa quaedam
 naturae opera recondit. Vbi inter alia basi-
 scus, si in rerum natura sit, ouo primum ex-
 clusus ostenditur. Inter mensuras *Romanas* se-
 misextarius hemina *Benedictinorum* portio,
 quadrans *Friburgensis*, triens *Basileensis* men-
 rae

rae signatur, acetabulum quarta pars heminae, sextarii pars octaua, drach. 24. fefquicyathus. ATHENAEO *κοτυλη* hemina est nouem vnciarum, Graece etiam *τροχλιον* vocatur.

In magna MSS. copia quaedam sunt inedita, e. g. B. FROWINI abbatis *Engelbergensis* opera *De libero arbitrio*, & in orationem dominicam. Hunc suum *Einsidlenses* esse contendunt, nos *San-Blasianum* monachum agnoscimus, *Montis angelorum*, seu *Engelbergensibus* Iodalibus calculum nobis addentibus. Edidit in suis *annalibus Benedictinis* MABILLONIVS praefationem, vt stimularet ad integri operis editionem *de libero arbitrio*. Id propositum fuerat *Bern. PEZIO*, ac postea mihi, antequam opus ipsum volueram. Professionis eius locum quod spectat, haecenus praeter testimonium P. *Chrysof. HARTMANNI* a) quem MVRERVS sequutus est, nihil adferre potuerunt *Einsidlenses*, quo suum esse probarent; quum nos demonstremus nostrum esse *San-Blasianum* ex necrologio coaetuo *S. Blasii*, charta item CONRADI imp. anni. 1141. in qua FROWINVS monachus *S. Blasii* vnacum BERTHOLDO I. abbate nominatur, qui adfuerint *Argentinae*, quum CONRADVS contra ORTLIEBVM *Basileensem* episcopum *S. Blasii* libertatem stabiliret. ANONYMVS noster in *Li-*
bro

a) in *Annal. Heremi Deip.* p. 189.

bro constructionis FROWINVM similiter nostrum testatur, cum constanti nostrorum scriptorum voce ac traditione haud minus, quam *Engelbergensium*; qua de re BVCELINVS a) in *Germ. sacra*. certare quidem dicit *Blasianos & Einsidlenses*, ex *Angelomontanis* tamen monumentis eum *Blasianum* fuisse constare attestatur, atque in *Menolog. Bened.* p. 230. *Blasianum* sine ambagibus pronunciat. Quodsi HARTMANNVS inde argumentum duxisset, quod autographa operum B. FROWINI possideant, si inscriptionem codicis attendisset, facile dedoctus fuisset errorem; sic autem habet: *Iste liber est monasterii Montis angelorum praestitus Domino H. de Ligerz thesaurario mon. Heremytarum, & pro memoriali habetur ibidem biblia*. Vixit autem H. DE LIGERZ an. 1356. Saepius repetitos fuisse hos codices ceu suos ab *Engelbergensibus*, annales eorum docent, actaque congregationis *Helveticae*. Ad *Sacram Eremum* magis referendum est fragmentum, quod inscribitur S. CONRADO de *secretis secretorum, de caeremoniis sacrae capellae coelitus consecratae*. THIETLANDI abbatis *Eremitani* sec. X. commentaria in epistolas D. PAULI. WERNERI abbatis *Eremitani* an. 1210. mortui leges sumptuariae, ad victum & amictum monachorum sui coenobii spectantes.

a) P. III. p. 40.

tes. BERCHTOLDI abb. *Erem.* liber contra errores abbatis S. IOANNIS in *Turana* valle. RV-DOLPHI iuuentutis in schola *Eremitana* magistri duo libri carminum, quibus monachorum captiuitatem, atque monasterii huius deuastationem ab *Heluetis Suitensibus* an. 1314. illatam deplorat. Sermones MSS. super regulam SS. P. N. BENEDICTI manu. ill. *Placidi RAYMAN*, abb. *Eremiti*. Item ill. abbatis *Augustini REDING* *Exhortationes in regulam S. P. Benedicti*.

In codice antiquissimo, ex quo descriptionem regionum vrbis *Romae* edidit MABILLO-NIVS, habentur etiam, praeter varias inscriptiones vrbis *Romae Graecas & Latinas*, quae ante sec. X. saltem *Romae* conspicuae erant, initioque codicis abbreviationes antiquorum vocabulorum, spuria quidem at antiquissima *Gesta Saluatoris dñi nři Ihu Xpi inuenta Theodosio magno imperatore in Ierusalem in praetorio Pontii Pilati, in codicibus publicis*. Item: *Excerpta de pluribus canonibus poenitentialibus*. Circa finem post officium 3. dierum ante pascha, prout *Romae* celebratur, alia, vt videtur, non minus antiqua manu VICTORIA CONSTANTINI de MAXENTIO describitur. ORIGENIS, EVSEBII, RVFINI presb. SS. AMBROSII, HIERONYMI, PRVDENTII, Io. *Chrysostomi*, AV-GUSTINI,

AVSTINI, CAESARII, GREGORII M. BEDAE, AL-
CVINI, *Rhabani* MAVRI, varia opera noni aut
proxime sequentium seculorum per plures co-
dices sparsa seruantur. Synodus *Carthaginensis*,
canones apostolorum, fides *Nicaeni* concilii;
item Regulae *Ancirani* concilii, *Neocaesariensis*,
Gangrensis, *Laudocensis* (*Laodicensis*) *Cpo-*
litani, *Chalcedonensis* cum epist. GELASII P. Sec.
circ. IX. *De vitis PP. Pars II. III. & IV.* Sec.
X. *Pars I.* Sec. XII. *Omiliarium Patrum*
pro officio monastico, Pars hiemalis & aestiualis.
Sec. XI. *Epist. & Euangelia cum expositionibus.*
Sec. fere VIII. *de virtutibus & vitiis Sacerdo-*
tum. Sec. IX. Accedit BOETIVS *de consolatione.*
ARATORIS subdiaconi *Historiae apostolicae libri*
II. metrica FLORINO abbati inscripti:

Qui meriti florem maturis sensibus ortum &c.

WILLERAMI abbatis ord. S. BENED. in Cantica.

Prologus: *Quum maiorum studia intueor &c.*

nc. opus:

Quem mihi venturum prompserunt organa
vatum &c.

Sec. circ. X. PATERIVS in *Pentateuchum*, libros
regum, psalmos. REGINONIS *chronicon.* RVT-
IARDO monacho *Hirsaugiensi* inscribitur com-
mentarius in regulam, qui est HILDEMARI, ac
incipit:

incipit : *Tres enim sunt ecclesiasticae disciplinae.*
 De MSS. liturgicis, quae mihi promptissimo animo domum ferenda concefferunt *Einsidlenses*, ad *Liturgiam Alemannicam* illustrandam, dicemus eo in opere. Tantum hic ex vno quodam *fol. num.* 18. corrigo vulgarem errorem, quo opusculum AMALARIJ *de caeremoniis baptismi* ad CAROLVM M. ALCVINO fuit attributum. Cui nempe in laudato cod. *Einsidl.* praemittitur epistola ALCVINI ad ODWINVM, quae breui compendio caeremonias baptismi explicat; copiosior est vero AMALARIVS, vbi mox in MS. *Einsidl.* sequitur, prout apud Hen. CANISIVM habetur.

Inter raros impressos libros post primam artis inuentionem, eminet membranaceus liber VI. Decretalium, cuius ad finem habetur : *Praesens huius sexti decretalium praeclarum opus non atramento, plumali canna, neque aerea, sed artificiosa quadam adinventione imprimendi seu characterizandi, sic effigiatum, & ad eusebiam Dei industrie est consummatum per Iohannem Fust, ciuem Moguntinum: & Petrum Schoiffer de Gernsheim anno Domini MCCCC sexagesimo quinto, die vero decima septima mensis Decembris. Die 17. Iunii vltimo Thaumaturgae Deiparae, post celebratum sacrificium, vale dicto, sacra Ereino egressi sumus. In descensu asperri-*
 mi

mi montis de fonte S. MEGINARDI seu MEINRADI a) aqua nobis dulcissima est propinata, locusque, vbi adhuc eius oratorium cernitur, in praerupta rupe digito monstratus est, in quo vitam eremiticam primum egit per septem annos, donec frequentiam hominum sanctitatis fama percrebescente aduentantium fugiens, in interiorum eremum accessu difficilem sese abdidit, vbi opera virorum religiosorum cellam ac aediculam sacram exstruxit, de qua diximus, *Thaumaturgae Deiparae Einsidlensis*. Quae post mortem S. MEINRADI, quam ab impiis praedonibus ad an. 863. pertulit, frequentari cepit, vt postea circa an. 934. EBERHARDVS praepositus *Argentinenſis* primum eremiticam etiam hic vitam, deinde coenobialem concurrentibus sociis instituerit, primus factus abbas. Corpus S. MEINRADI ad *Augiam* primum aduectum, vbi monachus antea erat, an. 1039. sacrae *Eremo* restitutum est. Ad quam sermonem iterum reduxit fontis iniecta mentio, apud quem frigida recreati

Rappeswila.

Tandem difficillimo duarum horarum itinere pedestri expedito per sublicium pontem tabulis

a) Ex illustri comitum de *Zolleren* prosapia.

Mart. Gerbert. Iter Aleman.

F

tabulis mobilibus confectum, non sine horrore quodam, propemodum milliare *Italicum* procedentes *Rappeswilae* oppidum contigimus. Hoc *noua Rappeswila* nominatur, ut a veteri discernatur, quae *ad fines*, seu in *Marca* sita est, fuitque prima comitum huius nominis sedes, a RUPERTO quodam exstructa, qui sub *Germanorum* rege LUDOVICO praetor cohortis militaris, seu dux militum stipendia meruit, uti in instrumento publico inter MSS. *Ægidii Tschvdy* occurrit: a) amoenitate loci enim inuitatus prope

- a) Integrum hic ponimus, quod etiam originem celebris apud Lucernam monasterii prodat. „In nomine Domini Amen. Notum sit omnibus nobilibus & ignobilibus tam futuris quam praesentibus, qualiter ego Wichardus & frater meus Rupertus dux militum regis Hludouici, qui nobis ex consanguinitate coniunctus est, omnia praedia nostra, quae nobis ex paterna haereditate aduenerunt, ex illius permissione & iuvamine diuidimus. Postea frater meus pro amore Dei & remedio animae suae ductus omnem partem suam, quae ad eum spectabat, domino suo regi contradidit, ea videlicet ratione, ut in castro Turicino iuxta fluuium Lindemaci ecclesiam construeret, & seruitium Dei ibidem perpetualiter constitueret. Vnde ego Wichardus presbyter quamuis indignus ex intimo desiderio compunctus in quodam loco, qui Lucerna ex antiquitate est dictus, iuxta fluuium, qui Rusa vocatur, qui de summitate magni lacus fluit, in honore S. Mauritii & sociorum eius & S. Leodegarii martyris & omnium Sanctorum paruum tugurium construxi, omnemque substantiam, quae me contigit, de monte qui Albis vocatur, incipiens a praedio meo Lungunsch & omnibus

prope lacum *Tigurinum* arcem exstruxit, quam de suo nomine *Ruperti villam* nuncupauit, vt in *Genealogia* sua *Habsburgica* P. HERRGOTT refert, docetque, qua ratione RVDOLPHVS, filius GOTTFRIDI, comes *Habsburgicus* ad finem fec. XIII. ducta filia RVDOLPHI, comitis de *Rapperswil*, relicta vidua LVDOVICI quondam comitis de *Homberg*, seu *Homburg*, cum aliis in dotem accepit maiorem partem ditionis *Rapperswilensis*, cum firma reliquae partis stipulatione, quam WERNERVS ELISABETHAE ex priore thoro filius possederat. Atque ita comitatus iste extincta veterum comitum prosapia vix haereditario iure ad comites de *Homburg* peruenerat, dum eodem iure per matrimonium ab hac familia deficiente ad *Habsburgi* comites deuolutus fuit, qui

locis circumquaque iacentibus ex permissione regis cognati mei, ad ipsum locum contradidi & meipsum illuc propter seruitium Dei collocaui, & tantos, quantum potui, illuc congregaui. Vnde vir quidam nobilis ac bonus ad me veniens, qui spretis omnibus curis huius seculi, quem ego ipse monachum illuc ordinaui, nomine Alucius, ita vt pene dicam per omnia Dei amicus, prudens in scripturis sanctis, qui suis ammonitionibus ac verbis salutaribus corda omnium ciuium regionis illius in Dei prouocauit affectum: inde de die in diem crescente seruitio Dei ipsum Alucium mei successorem ac rectorem ipso loco reliqui. Datum mense Octobris die V. Indictione XI. Regni gloriosissimi Hludouici anno V. actum in loco ipso *Lucernae*. “

qui etiam nomen comitum de *Rapperswil* suum fecerunt, a quibus tandem, IOANNE nimirum *Habsburgico*, ex linea *Lauffenburgica*, *Austriae* ducibus diuenditus est. Quo tempore, seculo nimirum decimo quarto, *Vetus Burgum Rapperswilanum* in *Marca* situm a *Tigurinis* dirutum est, noua vrbs vero amoenissimo ad lacum *Tigurinum* situ ac munito portu hodie libertate *Heluetica* gaudet. Aliud relatu dignum haud reperi.

Fischingen.

Inde nos per iuga montium ad monasterium *Fischingen*, olim *Piscina*, *Augia S. Petri* dictum; contendimus, cui dum in descensu praealti montis *Hoerlini* propius accessimus, statuam in columna conspicuam habuimus *S. IDDAE*, quae seculo septimo sanctissime illic in eremo traduxit vitam, quum a zelotypo marito ob iacturam annuli nuptialis e fenestris proiecta incolumis euasisset. Reu^m abbatem in ipso monasterio promptissimum inuenimus ad omnia, quae studiis nostris accommoda esse possent, haud dedignante ipso praesule laborem inquirendi in se suscipere. Spem nobis amplae vindemiae fecerat vetus instrumentum, quod *MABILLONIVS* in *Itinere suo Germanico* notauerat: in quo recensentur inter alia ad rem liturgicam libri,

libri, quos monasterio comparauerat venerabilis presbyter WALTRAMMVS, *Petrishusensis* monachus anno MCXXXVIII. in patrem & abbatem electus, *missale* scilicet, *euangeliarium*, *lectionarium*, *officialium*, *benedictionale*, *antiphonarium*, *psalterium*, *regula* &c. sed rapacitate flammaram ac iniuria temporum accidit, vt nec recensita, nec alia etiam vetera monumenta instituto nostro suppetere: nec forte etiam primaeuus huius monasterii status magnam admodum eorundem copiam ferret, quamuis antiquitatem maximam venditet. Auita quidem traditio est, in loco isto, filuis & montibus praeccluso, christianos quosdam ex *Italia* iam initio seculi II. sub TRAIANO latibulum quaesiuisse, & perfugium a persecutionis immanitate: cuiusmodi haud absimilem monasterium nostrum *S. Blasii* veterem seruat traditionem de persecutione *Diocletiana*. Vnde in vtroque loco ex vita primum eremitica postea coaluerit societas, suscepto demum successu temporis *S. BENEDICTI* instituto.

Quidquid vero sit, caussantur ac dolent *Fischingenses* eadem veterum monumentorum suorum fata, vt diximus, ac nos, apud quos indubitatum est, ingentem copiam MSS. in omni generis tabulis contentorum periisse, vt tamen re-

fidua sint apud nos, aut iterum comparata, ex omnis generis raris antiquis scripturis litterisque vncialibus integri codices, *Merouingicis* nimirum, *Anglosaxonicis*, *Scoticis*, *Carolingicis*, *Capetianis* &c. atque ab annis plus mille continua ferie seculorum praesertim in materia liturgica a nono vsque per omnia secula, series MSS. habeatur; quum contra in *Fischingensi* monasterio praeter *martyrologium* & nonnulla *necrologia*, variis accessionibus aucta, historiae patriae haud raro illustrandae apta, nihil repererim, quod seculum decimum quartum aut decimum quintum excedat. Quae inter nonnullae Sanctorum vitae sunt lingua *Teutonica*: veluti S. THOMAE *Aquinatis*, in cuius fine ita habetur: *Dis buch hat ze tütsche bracht, gemacht, und geschriben pfaff Eberhard von Rappeswil Kilcher ze Sonen* 1418. In Msc. papyraceo an. 1438. habetur vita *Germanica* comitis EBERHARDI de *Nellenburg*, fundatoris monasterii in *Schafhausen*, & ELISABET filiae regis *Vngariae*. Vergente seculo superiore celebris fuit editis multis libris *Latina* & *Vernacula* lingua abbas IOACHIMVS. Vidi in hoc monasterio in depositum datam imaginem crucifixi in achate naturae quidem miraculo, ut volunt. Lapidem hunc LVDOVICVS XIV. *Gallicarum* rex pro summa viginti quinque coronatorum

torum mill. comparare non potuit, oblata etiam possessori charta *bianca*, quam vocant, seu alba, pro gratia, quam vellet, scribenda, nunc vero venalis prostat. Gemma eiusmodi *Viennae* inter cimelia thesauri caesarei summo pretio habetur; a) similis est, quam COLERVS b) tempore IOANNIS FRIDERICI electoris *Saxoniae* repertam narrat, quae Christum crucifixum cum SS. MARIA & IOANNE adstantibus exhibet. Videantur quae infra dicemus tit. *Stutgardia*.

S. Galli monasterium.

F*ischingae*, quum nihil praterea reperiremus, quod studiis nostris congrueret, mox altera die iter ad celeberrimum *D. Galli* archistarium direximus. Ad quod dum per urbem cognominem, quae iam ante defecerat ab imperio *San-Gallensis* principis, quam religionis catholicae iugum excusserat, accedere necesse fuit, ingemui, amplissimum monasterium principe in loco adeo in arctum constringi, aegre an. 1567. muris altis quidem 32. pedibus & claustro obtentis, quum prius sepe tantum separaretur, eadem cum vrbe clausum porta. Nihil tamen angustiae hae impediunt, quo minus omnia ma-

F 4 gni-

a) Vid. LAMBECC. Bibl. Caes. T. I. p. 25.

b) *De piscibus* c. 8.

gnifice instructa compareant, nouisque exornentur aedificiis. Cuiusmodi basilica pictoria aequae ac statuaria arte ornata exurgit, quam instaurat nunc princeps celsiss. COELESTINVS II. nomen ac dignitatem sustinens *Coelestini SFONDRATI*, in sacrum postea purpuratorum *Rom.* ecclesiae cardinalium album adsumti, compluribus libris editis celebris, aliis adhuc manuscriptis apud *S. Gallum* seruatis. COELESTINVS vero iam *secundus* immortalem sibi apud suos memoriam promeruit, rebus compositis cum episcopo *Constantiensi*, vindicata sibi, quam in suo territorio exercet, iurisdictione ecclesiastica quasi episcopali, transactioneque solemnium cum primoribus *Helvetiae* (vbi primum princeps *San-Gallensis* inter foederatos cum pagis *Helueticis* tenet locum) ad officium reuocatis refragariis in comitatu *Doggenburgensi*. Litterarum, litteratorumque cultor insignis me ad audientiam indulgentissime admissum docto suauique colloquio detinuit, accersitumque bibliothecarium veteranum ac solertissimum P. *Pium* KOLB studiis meis adesse voluit. Paratum is mox attulit catalogum MSS. abs se digestum, notisque illustratum: quem ardenter expetit noua academia litteraria *Boica*, nuper adnata, accito etiam socio P. Pío, ea conditione, vt pro doctrinae eruditionisque specimine, in eiusmodi socie-

cietatibus ad annum & dies peti solito publici iuris faciat catalogum hunc MSS.

Documento is est sua amplitudine, non obstantibus incendiis & direptionibus, maxima adhuc copia omnis generis optimae notae manuscriptorum bibliothecam *San-Gallensem* esse instructam, ubi a prima fere origine litterarum studia floruerunt, in quibus nec ipse S. GALLVS, aut S. OTHMARVS peregrini fuerant. Exstat S. GALLI sermo dictus in consecratione IOANNIS episcopi *Constantiensis* apud CANISIVM a) & in bibliotheca maxima PP. b) Ex eius vita scripta a *Walafrido* STRABONE, RATPERTO, & BVRCHARDO de casibus monast. S. GALLI, *Notkero* BALBVLO c) in GOLDASTI scriptoribus rerum *Alemannicarum* palam fit, eum in munere praedicandi tum infidelibus quum etiam fidelibus, quo parochos in *Turgouiae* pago, & ad lacum *Acronianum*, *Arbonae* imprimis iuuebat, elaborasse strenue primum sub S. COLVBANO, a quo in *Italiam* abeunte in his partibus aegre relictus fuerat, indiuiduus antea eius socius, atque sanguine etiam iunctus, vt in veteri breuiario Sec. XII. lectiones habent his verbis: *Tempore, quo B. Columbanus cum verae lucis praecone Gallo, iure consanguinitatis*

F 5

sibi

a) Ed. *Basnag.* T. I. p. 781.

b) T. V. P. II. p. 893.

c) Bibl. PP. ed. *Lugd.* T. IX. p. 1046.

*sibi propinquo, per totam Hiberniam verbo praedicationis insudauit, quidam Magnoldus &c. QUUM FRIDBERGAM GVNZONIS ducis Aleman-
niae filiam a daemone liberasset, eaque postea SIGEBERTO Francorum regi nupsisset, hic vicina cellae sancti viri, vbi celeberrimum nunc ex eius nomine floret hocce monasterium, bona tradidit, quae magis magisque deinceps post eius mortem, fama sanctitatis eius & discipulorum crescente, sunt aucta, vt publica docent instrumenta ac diplomata a seculo vsque septimo, quo vixit: cuiusmodi vnum tantum hic adscribam, ex archiuo S. Galli, quod in Genealogia diplomatica Habsburgica non exstat, vbi demum ex Sec. VIII. & seqq. magna eorum habetur copia, ex huius monasterii archiuis, quae nimirum ad rem erant.*

„ Partem eccle-
„ siae nostrae quae dicitur *Raudenleim*, vbi LAN-
„ DARIUS presbyter esse praesens videtur, EBO
„ & coniugis mea ODALSINGA & ALODOES a-
„ liqua de rebus suis admirmauerunt & tam
„ tradiderunt ad *S. Gallum* terris, casis, casalis,
„ mancipiis cum casatis: campis, pratis, viniis,
„ filuis, pascuis, aquis, vel aquarum decursi-
„ bus, mobilis & immobilis, quidquid in *Vach-
„ cinchoua* & in *Laidoluinchoua*, *Bodinchoua* ica-
„ gimus omnibus, & ex omnibus ad ipsum *S.
„ Gallum* tradimus, a die praesente habeat, te-
„ niat,

„niat, qui exinde faciri voluerit ad possiden-
 „dum habiat potestatem, siquis vero ego aut
 „nos ipsi, aut haeredes nostri, aut nulla oppo-
 „sita persona, qui contra hanc firmitatem ita
 „veniri timtauerit, inferat multa ipso sancto
 „auri libram vnā, argenti pondos duos, &
 „nihilominus donatio ista omni tempore firma
 „& stabilis permaniat, stipulatione subnexa.
 „Actum in *Vabcinchoua* villa publici. Sig. E-
 „BONIS & coiuuis meae OODALSINDAE, qui fie-
 „ri rogauit. Sig. WOLFFARO † BERTARIO †
 „AIMONI VVANINCO † TERETMARO † BERNO
 „comitis † CONLEVSOTES † AVTTINI † DODO-
 „NI. Ego LANDARIVS presbyter roitus scripsi.
 „Data VII. idus sept. anno X. regni domini
 „nostri ILDIRICI riis.“ Stilus satis & dona-
 tionum genera produnt antiquitatem diploma-
 tis, atque anni CHILDERICI regis (*Ilderici riis*)
 regni, qui respondent fratri CLOTARIO III. filio
 CLODOVEI II. vergente seculo VII. quo median-
 te obierat S. GALLVS, eius discipulis sanctum
 in eremo prosequentibus institutum, donec se-
 culo octauo ineunte regula S. BENEDICTI sub
 S. OTHMARO abbate introduceretur. Fuit is
 coaeuus S. BEDAE, quem ferunt litterarum ma-
 gisterium in hoc monasterio suscepisse, idque
 P. PIVS in praefatione catalogo praemissa ad-
 fertum it; etsi sint, qui eum nec unquam ex

Anglia

Anglia pedem tulisse existiment: secus ac de ALCVINO BEDAE discipulo constat, quem etiam in monasterio *S. Galli* aliquamdiu degisse auctores tradunt. Qua de re quidquid sit, constat, sub primis *San-Gallensibus* abbatibus magis magisque effloruisse studia, ac scholam *San-Gallensem* inter celebriores semper habitam cum aliis, in monasteriis ordinis S. BENED. passim excitatis: de cuiusmodi scholis LAVNOIVS singulari libello egit, hocque *San-Gallensibus* merito laudi tribuit. Opus hanc in rem fuit librorum adparatu, qui in ipso monasterio quotidie auctus fuit; tum studio scribendi libros, quae monachorum ante inuentam typographiam praecipua semper fuit cura, atque in laudato catalogo celebres in arte scriptoria *San-Gallenses* monachi magno recensentur numero; quum etiam aliunde comparatis libris, vt coniiicere est ex variis codicibus variarum nationum charactere exaratis.

Pretio & aetate omnes superant fragmenta, feu parvus codex *San-Gallensis* in papyro *AEgyptiaca*, Homil. S. AVGVSTINI, & lib. ISIDORI, vti ex fine patet: *Explicit liber dni* ESSIDERI. Sequuntur homiliae duae ad monachos. Scripta haec sunt, vti alius membranaceus, ex integro vncialibus litteris, quales in nostro D.

Blasii

a) p. 99. de *Liturgia Gallic.*

b) P. II. Sect. III. c. 7. T. II. p. 401.

c) C. 10. p. 512.

nera magis exarata quam codices. Recens *Anglus* criticus D. CASLEVS pro *uncialibus*, *initialibus* legendum hic vult, atque etiam nouissimi editores operum S. HIERONYMI notant, in duobus aut tribus codicibus lectionem eam haberi. Sed solertissimus ASSEMANNI ea de re consultus rogatusque in MSS. *Vaticanis* constanter priorem lectionem se deprehendisse est attestatus.

Redimus ad codicem antiquissimum *S. Galensem*, qui detritiores habet litteras, vt iis paullatim fugientibus, consultum esset, ex integro eum describi. Nos per otium seriem saltem damus, quae primo per titulos exhibetur, praemisso S. AVGVSTINI nomine a), sed etiam

a) Incip. *Capitola de humilias &c.* Postea: *Incipit humilias &c.* I. Inpt Int. de psalmis, quare psalmi dicuntur &c. R. Quia per psalterium &c.

De natale Sci Laurentii Martyris: beatissimi Laurentii martyres cuius natale hodie celebramus.

S. Ioannis Baptistae. In Sci ac beatissimi Ioannis laudibus.

Sequentia cuius supra Ioannis. Incipit: Sci Iohannis baptistae natalem.

De natale Sci Eusebi epi Vercellenfis. Ad Sci martyris Eusebii laudem aliquid addere.

De depositione vel natale cuius supra Eusebii. Depositionem Sci Eusebii hodie celebramus.

Petri & Pauli. Notum omnibus vobis est frēs & vniuerso mundo notissimum, quod &c.

De natale Sci Cypriani. Sci Cypriani festiuitatem sicut omnibus notum est hodie celebramus.

etiam quaedam ad S. CHRYSOSTOMVM atque alios sanctos Patres pertinere videntur, quod inquirere per otium tunc non licuit, aliud agentibus

Sequentia. Ante dies cum beatissimi martyris Cypriani celebraremus natalem.

De passione vel natali Scorum id est Octauæ, Aduentij, Solutoris, & Aurini. Cum omnium Scorum martyrum frēs deuotissime celebrare debeamus, praecipue &c. qui in nostris domiciliis proprium sanguinem profuderunt &c. semper enim nobiscum sunt, nobiscum commorantur, hoc est in corpore nos viuentes custodiunt.

De gratia baptismi. Quia constat, sicut ante dies profecuti sumus, Ihm Chrm non sui causa baptizatum &c.

De natale martyrum. Dignum & congruens est frs, vt post laetitiam beatae paschae, quam in eccl. celeb. &c.

De natale Scr. Canti, Cantiani, & Cantionillae. Hodie beatissimorum &c.

Item de natale Scorum. Si quantum me necesse est dicere & vos oportet &c.

De eo quod scriptum est in actibus apostolorum de Cain & Anania. Legimus in libro, quod apostolorum actibus adscribitur, tantam sub memoratis viris deuotionem.

De auaritia Ananiae. Retinet dilectio vestra frs ante dies cum plebis eius, quae sub &c.

Exhortatio ad plebem & de eo, quod scriptum est in evangelio sicut fulgora desub coelo ita erit aduentus filii hominis. Et de duobus in lecto vno. Paucorum admodum dierum occupatione detentus coetu vestro videor defuisse, & alterius ecclesiae necessitatibus euocatus.

Item Sequentia. Superiore dominica capitulum euangelicum differentes partem aliquam &c.

tibus nec copiam librorum ad manum habentibus. Alius codex singularis *psalterium* continet totum litteris aureis perscriptum. Item *psalterium* praestantissimum, quod in fronte sequens distichon praefert :

*Hunc praeceptoris HARTMOTI iussa secutus
FOLCHARDVS studuit rite parare librum.*

Fuit

De hospitalitate. Legimus in libro Genesis, quod Abraham tribus superuenientibus viris &c.

De elymosinis & ubi sedit dns Ihs super portam Samariae. Dicit Scriptura diuina, sicut aqua extinguet peccatum &c.

Praefatio vel increpatio ad plebem. Libenter nos praedicare &c.

De grano Sinapis. Dicit dns in Sco euangelio sicut lectio &c.

Sequentia de grano Sinapis. Superiore dominica parabola &c.

De id quod scriptum est reddite quae Dei sunt, & de militantibus. Nonnulli frs, qui aut militiae cingulo detinentur &c.

Sequentia. Reprehendimus ante dies negotiationem clericos exercentes &c.

De eo quod propheta ait ad filius Israel caupones vestri miscent aqua vino. Non incongrue ante dies profecuti fumus &c.

De psalmum XXI. & de passione dni. Psalm qui lectus est seriem decursuri diligenter prius debemus intendere &c.

De defectione lunae. Et ipse videtis fratres, quod mea non cessat humilitas omni circa vos sollicitudine laborare &c.

Sequentia. Ante dies profecuti fumus frs aduersus illos &c.

De eo quod scriptum est, facilius est camelum per fo-

Fuit HARTMOTVS abbas *San - Gallensis* seculo nono vergente, quippe qui obiit an. 883. sub cuius successore maxime FOLCHARDVS floruit.

Ante

ramen acus introire &c. Dicit in Sco euangelio dns Ihs Chrs amen dico &c.

De eo quod scriptum est simile est regnum Dei firment. Et ipsi scitis frs quod ex qua die vobiscum esse cepi &c.

De hospitalitate in euangelio. Aduertit sanctitas vestra &c.

De ieiuniis initio quadragesimae. Testimonium perhibet Sanctus apostolus de prophetis dicens: tempore inquit acceptabili &c.

Sequentia, & tempore ieiuniorum non luxuriando. Diximus superiore domineca hoc esse fidei nostrae opus &c.

De die sco paschae, & de cruce dni. Sci famulae fuerunt &c.

De cruce & resurrectione. Diximus hesternae die, quod crux Dni salutem generi contulerit humano &c.

Sequentia de sepulchro dni Saluatoris. Fortasse qui dicat &c.

De pentecosten & de psalmo dixit dns dno meo. Nosse credo vos fratres, quae sit ratio &c.

De eo quod scriptum est in euangelio dicente: Vulpes foveas habent & reliqua. Si diligenter animaduertit &c.

Increpatio ad plebem, & de eo quod scriptum est in euangelio, qui habet dabitur ei, & cantabimus vobis & non saltastis. Frequenter studebam apud me ipsum &c.

Vbi dns Sabbato manum aridam curauit. Diligenter audire vos credo frs euangelicam lectionem.

De pentecosten. Scire debet Scas vra hanc Scam pentecosten &c.

Mart. Gerbert. Iter Aleman.

G

Ante HARTMOTVM vero GOSBERTVS electus in
abbatem an. 816. & GRIMALDVS seu GRIMOL-
DVS an. 841. rem litterariam *San-Gallensem* im-
primis

De die epiphaniorum & de euangelio ubi dns bapti-
zatus est, & de psalmo XXVIII. Dies epiphanio-
rum graeco nomine &c.

*De eo quod scriptum est in euangelio hominis cuiusdam
diuitis fructus uberis ager attulit.* Duplex est tem-
ptationum species &c.

*De eo quod scriptum est, qui maior est in regno coe-
lorum.* Si diligenter audistis euangelicam lectionem
intelligere potestis, quae ministris ac sacerdotibus
Dei reuerentia debeatur &c.

De duabus nauiculis in euangelio. Quantorum mira-
bilium operator sit dns Ihs Chrs.

De accusato dno ad Pilatum, & Susanna. Mirum
forsitan videatur vobis frs, cur dns apud praesidem
Pilatum &c.

Item sequentia. Ante dies persecuti sumus Scae Susan-
nae.

Item sequentia. Retinet dilectio vestra nos hoc pro-
xima dominica praedicasse, quod Iudas &c.

Dicendum ante natale dni. Laetitia quanta sit, quan-
tusque concursus cum imperatores mundi istius na-
talis celebrandus est &c.

Sequentia de natale dni veniente. Satis abundeque di-
xisse me credo superiore domineca, quemadmodum
compti vel nitidi natalem dni susceperere debeamus &c.

De natale dni nri Ihu Chri. Bene quodammodo Scam
hanc diem natalis dni solem nouum vulgus appel-
lat &c.

De Calendis Ianuariis. Est mihi aduersus plerosque de
vestris querela non modica. De his loquor.

De Sca epiphania. Plerique in hac Sca epiphaniae die.

Dicendum post epiphaniam. Ad omnes vos fratres prae-
dicationem &c.

primis promouerunt. Habentur inter MSS.
San-Gallensia Excerpta ex omnibus operibus S.
AVGVSTINI epi. in fol. scripta tempore GRIMOL-

DI

Item de quadragesima. Superiore dominica &c.

Sequentia. Retinent adhuc sensus vestri frs nōs hoc
 super &c.

Item sequentia. Intellixisse vos credo fr. cur haec &c.

Item sequentia. Non vsque adeo contristari debemus &c.

De ieiuniis & eleemosynis. Non dubito fratres contri-
 stari vos &c.

*De hospitibus (hostibus) magis spiritualibus, quam car-
 nalibus metuendis, & post cibum Deo gratias re-
 ferendas &c.* Frequenter admonuimus frs, vt dum
 licet, dum tempus est &c.

Item Sequentia. Satis abundeque dixisse me credo su-
 periore domineca ad correptionem eorum, qui diui-
 nis &c.

De latrone. Iam hesternā die de latrone fecimus men-
 tionem.

Item sequentia. Meminit fr. vestra dilectio me dedis-
 se rationem cur tantorum criminum inueteratus la-
 tro &c.

Item sequentia. Diximus frs quod ad similitudinem E-
 uae &c.

Item sequentia. Adstruximus superiore domineca S.
 Petrum &c.

Praeparatio de corpore dni. Hesternā die satis accepis-
 se vos credo frs dñmi tractantibus domni & patris
 nostri praesentis episcopi, qui tanta facundia &c.

Increpatio ad populum. Cum semper fratres non ces-
 sarim, vos paterna pietatem corripere.

Post increpationem alleclatio. Amarior fortasse fuerat &c.

De ieiuniis Niniuitarum. Legimus in prophetis cum in
 Niniue ciuitati subuerso diuinitus &c.

Item sequentia. Diximus superiore domineca Niniuitas
 in tribulatione fuisse &c.

DI abbatis. Eidem PAMELIVS adscribit *Librum secundum Sacramentorum S. Gregorii in supplementi modum compositum*, MENARDVS ROTRA-

DO,

De Barbaris non timendis, qui dñum timet, & de Sco Heliseo. Saepe dixisse me memini, quod hos tumultus &c.

Sequentia. Mirum forsitan videatur, quod ante dies Sci Helisei &c.

De tumultibus bellicos. Mouet fortasse vos fratres, quod tumultus &c.

Sequentia. Meminit vestra dilectio hoc nos superiore domineca &c.

De seruo centurionis in euangelio in dedicatione basilicae. Legimus in euangelio cum centurionis &c.

De Iohanne Baptista. Diximus superiore domineca cum silentii non veniam peteremus, quod pro salute commune &c.

Consolatio ad populum. Deberem fratres post hos complures dies aliquid nuperius praedicare &c.

De eleemosynis. Retinet vestra dilectio ante dies cum sermonem ad vos de eleemosynis faceremus &c.

De Maria Magdalena. Haeret adhuc sensibus vestris hoc nos ante dies paucissimos praedicasse, quod Mariam Magd. &c.

De haereticis peccata vindicantibus. Semper meminisse & ante oculos habere debemus fr. dl. quod dns Ihs Chrs ideo ad terram &c.

Quod non debent Clerici negotiari. Reprehendimus ante diem negotiationem clericos exercentes &c.

De eo, quod propheta ait ad filios Israel Caupones vestri miscunt aquam vino. Non incommode ante dies persecuti sumus functionem hanc sacerdotalem &c.

Dictum ante natale dñi. Etiam si ego taceam frs tempus nos admonet, quod dñi Chri natalis in proximo est &c.

De natale dñi Saluatoris. Proxima dominica dilectionem vestram admonuimus fr, de diei huius aduentu &c.

DO, MYRATORIVS vero ALCVINO tribuit. Libris liturgicis nitidissime scriptis abundat imprimis bibliotheca *San-Gallensis*, aureis plerumque initialibus litteris: quos inter eminet *Liber lectionum evangelicarum* per anni circulum Sec. IX. circiter, auro gemmisque ornatus, vbi in opere anaglyptico ex ebore assumptio B. M. V. expressa est cum inscriptione *Ascensio S. Mariae*. Talis in nostra bibliotheca est eiusdem aetatis

Dictum post natalem dni Saluatoris. Laetitia natalis dominici fratres adhuc corda nostra &c.

De Sca epiphania. Intelligere possumus quantam gratiam Christo dno debeamus, quia vota votis &c.

Sequentia. Retinet vestra Sanctitas, quod in die B. *mae* epiphaniae &c.

Commonitio quod instet consummatio seculi & de idolis auferendis. Et ipsi scitis fratres quod non desinam &c.

De eo quod scriptum est, sicut tuba exaltat vocem suam & adnuntia populo meo peccata eorum. Antequam profecuti sumus necessitatem nobis &c.

Sequentia. Superiore dominica profecuti sumus Hiericho muros tubis sacerdotalibus expugnatos &c.

De Zachaeo. Frequente frs dl. huius euangelici capituli parabulam praedicere volueram &c.

Sequentia. Superioris dominicae tractatu credo diuites quoque laetari & gratulari eos &c.

De nat. dni. Qua gratia vel quibus laudibus hac die natalem dni praedicemus &c.

De Calendis Ianuariis. Bene quodammodo Deo providente dispositum est, vt inter medias gentilium festiuitates Chrs Dns oriretur &c.

Excepto alterius in hebdomada paschae. Feliciter in nomine dni. Deinde vt supra de die dominica ascen-

aetatis *Liber Sacramentorum S. Gregorii, Romae* ex authentico bibliothecae cubiculi descriptus, argento & ebore magnifice compactus; vti & *Liber Euangeliorum* in argentea theca miri operis inclusus, & ad sacrarum processionum vsum etiamnum apud nos adhiberi solitus. Notabilis etiam est *San - Gallensis* codex *quatuor Euangeliorum* in vnam narrationem contractorum, seu harmonia IV. euangeliorum, cum praefatione S. VICTORIS episcopi *Capuani*, qui seculo sexto floruit. Habetur autem in laudato codice cum translatione veteri *Theotisca*, vnde redintegrari queat similis SCHILTERI in *Antiqq. Teuton.* vltra dimidiam partem mutila editio. Folia quaedam possidet nostra *San-Blasiana* bibliotheca *Euangeliorum*, litteris vncialibus prae vetustate multum detritis, superposita passim explicatione *Theotisca* antiquissima manu.

fionis. Celebratis haecenus mysteriis scrutaminum inquisitum est &c.

In prima die in pascha. De Sacramentis, quae accepistis sermonem adorior &c.

Sequentia. In diluuiio quoque figuram Baptismatis &c.

Sequentia. Hesterno die de fonte disputauimus &c.

Sequentia. In veteri testamento sacerdotes frequenter &c.

Sequentia. Hesternus sermo noster atque tractatus usque ad Sci altaris Sacramentum deductum est &c.

De die dominica. Summa praeteritae solemnitatis festis praesentibus continentur &c.

De Pentecoste. Cum & solemnitas diei &c.

Inscribitur :

Variae homiliae & tractatus S. Augustini.

nu. Apud *San - Gallenses* antiquissimus est codex *quatuor Euangeliorum Graecus* cum versione interlineari *Latina*, omiſſa quidem historia de adultera apud IOANNEM, ſpatio tamen relicto. *Quatuor euangelia* item ſeparatim alio in codice, & *euangelium S. Ioannis Scotice* ſcripta, qui ſingularis eſt character, vix haecenus apud antiquarios notus. Soli adhuc duo ſuperſunt codices ex pluribus, quos NOTKERVUS ſec. IX. in ſuo catalogo *Scotice* ſcriptos ſingulariter deſignat his verbis: *Libri Scotice ſcripti. Metrum Iuueni. In Vol. I. Epist. Pauli in Vol. I. Acta apolorum in Vol. I. eplae canonicae VII. Vol. I. Traſtat. Bedae in proueria Salom. in Vol. I. Ezechiel proph. in Vol. I. IV. Euangelia. Euang. ſcdm Ioh. in Vol. I. Enchiridion Aug. in Vol. I. Item Iuueni metrum in Vol. I. Apocalypſis in Vol. I. Metrum Sedulii in Vol. I. De gradibus eccleſiaſticis in Vol. I. Arithmetica Boetii Vol. I. Paſſio S. martyrum Marcellini & Petri. Metrum Virg. in Vol. I. Eius gloſſa in altero. Quaternio I. de inuentione Sci Stephani. Quat. I. de relatione translationis Sci Galli in nouam eccleſiam. Bedae de arte metrica in quaternionibus. Inſtructio eccleſiaſtici ordinis in codicillo I. lib. I. Genetiſ in quaternionibus. Acta apoſtolorum & Apocalypſis in Vol. I. veteri. Quaternio I. in natali Innocentium legend. Orationes & ſententiae variae*

in Vol. I. Orationes in quaternion. Expositio in Cantica Cant. in quatern. II. Item in Regum quat. I. Quanto autem in pretio fuerint libri sic scripti, vel inde patet, quod postea in eodem catalogo notetur, CAROLVM M. vnum *Sco-tice* scriptum pro dono gratanter accepisse.

Codices duo, qui adhuc supersunt apud *S. Gallum* integerrimi, characterem praeseferunt fec. VIII. litteris eleganter pictis, verbis tamen passim adhuc coniunctis, sine interpunctionibus fere, praeter punctum medium in fine periodorum cum littera subsequenti semper maiuscula vnciali, quales per contextum etiam frequentes sunt mediis in vocibus. Initio autem litterae sunt, quae optimo iure quadratae vocantur, quarum alphabetum in *Chronico Gottwicensi* ex codice *Fuldensi* edidit Reu.^{mus} abbas BESSELIUS, atque post eum auctores noui tractatus diplomatici; qui quidem testantur, vnam & alteram potius eiusmodi litterarum in antiquissimis monumentis nonnunquam reperiri, quam integrorum scriptorum reliquias. Eiusmodi tamen fuisse tempore NERONIS ex PETRONIO probant, qui quaedam nobis veteris inscriptionis, litteris quadratis pictae, verba conseruarunt mox laudati auctores. In nostris schedis nullae eiusmodi capitales habentur, vti in *San - Gallensi* codice,

ex quo specimen damus (Tab. IV.) pro *Scotica* scriptura. Alterum (Tab. V.) ex nostrae bibliothecae schedis exhibemus, quas nuper librorum compacturis adglutinatas detrahi fecimus, lacinias operis grammatici. *Latina* versio in codicibus *San-Gallensibus* non raro a *Vulgata* abit; nam in primo mox S. MATTHAEI capite, ubi nos legimus *primogenitum*, habetur *vnigenitum*. In insigni codice bibliorum seculi circiter IX. 1. Ioan. V. 7. desideratur versus: *Quoniam tres sunt, qui testimonium dant in coelo, Pater, Verbum, & Spiritus sanctus, & hi tres vnus sunt*, pariter ac in celebri *Tigurino* codice, quem *Carolingicum* vocant, de quo supra. In altero codice *San-Gallensi* desideratur quidem hic versus in contextu, adscriptus est autem in margine. Neutiquam vero hypercriticorum *Richardi SIMONII* & *Io. CLERICI* valet censura, qui versum illum ab ignorantibus librariis suppositum volunt. Quandoquidem *CASSIODORVS*, quem adhibuisse scimus antiquissimos correctissimosque S. scripturae codices, explicat eum locum, vt constat ex codice sec. VI. ex quo ill. *MAFFEIUS* edidit an. 1720. *Complexiones in epistolis apostolorum*, ubi legitur: *In coelo autem Pater, & Filius & Spiritus sanctus: Et hi tres vnus est Deus*. Quin imo S. CYPRIANVS de v-

nitae ecclesiae hunc versiculum respicit, dum ita habet: Et iterum de Patre & Filio & Spiritu Sancto scriptum est: Et hi tres unum sunt. Et in epistola ad IVBAIANVM: Cum tres unum sint, ait, quomodo Spiritus sanctus placatus esse ei potest, qui aut Patris aut Filii inimicus est? At omnium luculentissime S. HIERONYMVS ex aduerso ab infidelibus potius translatoribus omissam esse istam pericopam testis nobis est, quam intrusa ab imperitis dici possit: inter alia enim interpretum fidem desiderat: „Illo „ (verba ipsius recito) praecipue loco, vbi de v- „ nitate Trinitatis in prima IOHANNIS epistola „ positum legimus. In qua etiam ab infideli- „ bus translatoribus multum erratum esse a fi- „ dei veritate comperimus, trium tantummodo „ vocabula, hoc est, Aquae, Sanguinis, & Spi- „ ritus in ipsa sua editione ponentibus, & Pa- „ tris, Verbique ac Spiritus testimonium omit- „ tentibus, in quo maxime & fides catholica „ roboratur, & Patris, ac Filii ac Spiritus san- „ cti vna Diuinitatis substantia comprobatur. “

Integrae adhuc seruantur in bibliotheca *San- Gallensi* KERONIS monachi *San- Gallensis* sec. VIII. glossae seu explicatio vocabulorum sacrae scripturae lingua *Theotisca*, cum aliis eiusmodi codicibus sec. IX. X. ac sequentium, tum
in

in facram scripturam, cum alias ad illustrandam veterem linguam *Theotiscam* plurimum facientibus. E. g. NOTKERI III. *psalterium barbaricum* inscriptum: *Beatus vir, qui non abiit in concilio impiorum.* Der. man. lft sâlig. dero. argon. rât. ne gegieng. Regula S. BENEDICTI sec. VIII. cum versione *Theotisca*. Haec a SCHILTERO publica luce sunt donata. Eadem lingua in codice sec. X. vel XI. BOETIVS *de Consolat. Phil.* Item *Organum Aristotelis*, non tamen ad verbum expressa translatione, sed opere discipulis accommodato. *Martianus CAPELLA de nuptiis Philologiae & Mercurii.* Auctorem versionis antiquissimae *Notkerum LABEONEM*, monachum *S. Galli* fuisse, verisimillimum est. *Harmoniam IV. euangeliorum AMONII SCHILTERVS* in suo *Thesauro antiquitatum Teutonicarum* publici iuris fecit quidem, sed mancarn admodum & abortiuam: desunt quippe 77. capita, videlicet a cap. 76, vsque 153. Ea integra habetur in cod. *San-Gallensi* sec. IX. In fine codicis *liturgici*, cuius character ad *Merouingicum* accedit, atque a litaniis orditur, oratio dominica, & symbolum lingua *Theotisca* scriptum reperitur. Additur nomenclator linguae *Theotiscæ* in codice quodam *S. Galli*, qui continet computum *HILPERICI*, *Rhabani MAVRI* item, qualis imprimis Ven. *BEDAE* in pluribus codicibus habetur.

betur. Quos inter notandus circa sec. IX. scriptus, qui non respondet perfecte illi, qui *Coloniae* 1688. est editus, habetque inter alia etiam festum S. OTHMARI post BEDAM mortui.

Dici non potest, quantum ex hac MSS. bibliotheca instructissima ad SS. PP. editiones ornandas, augendasque conferri queat, imprimis S. AVGVSTINI, quum passim eius editiones, quae hactenus emanarunt, fugillantur; haec autem bibliotheca magnam eius operum copiam habet, quandoque etiam dubia aut spuria opera, aut quae ad alios pertinere dignoscuntur, aut incerti auctoris, quae inquisitione egent, an S. AVGVSTINI genuini sint partus. Inter alios duo S. AVGVSTINO adscribuntur sermones, vnus *de corpore & anima*, alter *de misera vita*, qui nusquam in eius operibus comparent: duos edidit ex cod. *Gottw. Godefridus* BESSEL. abbas *Gottwicensis*, sed an his conueniant, examinare non licuit, editis tunc deficientibus. S. ELIGII homiliae editae non satis concordant cum fragmentis *San-Gallensibus* sec. VIII. Alius codex sub nomine S. FVLGENTII *Imagines virtutum* continet, de quo nec TRITHEMIVS, BELLARMINVS, MARCHESIUS, Natalis ALEXANDER, nec hactenus vulgatae editiones. CALMET praeterea inter haec in suo *Itinerario* notat *Walafridi*

STRA-

STRABONIS *Commentarium in integrum psalterium*. Rhabani MAVRI *Epitome commentariorum*, ab eodem STRABONE, MAVRI discipulo facta. Imprimis notandus Ven. BEDAE *Commentarius in Isaiam*, cuius ipse in indiculo operum suorum meminit. Eius proemium sic incipit:

ISAIAE *breuibus lector mysteria verbis*
Pandere quis poterit, tractantur & cuncta
voluntas.

Hunc prius HIERONYMVS longis tractatibus
vsus

Exposuit sapiens magnis ambagibus illum
Cuius ab immensis temptabo excerpere libris,
Quae breuiter valeant sensum nudare prophetae
Si placet ALBINO talem nos ferre laborem.

Inc. opus: *Visio Isaiae filii Amos vsque regum Iuda*. Ergo *Isaias principaliter de duabus loquitur tribus &c.* Et post finem: *Incipit de valetudine & obitu venerabilis Bedae pri.* Notandum praeterea, in editione Rhabani MAVRI an. 1626. haberi tres libros cum inscriptione: *De quaestionibus canonum &c.* in quorum tertio canones 24. habentur, qui iidem in codice *San-Gallensi* leguntur; desiderantur autem in epistola ad HERIBALDVM, quae exstat in codice *San-Gallensi*, & *Ochsenbusano*, ac nostro *S. Blasii*.

Blasii poenitentiali, edita autem est a BALVZIO, & in *Conc. Germ.* P. HARTHEIM. Habentur item CVMEANI abbatis, vel, vt aliis placet, episcopi, ex *Scotia* oriundi sec. VII. *Iudicia canon. poenitent. pro diuersis criminibus imponendae. Poenitenciales item Viuiani, & alia id genus. Statuta canonum de officio sacerdotum. Breuis denotatio VI. principalium synodorum, & IV. nobiliorum canones. Compendiosa traditio canonum orientalium seu Africanorum, quos Adrianus P. colligi & Carolo M. tradi iussit pro ecclesiis occidentis. Variorum PP. Decreta, GREGORII praecipue de monachorum, monasteriorumque libertate: sunt numero 330. Alia de diuersis rebus Patrum & conciliorum decreta. Index canonum super diuersas materias. Ecclesiasticae regulae ex sententiis SS. Patrum defloratae, & a legatis ipsius sedis apostolicae in Gallias pro ecclesiasticarum causarum dispositione deportatae. Burchardi collectio conciliorum separatim in alio codice. Conciliorum diuersorum canones ad certos titulos reuocati. Nonnulli codices canonum & conciliorum sec. circiter IX. Capitula canonum ex diuersis canonibus extracta. Haud raro ex eiusmodi collectionibus aut noua quaedam colliguntur, aut vulgatae editiones corriguntur, illustranturque; praesertim si antiquiores sunt codices. Quales etiam*

etiam nostra *San-Blasiana* bibliotheca possidet collectiones, unam mille saltem annorum, alteram sec. IX. Recentior in bibliotheca *San-Gallenſi* est *ſumma* metrica, continens ſtatuta SS. PP. canones conciliorum, & decreta ſummorum pontificum. In fine ita habet : *Finitus eſt iſte liber Rotwilae abſ Ioanne Dominico Mandli, nonas May an. Dni 1354. Ind. 7.^{ma}* In peculiari etiam codice ſec. XV. habentur *Conſtantiensis* concilii capitula reformationis. Sermo contra HIERONYMV *Pragenſem* in codice, cui titulus : *Collatio contra Hieronymum Huſſitanum in publica ſeſſione Conſtantiae facta.* Thema : *Exprobrauit eis Deus incredulitatem.* Item alius ſermo in Conc. *Conſtantiensi* habitus an. 1418. per magiſtrum THEODORVM monachum, & profefſorem ſtudii *Coloniensis*. Verſus IOANNIS XXIII. poſt ſui deſiſitionem a concilio *Conſtantiensi* factam. Sequuntur articuli Ioannis HVSS. MARTINI V. *Valete*, quod dedit in reſeſſu a concilio *Conſtantiensi*. In fronte codicis, quo *ſumma pauperum* metrice cum commentario habetur, ponitur numerus hominum, qui interfuerunt concilio *Conſtantiensi*. In alio codice habentur *Baſileensis* concilii *Bulla de feſto immaculae Conceptionis.* *Epistoſa ſynodalis* eiſdem concilii *Baſileensis.* *Decretum concilii Baſileensis ſuper reformationem Mnrri S. Galli ſub Eglolfo.*

Manuscripta autem operum antiquorum SS. PP. quibus instructissima est bibliotheca *San - Gallensis*, infinitum esset, omnia recensere, ac integrum flagitaret opus, quod parauerat laudatus P. PIVS, *San-Gallensis* bibliothecarius, qui in suo catalogo singularem classem habet Patrum indigenarum *San-Gallensium* a S. GALLO vsque & B. THEODORO, S. COLVMBANI discipulo, cuius iam laudauimus sermonem inauguralem *Constantiae* habitum; & S. OTHMARO, sub cuius nomine ap. *S. Gallum* MS. habetur *Instructio confessionis auricularis faciendae*: quo seculo, VIII. scilicet, floruit etiam KERO, de quo mox diximus. Sec. IX. HARTMANNVS, seu HARTMVNDVS, *Beatus* ISO. Eodem, & mox decimo & vndecimo sequenti seculo plures NOTKERI celebres floruerunt; scilicet B. NOTKERVS *Balbulus*, cuius condiscipulus fuit B. RAPERTVS, qui de origine & diuersis casibus monasterii *S. Galli* scripsit, quod argumentum prosequutus est ECKARDVS *Iunior*, qui etiam *Vitam* S. GALLI scripsit; & B. TVTILO, cuius carmina quaedam exstant: NOTKERVS *physicus*; NOTKERVS episcopus *Leodiensis*, & NOTKERVS *Labeo*. Plures etiam celebres ECKARDOS *San-Gallenses* numerant vsque ad sec. XIII. quo quintus floruit vnacum BVRCHARDO, CONRADO *de Fabaria*, qui a tempore PHILIPPI regis de casibus monasterii *S. Galli* continuauit

quauit opus ECKARDI. Nescio, num huius sit,
 an alterius ECKARDI *Liber benedictionum*, quem
 inscripsit JOANNI diacono, monacho *Sancti Ma-*
ximini, postea eius coenobii abbati *EKK pres-*
byter indignus & ultimus Sancti Galli monachus.
 Post varia epigramata *Incipiunt benedictiones*
super lectores per circulum anni: intermixtis
 subinde aliis, de rebus sacris, carminibus. Se-
 quuntur *Versus ad picturas domus dni Mogun-*
tinae vet. test. & nou. Aribone archiepiscopo lu-
bente modulati. Item: *Ad picturas claustru S.*
Galli Purch. abb. iussu. Oratio dominica ver-
 sibus expressa. Versus de Nat. dni a pueris
 circa claustrum post crucem in dominicis canen-
 di. Item: *Coram cruce.* Sequitur rubr. *Pur-*
chardo abbati pro quodam scholasticulo fraude
subtracto & alteri magistro tradito. Epitaphi-
um Ariboni archiepo Moguntino. Epit. Walte-
ri Spirensis epi. Rachildae virgini reclusae. E-
pit. EKK. monacho prbo, maiori decano. Epit.
EKK. mon. prbo pposito Moguntino apud S. Al-
banum sepulto. Epit. EKK. mon. prbo minori
tempore decano. Epit. Purchardo minori abbi.
Epit. IV. Scholarum magistris aequae tumultatis.
Epitaphium Herimanno laico ad hostium aposto-
lorum. Epit. cuicumque volueris. Sub abbate
VDALRICO II. celebris HEPIDANNVS floruit, sub

VDAL-

Mart. Gerbert. Iter Aleman.

H

VDALRICO VIII. *Ludovicus* ab HELMSTOREN
Jo. BISCHOFF obiit 1495.

Atque haftenus semper cum disciplina monastica studia etiam, in linguis orientalibus praesertim viguerunt, aliunde confluentibus quoque, atque ex monasterio hoc alio accitis disciplinae moderandae gratia tam ecclesiasticae, & monasticae, quam litterariae viris. Cum *Augiensibus* ipsis est controuersia de HERMANNO *Contracto*. *Walafridus* STRABO, & BERNO certo prius in monasterio *San-Gallensi* in disciplina monastica & litteraria formati fuerunt, quam ad abbatiam *Augiensem* euocarentur. Illius adhuc supersunt MSS. libb. II. in fol. de vita & miraculis S. GALLI; item *Vita* S. OTHMARI abb. Huius, BERNONIS nimirum, epistola ad BVRCKARDVM, & KERVNGVM, ac caeteros in dominicarum scholarum gymnasio *Augiae* vacantes, vna cum variis canticis, rhythmis pro ecclesia, in 4.: item plures aliae epistolae eiusdem BERNONIS ad *Augienses* & alios. Praeter officium pro festo S. VDALRICI, sermo pro festo S. MATTHIAE apostoli, & B.^{mae} Virginis: Sermo de Incarnatione; item de S. MARCO, in quo dicitur, corpus eiusdem Sancti adseruari in *Augia*. SALOMON, qui inter primos fuerat nominandus, hic accensetur, quod abbas simul *San-Gallensis*, & episcopo-

scopus *Constantiensis* fuerit hoc nomine III. de quo exstat *lexicon seu vocabularium poeticum, historicum, cosmographicum &c.* quod vastum & eruditione varia pro ea aetate refertum opus, caractere coaeuo auctori, per tot aetates singulare bibliothecae *San-Gallensis* ornamentum haftenus optime conseruatum in suo catalogo depraedicat P. PIVS, haerens tamen, num SALOMONI, an potius ISONI eius magistro adscribat. Cuius sub nomine compendium quoddam, vt postea dicemus, in monasterio *Ochsenhusano* seruatur. *San-Gallensi* initio & fine aliquid deest, quod incipit: *Accidit malum. Contigit factum. Obtigit sorte. Et venit casu.* Finis: *Y litera Pythagoras Samius ad exemplum vitae humanae primus formauit: cuius virgula superior primam aetatem significat, incertam quippe, & quae adhuc se nec vitiis nec &c.* Ad- dit P. PIVS in suo catalogo adpendices de PP. indigenis, quorum opera desiderantur, & eorum, qui codices antiquos scripsisse leguntur: quod merito eorum debetur memoriae. Obseruatu dignam iudicauimus in codice *San-Gall.*

figuram (Tab. VI.) qua S. Gallo LVITHE- RVS reclusus, qui ad finem fere sec. X. vixit, li- brum a se conscriptum offerre videtur, partim et- iam ob habitum & tonsuram, qualem MABILLO- NIVS a) describit: *Tonsura monachorum ad bre-*

ues capillos redacta erat, unde caput quotidie peſtebant. Soli ex illis maiores clerici corona interraſili & ad cutem detonſa inſignes erant. Idem MABILLONIUS alibi a) demonſtrat, hoc tonſurae genus tempore S. P. BENEDICTI in uſu fuiſſe, quam Romanam, ſeu Benediſtinam nominamus. Ad calcem laudati codicis habentur duo alia figurarum ſchemata; primum poſt officium coenae Domini, alterum poſt Mandatum, ſeu pedum lotionem. In illo porrigit Chriſtus diſcipulis conſecratum panem, in hoc eorum lauat pedes. In utroque ſolus PETRUS geſtat coronam ſeu tonſuram clericalem. Quod etiam MABILLONIUS in nonnullis antiquiſſimis codicibus ſe vidiffe, & notatu digniſſimum eſſe teſtatur in ſuis annalibus. Hoc ſigno enim antiqui Patres praerogatiuam PETRI, & inter caeteros apoſtolos eius praecellentiam designare volebant. In codicibus San-Gallenſibus haud raro occurrunt imagines variae, praefertim in codicibus liturgicis, quos hic non recenſeo, etſi in illis perluſtrandis maxime deſudarim, ac plurima notatu digniſſima excerpterim, in liturgia Alemannica commemoranda.

Vno tantum verbo ingentis numeri vitas Sanctorum ultra 200. indico, plerumque ad publicum officium diuinum deſtinatas, uti etiam martyrologia.

a) T. I. p. 53. & 529.

gia. In horum quodam, ADONIS nimirum, quod libello de festiuitatibus SS. praemissum est, de assumptione seu dormitione B. V. M. sic habetur: *Quo autem venerabile Spiritus S. templum illud, id est, caro ipsius beatissimae Virginis Mariae nutu diuino & consilio occultatum sit, plus eligit sobrietas ecclesiae cum pietate nescire, quam aliquid friuolum & apocryphum inde tenendo docere.* Est ADO in ea sententia, occultari quodam in loco, non cum anima in coelum adsumtum esse. NOTKERUS BALBVLVS, ADONI Synchronus, cum aliis contrarium tuetur in suo martyrologio; addit nihilominus: *De quibus quia doctissimi tractatores videntur inter se dissentire, non est meum in tam breui opusculo desuare.* Hoc tamen certissime cum vniuersali ecclesia & credimus & confitemur, quia si reuerendissimum illud corpus, ex quo Deus est incarnatus, adhuc alicubi in terris celatur, reuelatio illius utique in destructionem antichristi reseruatur. Nihilominus pro contraria opinione citat NOTKERVM (quasi dicat, non adsumtam) LAVNOIVS & ex eo HOTTINGER in *Heluetischen Kirchen-Geschichten* p. 699.

In historia sacra imprimis illustranda MSS. *San-Gallensia* insignem adhuc vsum praestare possunt. Habetur e. g. *Breuis annotatio historica*

rica ab an. 691. vsque 816. In alio codice
Notae chronicae ab anno. 909. vsque 1045.
Chronologia summorum pontificum vsque ad Ser-
gium papam: in necrologio imperatorum Ro-
manorum, item regum *Francorum*. *Cyclus de-*
cem nouennalis habens insertam *Chronologiam*
regum Galliae. *Chronicon vniuersale ab Ada-*
mo vsque ad regem Sigismundum ad an. 1394.
 Item aliud *vsque ad Fridericum III.* an. 1450.
Chronologia summorum pontificum vsque ad Ni-
colaum V. *De fundatione episcopatus Strasburgen-*
sis chronicon breue, vbi quaedam de vrbe *Constan-*
tienfi occurrunt. *Syllabus episcoporum Constan-*
tienfium vsque ad an. 1466. *Catalogus abbatum*
S. Galli. *Variae notae chronicae*, praesertim de
 monasterio *S. Galli*. *De conuentione precum* &c.
S. Galli, & *Augiensis*, &c. *Chronicon Germanicum*
totius Helvetiae, praesertim monasterii *S. Galli*.
Historia belli & *victoriae Capellensis a V. Helueti-*
cis cantonibus catholicis contra acatholicos ob-
tentae an. 1531. *Breuissima chronologia rerum*
memorabilium partium huiatum ab an. 566.
 vsque ad annum 1656. *Liber historiarum A-*
lexandri M. pro Albrect Palatino Rheni &
Bauariae duce scriptus manu Ioannis Fronen-
dörffer de Tyrrenstein Austriaco, vbi ad finem
 se transtulisse dicit iuxta genuinum textum *S.*
EVSEBII. *Oratoribus*, *poetis*, & *grammaticis an-*
 ti-

tiquis refertam esse bibliothecam MSS. *San-Gallensium* nemo mirabitur, qui rememoretur, scholam *San-Gallensem* inter celebrioris olim fuisse. Vnum hic librum in fol. noto *Bedae famuli Christi de orthographia*, qui ipsius manu scriptus creditur. Schola alia interior, alia exterior fuit, vt ECKARDVS a) in vita B. NOTKERI testatur: „Traduntur post breue tempus „MARCELLO scholae claustrum cum beato NOTKERO *Balbulo*, & caeteris monachici habitus „pueris. Exteriores vero, id est, canonicae „ISONI cum SALOMONE & eius comparibus, „MARCELLO vero praesidente, mentes discipulorum NOTKERI, RAPERTI, TVTILONIS aliorumque septem liberalium artium scientia plenum imbuit.“ Nec haecenus ea scholae distinctio cessat, atque vetus etiamnum magisterium in tanto MSS. adparatu harum rerum studiosis semper patuit nostra aetate doctissimis BALVZIO, MABILLONIO, QVIRINO, CALMETO. Quibus me accensere non audeo, qui post plurimum dierum commorationem partim in ipso monasterio *S. Galli*, vbi impressi libri nunc solum sunt, atque inter alios rariores *Liber precum* &c. *German.* ex primis typis in ligno sculptis rarissimis; partim *Rosaci*, quorsum bibliotheca translata est ob nouam structuram, vix, quae mei potissimum erant institu-

ti, circa liturgiam *Alemannicam* exhausti; licet magno mihi compendio fuerit catalogus rite ordinatus, typisque paratus. Quod optandum est, ut votis academiae litterariae *Boiariae* omniumque litteratorum virorum tribueretur a celsissimo principe, mortuo auctore P. *Pio* KOLB, qui, ut sedulo me meis in studiis iuuit, ita abeuntem constanter, donec *Rosachio* vela dantibus nobis naus oculos fugeret, in oculis gessit, ultimum valedicens.

Lindauia.

Secundis ventis pernauigauimus, quem antiqui *Rheni* lacum, *Acronium*, *Brigantinum*, *Bodamicum*, *Moesium*, *Constantiensem* potissimum ex orae adiacentibus locis dixerunt. Haec vero superior ampliorque pars etiam *Withsee*, id est, *der weithe See* est vocata, prout sinum suum extendit a *Rheni* influxu versus *Constantiam*, ubi in arctum constrictus *Rhenus* iterum effluit, & se prodit commixtus antea immensae lacu aquae. *Ammianus* MARCELLINVS narrat cum plerisque deinceps auctoribus veteribus & recentioribus, *Rhenum* medium per lacum seruato alueo suo, coloreque, haud mixtum aquis *Acronianis*, defluere; quod nos non semel lacum istum pernauigantes animaduvertere minime potui-

potuimus. Post aliquot navigationis horas *Lindaviam* adpulimus, insulam ponte, centum piliis subnexo trecentorum quinquaginta usque passuum, continenti iunctam. Vrbs est libera imperii *Romano - Germanici*, *Lutheranae* sectae addicta. Bibliotheca publica non magna quidem nullisque MSS. selectis, tamen libris instructa est & adparatu instrumentorum mathematicorum. Inter alia globus coelestis, si nocte lumine intus collustretur, stellas micantes ac constellationes repraesentat.

Adest hic nobilium virginum collegium sub principe matrona, quae licet vulgo credatur voto perpetui coelibatus esse adstricta, ipsi tamen aequae ac eius canonissis aliud haud incumbit, quam sedula sui Collegii constitutionum observantia. Haec ius insulae sibi vindicat, contranitente tamen vrbe. Quamobrem maxima de diplomate *LYDOVICI Pii* vel *Germanici* est contentio, vltro citroque editis integris voluminibus agitata. Litem movit *Daniel HEIDERS*, beneficiario iure Parthenoni obstrictus, antea oeconomicis rebus adhibitus. Celebris *Hermannus CONRINGIUS* e *Saxonia* usque in suppetias vocatus, censuram diplomatis typis *Helmstadianis* edidit. Suspectum etiam fuit *Steph. BALVZIO*, quod tum in textu diplomatis mul-

ta sint aliena a stylo cancellariae illius aevi, cum quod insuetum fuerit, ut ipse putavit, tum adponere diplomatibus annos Incarnationis. CONRINGII *Achilles* fuit *Rhabani* MAVRI, archiepiscopi *Moguntini*, nomen & clientela, qua obtentum sit diploma, qui tunc temporis sedem illam haud tenuerit. Id quod etiam suspensos cum aliis habuit auctores novi tractatus diplomatici *Gallica* lingua a PP. TOVSTAIN & TASSIN editi. P. RASSLER vero in defensione diplomatibus, aut oscitantia notarii nomen istud loco OTKARI irrepsisse contendit, aut illud saltem citius conceptum fuisse, quam anni Incarnationis dominicae praeseferant, alia manu deinceps adscripti. In dubium etiam vocatum est ADALBERTI nomen, qui CAROLI M. cognatus, ac comes palatii, parthenonem suis bonis auxerit ac condiderit, quod tamen in annalibus *Pithoeanis* sub LYDOVICO Pio ad annum octingentesimum trigesimum octavum & nonum occurrat. Nec adeo abludit EKBERTI nomen, si etiam in antiquo lapide sepulchráli ita legatur cum MANEGOLDO, & WODEREBICO, uti etiam pictura antiqua, quae adhuc cernitur, atque in tabula lignea adposita fideliter expressa est, tres repraesentat figuras. Primum quod spectat, non inepte P. RASSLER coniicit, lapidem istum successu temporis positum fuisse, quum forte cines

res vna fossa conclusi fuerint. Pictura vero vel inde recentiorem aetatem indicat, quod oleo temperatis depicta dicatur coloribus, quem pingendi morem primum anno 1410. *Joannem VAN EGK* sui temporis *XEVXEN* inuenisse probat *Joachimus A SANDRART* in *Academia artis pictoriae*.

Neque vero opus est illustribus *Lindauiensibus* virginibus, synchrona habere eiusmodi anathemata, quae solent varia tractu seculorum subire fata. Haec nec ipsa *Lindauiensis* ciuitas a se aliena dicere potest, quam alte etiam origines suas proroget ad *Romani* usque imperii tempora. Est locus apud *STRABONEM*, qui huic opinioni fauere videatur, ad tempora *AVGVSTI* pertinens, sub quo per *DRVSVM* & *TIBERIVM* *Rhaeti* ac *Vindelici* bello sint subacti. Prope hanc regionem, sunt *STRABONIS* a) verba, origo & *Istri* & *Rheni*, ac lacus inter horum fontes situs, & paludes a *Rheno* effusae. Lacus in ambitu habet stadia amplius CCC. traiectum prope CC. In quo ea est insula, qua pro receptaculo usus est *Tiberius* nauali pugna cum *Vindelicis* certans. Quodsi ex loci propinquitate opportunitateque decernendum sit, citius hoc de *Lindauensi*, quam *Augiensi*, ac
Main-

a) Lib. VII.

Mainaugiensi, lacus *Acroniani* insulis, intellexerim. Postquam *TIBERIUS* a *Rheno* ad lacum progressus fuerat terrestri itinere vsque *Cornu Romanorum*, & *Felicem Arborem*, quae hodie *Romishorna* sunt & *Arbona*, inde conscensis nauibus aqua progredi, insulaque *Lindauiensis* pro receptaculo (ὄρμητῆριον) vti potuit. Atque ad hoc etiam turris vetustissima forte fuerit, faxis mirae magnitudinis exstructa, tantaeque adhuc firmitatis, vt nullo fere opere frangi queat, quam murum gentilium, *die Heiden-Maur* vocant, aut etiam murum *TIBERII*. Alterum adhuc *Romanorum* munimentum esse volunt castellum, *die Burg*, miri pariter operis structuram, quae medium habet *S. Aureliae* clim, nunc *S. Jacobi templum*, quod a primis christianis incolis aedificatum dicunt, vt maiorem vrbs suae, quam parthenonis, antiquitatem ad ius sibi vindicandum vsurpent. Vt enim omnia demus, historian tamen veterum *Alemannorum* repetentibus constat, eos variis irruptionibus *Romanorum* opera diruisse, ac funditus euerxisse; quod celebri *Vindonissae* accidit, vbi etiam postea insigne virginum monasterium *Campi Regii*, seu *Königsfelden* instructum est. Equidem *Romani* rerum potiti ea iterum restaurarunt, atque imprimis de *CONSTANTIO Chlo-ro AVENTINVS* a) refert, ei placuisse, ad oram

Bri-

Brigantini lacus castra Romanasque vires ad custodiendas *Rhaetias* collocare. Nota vero sunt ea castra ad oram citeriorem ex antiquis historicis, itinerario ANTONINI, ac charta *Peutingeriana*, quum nuspiam *Lindavia* occurrat, ipsumque nomen ex *tiliarum* exuberantia *Teutonicam* originem prodat.

Brigantium oppidum, cum vicino Augiae monasterio.

Ex aduerso littore celebre imprimis situm est *Brigantium*, a quo lacus nomen etiam habet, atque *Ammianus MARCELLINVS* a) *Brigantium* vocari testatur: *Rhenus lacum inuadit, quem Brigantium accola Rhaetus adpellat.* *PLINIUS* b) lacum *Rhaetiae Brigantium* vocat. Iuxta *STRABONEM* c) *Brigantii* quoque ad *Vindelicos* pertinent, illorumque oppidum in ora lacus positum superest: *PTOLOMAEVS* vero *Rhaetis* accenset: „Nomen a *Brigantino* fluuio habet, quod „inter *Vindeliciam*, *Rhaetiam*que diuidit. „ Atque hic sub finem sec. VI. initiumque VII. christiana reffloruit religio, a SS. *COLVMBANO* & *GALLO* citeriori oræ lacus *Brigantini* primum illata. Testatur *Walafridus STRABO* in *Vita*
S.

a) Lib. XV. c. 6.

b) Lib. IX. c. 17.

c) Lib. IV.

S. Galli de templo *S. Aureliae Brigantiae* consecrato : *Se reperisse in templo tres imagines deauratas parieti adfixas, quas populus dimisso altaris sacri cultu, adorabat, & oblatiis sacrificiis dicere consuevit : isti sunt Dii veteres, & antiqui huius loci tutores, quorum solatio & nos & nostra durant usque in praesens.* Colligitur hinc, iam antea christianam religionem isthic inductam fuisse, atque iam prius *sacrum Aureliae templum* exstitisse, quum dicat, *S. COLVMBANVM* ibidem e naui egressum aediculam in honorem *S. AVRELIAE* aedificatam, sed penitus profanatam offendisse, immunditiis liberasse, reliquiasque *S. AVRELIAE* in altari condidisse. AEDICULA etiam superest *S. Galli* prope lapidem *Gallenstein*, relictis, ut volunt, in faxo durissimo *S. GALLI* vestigiis, in colle ad radicem *montis S. Gebhardi Constantiensis* sanctissimi episcopi, eo in loco nati, seu potius ex materno excisi utero. Oppidum, quod *Walafridus STRABO* dicit, aetate *S. COLVMBANI* vetustate collapsum, haud dubie ad ipsam lacu oram situm fuit, aut eousque se protendebat, ubi nunc antiquissimum est *Germaniae* monasterium, *Augia* dictum.

Locum hunc designavit *S. COLVMBANVS* apud *Arbonam* subsistenti *WILLIMARRO* presbytero, uti habetur apud *WALAFRIDVM a)* in *Vita S. GALLI* : *In hac solitudine,*

a) Lib. I. c. 5.

ne, inquit, locus quidem est antiquae structurae, servans inter ruinas vestigia, ubi terra pinguis & fructuariis prouentibus apta, montes per gyrum excelsi, heremus vasta, & imminens oppido, planicies copiosa. Templum S. Aureliae hodie in interiori claustro inclusum est, habetque praetera beatorum apostolorum basilicam, in qua duo augusta sepulchra e marmore, sed sine inscriptione conspiciuntur, ut, qui sub ipsis condantur, haud sciatur, neque an sit ecclesia ex prima exstruktionem monasterii sub S. COLVMBANO (quum alias templa S. PETRO dicata pro antiquioribus habeantur). Eo inde abire iusso, atque in *Italiam* commigrante cessauit illic diu religio, donec ad finem seculi XI. ab VLRICO, *Rhaetorum & Brigantiae* comite, restauratum monasterium, templumque dicatum fuit a cognomine VLRICO, *Constantiensi* episcopo, comite a *Dillingen*. Erat primum monasterium vtriusque sexus professionis *Benedictinae* iuxta annales CRYSII a) ad an. 1097. Inter paucos ex conflagrationibus, ex pilationibusque residuos libros, plura adhuc seruantur opera apographa S. COLVMBANI, imprimis *Instruktionem* seu *Sermones* XIII. praeter aliam *Instruktionem de octo vitiis principalibus*, ex codice litteris *Hibernicis* exarato, epistolas item varias, ac tractatum de poenitentia. Mart-

b) P. II. Lib. VIII, c. 15,

tyrologium quoque, quod *Domno Karolo regi piissimo Hyswardus* inscripsit. Duo *necrologia* canae antiquitatis. Tabulae ceratae, in quibus tamen nullum integrum extricari potest verbum.

In ipso oppido, quod milliari prope *Italico* a monasterio distat, nulla sunt primae antiquitatis rudera, quae saltem incolis cognita sint, aut a nobis detecta fuerint, quae nos morari potuissent. Duplex inde iuxta chartam *Peutingerianam* patuit via sub *Romano* imperio, altera per *Rhaetiam*, altera ad *Vindeliciam*. Fuerunt, qui *Rhaetiam* cum *Vindelicia* confunderent, ipso *VELSERO Vindelicorum* supprime nomen. Recte vero doctissimus, mihiq;e, quum viveret, amicissimus *ROSCHMANNVS* in libro *de Veldidena* ostendit, diuisionem in *Rhaetiam* primam & secundam *ARCADIUM* demum auctorem habere, antea autem propria *Rhaetiae* & *Vindeliciae* fuisse nomina. In *Rhaetiam* peculiaris via versus alpes a *Felice arbore* in tabula *Peutingeriana* designatur ad *Curiam*, quae sedes episcopalis est; alia per *Cluniam* & *Magiam* vrbes, quarum vestigia nunc oppidum *Feldkyrch* & *Meyenfeld* esse volunt. Inter montes rupibus structos *Amisia* castra antiqua non longe dissita familiae nobilissimae nomen dant, ex qua plures
he-

heroes, ac principes etiam ecclesiae prodierunt. *Marcus SITTICVS*, PII IV. Pont. Max. ex forore nepos, S. R. E. Cardinalis & episcopus *Constantiensis*, alter cognominis archiepiscopus *Salisburgensis*. Egregia etiam in arce, praeter alia cimelia, MSS. *Theotiscorum* imprimis feruari dicitur supellex. Non procul inde *Ranckuilla* distat, supremum olim complurium prouinciarum tribunal ex nobilium iudicum confessu, sub praesidio *Alemanniae* & *Rhaetiae* ducum, ac postea comitum *Montfortii*, teste *Gabriele BVCELINO* in *Rhaetia topographica*. Nobilitasse dicitur locum & tribunal illud insigni miraculo S. FRI. DOLINVS, qui BALDEBERTO, tunc sub CLODVAEO supremum iudicem agente, LANDVLPHVIVM principem bona ecclesiae a fratre testamento relicta sacrilege vsurpantem in ius vocarit, resuscitato a mortuis VRSO, LANDVLPHI fratre, atque contra ipsum in testem prolato.

Veldkyrch.

Inde per valles praecipitum rupium, hortis tamen & vineis hinc inde consistorum, *Veldkyrchium* via patet, quod etiam *Phaniam* adpellant; mihiqve verisimile fit, in charta *Peutingeriana*, quae ad THEODOSII tempora refertur, in *Cluniam* degenerasse *Vaniam* seu *Phaniam*.

Mart. Gerbert. Iter Aleman. I Op-

Oppidum est peramoenum, olim profapiis nobilibus illustre, atque etiamnum ecclesiae penates praeter exquisitissimi ex ferro operis cathedram ecclesiae parochialis picturis elegantissimis celebrium *Italiae, Germaniae, & Belgiae* artificum exornantur, *Iulii BENZONII, Vincentii MALI, Iacobi CAMPANI, Alberti DVRERI, Christophori STOHRERI, Matthiae KAGERI, Samuelis* ab HOCHSTRADEN, & ROSENDALII, *Antonii van DYCK, Ioannis de SANDERATH, Gaspari MONPEER, de GAYER, & aliorum.* Ecclesiam *Capucinorum* extra urbem imprimis ornant vexilla ad pompam canonizationis S. FIDELIS a *Sigmaringa*, S. Congreg. de propaganda fide protomartyris, concinna *Italorum* pictorum manu facta, sacrae item eius reliquiae ac domestica suppellex cum ipsa cella eius, quam in familia *Veldkyrchensi* degens incoluit, nunc ad latus sacelli eius cultui dicati translata, altarique ad celebrandum sacrificium instructa. Hinc iter erat per alpes *Rhaetias* in *Italiam*, inde per *Brigantiorum*, aut per *Estionum Licatumque* pagos ad *Vindeliciam* iuxta chartam *Peutingerianam*: *Brigantio* vero ad *Rhenum*, cui ex parte respondet, quae vocatur hodie *Vallis Rheni* siue *Rheinthal*; inde per *Vemariam*, & ad latus *Viacam*, stationes *Romanas*. Quod nos fere iter *Augustam Vindelicorum, prae fuga*, vt *VIRGILII*
phrafi

phraſi vtar, carpiſimus, rebus noſtris conſulentes, & ad ea diuertentes loca, vbi quidpiam ſtudiis noſtris conueniens nos reperturos ſperabamus.

Alemannia orientalis.

Eſt haec orientalis *Alemanniae* plaga, & pro-
ut *Rheno*, *Danubio*, *Moenoque* comprehenditur *Alemannia*, hinc potiffimum nomen habet a prima ſua origine, intra terminos fere antiqui *Valli Romani* cis *Rhenum*, agrorumque decumatium, regione a *Marcomannis* relicta, quibus populorum quaedam colluies ſucceſſit. Ac verſus orientem quidem *Sueui*, a mari *Sueuico* ſeu *Danubio* acceſſerunt teſte TACITO a) iam poſt mortem AVGVSTI, a quibus *Alemannia* in ſequentibus ſeculis *Sueviae* nomen accepit, vt iam ad finem ſeculi IV. quo tabula *Theodoſiana* refertur, *Alemannia* etiam *Sueuia* adpellaretur, ac incolae regionis *Sueui* vel *Aleman*ni indifcriminatim nominarentur. *Sueuos* paſſim *Aleman*nos eſſe dictos, ex CLAVDIANO & AVSONIO colligitur. GREGORIUS *Turonenſis* b) & PAVLVS *Diaconus* id expreſſe teſtatur. Ille: *Vandalos*, inquit, *ſequuti Sueui i. e. Alamanni Galliciam adprehendunt.* Hic: *Iſte*

I 2

eſt,

a) Annal. lib. I. c. 44.

b) Hiſt. lib. c. 2

est, ait, *Suenorum*, hoc est, *Alamannorum* gente oriundus. Et a) *Walafridus* STRABO: *Quum* duo sint vocabula *Suenia* & *Alamannia* unam gentem significantia, priori nomine nos adpellant circumpositae gentes, quae latium sermonem habent &c. Atque ita habet geographus RAVENNAS b) scriptor sec. VII. iuxta primum illius editorem *Plac. PORCHERONVM*; auctor vero dissertationis Chorographicae de *Italia* mediæ ævi illud usque ad sec. IX. reuocandum commonstrat. *Propinqua ipsius Thuringiae* adscribitur *Suauorum*, quae est *Alamannorum* patria. Ita nomen propius vernaculo usui accedit; quomodo etiam nonnunquam Graecis *σθαλοι* dicimur, STRABONI ac DIONI olim *σθηλοι*. Quod est multo antiquius *Alemannorum* nomine, de quorum moribus & situ CAESAR c) & TACITVS, d) ac passim STRABO & alii, quibus omnibus, atque etiam PLINIO, & PTOLOMAEO, incognitum adhuc *Alemannorum* nomen fuit. VOPISCVS vero in PROCVLO primus id nomen usurpat: *Alemannos*, qui tunc adhuc *Germani* dicebantur, non sine gloriae splendore deuicit. Primus CARACALLA adscripta sibi in *Alemannos* victoria *Alemannici* nomen adsumpsit. *Quum*, inquit SPARTIANVS d), *Germanici*, & *Partici*, & *Arabici*, & *Alemannici* nomen adscriberet. Nam *Alemannorum*

gen-

a) In Prologo ad vitam S. GALLI

b) Lib. IV. Geogr.

c) Lib. IV. c. 1.

d) C. 98.

d) In Caracalla c. 10

gentem deuicerat. Testatur *Dio Cassius* a), victoriae nomine grandi pecuniae summa ei vendito, ipsi esse permissum, ut saluus in *Germaniam* sese reciperet. AEquiore iure id sibi nomen *CONSTANTINI* adsumpserant, uti etiam frequens in nummis occurrit inscriptio *Alemannia deuicta*. Incerta nominis est origio, gentisque. *Alemanni* autem, ait *AGATHIAS* b), qui suum vicissim citat auctorem, si *Afinio Quadrato*, viro Italico fides praestanda, qui res Germanicas diligenter perscripsit, conuenae sunt, & mixti homines, quod & eorum nomine profertur. Atque ita plerumque *Germani* interpretantur sua dialecto, quasi dicas *Alle Manner*, *Allerley Manner*. Verisimile etiam est, a numine quodam *Alaman*, ut *Sueui* a *Sueuo*, *Teutones* a *Tentone*, *Alamanniam* dici. Seruabatur ad lacum *Acroniano - Venetum* simulacrum *Herculis Alemanni* usque ad *MAXIMILIANI I.* aeuum, cuius iussu *Oenipontum* est translatum; nunc in thesauro *Palatino* dicitur seruari. Alii *Mercurium* esse volunt, in pago *Alma* prope *Constantiam* MDVII. inuentum, uti ex membrana patet, quae iuxta adseruatur, atque a *BEGERO* c) in *Thesauro Palatino* ita refertur:

Allmann Abgott bin ich

Die Teutschen iren Nam hambut durch mich,

I 3

Von

a) Lib. 77.

b) Lib. I.

c) Pag. 16.

*Von grossen Streiten der Walchen dich versich,
Alamanna Teutschzland nent sich.*

Bey Constniz im Dorf Alma lag ich,

Durch Kunig Maximilian schickt es sich.

Im XVC und VII Iare in die Lad legt er mich.

Est vicus non procul ab vrbe *Constantia*, & lacu, *Almas*, seu *Almensdorff* dictus. Veteribus fere *Alemannia* dicitur, de qua agimus, veteris *Germaniae* prouincia; vsus tamen obtinet, vt *Alemannia* potius nunc dicatur, atque fere cum *Sueuia* confundatur, quae, prout contermina est *Alemanniae* prouincia, *Hermundurorum* patria habetur a J. Car. SPENERO a) & aliis, ac ab *Albis*, *Salaque* confluentibus inter vtraque fluenta late in *Danubium* vsque protensa constituitur. Quod proprium vero *Alemanniae* solum fuit trans *Rhenum*, haftenus ex parte peragrauimus, quum in vnani medio ineunte aeuo redacta prouinciam & *Sueuia* & *Alemannia*, simul finibus suis circumscribenda sit, atque *Alemannia* in *cis-Rhenanam* & *trans-Rhenanam* recte diuidatur, licet huic, non vero illi parti, *Sueviae* hodie nomen conueniat. Duumiri sodales P. Marquardus HERRGOTT, & P. Rustenus HEER, Prolegomeno tertio P. I. Tom. III. Monumentorum *Austriacorum* ostendunt, tempore

Rv-

a) Not. Germ. Ant. L. IV. c. 2. p. 185.

RVDOLPHI etiam *Heluetiae* magnam partem saltem *Sueviae* nomine venisse, quae nimirum v-nacum *cis-Rhenana* parte ex haereditate *Habsburgica Austriae* ducibus paruit, ac RVDOLPHO *Sueviae* duci a patre RVDOLPHO caesare addicta fuit, diuisione facta cum ALBERTO. Conuenit hoc cum iis quadantenus, quae de finibus *Alemanniae & Sueviae* iisdem habet JORNANDES de *Rebus Geticis*, ita *Alemannorum & Sueuorum* coniunctionem confusionemque edisserens: *Regio illa Sueuorum ab oriente Boiarios habet, ab occidente Francos, a meridie Burgundiones, a septentrione Thuringos. Quibus Sueuis tunc iuncti Alemanni etiam aderant, ipsique alpes Rhaeticas omnino regentes; unde nonnulla fluenta Danubio influunt nimio cum sono verrentia. Hic ergo taliter munito loco Theodemir rex hiemis tempore Gothorum duxtauit exercitum; & tam Sueuorum gentem, quam etiam Aleman-norum utrasque ad inuicem foederatas, deuicit, vastauit, & pene subegit. Inuicti Alemanni perrupto post PROBVM iterum vallo, ac postea etiam Rheni limite, nunquam amplius a Romanis subigi potuerunt; quod demum ad finem seculi V. a Francis passi sunt ingenti clade ad Tolpiacum, hodie Zulpich, siue Zulch, non procul a Colonia Agrippina, quam quidem ditionem SIGEBERTVS tenuerat, sed Francorum*

potentes reges aderant. Iam CHILDERICVS MEROWAEI successor, qui magnam *Galliae* partem occuparat, de ampliando vltcrius regno sollicitus, haud infeliciter cum *Alemannis* confligit, quod demum bellum CLODOVAEVS, CHILDERICI filius, confecit, succumbente in prelio etiam eorum rege. Vfus is parta victoria fugitiuos hostes persequutus est, *Alemanniam* depopulans, omniaque caedibus implens, donec THEODORICVS, *Ostrogothorum* rex in *Italia*, ad quem ingens *Alemannorum* multitudo profugerat, victis gratiam obtineret per litteras, quae apud CASSIODORVM leguntur. Non penitus tunc confusum *Sueuorum* cum *Alemannis* fuit nomen ac fatum. Cum Sueuis mitius est actum. Deinceps vno ducatu *Sueuia* & *Alemannia* comprehensa, vt modo dux *Sueviae*, modo *Alemanniae* diceretur, donec *Helvetiae* constituta respublica *Alemanniae*, seu *Sueviae trans-Rhenanae* partem abscinderet.

Isnen.

Atque in eam iam *Alemanniae* partem iter sumus prosequuti, quo iuxta chartam *Peutingerianam* *Brigantio Vermaniam* (quam CLVVERIVS oppidum *Wangen* facit, vbi tamen nullum vestigium antiquitatis inuenimus) per agrum *Isnensem* tendit, cuius nomine oppidum hodie est, quod

quod sunt, qui vocatum velint ab *Iside*, cui teste TACITO pars *Sueuorum* sacrificauerat. Superius iam vidimus, trans *Rhenum* apud *Alemannos* cultum hunc obtinuisse, siquidem a *Romanis* illas in partes allatus, inde ab *Alemannis* etiam cis *Rhenum* propagari potuit: potius tamen sub nomine *Herti*, *Terrae*, seu deae matris *Telluris*, vti TACITVS *Sueuorum* deam nominat, atque *Lunae* etiam conuenit, quam cum *Sole* & *Igne* seu *Vulcano Germani* promiscue coluerant. Nec dubitat CLVERIVS, rectum Dei triunius cultum hinc *Germanis* adscribere; minus pie equidem ac religiose, etsi vnum seu vnā potius deam venerati sint, quae origine sua *Isis* esse potuit, vel *Romanorum* imitatione, vel etiam antiquiore superstitione; quum sint, qui *Isidem* ad *Sueuum* regem peruenisse naui voluerint; nauiumque inuentio ei tribuitur: quare etiam *Pelagia* a pelago dicitur, & cum nauis figura, seu liburna saepe occurrit, atque a *Germanis* quoque culta dicitur. Sed nullum superest vestigium huius apud *Isnam* cultus, quae quidem a praeterfluente fluuio eius nominis vocata sic est; TACITO teste, prout aut fons, aut campus, aut nemus placuit, ita adpellatas esse vrbes quam multas. Antiquitatem *Romanam* huius loci nummi effossi ostendunt in loco, qui *die Bettmaur* dicitur: imprimis autem lapis, de quo mox dicemus, qui

vias ac pontes restitutos a *Campoduno* hucusque *M. P. XI.* sua inscriptione indicat, atque hic loci repertus, ad similem *Campidunensem* translatus est. Hinc autem patet, stationem hic *Romanam* fuisse, vbi eiusmodi lapides collocari consueuerant. Sed eandem haud dubie sortem experta est, ac aliae vrbes, & castra ab *Alemanis* & *Hunnis*: donec iterum effloresceret, exstructo hic celebri monasterio Ord. S. BENED. sec. XI. munificentia & religione illustrium comitum *Webringensium*, patre MANEGOLDO, ac filiis WALTERO & WOLFRADO, cuius precibus eiusque coniugis HILTRVDIS ab EBERHARDO episcopo *Constantiensi* inauguratam ecclesiam S. *Georgii* ciues *Isnenses* contendunt, ante fundatum monasterium, ne *Isnam* urbem florem suum monasterio debere admittant, atque ius, quod abbas longo tempore in urbem sibi tuitus erat, eludant. Quod fuit ingentium litium seminarium, durissimorumque monasterio caussa fatorum. Repetitis id incendiis cum rerum omnium iactura ad eam vsque redactum fuit paupertatem, vt adhuc hominum memoria nec vestes sibi congruas comparare ex suis facultatibus posset. Iam vero paullatim misero e statu emergens, insigni ecclesiae structura ornatur: litteraeque reflorent sub abbate BASILIO; qui antequam ad infulas eueheretur, publice philosophiam

phiam in academia *Salisburgensi* docuit, & nunc pro viribus agit, ut bonis libris instruat bibliothecam, veteri cum impressis fere & MSS. libris flammis consumpta. Ex hisce pauci supersunt sec. XIV. unde quaedam pro re mea liturgica annotare licuit. Nec praeterire debeo calendarium *Germanica* lingua non *Gothicis* litteris, sed minusculis *Romanis* an. 1478. impressum per *Bernhardum* MALER, & *Erhartum* RATOLT, *Augustanos*. Quod notatum velim, ut gentilibus meis animum faciam obsecundandi votis exterorum. Hi studio legendi libros bonos, qui lingua *Germanica* eduntur, haud grauante hanc discerent linguam, nisi, ut saepe mihi conquesti sunt, absterrentur characteribus nostris barbaris, *Gothicis* nimirum. Qui quum a seculo decimo tertio omnes scripturas *Europae* peruaderent, inficerentque, humanioribus litteris restitutis, mox abiecti fuerunt primum in *Italia*, ubi citius litterae refluoruerunt. Etsi vero alibi diutius *Gothicus* character seruaretur in lingua *Latina* perinde ac vernaculis, in illis tamen nunc, excepta *Germanica* nostra, ubique exploditur. Atque haec monuerim, iniecta mentione calendarii *Germanici*, quod vidi in monasterio *Isnensi* concinnis litteris *Romanis* in *Alemannia* nostra impressum. Quum esset medio sec. XV. in *Germania* ars typographica inuenta, litterarum formae

formae adhibitae sunt, quae tunc vsitatae erant, quas *Gothicas* vocant. Vt primum vero ars illa in *Italia* excoli cepit, vbi studium rei antiquariae humaniorumque litterarum reffloruerat, characteres rotundi, qui in minusculis litteris sub *Carolingica & Capetiana* stirpe obtinuerant vsu, adhiberi ceperunt: quibus primum impressi sunt S. AVGVSTINI libri *de Ciuitate Dei*, & *Epistolae* S. HIERONYMI. Hinc modum istum imprimendi ineunte seculo XVI. Iodocus Badius ASCENSIVS in *Galliam* transtulisse fertur; quum antea *Gothicis* etiam elementis libri illic imprimerentur, more hoc illuc a *Germanis* cum arte ipsa illato. Qui paullatim etiam apud nos in libris *Latinis* antiquatus, haecenus in vernacula retinetur.

Campidunum.

Sed ad iter nostrum regrediamur, quod dum *Campidunum* versus direxi, ancipitem me charta *Peutingeriana* tenuit, prout nuper *Vienne* ex autographo accuratissime est edita a Fr. Christophoro DE SCHEVB, vbi *Vermania*, *Vica*, *Augusta Vindellicorum*, *Rapis*, *Nauoue*, demum *Cambodunum* inter stationes comparet. Quod firmat opinionem multorum, qui aliud *Cambodunum* in *Monachio Boiariae* metropoli locant. De quo in *Vindiciis arboris Geneal.*
Aug.

Aug. Gentis Carolino-Boicae Fr. Xav. DE WILHELM Cambodunum, inquit, Munchen, ita Pyrcheimerus, Pancyrola, Appianus, Ortelius sentiunt; aliud enim est Campidunum ad Hilarum fluuium Kempten. Est vero hoc nostrum Estionum illud, de quo a) STRABO: Estiones Vindellicorum sunt, & Brigantii: & oppida eorum Brigantium & Campodunum. Nam primum ab Estionibus ad Licates proceditur, ut apud CELLARIUM b) PLINIVS L. III. c. 20. ex inscriptione AVGVSTI in alpina vocat, ex nomine ad Licum amnem, qui Lech est, Alemanniae limes a Boiaria versus orientem. Laudatus auctor praeterea notat, inter Brigantium & Campodunum in tabula esse Vermaniam & Viacam, in Itinerario tantum Vermaniam, ut ALDVS edidit. In citata etiam recentiori tabulae Peutingerianae descriptione, ut mox vidimus, post Vermaniam & Viacam Augusta Vindellicorum occurrit, nulla interiecta Campoduna. Quae tamen interiecta sit oportet, si lapides SEVERI Imp. in suo perstiterunt loco, quorum alter repertus fuit in monasterio Isnensi primo suo & originali, ut persuasio est, loco, nunc Campidunum translatus, ubi cum alio focio in atrio feruatur. Ille a Camboduno millia passuum vndecim, hic ab Augusta millia passuum & quadraginta

a) L. IV.

b) L. II. c. 7.

draginta vnum notat. Quod fere iuxta tabulam *Peutingerianam* spatium est ab *Augusta Vermaniam* XLIII. M. P. quum ab *Augusta* ad *Cambodunum* alterum illud sint L. millia passuum. Dubium igitur nullum mihi est, in suis esse locis, quos memoramus, lapides tempore SEVERI imperatoris positos: postea reor *Alemanorum* irruptione *Campodunum* dirutum, ut THEODOSII tempore, quo refertur tabula *Peutingeriana*, hincque etiam *Theodosiana* nuncupatur, nulla amplius istic statio fuerit *Romana*. Ex veteri notitia a) imperii iuxta diuisionem prouinciarum *Romanarum* imperatoris ANTONINI discimus, legionem III. in his plagis stationem habuisse: *Sub dispositione viri spectabilis ducis prouinciae Rhaetiae primae & secundae praefectus legionis tertiae pro parte media praetendentis a Vimania Cassiliacum vsque Campiduno*. *Cassiliacum* nullum occurrit in tabula *Peutingeriana*, quae ad tempora THEODOSII refertur; *Vimania* tamen argumento est, nostrum, in quo versamur, *Campodunum* intelligi, vbi etiamnum in foro lapis muro domus mercatoriae inhaeret cum inscriptione *Romana*:

LVCIANO. EVGILIANO. FILIO.
CARISSIMO.

VI-

a) Apud D. de WILHELM, p. 172.

VIXIT. ANNOS. XIX.
LVCIANVS. ING. PATER.
FECIT. S. S.

Testantur etiam CRVSIVS a) & MVNSTERS b), ille in *Amalibus Suenicis*, hic in *Cosmographia* an. 1503. & 1674. in monte *Tiliarum*, castro *Hilarmontano* eiusque contiguo suburbio & caemeterio nummos *Marci ANTONINI*, vasa sacrificialia, & alia gentilissimi monumenta effossa esse, cuiusmodi nonnulla in bibliotheca *Campidunensi* seruantur.

In bibliothecam, illustri bibliothecario quibusdam aliis rebus distento, a doctissimo P. DONATO a *Transfiguratione Campidunensi Piarum Scholarum* rectore deductus vix reperi aliquid attentione, praesertim ex MSS. dignum, praeter codicem seculi circiter X. interpretationem nominum veteris & noui testamenti ISIDORI episcopi ad HONORIVM papam exhibentis. Bibliothecae huic praeter ea acerba fata, quae in plerisque monasteriis, iis imprimis, a quibus proxime adueneram, ob inhiantes vrbes, lugens preceperam, id imprimis fatale fuit, quod incendio semel in bibliotheca orto, dum ibi ad lucernam sedens bibliothecarius obdormisceret, omnia conflagrarint. Archium tamen

a) Lib. XII. P. I. c. 3. & Lib. Paralip. h. v.

b) Lib. V. c. 233.

men integrum est a *Carolingica* inde stirpe diplomatibus principum instructissimum, imprimis compluribus *LVDOVICI Pii* filii *CAROLI M.* quibus saluae sunt res *Campidonensium* illustrium syncellitarum, quantiscunque machinis la cessatur confirmatio *CAROLI M.* foundationis factae ab *HILDEGARDE* vxore ex bonis maternis, diplomate, vt praefert subscriptio, dat. anno ab Incarn. Dñi *dcclxxiii* indict. *xi* regni piissimi *KAROLI VI.* imperii primo. *Actum Romae in Sco die paschae in ecclesia Sci Petri coram Adriano papa & multis aliis principibus in Dei nomine feliciter Amen.*

Vetus inscriptio columnae coenobili indita ita habet :

HILDEGARDIS DCCLXXIII FVNDAVIT
CAROLVS DCCLXXIV CONFIRMAVIT
ADRIANVS DCCLXXVII DEDICAVIT
ANDELGARIVS DCCLXXVIII
INCHOAVIT.

Vbi videtur, confirmationem *CAROLI* ad annum 774. referri. Quo anno ex multorum sententia *CAROLVS* pascha *Romae* celebrauit. *Fulden-*
ses tamen & alii *Francorum* annales annum

773. ponunt. B. THEODORI a) eremitaе S. COLVMBANI discipuli relatio in vita S. MAGNI inter alia ita habet: *Venerunt anno nempe 628. B. Magnoldus & Theodorus ad locum, qui dicitur Campidona, ibique reppererunt oppidum valde amoenum, sed penitus desertum &c.* Quum ex his verbis pateat, oppidum penitus desertum fuisse, cuius tamen aetatem monasterio superiorem pro suis iuribus allegant ciues *Campidunenses*, mirum est, eos huic relationi deferre. MABILLONIVS librum THEODORI pro supposititio, eiusque auctorem pro impostore habet, atque etiam COINTIVS in *annalibus Francorum* ERMENRICVM monachum *Ellwangenensem*, qui vitam B. MAGNI a THEODORO scriptam suppleuisse dicitur, interpolatorem facit, qui multa falsa immiscuerit. Nihilominus COINTIVS b) auctoritati vitae B. MAGNI desert, constructumque hoc ab HILDEGARDE coenobium inficiatur, sed instauratum, atque amplificatum concedit, secus ac iuxta diploma *Carolinum* dicendum foret: quod etiam *Bollandistae* c) impetunt, confidenter pro more adserentes, crebra per *Hunnos* expilatione euerfioneque, ac aliis casibus periisse antiqua omnia documenta, quorum

a) Lib. II. c. 2.

b) Ad an. 666. & 783.

c) T. III. *Aprilis* p. 792. 793.

rum defectum suppleturi posterius ad consuetudinem noni decimique seculi descripserint diploma, de quo est quaestio. Inquiore istius praebent veteri rei diplomaticae, quamvis in bonam videantur vertere partem conatus diplomata supponentium. „Nos, aiunt l. c. istiusmodi suppositionibus iam adsueta, quia intelligimus, mente non mala factas, ad euertenda iniustissima damna imminencia possessionibus rescripti regii munimine destitutis, non tantum auctoribus ignoscimus facile, sed etiam gratiam debemus aliquam, quatenus nobis sunt testes receptarum, & continuatarum eatenus traditionum, quibus licet multum scoriae permixtum sit, subest tamen plerumque aliquid purioris metalli, quod non totum abici mereatur. Et tale est, quod HILTEGAR-
DIS regina, CAROLO rege probante, ex haereditariis maternae successionis bonis fundauerit, aut saltem dotauerit *Campidonense* monasterium, primo istuc abbate constituto, quem diximus, ANDEGARIO. “

Bona sunt verba, sed iis pessimis conditionibus data, quae quantam rei antiquariae cladem adferant, quivis olfacit, & successus docuit: non obstante, quod PAPEBROCHIVS victas MABILLONIO dederit manus, rei veteris diploma-
ti-

ticae vindici, genuinarumque notarum ad dignoscendas veteres scripturas ex innumeris diplomatibus genuinis auctori. PAPEBROCHIVS enim paucissimis, imprimis autem quoad aetatem *Merouingicam* vni S. MAXIMINIANI diplomati fidem adiungit, quod ipsum tamen potius, quam alia omnia, supposititium primo MABIL-
LONIVS, & postea sodales auctores noui tractatus diplomatici demonstrarunt. Hi nunc in aciem descendunt contra manum doctorum vlt-
terius multo progredientium, qui cum HAR-
DVINO dicam scripserunt diplomatibus. Nec
vnum iam diploma, aut cartularium, vt subin-
de factum est, praesertim in *Germania* nostra,
sed archiua vetera omnia sunt petita, in *Gallia*
efferuescente controuersia. „In huiusmodi omni-
„bus disceptationibus (aiunt doctissimi duumviri
„illi a), inter auctores *Germaniae* solummodo
„de vno diplomate, aut ad summum de vno
„cartulario erat contentio, Verum vt de plu-
„ribus aliis nihil dicatur, in *Gallia* enata est de
„omnibus antiquis archiuis controuersia. Do-
„cta *Europa* inflammata est, dum bellum indi-
„citur celebri diplomatico operi. P. GERMONIO
„in suppetias venit abbas RAGVET, & D. BER-
„NARD cum armis P. VITRII. P. HARDVINVS
„etiam in aciem descendit, in animo habens
„adhuc magis enormia auctorandi postulata.

K 2

„So-

a) T. I. Praef. p. xxv.

„Societatem is falsariorum finxit, atque chime-
 „ra ista nihil cunctatus, reiecit monumenta o-
 „mnia vetera sacra & profana, quae praeiudiciis
 „suis non quadrabant.“ Equidem is pro meri-
 to suae temeritatis ad palinodiam a suis superio-
 ribus P. Generalis auctoritate est adactus, atque
 in ea primum caput hoc est, vt in laudato
 opere habetur: a) *Auctorem in eo esse, atque*
ea statuere principia, unde concludatur suppositio
omnium fere antiquorum monumentorum ec-
clesiasticorum, ingentique numero profanorum.
 Ipse textus originarius sacrae scripturae Grae-
 cus T. N. in discrimen venit.

Non res mansit apud sola chartarum publi-
 carum tabularia, sacratiora quoque ecclesiae
 scrinia in falsimonii crimen tracta fuerunt. P.
 GERMON publica saltem adhuc suspexit archiua,
 & aliquando visus est chartas solum *Merouin-*
gicas in suspensionem vocare; nihil HARDVINO
 religiosum fuit ex antiquis monumentis, cui
 antiquitatis nota promiscue iam suspensionem in-
 gessit: „Nobilis profecto sententia (inquit ab-
 „bas b) *Gottwicens.*) quam ante GERMONIVM iam
 „fouit PAPEBROCHIVS *Propyleo* n. 125. & 127.
 „quem merito in eo culpat MABILLONIVS lib.
 „I. c. 3. *de re diplomatica* §. 2. Quod MARES-

HA-

a) Nouv. dipl. T. I. p. 128.

b) Chr Gottw. lib. II. T. I. p. 79.

„HAMO haeretico *Anglo*, qui pulchram hanc
 „opinionem (*scilicet*) odio ecclesiarum in suo
 „monastico *Anglicano* protrusit, subscripserit,
 „diplomata nimirum quo maiorem proferunt
 „antiquitatem, eo magis suspecta esse, eoque
 „minorem fidem habere.“

Haec nos e diuerticulo in viam reuocant ad illustre *Campidonense* archisterium, quod stirpe *Carolingica* extincta in locum ac munus veterum ducum vel comitum in *Sueuia* successisse se gloriatur, ideoque regalia & iura eminentiora in ciuitate *Campidunensi* administrasse. Equidem anno 877. coenobiorum imperii in tres classes facta diuisione, quarum prima imperatori dona & militiam, secunda sola dona, tertia orationes tantum debeant, monasterio *Campidonensi* vltima tantum est assignata classis, idque singulari constitutione cautum adhuc, *vt nemo a praedicto monasterio Campidona propter hoc, quod rebus pauperrimum est, aut dona annualia, aut aliquid operationis, aut alia quaelibet seruitia ad partem publicam seruiantia, nisi quae sponte & voluntarie obtulerit, requirere aut exactare praesumat.* Breui tamen auctum insigniter esse oportuit, si limites in diplomate *Ottoniano* considerentur, quod equidem in subscriptione annum praefert DCCCIV. qui

CAROLO M. potius conuenit, forte ex diplomate *Carolino* annus ille istic expressus est. Neque tamen solus in subscriptione error diplomatis, aut etiam alius aliquis, praesertim historicus, lapsus in ipso diplomate fidem tollit, ut harum rerum periti constanter docent. „Neque vero (inquit sagacissimus, harumque rerum expertissimus MABILLONIVS) solum in chartis „etiam originalibus errata subrepere possunt, „vbi facti alicuius post multa secula fit mentio: sed etiam in rebus haud ita pridem elapsis falli aut fallere possunt notarii etiam im- „prudentes. Cuius rei exemplum est in variis „chartis, maxime in iis, quae de prima ecclesiarum, seu monasteriorum conditione agunt: „in quibus nonnunquam incerta referuntur de „tempore, aliisque circumstantiis conditionis, „maxime quando monumenta illa longo post „interuallo facta sunt.“ Quoad subscriptiones singillatim auctores a) noui tractatus diplomatici „scriptio falsa (aiunt) non est ratio sufficiens documentum aliquod infamandi. Ali- „quando notarii ex mero errore notabiles lapsus in veris actis fecerunt. Eorum supputatio non est semper eadem cum nostra. Ali- „quando aliter annos regni vel indictionum „computant. Itaque supputationes non semper sibi ex omni parte concordant. Cauendum

a) T. II. P. II. Sect. III. c. 9. p. 440. not. 2.

„dum igitur est a praecipitibus iudiciis, quando
 „lapsus aut veri aut adparentes non sunt, nisi
 „de vno vel altero anno, & quando aliunde
 „omnes alii respondent characteres veritatis.“
 Licet critica MVRATORII a) censura nonnun-
 quam limites moderationis excedat, „In ea ta-
 „men non est sententia, aiunt diarii *Gallici* au-
 „ctores, monumentum aliquod falsum esse iu-
 „dicandum inde, quod aliquid in eo detega-
 „tur, quod cum notionibus ordinariis non
 „consentit. Qua in re duabus nititur rationi-
 „bus, prima est, quod saepe lapsi sint curia-
 „rum ministri in diplomatibus, quae confece-
 „runt, quodque notarii, qui ea descripserunt,
 „saepe plurimis vitiis infecerunt, deformarunt-
 „que, vt adeo graui iudicio seu crisi pensanda
 „sint eiusmodi monumenta, vt impostura ab
 „ignorantia, inaduertentiaque discernatur eo-
 „rum, qui confecerunt aut scripserunt acta. Al-
 „teram adfert MVRATORIVS rationem, quod
 „cognitiones maxime certae non sat luminis
 „praebeant pro omnibus temporibus, omnibus-
 „que circumstantiis. In exemplum adfert sub-
 „scriptiones innumerarum chartarum, quae ex-
 „tra omnem suspicionem sunt, per indictio-
 „nem designata ea ratione, quae conciliari haud
 „potest cum quopiam receptorum systematum,

K 4

„nec

a) Journal des Savans d'Avout 1742.

„nec etiam cum epochis variorum eiusmodi
 „diuerforum actorum.“ Accidit nihilominus,
 vt propterea fama & bona periclitentur multo-
 rum seculorum qujeta possessione firmata, ac
 lites ipsis intententur. At bene habet, quod
 impugnatores diplomatis, cuius caussa haec
 retulimus, illustris ac principalis huius coenobii
 iuribus atque limitibus hucusque iustissime
 possessis nec quidquam sua censura detrahere
 velle testentur. Sunt autem iura illa ac spacio-
 si limites ad amplam sustentationem viginti qua-
 tuor nobilium, qui licet rerum vicissitudine non-
 nunquam ad exiguum fuerint redacti numerum,
 semper tamen hucusque illustre conseruarunt
 stemma, aliudque subinde molientibus abbati-
 bus *se Alemanniae* opposuerunt nobiles fami-
 liae, quibus in hoc monasterio sese DEO di-
 care, ac dignitatem nihilominus natalium suo-
 rum sustinere cupientibus opportunus est locus.
 Eis non ita pridem sub principe *Anselmo* DE
 REVCHLIN accessit signum capitulare S. CRUX e
 collo suspensa. *Engelberto* vero DE ZIRKENSTEIN
Anselmi successori illustrissimo singularis a BE-
 NEDICTO XIV. collata est sacra etiam praero-
 gatiua, sacramentum Confirmationis administran-
 di iis, qui ad exemptam pertinent *Campido-*
nensem ecclesiam. Priuilegium hoc personale
 est, secus ac illud, quod ostentant abbates mo-

nasterii *Elchingensis*, bona tamen episcopi *Augustani* Ordinarii cum venia exercendum. In *Italia* abbas *Cassinensis* cum nonnullis aliis ordinaria hac gaudet potestate. Vel his saltem exemplis recentiori aevo declarant ecclesiae summi pastores, quibus commissa est dispensatio mysteriorum DEI, insignem potestatem circa ea etiam sacramenta, quae non solum iurisdictionis, sed etiam ordinis potestatem spectant, ut eorum collatio legitime indultu ecclesiae facta, rata sit vel irrita; veluti hic accidit. Atque in hoc ipso sacramento Confirmationis ad praesentem usque diem ecclesiae *Graecae* est obseruantia, ut promiscue presbyteri hoc sacramentum dispensent, quod in occidentali ecclesia sibi reseruarunt episcopi, vno fere in contrarium exemplo in *Sardinia*, quod aegre S. GREGORIUS M. indulgit; recentiori vero aetate extraordinaria haec presbyteris missionariis ad infideles & haereticas nationes conceditur facultas. Eximia haec ecclesiae potestas exemplis variis aliorum etiam sacramentorum in libro de eo, quod est iuris diuini & ecclesiastici circa sacramentorum dispensationem est illustrata. Locum vero materiam hanc istuc attingendi dedit praerogatiua in nostris partibus principi *Campidonensi* a Romano pontifice concessa, in qua proroganda, tempus docebit, vtrum CLE-

MENS XIII. obsecundaturus sit votis celsissimi principis *Honorii* de SHREKENSTEIN, qui nuper raro exemplo omnium capitularium calculo electus est ex vice-decano (cui disciplinae coenobialis cura incumbit) quum antea S. Theologiae esset professor: vnde non minorem doctrinae quam vitae regularis laudem est consequutus, quod fatis mihi perspectum fecit doctum colloquium, ad quod me clementer iterato admisit, expositaque itineris mei causa, quidquid studiis meis commodum esset, suppeditari curauit.

Ottobura.

Campiduni non diu morati ad antiquissimum *Ottoburanum* pariter O. S. B. monasterium iter instituimus, quod propinquante anno 1764. millesimum foundationis annum celebrandum instaurat inauguratione magnificentissimi templi, quod pro dignitate aedes monasterii superbas, picturis, marmore, opere anaglyptico ornatissimum adhuc superat. Fundator autem SYLLACHVS cum ERMISWINDA coniuge dux *Francorum Alemanniae* praefectus comes *Hergouiae* habetur. De cuius filio TOTONE primo abbate in calend. sec. XII. sub ISINGRIMO abbate scripto haec reperimus. XIII. Kal. Decemb.

To.

Toto abbas fundator loci istius. Et in veteri necrologio ad eundem diem XIII. Kal. Decemb. Toto noster abbas, qui corpus sancti Alexandri hic attulit, & eius parentes locum istum fundarunt. Inter Mss. quae rapaces vicinorum aemulorum manus, aliasque temporum iniurias effugerunt, antiquissimum annos foundationis adaequare prope videtur, characteribus mixtis Merouingico - Carolingicis exaratum, cum hac epigraphe: In nomine Domini nostri Jesu Christi incipit Omelias anni circuli, quae legendae sunt: item de aduentum, & natiuitate Dni. De Epiphanie. De Quadragesima, siue de pascha Dni. siue de ascensa Dni. seu de Pentecoste. Vel de om̃s festiuitates, quas celebrare debemus. Homiliae prolixiores sunt, quam nunc esse solent, nec etiam praemittitur lectio euangelii. Ex illis duas S. FAVSTINI descripsit MABILLONIVS: de eo quod dicit in euangelio, oportet semper orare, & nunquam deficere. Homiliae S. GREGORII circa festiuitates consequenter ponuntur, post quas minores de iisdem festiuitatibus aliorum SS. PP. inter alias sermo SEDATI episcopi de diem iudicii. Item admonitio, vt semper de peccatis nostris, & de diem iudicii, vel de aeterna beatitudine cogitemus. Festa SS. haec solum occurrunt. ANDRAE, STEPHANI, IACOBI, & JOANNIS, Innocentum, JOANNIS Baptista,

stae, PETRI & PAVLI, LAVRENTII. De S. MARIA. Inuentio S. MICHAELIS, id est, vt in cod. San-Gallensi inueni, de inuentione ecclesiae seu adparitione S. Michaelis archangeli. In fine horologium est, quomodo dimensione umbrae corporis humani stata horarum canonicarum tempora per diem & annum tunc designarunt, quod hic pro spicilegio ponam. In nom. Dni. incip. Orelegium omnium mensuum. Januar. ☾ Decembr. Ora prima ☾ XI. ped. Ora tertia ☾ nona ped. XV. Ora sexta ped. IX. Febr. ☾ Nouembr. Ora prima ☾ XI. ped. Ora tertia ☾ nona ped. XIII. Ora sexta ped. VII. Mart. ☾ Octobr. Ora prima ☾ XI. ped. Ora tertia ☾ nona pedes XI. Ora sexta ped. V. Aprilis ☾ Septemb. Ora prima ☾ XI. ped. Ora tertia ☾ nona ped. X. Ora sexta ped. IV. Maius ☾ Augustus. Ora prima ☾ XI. ped. Ora tertia ☾ nona ped. VIII. Ora sexta ped. III. Junius ☾ Julius Ora prima ☾ XI. ped. Ora tertia ☾ nona ped. VI. Ora sexta ped. II. Simile horologium in antiquissimo sacramentario San-Gallensi reperi. Adeundus est S. BEDAE libellus de mensura horologii, ex quo ad illustrandam rem pro illis, qui operibus venerabilis presbyteri destituuntur, concordiam XII. mensium, vt vocat, exscribam, vnde aliarum etiam praeter canonicas officii diuini dimensio patet:

Januarius & postea December.

Hora prima & undecima pedes viginti nouem:

Hora secunda & decima pedes nouemdecim.

*Hora tertia & nona pedes septemdecim: hora
quarta*

Et octaua pedes quindecim. Hora quinta

*Et septima, pedes tredecim: hora sexta pedes un-
decim.*

Februarius & Nouember.

Hora prima & undecima pedes viginti septem:

Hora secunda & decima pedes septemdecim.

*Hora tertia & nona pedes quindecim: hora
quarta*

Et octaua pedes tredecim. Hora quinta & septima

Ped. undecim: hora sexta pedes nouem.

Martius & October.

Hora prima & undecima pedes viginti quinque.

Hora secunda & decima pedes quindecim.

Hora tertia & nona ped. tredecim: hora quarta

Et octaua ped. undecim.

*Hora quinta & septima pedes nouem: hora
sexta*

Pedes septem.

Aprilis & September.

Hora prima & undecima pedes viginti tres.

Ho-

*Hora**Secunda & decima pedes tredecim.**Hora tertia & nona, pedes undecim : hora sexta**Pedes quinque.**Maius & Augustus.**Hora prima & undecima pedes viginti & unum :**Hora secunda & decima pedes nouem : hora**quarta & octaua pedes septem.**Junius & Julius.**Hora prima & undecima, pedes nouemdecim :**Hora secunda & decima pedes nouem.**Hora tertia & nona pedes septem : hora quarta**Et octaua pedes quinque.**Hora quinta & septima, pedes tres : hora sexta**Pedem unum.*

Quum in hac tabula ordinate semper gradus procedant ad naturales diei horas ex umbra crescente aut decrecente, prout propior aut remotior est sol, iuxta semestrem cursum dimetiendas, quasdam differentias in allato ex codice *Ottoburano* horologio faciunt diuersa horarum canonicarum momenta, praecipue quoad primam, cui semper undecim pedes admensi sunt, quia quum matutinae laudes iuxta regulam S. BENED. incipiente luce agendaefint, primam

nam tardius agi oportuit. Quoad reliquas horas haec est differentia, quod quum secundum BEDAE computum semper per binarium gradus distinguantur quoad Tertiam & Nonam 17. 15. 13. 11. 9. 7. quoad Sextam 11. 9. 7. 5. 3. 1. in horologio ecclesiastico sit commensuratio quoad horam tertiam & nonam, quae aequaliter ab hora sexta meridiei quum distent, similem mensuram habent, 15. 13. 11. 10. 9. 8. quoad sextam 9. 7. 5. 4. 3. 2. propter inaequalem forte loci, ad quem horologium pertinet, ab eo, cui BEDA computum destinavit, situm ad solem. Videtur autem potius *Italiae*, quam *Alemanniae* nostrae seu monasterio *Ottoburano* conuenire, quod nunc non disquirimus, sed ad alios bibliothecae *Ottoburanae* codices MSS. memorabiles progredimur: quos inter *Bern.* PEZIVS ALANI disputationes contra haereticos pro sua *Anecdotorum* collectione expetierat. *Mag.* BABIONIS sermones de aliquibus dominicis & festiuitatibus, vt nihil dicam de pseudonyma disputatione CLEMENTIS P. de constellationibus. In Cod. sec. XII. circiter post martyrologium, necrologium & regulam S. BENED. habetur epistola ad CAROLVM regem e monasterio S. BENED. *Montis Cassini* directa. *Capitula, quae tempore Ludeuici ab abbatibus directa sunt.* S. BENEDICTI *Anianensis* capitula

la sub tit. *De Ordine regulari*. S. STURMII *Fuld.* abb. consuetudines e *Cassinenſi* aliisque *Italiae* monasteriis collectae, & circa medium octauī ſeculi *Fuldā* illatae ſub Rubr. *Iſtum ordinem apud eos, qui in arce regulari (Caſſino) pollent, inuenimus.* Quae videntur ad publicam cum S. Regula lectionem deſtinata fuiſſe, quemadmodum etiam quae in alio codice martyrologii inferuntur, nempe epiſtola THEODEMARI Abb. ad CAROLVM M. in qua plura *Cassinenſium* conſuetudines illuſtrantia exhibentur, Capitulare *Aquiſgranenſe*, Capitula nouitiorum, „ De his in quibus praeceptum regulae & conſuetudines nonnullorum conciliorum cautius „ nos conſiderare, & promptius exercere iuſſio „ imperatoris admonet. Excerptus diuerſarum „ modus poenitentiarum a BENEDICTO Abb. *Anianenſi* diſtinctus a regula S. BENEDICTI.“ Cum GVIDONIS quibusdam de Muſica opusculis in MSS. ſec. XII. habetur etiam aliquid HERIMANNI, vbi in principio :

*Verſus atque notas HERIMANNVS protulit iſtas,
Pandat vt ad votum, cuique exemplaria vocum.*

In fine :

*Haec ſi voce notisque ſimul diſcernere noris,
Quemuis diſtinctum potes his mox pangere cantum
Diſcernendo theſin cum praecentore vel arſin.*

Oc-

Occurrit HERIMANNVS in necrologio *Ottoburano*, sed haec ad HERMANNVM *Contractum Augiensem* monachum referuntur, vt in opere *De cantu & Musica ecclesiastica a prima ecclesiae aetate vsque ad praesens tempus ostendo*. Inueni item RATGOT abbatem, qui in catalogo *Ottoburanorum* abbatum desideratur. Inter recentiores codices recenferi etiam merentur, praeter magni STAPHYLI varia consilia ad papam, imperatorem, principes & episcopos, prouinciae *Moguntinae* sub Petro ACSPALTER quinquagesimo septimo archiepiscopo, qui obiit MCCCXX. Item synodale *Augustanum* sub Burchardo DE ELLERBACH, quinquagesimo episcopo an. MCCCCIV. Quin imo Oratio Reuerendissimi *Augustensis ecclesiae antistitis Christophori STADION*, in synodo ad clerum habita cum praefatione *Leonardi WIDEMANNI* ad illum episcopum. In fine sic habetur: *Finit faustissime Reuerendi Augustani praesulis oratio in nostro coenobio Ottingenensi SS. Alexandri & Theodori martyrum 1518*. quo nimirum anno typis *Ottoburanis* impressa est. Alias raras librorum editiones recenset SCHELHORNIVS a) in *Amoenitatibus historiae ecclesiasticae & litterariae*, ineunte seculo decimo sexto im-

a) T. II. p. 602. &c.

impressorum sub auspiciis laudati abbatis : quod haud dubie latuit MABILLONIVM, dum eum in itinere *Germanico* a musis alieniorem describit ; vindicat vero ab hac insimulatione citatus SCHEL-HORNIVS , iureque suo inter praestantissimos suae aetatis Mecoenates refert. Quod certe ex editis ibi epistolis ad REVCHLINVM patet, quantum studiis P. *Nicolai ELLENBOGII* monachi *Ottoburani* fauerit. Plures adhuc MSS. codices huius doctissimi viri in bibliotheca *Ottoburana* seruantur , quos descriptos gratanter accepit Card. QVIRINVS. Atque libri eiusdem septem, qui ex nouem supersunt, epistolarum digni habiti sunt, qui agente BALVZIO bibliothecae *Colbertinae* infererentur, vt refert MABILLONIVS.

Memminga.

O*ttobura* rebus nostris confectis in vicinam urbem *Memmingen* contendimus, quam, fuerunt, qui *Drusomagum* PTOLOMAEO inter *Rhaetiae* vrbes memoratam existiment, non satis *Rhaetiam* a *Vindelicia* distinguentes, vt iam ex ROSCHMANNO commemorauimus , qui peculiari libro *Drusomagum* pro *Bulsano* (*Bozen*) versus alpes *Tridentinas* vindicare propositum habuit. Alii *Iuliomagum* faciunt, quod tamen ex aduerso *Felicitis Arboris* & *Brigantii* non lon-

longe a lacu *Acroniano* collocatur in tabula *Theodosiana* PEUTINGERI, quo *Vindonissam Tenedone* via patet, conuenitque cum eo, quod LINDENBROGIUS a) ad *Amianum* MARCELLINVM docet, *Iuliomagum* quaeri debere in confiniis *Martianae* siluae, quae nunc *nigra* silua dicitur *der Schwarzwald*. Hanc CAESAR veteri *Hercyniae*, quae sese per totam *Germaniam* protendebat, accenset lib. VI. de *bell. Gall.* „Huius „*Hercyniae siluae*, inquit, latitudo nouem dierum iter expedito patet; non enim aliter fieri potest, neque mensuras itinerum nouerunt. Oritur ab *Heluetiorum* & *Nemetum* & *Rauracorum* finibus, rectaque fluminis *Danubii* regione pertinet ad fines *Dacorum* & *Anactium*.“ *Rauracis* & *Heluetiis* ad septentrionem silua *Martiana* adiungitur; illinc ergo est ortus *Hercyniae* ea parte, quae nunc *nigra*, olim *Martiana* silua est dicta, cuius meridionalis pars mons *Abnoba* fuit dicta. Sed longius abest situs *Memmingae*, potiusque nostro *Nemauiae* conuenit: nisi hoc *Gaumundiae* tribuere velis, quum in itinere *Antoniniano* *Campiduno* ad rostrum *Nemauiae* ponantur XXXII. P. M. inde vero *Augustam* vsque XXV. VELSERVS autem neutrum pro ea *Romana* statione habet, sed vicinum potius *Rosshaupten*. In tabula *Peutingeriana* omnino non occurrit. Nec

etiam hic rudera, aut *Romanae* antiquitatis reliquiae certae aliquae habentur, quidquid de Catapulta, ac *Iani* aereo capite ex quorundam relatione dicant, quod nuspiam comparet.

Singularis me ratio *Memmingam* adduxit conueniendi doctissimum Io. Georg. SCHELHORNIVM, bibliothecae ciuicae praefectum, ac ipsum bibliotheca ampla instructum. Praeter insignem librorum typis editorum selectum in bibliotheca publica vidi Collectionem MSS. ANDREAE *Ratisbonensis* ex bibliotheca *Vffenbachiana*, ubi plura ad illustrationem concilii *Pisani* & *Constantiensis* habentur. In bibliotheca vero *Schelhorniana*, praeter alia codicem litterarum MSS. ad concilium *Tridentinum* pertinentium exhibuit humanissimus possessor. Hic ruri tum degens de aduentu meo certior factus mox aduolauit, atque incredibili me excepit gaudio. Reliquum diei cum sequenti sermonibus de rebus litterariis consumpsimus, aegerrime tandem discessu meo abruptis. Diatribam is hoc ipso 1760. ediderat anno ad Emin. Card. PASSIONEVM, de antiquissima latinorum bibliorum editione, ceu primo artis typographicae foetu, & rariorum librorum phoenice haecenus plane ignota, ac in nulla, quod quidem ipsi constet, bibliotheca obuia. Nactus is, nescio qua forte fortuna fuerat duos ex tribus, tomos primum

& vltimum; simillimos vero tres tomos integerrimos in membrana impressos bibliotheca nostra *San-Blasiana* possidet, prout quidem SCHELHORNIVS describit, ac meismet oculis vidi. Scilicet biblia nostra frontispicio, vel singulari potius titulo carent, litterarum, vocumque compendiis, quae abbreviaturas vocant, scatent, atque adeo lectio minus exercitatis paullo impedior redditur: diphthongi prorsus exulant, duae ac tres subinde litterae ita sunt sibi inuicem iunctae, vt vnum videatur elementum. Primae librorum, capitumque litterae haud sunt impressae, sed ab illuminatore variis coloribus adpictae minio, caeruleo quoque interstinctae; etiam additae vbiuis interpunctiones. Incipit per hanc inscriptionem, caractere rubro impressam: *Incipit epistola sancti iberonimi ad paulinum presbiterum de omnibus diuine historie libris. Capitulum pmũ.* haec in octo capita est diuisa. Sequitur: *Incipit plogus in pentbateucum moisi*, quae verba pariter litteris rubris impressa sunt. Postea iisdem litteris impressis: *Incipit liber bresith quẽ nos genesim dicim⁹.* Titulus hic vltimus est, qui sit impressus; reliqui omnes vsque ad *Apocalypsin* inclusiue manu sunt exarati, & minio adpicti, vti & in margine superiore nomina librorum manu & minio adscripta sunt, caeruleo tamen interstincta. Paginarum numeri, signa-

turae & custodes defunt. Nominum propriorum litterae initiales, nisi a principio periodorum, haud sunt caeteris maiores, quod ex *Genes. XXI.* &c. abunde adparet. Praeter colon & punctum, eaque saepius loco minus conueniente posita, ac interrogandi signum, quod iustam semper sedem pariter haud occupat, aliae non adsunt distinctiones. Puncta plerumque sunt quadrata, & quae loco commatis sunt adhibita, semper in medio, non ad initium lineae, ut puncta maiora, posita; differuntque illa phrasium ab illis interrogationis, quae vltima sunt crassiora. Ad linearum calcem, ubi voces diuidere opus est, vocis ita disiunctae nexus cum sequente linea fit per duas lineolas, uti hodie in scribendo fieri solet; & hae quidem lineolae textum supergredientes in ipso margine sunt conspicuae hoc modo (\nearrow). Quum vocali *i* loco puncti rotundi in antiquissimis editionibus accentus *Graecorum* acutus imponi soleat, in hisce bibliis superior circelli dimidia pars vicem eius vbique obit; nisi ubi male expressa ista figura puncta diaereseos repraesentat: id quod quum aliis commune haud sit, inter singularia potius, quibus ista exemplaria a reliquis discernuntur, referendum est. Orthographia saepe illius aevi ruditatem redolet, cuius rei testimonia praebent *ydropicus*, *ymnus*, *olq-*

caustum, *ortus* &c. reiecta littera *h* ab initio; *nichil*, *michi*, *iusticia*, *Egyptus* &c. Notandum adhuc, psalmos in bibliis nostris non esse modo ordinario, quo se inuicem consequuntur, numeratos, sed suum quemque particulari inscriptione seu argumento duntaxat esse notatum. Finitur psalterium in prima columna aduersae folii partis per haec verba manu & minio adscripta: *Explicit psalterium*. Atque hic primum tomum finiunt, qui duos tantum horum bibliorum tomos constituunt. Sequuntur *Parabola* SALOMONIS, atque incipiunt per prologum S. HIERONYMI in dictas parabolas. In fine *Apocalypsis* terminatur per haec verba: *Gratia dni nri ihesu cristi cum omnibus vobis amen*. Quae verba duas postremas lineas columnae quartae ex aduersa folii parte constituunt, ita, ut cum his verbis ad calcem, siue lineam 42. perducatur.

Poteram equidem iisdem fere, quibus suam, quam prae manibus habuit SCHELHORNIVS, nostram quoque editionem, quae pariter prae oculis est, & fatale bibliothecae nostrae incendium inter pauca effugit, describere verbis, quum ouum ouo vix sit similis. Quatuor tantum inter sese differunt, quorum duo ad rem ipsam nil attinent: primum, quod exemplar nostrum ex in-

tegro sit in pergameni impressum: alterum bibliopegae solum est tribuendum, quod primum volumen nostrum post libros *Regum* duos praeterea *Paralipomenon*, & *ESDRAE* quatuor libros contineat, alterum in *EZECHIELE* propheta desinat, tertium denique a *DANIELE* reliquos *veteris & noui Testamenti* libros ordine suo complectatur. Tertium & quartum plus momenti habent, atque diuersam duorum horumce exemplarium editionem produnt; vnum quidem est, quod lineas singulis in paginis 38. tantum numeret suo in exemplari *SCHELHORNIUS*, quum e contrario nostrum in praefatione *S. HIERONYMI*, & primis duabus columnis libri *Geneseos* lineas 40. in aduersa vero eiusdem folii parte 41. deinceps autem constanter 42. lineas contineat; ita tamen, vt paginae 42. lineis constantes sint nonnihil, vnius scilicet lineae spatio, longiores caeteris, quae 40. aut 41. lineas complectuntur. Nos hic (Tab. VII.) specimen damus scripturae ex prima columna libri *Geneseos*. Alterum est, quod in nostris bibliis litterae compressiores sint, talesque typi, quos quidam in arte periti post sedulum examen pro expressis ex integris tabulis ligneis haberi posse existiment. Alias nostra typis etiam grandioribus & crassioribus, qualibus vetusta missalia imprimi solebant, excusa sunt. Et si-

qui-

quidem *Schelhorniana* biblia typis sculptis, certe nostra quoque sunt. Hos duos characteres singulares, (typos autem mobiles intelligit) horumce bibliorum putat esse SCHELHORNIVS, qui primam editionem esse demonstrant. Ac quoad prius illud quidem *Chronici* antiqui *Coloniensis* verba in medium adfert, quae interprete MALINKROT haec sunt : *ab anno Domini 1440. donec scriberetur 1450. inuentioni* (artis typographicae) *eorumque, quae ad illam pertinent, opera impensa fuit; eoque tempore, qui iubilaeus fuit* (annus videlicet 1450.) *ceptum fuit libros imprimere, primusque, qui excuderetur liber, biblia fuere Latina, impressaque ea sunt scriptura grandiori, quali hodie missalia solent imprimi.* Id quod egregie in biblia nostra quadrat. *Chronicon* hoc etiam citat, atque biblia *Latina* litteris grandioribus, quarum ad missalia vsus est, primum artis typographicae foetum *Andreas CHEVILLERIVS* (a auctoritate etiam *TRITHEMII* adfirmat, licet nullum eorum exstare exemplar dicat : atque *Prosper MARCHAND* b) vltius progressus, illa suspicienda adferit vt librum primum ex impressis. Raritas autem horumce exemplarium inde forte prouenit, quod illa fors fuerint, quae *Ioannes FVST* secum *Pa-*

L 5

ri-

a) De l'origine de l'Imprimerie P. I. ch. 5.

b) Historie de l'Imprimerie.

risios detulisse, ibique pro Manuscriptis vendidisse narratur: quod nisi de nostris bibliis dici vix potest, utpote quae diu ab eruditis quoque ob formam suam pro manuscriptis sunt habita; & illa de anno 1462. pro talibus venditari haud potuissent, quippe quae a fine in subscriptione sunt notata, ut nouus partus artis typographicae. Id quod antea iam pariter declararunt artifices in editionibus *Psalterii* de annis 1457. & 1459. *DVRANDI Rationalis* de a. 1459. *Catholici Ianuensis*, & *Clementinarum* de a. 1460. Typis ligneis tam grande trium voluminum opus nonnisi maximis expensis imprimi potuisse, de quibus apud TRITHEMIVM a) *Petrus SCHOIFFER* testatur, nemo mirabitur. „Reuera,
 „(sunt eius verba) sicuti ante 30. ferme annos
 „ex ore *Petri OPILIONIS de Gernsheim* ciuis
 „*Moguntini*, qui gener erat primi artis inuen-
 „toris, audiui, magnam a primo inuentionis
 „suae haec ars impressoria habuit difficultatem.
 „Impressuri namque bibliam priusquam tertium
 „complessent in opere quaternionem, plus
 „quam 4000. florenorum exposuerunt. *Pe-*
 „*trus* autem memoratus *OPILIO*, tunc famulus,
 „postea gener, sicut diximus, inuentoris pri-
 „mi *Ioannis FVST*, homo ingeniosus & prudens
 „faciliorem modum fundendi characteres exco-
 „gitauit, & artem, ut nunc est, compleuit.“
 Ego

a) T. II. chron. *Hirsaug.* ad an. MCCCCL.

Ego quidem non capio, quomodó SCHOEPELINVS in *Vindic. Typogr.* ex verbis TRITHEMII colligere potuerit, prima biblia litteris fufis fuiffe impreffa. Potius TRITHEMIVM cum *Coloniensi* chronico, cuius fententiae vir doctiffimus accedit, concordare exiftimo: quod primum librum a GVTENBERGIO *Moguntiae* mobilibus fculptis litteris impreffum biblia fuiffe memorauit, nimirum poft vocabularium *Catholicon*, quod fixis litteris impreffum idem dicit TRITHEMIVS, de quo mox. Codicem bibliorum in Baronis CRASSIERII, nobilis *Leodiensis*, bibiliotheca an. 1731. confpexit SCHOEPELINVS, quem referendum hic non fine ratione exiftimat. Typos inter fe omnes fere diffimiles, adeoque fculptos in eo inuenit. Eadem littera modo tenuior vel craffior, modo altior, modo breuior; eadem chartarii infignia, bubulum nempe caput, quae in fequentibus FVSTI libris comparent, in bibliis quoque *Crafferianis* occurrunt. Paginae in duas funt diuifae columnas. Nofta quod attinet biblia, non is ego fim, qui determinare aufim, mobilibus an immobilibus typis fint impreffa. Primum fi fit, & SCHELHORNIVS rem euincat, iam nos inter controuerfia eft, fua, an nofta editio pro prima fit tenenda. Pofito altero, harum rerum curiofis difcutiendum propono, quidnam de
ori-

originibus rarissimi huius exemplaris biblici statuendum sit: in quo illud adhuc notandum, libro Num. cap. XX. col. 1. linea 20. haberi sphalma typographicum: *in desertum sui*, pro: *in desertum Sin.*

Vidi apud SCHELHORNIVM libros typis ligneis haud seiunctis, sed in tabulis sculptis ac incisis excusos, quales etiam iam superius recensuimus, ac a SCHELHORNIO alii quoque notantur. Libri ab eodem recensiti ad quadraginta accedunt paginas, opistographi non sunt, sed ab vna tantum parte impressi, duobus foliis conglutinatis in vnum. SCHOEFFLINVS in *Vindiciis typographicis* sequentes enumerat. *Vaticinia veteris testamenti de Christo. Argumenta ex Cantico Canticorum. Tentationes daemonis. Ars memorandi per figuras euangelistarum. Ars moriendi. Quatuor euangelia hieroglyphice. Apocalypsis figurae & sententiae. Historia B. Mariae Virg. in figuris. De antichristo,* praeter singulares typos VLPILAE euangeliorum cod. *Vpsaliae* seruati argenteos per litteras encaustas ea ratione, qua bibliopegae titulos dorso librorum imprimere solent. *Xylographiae* inuentionem haud grauate SCHOEFFLINVS COSTERO in vrbe *Harlemensi* tribuit circa an. 1428. quae arti typographicae proprie sic dictae

ctae praeluferit. Ad prius illud genus adhuc referendum foret *vocabularium Catholicon*, de quo ceu primo artis typographicae partu TRITHEMIUS a) ita scribit in *Annalibus Hirsaugien-sibus*: „Imprimis igitur characteribus litterarum „in tabulis ligneis per ordinem scriptis, for- „misque compositis *vocabularium Catholicon* „nuncupatum imprefferunt; sed cum iisdem „formis nihil aliud potuerunt imprimere, eo „quod characteres non fuerunt amouibiles de ta- „bulis, sed insculpti.“ SCHELHORNIVS (quam- uis contrarium ex TRITHEMIO colligi videatur) opus hoc abruptum esse censet, tabulis ligno incisus excudi inchoatum, nimium temporis & enormes sumtus postulaturum, nec iam, typis mobilibus repertis, emtoribus satis placiturum. Certe operae pretium haud tulerit opus istud, de quo dici solebat, *Catholicon* esse, contine- re omnia praeter vtilia, prout in praefatione *Lexici SALOMONIS* episc. *Constantiensis* habetur. Celebre *Speculum humanae saluationis*, quod tam sollicite *Harlemenses* custodiunt, in classem hanc referendum non existimat SCHOEPFLINVS b) contra ac antea cum plerisque statuerat. „Li- „ber est enim, ait, *Costeriana & Gutenbergi- „ca* typographia compositus. Scilicet ab eo „tempore, quo scripseram, plura huius libri „exem-

a) T. II. p. 421. ad a. MCCCCL,

b) Vindic. typogr. p. 87.

„exempla in bibliotheca *Sorbonica*, *Bozeana*,
 „& apud *Coelestinos Lutetiae* inspexi, & post
 „repetitum identidem examen inueni eum ef-
 „se mixti operis. Superior paginarum pars ico-
 „nes, & verba litteris immobilibus sculpta re-
 „praesentat; inferior autem, quae rhythmos *La-*
 „*tinus* sculptis mobilibus exprimit, geminae ty-
 „pographiae partus est. Quum vero primis hu-
 „ius speculi editionibus nulla loci, temporis
 „aut artificis subiuncta sit nota, nihil de eo sta-
 „tui potest, donec demonstrent *Harlemenses*,
 „annum 1428. esse eius natalem.“

Buxheim.

In propinqua vrbi *Memmingensi* Carthusia
Buxheim paruum in 8^{ua} forma libellum vi-
 dimus, tabulis sculptis impressum. Abundat
 certe, si quae alia, bibliotheca *Buxheimensis* li-
 bris ex prima artis typographicae epocha. A
 plerisque, perperam quidem, prima habentur
 Biblia, quae a. MCCCCLXII. per *Ioan. FVST* ci-
 uem, & *Petrum SCHOIFFER* de *Gernsheim* cle-
 ricum, *Moguntiae* sunt impressa. Haec cum
 alibi, tum etiam in laudato *Buxheimensi* mo-
 nasterio vidi, cum subscriptione ad calcem ab
 aliis exemplaribus nonnihil diuersa: sic autem
 habet; *Presens hoc opus preclarissimum alma in*

*urbe Maguntina inclite nacionis Germanice, quam
 DEI clementia tam alti ingenii lumine donoque
 gratuito ceteris terrarum nacionibus preferre
 illustrareque dignatus est, artificiosa quadam adin-
 uentione &c.* Quamquam alias haec sit sub-
 scriptio, in Bibliis *Schoifferianis* de a. 1472.
 occurrens. Duae quidem diuersae huius edi-
 tionis de a. 1462. habentur subscriptiones, neu-
 tra tamen cum nostra hac, quam indicauimus,
 conuenit. Caeterum exemplar hoc *Buxheimen-
 se* in pergamento est impressum, licet etiam ex-
 emplaria papyracea habeantur, tribusque vo-
 luminibus constat, quorum primum cum psal-
 terio finit. In bibliotheca nostra *San-Blasiana*
 simile fere habemus primum duntaxat Biblio-
 rum volumen, typis sculptis impressum in pa-
 pyro, cum figura bouis signata, cruce trans-
 uersa in bacillo perpendiculari superius existen-
 te, id quod familiare est *Fustinis* editionibus.
 Adduntur etiam in plerisque exemplaribus insig-
 nia *Ioan. Fvst*, quae tamen in *Buxheimensi*,
 uti & nostro exemplari desiderantur, ubi cala-
 mo solum adscriptum est: *explicit Psalterium*,
 quomodo omnes etiam rubricae in margine su-
 periore aequae ac in contextu, uti etiam litte-
 rae initiales sunt exaratae. Quo minus vero
 nostrum exemplar dici possit illorum *Fvsti* Bi-
 bliorum anni 1462. numerus linearum 45. per
 fin-

singulas paginas obstat, quum *Buxheimense* habeat lineas 48. uti etiam SCHOEFFERI anni 1472. quae accurate per paginas & characteres respondent priori editioni anni 1462. quam utramque in *Buxheimensi* bibliotheca conferentes, non sine admiratione deprehendimus, vix aliquid inter eas sese discrimen prodere.

In eadem bibliotheca duo hac bibliorum editione antiquiores adhuc exstant libri, primus scilicet *Rationale* DVRANDI, quod sic ad calcem subscribitur: *Presens Rationalis diuinorum codex officiorum, venustate capitalium decoratus, rubricationibus distinctus, adinventione artificiosa imprimendi ac caracterizandi, absque calami exaracione sic effigiatus, & ad eusebiam DEI industrie est consummatus per Ioannem Fust, ciuem Maguntinum, & Petrum Gernzheim Clericum Dioecesis eiusdem, anno Domini millesimo quadringentesimo quinquagesimo nono, sexto die Octobris.* Liber hic in pergamento est cum insignibus Io. FUST, primusque SCHOEFFELINO a) censetur typis fuscis impressus. Ad sequentem annum 1460. refertur alter, siue *Catholicon Genuense*, seu IOANNIS de Ianua, aut potius Jo. BALBI, non vero typis ligneis impressum, ut illud, de quo agit TRITHMIUS, quod adeo iuxta KOCHLERVM *non ens*, aut certe opus de-

a) In *Vindic.* typograph. p. 33.

desideratum haberi potest. Illud vero, de quo loquimur, sic ad calcem habet: *Altissimi presidio cuius nutu infantium lingue fiunt diserte, quique numero sepe paruulis reuelat quod sapientibus celat. Hic liber egregius Catholicon, Dominice incarnationis anno MCCCCLX. alma in vrbe Maguntina Nacionis inclyte Germanice (quam DEI clementia tam alto ingenii lumine donoque gratuito ceteris terrarum Nationibus preferre illustrareque dignatus est) non calami styli aut penne suffragio, sed mira patronarum formarumque concordia proportionem ac modulo impressus atque confectus est. Post Biblia anni 1462. mortuumque an. 1466. vel seq. Ioannem EVST, Buxheimii adest Secunda Secundae S. THOMAE artificiosa quadam &c. per Petrum SCHOIFFER de Gernsheim an. Dni M.CCCC.LXVII. die sexta mensis Martii. Eiusdem S. THOMAE in Magistrum sententiarum ad distinctionem usque quinquagesimam: ad cuius operis calcem legitur: Presens hoc opus quarti scripti Sci Thomae de Aquino alma in vrbe Moguntina &c. per Petrum Schoiffer de Gernsheim an. Dni quadringentesimo sexagesimo nono, tredecima die Iunii, sit laus Deo. Eiusdem prima pars Secundae, an. Dni. 1471. oct. die Nou. Item Guil. DVRANDI Rationale Div. officior. anno a nativ. Dom. MCCCCLXX. Kal. Mart. Gerbert. Iter Aleman. M ve-*

vero *Februarias undecimo libri praesentis collectaneam*, cui & rationale diuinorum titulus, *Gintherus Zainer ex Reutlingen*, cuius progenitus vrbe autem commune *Augustensi*, in medium cunctis legendum exarauit feliciter. Rursum *Textus S. Augustini de ciuitate Dei Moguntiae impressus explicit feliciter*; impressus est autem an. *MCCCCLXXII*. In eodem codice: *Thomae Valois, & Nicolai Triveth, in libros B. Augustini de ciuitate Dei commentaria fel. inchoant*. In fine: *Igitur Aurelii Augustini &c. consummatum per Petrum Schoiffer de Gernsheim an. Dñi M. cccc. lxxiij. die V. mensis Septembris presidibus ecclesie &c.* In alio codice in 4. cum insigniis *Jo. FVST*, vel *Petri SCHOIFFER* complures compacti sunt libri *SS. PP. ed. seculi XV.* Item in alio *M. T. CICERONIS ad QVINTVM fratrem de Oratore*, sine anno & loco impressionis. Forte tamen excusa est haec editio typis *Monasterii Sublacensis* circa annum 1465. de qua agit *LE BVRE a)*. Sequitur eadem compactura eodem typo & forma in fol. min. *Leonardi ARETINI de bello Italico aduersus Gothos*. In fine libri *IV. & vltimi*:

*Gallicus hunc librum impressit Nicolaus Ienson.
Artifici grates optime lector habe.*

MCCCCLXXI.

Venetias

a) Bibliographie instructive num. 2390.

Venetias hic an. 1468. concedens ibidem fundamenta iecit cum *Ioanne VENDELINO de Spira* typographiae, quae postea sub *MANVTIIS* tantopere inclaruit. In bibliotheca *Buxheimensi* habentur porro *Orationes Ciceronis* in fol. mai. cum his versibus ad calcem :

*Hoc ingens Ciceronis opus , causasque forenses
Quas inter patres dixit & in populo.*

*Tu quicumque leges. Ambergau natus abenis
Impressit formis. Ecce magister Ada.*

MCCCCCLXXII.

Magistri *Ioannis* DE *VERNAY* in *Psalms* & *Cantica* consuetudinaria , ad calcem: *Per me Henricum Naarden MCCCCCLXXIII. IV. die ante Purificationis. hora sexta de nocte.* Ambigua est epigraphe sequens operis, quod communiter an. 1488. primum *Coloniae* prodiisse creditur : sic vero in exempl. *Buxheimensi* ad calcem habet. „*Summaria pariter & conclusiones Clementinarum & Sexti accurate & compendiose ex doctoribus circa eundem scriptis per honorabilem virum dominum Ioannem KOELNER de Vancel, artium liberalium magistrum iuris utriusque doctorem virum peritissimum in florentissimo studio Coloniensi collecta anno gratiae M CCCC LXV. in vigilia Purificationis beatae DEI Genitricis MARIAE Virginis gloriosissimae impressa finem acciperunt feliciter.*“

Antequam *Buxhemio* discedamus, narrandum adhuc ducimus, quod relatum accepimus a Reu.^{mo} P. Priore ac Praefecto *Buxhemensi*, qui rem legali inquisitione se accepisse adseueravit a personis adhuc superstitis, paratis etiam iurato rem adfirmare prout contigit. Anno nempe 1749. primum duos argenteos nummos veteres ad hortum domui vicinum reperit puer pauperulae viduae, quos quum matri detulisset, haec suspicata, puerum ipsos forte clepsisse, urgebat, vt altero die monstraret locum. Quod quum fecisset puer, mater ibidem manu humum effodiens, mox quinque similium reperit monetarum. Ea gaudio gestiens recurrit, sociamque adducit, quae vna paullisper terram digitis amouens, videbatur sibi velut operculum vasis remouere, ac plena omnia argenteis nummis cernere, quorum ad maiorem cumulum manu extenta simul 29. prehensos attraxit. Ad hoc illa in risum effusa, caeteris domesticis ad colligendos nummos cum clamore accurrentibus, subito, quidquid videbatur nummorum, euauit, exceptis his, qui ex tumultuosa domesticorum in colligendo concertatione passim dispersi, postea ab iisdem extra locum sunt reperti. Nummi vero vniuersim fuerunt 70. quorum maiorem partem Reu.^{mus} P. Prior meis subiecit oculis, imperatorum NERONIS, VITELLII, VESPASIANI, TITI,

TITI, DOMITIANI, TRAIANI, HADRIANI, ANTONINI *Pii*, M. AVRELII, L. VERI, SEVERI ac COMMODI. Quidquid hic intercesserit ex forti, subito casu & euentu excitata, muliebri phantasia, nummi hi nobis eam certe aetatem indicant, qua *Romani* istic terrarum rerum potiti sunt.

Augusta Vindelicorum.

Augusta Vindelicorum Octauio AVGVSTO, qui eo coloniam militarem deduxit, conditore gloriatur, suntque, qui hanc urbem a TACITO a) splendidissimam *Rhaetiae* coloniam dici putent: quod cum eorum non congruit sententia, qui *Rhaetiam* hanc demum dictam volunt sec. IV. aut V. Hodie certe inter elegantissimas vrbes censetur. Opportune die tertio *Iulii* eo contendimus. Profestum erat VDALRICI, sanctissimi *Augustani* episcopi tutelarioris urbis & dioeceseos, imprimis vero monasterii O. S. B. quod ab eo nomen deinceps etiam accepit ad SS. *Vdalricum* & *Afram*, quia ibi sepultus est apud S. AFRAM martyrem, ad cuius sepulcrum fidelium confluxum iam FORTVNATVS b) celebrauit:

*Pergis ad Augustam, quam Vindo Lupusque
fluentant,*

Illic ossa sacrae venerabere martyris AERAE.

M 3

Huius

a) De moribus *German.* c. 41.

b) Lib. IV. de vita S. MARTINI.

Huius beatae martyris passionem ex actis publicis concinnatam edidit *Marcus VELSERVS* inter monumenta antiqua *Augustanae* ciuitatis, quam ad alias editiones & complures codd. MSS. collatam RVINART a) in *Actis martyrum sinceris* recudit. Imprimis memorabile habet ipsius GAI Iudicis de sanctitate religionis christianae, & spurcitia paganicae testimonium. „ Iudex GA-
 „ IVS dixit: vt audio, meretrix es; sacrificia,
 „ quia es aliena a DEO christianorum. AFRA re-
 „ spondit: Dominus meus IESVS CHRISTVS di-
 „ xit, se pro peccatoribus descendisse de coelo.
 „ Nam & euangelia eius testantur, quod mere-
 „ trix rigauerit lacrimis pedes eius, & indulgen-
 „ tiam acceperit; & meretrices & publicanos
 „ nunquam despexerit, quos etiam secum man-
 „ ducare permisit. Iudex dixit: sacrificia, vt di-
 „ ligaris ab amatoribus tuis, sicut semper dilecta
 „ eras ab ipsis, & inferantur tibi pecuniae mul-
 „ tae ab eis. AFRA respondit: Pecunias execra-
 „ biles iam nunquam accipiam, nam & quas ha-
 „ bui, quasi sordes abieci, quia non erant de
 „ bona conscientia. Nam nolentes accipere ali-
 „ quando fratres meos pauperes etiam precibus
 „ exorauī, vt a me dignarentur accipere, & pro
 „ peccatis meis orarent. Si ergo, quae habui,
 „ a me abieci, quomodo potest fieri, vt quae-
 „ ram

„ram accipere, quae etiam quasi fordes abieci?
 „Iudex GAIVS dixit: iam te CHRISTVS dignam
 „non habet. Sine caussa vis eum DEVM tuum
 „dicere, qui te suam esse non cognoscit. Me-
 „retrix enim quae est, dici christiana non po-
 „test. AFRA respondit: Christiana ego qui-
 „dem dici non mereor, nec vocari, sed miseri-
 „cordia DEI, qui non de merito, sed de sua
 „pietate iudicat, ipse me ad hoc nomen admi-
 „sit. Iudex GAIVS dixit: vnde nosti, quia te
 „admisit ad hoc nomen? AFRA respondit: In
 „hoc cognosco a facie DEI non esse proiectam,
 „quia ad gloriosam confessionem sui sancti no-
 „minis permittor accedere, per quam me credo
 „omnium scelerum meorum indulgentiam ac-
 „cepturam &c.“ Ex iisdem actis claret, HILA-
 „RIAM matrem non aediculam super sepulcrum
 „exstruxisse, vt communis habet persuasio, sed in
 „monumento, quod sibi suisque construxerat,
 „dum nocte cum sacerdotibus veniens sepelire
 „AFRAM vellet, iussu GAIJ iudicis, impleto mo-
 „numento gremiis & siccis spinis, clausoque, ac
 „igne supposito, illustre martyrium cum famula-
 „bus tribus oppetiisse. „Sicque factum est (vt
 „habent acta) vt eadem die, quando sepulta est
 „AFRA, simul etiam mater eius HILARIA, nec
 „non & famulae eius secundum carnem, sed et-
 „iam sorores in CHRISTO, DIGNA, EVTROPIA,

„ & EVNOMIA simul martyrii coronam acciperent; vt quae simul vnanimis in CHRISTVM IESVM crediderant, ad eum cum palma martyrii pariter peruenirent.“ In vtroque festo SS. VDALRICI & AFRAE primae vesperae, vt in festo S. VDALRICI vidimus, solemniissime ter solent decantari, primum a monachis, quibus Canonici ad *S. Mauritium* succedunt, his Capitulares Canonici ecclesiae cathedralis. Summum officium ipso die S. VDALRICI (quod in festo S. AFRAE abbas facit) absente serenissimo principe & episcopo, Suffraganeus adparatu pontificali celebrauit, praeunte sacra processione cum SS. Cruce, quae coelitus S. VDALRICO delata OTTONI II. contra *Vngaros*, vt olim CONSTANTINO Imperatori contra MAXENTIVM, certam victoriam ominata est, hoc discrimine, quod crux illa disparsa fuerit, haec e solida materia, quae, cuiusmodi sit, a nemine haecenus designari potuit. Hanc S. Praeful ad latus imperatoris in praelium praetulit, deinceps vero e collo suspensam ad pectus gessit, argentea capsula conclusam, quae ipsa alia nunc clauditur aurea Cruce, gemmis & vnionibus pretiosissimis exornata, cum hac inscriptione: *Sacro sanctam hanc victoriae crucem ab angelo coelitus diuo Vdalrico portatam D. Ioannes de Giltingen monasterii S. Vdalrici & Aefrae abbas, hic occludi & exornari curauit,*

rauit, dicauitque anno M. CCCC. XCIII. Seruatur praeterea S. Episcopi pecten, cuius mysticum etiam in sacris vsum DVRANDVS a) designat: vascula item lignea, ex quibus cibum & potum capere solebat. In eius rei memoriam vidi ipso eius nomini sacro die alia, ad eandem formam facta, in quibus cibi & potus delati sunt, pro more, Reu.^{mo} suffraganeo, vice episcopi, supremo item vrbis magistratui nomine imperatoris, cui praesenti aut eius legato iidem cibi potusque iisdem in vasculis offeruntur.

In bibliothecam mihi admissa, multaque conspiciat MSS. spes tamen, quam ex relatione P. MABILLONII conceperam, breui concidit; dum omnibus perlustratis non multa alicuius momenti fere sequioris aevi papyracea deprehendi, quum tamen hic studia floruerint: atque in monasterio ars typographica fuerit fere ab incunabulis, in qua *Libb. Dialog. S. Gregorii M. an. 1474. serm. Aurei Leonardi de Vtino 1476. speculum histioriale Vincentii Bellov.* fuerunt impressa typis. Superfunt saltem adhuc non pauca, historiam imprimis patriam illustrantia, domesticorum auctorum MSS. Ex his tamen etiam, & quidem, quod est summum nefas, domestica perfidia multa egregia clanculum subla-

M 5 ta

a) Ration. lib. IV. c. 3.

ta sunt: quorum quaedam alicubi prelo subiecta declarant, aliorum extra patrios lares esse distracta. Maiorem selectum antiquorum MSS. in bibliotheca fratrum VEITHIORVM bibliopolarum *Augustensium* reperi, quorundam etiam *Graecorum*, *Latinorum* vero non paucorum optimae notae. Quae inter excellit peruetusta litteris *Anglo-Saxonicis* perscripta Ven. BEDAE expositio in epistolas canonicas, continens prologum, qui in editione *Colonienſi* operum BEDAE desideratur, CAVEVS a) vero sub nomine BEDAE recenset. Versus quidam praemittuntur de apostolis canonicarum epistolarum auctoribus: *Iacobus, Cephas &c.* In medio manuscripti eadem scriptura ascetica quaedam interferuntur. In MSS. operibus S. BERNARDI nonnulla occurrunt, quae in editione MABILONII desiderantur, ac examen requirunt. Inter libros impressos Rituale est lingua & litteris *Sclauonicis*, rara in nostris terris auis.

Instructissima est publica ciuitatis bibliotheca nouis identidem libris locupletata, etiam MSS. *Graecis* superiore seculo insigniter aucta, quae magistratus 800. aureis comparauit. Ea inter eminet codex euangeliorum *Graecus*, totus maiusculis litteris perscriptus, cum accentibus tam-

men,

a) Sec. Iconocl. p. 403.

men, & notis musicis pro officio ecclesiastico, quorum specimen dabimus in *Historia musica*. Rarissimae etiam adsunt editiones quaedam artis typographicae adolescentis. Ac quidem codex biblicus annum praefert 1449. sed typis haud expressum, & ab omni verisimilitudine abhorrentem, quum praesertim *Augustae* impressionem factam esse ex fine constet, characterque prorsus conueniat cum aliis bibliis 1477. ibidem impressis. Adfertior est codex *officiorum* CICERONIS celebratissimus ex officina Ioan. FVST an. 1466. in pergameno, cui hoc distichon adscriptum est:

*Artis chalcographae primordia bibliothecae
Weissius haec David dat monumenta sui.*

Anno 1572. Calendis Augusti.

Epistolae S. HIERONYMI an. 1470. per *Petrum* SCHOIFFER paullo post mortem Io. FVST, quam an. 1466. aut sequenti creditur oppetiisse. Alia recensere opus haud est post EHINGERI luculentum bibliothecae *Augustanae* catalogum. Ad introitum bibliothecae lapis cernitur cum sequenti inscriptione:

D. M.

VICTORINI LONGINI

EQ. AL. II.

FL. SINGVLAR.

CL. LATINVS

AEDITVVS SINGVLARIVM

H. F. C.

Ni-

Nimirum *Diis manibus Viſtorini Longini equitis alae ſecundae Flaminis ſingularium Claudius Latinus aedituus ſingularium hoc fieri curauit.*

Inſcriptiones factae equitibus ſingularibus alibi etiam reperiuntur, veluti recenſentur in diario *Italico* P. MONTEFALCONII p. 117. 358. Haec autem perſonas ſacris deputatas designat; atque verberna herba altari imponi ſolita, quae ad latus ſculpta cernitur, arae indicium praebet: idque ſingulariter uſuueniſſe in ſacris *Iſidis*, ſunt, qui credant; unde, ſi diis placet, vernaculum noſtrum *Eiſenkrant* dictum volunt. *Conradi* PEV-
TINGERI aliquando ea fuit ſententia, quam in ſermonibus conuiualibus edixit, templum *Iſidis* eo in loco ſtetiſſe, ubi nunc *Auguſtae* praetorium conſpicitur, collemque ibi publici carceris *Iſenberg*, quaſi *montem Iſidis* adpellatum. Sed rectius eidem originatio a publico carcere aperte *germanica* creditur *Eiſenberg*: quamuis alii *Zi-zenberg* dici velint; opinaturque VELSERVS, *Zizam* ſeu *Ciſam* deam topicam a *Vindeliciſ* olim cultam. Haec etiam *Iſis* dicitur, & CRVSIVS ſub hoc nomine *Campiduni* templum etiam *Iſidis* fuiſſe dicit iam ducentis ante Chriſtum natum annis; etſi TACITO teſte, ſua adhuc aetate, nulla ſimulacra vel templa apud *Germanos* fuerint. Iam ſupra diximus, *Alemannos Iſidem*
etiam

etiam sub nomine *Herthi* iuxta *Romanam* dialectum, *Maynam* deam vel *Terram* matrem, *Cybelen*, *Tellurem*, *Opem* coluisse: putatque *Georg. Iac. MELLINVS* in dissertatione de *Sueuia Gentili*, immigrantes *Sueuos* circa annum Christi CCCCL. vna cum aliis *Isidis* etiam sacra & *Augustam* & in *Vindeliciam*, *Rhaetiam*, *Heluetiam*que omnem secum deduxisse. Multis veteribus testibus constat, apud *Romanos* *Isidis* cultum frequentatum, atque cum eorum victricibus armis sacra etiam ipsorum illata fuisse. *DIONYSIVS Halicarnassaeus* de omni barbarorum gente victa dicit, eos ritus victoris eiusque sacra coactos recepisse. *VELSERVS* vero curiosissimus *Augustanae* superstitionis inuestigator, aliorum etiam *Romanorum* Deorum, quam *Isidis* vestigia reperit, *Mercurii* imprimis complura monumenta. Idemque *Ioui* regi, *Terrae* matri, *Genioque Coloniae*, siue *Cisa* fuerit, siue aliud Numen, sacra annua facta esse censet, eaque postea adfulgente christianae religionis lumine in *DEVM O. M.* Virginem matrem, & coelestes spiritus tutelares sanctiore ritu versa interpretatur. *Apollini Granno* in agro *Augustano* inscriptiones & monumenta dicata idem sistit, aucta in supplementis antiquorum, quae *Augustae Vindelicorum* exstant, monumentorum, cum aliis innumeris, quos alii etiam recensent *Herculem*,

culem, Martem, Silvanum, Plutonem, Proserpinam &c. Cuiusmodi varia in re nostra antiquaria *San-Blasiana* feruamus simulacra (*Mercurium* imprimis elegantis operis, aliumque minori forma, ambos nudos) qualia *Augustana* nobis VELSERVS describit, ex aliis *Alemanniae* partibus collecta: vnde patet, eadem varia superstitione maiores nostros fuisse detentos. Id vero singulare est *Augustanae* vrbi, commune tamen cum aliis illustribus *Romanorum* coloniis, quod ex VITRVVII auctoritate, & S. AFRAE actis collegit saepe laudatus VELSERVS, capitolio fuisse ornatam, quod in excelsissimo vrbis loco situm iudicat: originemque *Romanam* insigniter ostentat, quod capitolium, templumque habuerit, quum alias in lucis religionem posuerint *Germani*.

Iam superius mentionem inieciimus cipporum vialium: cuiusmodi lapidum in tractu *Augustano*, seu per *Vindeliciam* & *Noricum* imprimis, haud exiguus numerus apud VELSERVM, GRVTERVM & alios videri potest. Praecipue vero notabile est, tabulas *Theodosianas*, quae eorum pertinent, hinc esse, quae a *Conrado PEUTINGERO Augustano*, in cuius bibliothecae scriptis diu repositae fuerunt, *Peutingerianae* dicuntur. Fuerunt a *Conrado CELTE* in coenobio quodam repertae, atque apud PEVTINGERVM
Augustae

Augustae depositae: unde primum in dias auras prolatae sunt, atque etiam nonnunquam *charta Augustana* audiunt. Ibi post mortem PEVTINGERI aliquamdiu delituerunt, felici omine a Marco VELSERO detectae iterum, & post varias commentationes editionesque primum ad Sereniss. Sabaudiae ducem EVGENIVM, indeque in bibliothecam caesaream ceu pretiosissimus thesaurus nunc dignissime sunt collocatae. Acciderunt haec antequam praestantissima *Peutingeriana* bibliotheca collegio Soc. IESV *Augustano* testamento legaretur, vbi singulari conclavi diu constituta, nunc reliquis libris permixta servatur.

Recens in eodem collegio caussa P. Franc. NEVMAYR, S. I. in ecclesia cathedrali sacri oratoris pro fide catholica excellentissimi, dum *Augustae* degebam, per omnium ferebatur ora, ob sermonem in defensionem *Probabilismi*, quem vocant, e suggestu non solum habitum, sed etiam typis impressum, qui *Romanam* censuram expertus est, ac si contineat propositiones temerarias, scandalosas, & piarum aurium offensivas. Decretum pontificium *Romae*, ut solet, publice ad valuas ecclesiarum adpensum fuit, atque ad episcopum *Augustanum* transmissum, ut similiter publice adfigeretur a P. NEVMAYR subscriptum: quod per Vicarium generalem curatum est,

est, accito, ut mihi relatum est, simul aduersario *Dominicano* P. REICHART; cuius tamen scriptum aduersus P. NEVMAYR censuram hanc minime elicuerit, tam elumbe & exsuccum, ut dicerent, qui illud legerint, alias a *Probabilismo* alieni, propemodum se in transuersum fuisse actos. Caussam ego P. NEVMAYR non ago; puto tamen, ipsum impune cum integris voluminibus pro defensione *Probabilismi* in arenam fuisse descensurum, dummodo non adsumsisset pro argumento sermonis sacri in publica cathedra, quam tot iam annis tam strenue pro re catholica subiit, ornauitque, ut euangelicum illud locum habere possit: *Nonne bonum semen seminasti in agro tuo: unde ergo habet zizania?* Certe inimicus homo hoc fecit diabolus, ut fructum, quem ex sacris sermonibus percipere potuerat ecclesia, suffocaretur. Peroptaram, atque apud me constitueram, dum eram *Augustæ*, concionantem eum, qui iam discessum parare dicebatur, audire, cuius typis editae conciones omnium ore celebrantur. Sed quum citius res meae essent expeditae, nihil moratus sexto *Iuli* discessum paraui, celebrata missa ad S. *Crucem* in ecclesia Canonorum regularium. In qua ad sex iam fere secula conseruatur, optantibusque videre ostenditur sacra Hostia: quam matrona
quaedam

quaedam acceptam e manu sacerdotis, iterum clam ore extractam in cera conclusit, domique ad priuatum cultum quinque detinuit annis. Tandem religione mota, ac conscientiae malae agitata stimulis sacrum Christi Corpus, prout cera erat inclusum, ad praepositum Canonorum detulit. Qui quum diuideret ceram, stupens vidit Hostiam sanguineum fuisse colorem. Igitur complicata iterum cera, rem VDALSALCO *Augustano* tunc episcopo significat, qui cum cleri populique processione ab ecclesia *S. Crucis* ad Cathedralem solemniter pompa asportauit Hostiam, vbi decenter deposita, a paschate vsque ad festum *S. IOANNIS Baptistae* ita augmentata veluti est in cera, vt tandem suapte inde se extricaret. Vnde crystallo, vnacum ipsa cera seorsim posita, insertam eadem, qua antea ad Cathedralem Virginis *Mariae* basilicam, pompa ad monasterii *S. Crucis* templum denuo reportauit idem episcopus, vbi in hodiernum vsque diem seruatur perennante miraculo, imo innumeris, in solatium fidelium, confusionem vero *Lutheranorum*, praecipue *Augustanorum*, qui realem quidem praesentiam in Eucharistia, sed non extra usum admittunt. Geminum est, quod accidit sec. XIII. cum sacra Hostia miraculum, quae *Parisiis* adhuc colitur. Ineunte seculo superiore apud *Gallos*, *Mart. Gerbert. Iter Aleman.* N *Calui.*

Caluinianis maxime grassantibus, in monasterio *Fauerniacensi* sacra Hostia ad publicam in die *Pentecostes* 1608. adorationem parata, quum altare & facellum flamma ex ardentibus lampadibus arriperet, per triginta sex horas in aere suspenſa mansit, ac se in praeparatam sindonem iterum demisit, dum sacerdos, qui cum commissa plebe fama recentis miraculi cum innumeris aliis eo aduenerat, ad maius altare sacram in missa Hostiam eleuaret, deponeretque, vbi hodie dum seruatur, atque a me etiam visa est in itinere meo *Gallico*. Ei vero regioni circuli *Sueuici*, quam studiorum meorum causa peragraui, felicitas non obtigit, vt auita religio *Catholica* sic integra vti in *Gallia* restitueretur, *Lutheranis* passim inter *Catholicos* sparsis, nihil eos mouentibus miraculis, quae variis in locis thaumaturgis eduntur; veluti, vt vnum saltem memorem, apud S. WALPVRGAM *Aichstettae* limpidissimo oleo ex casto eius corpore perpetim manante &c. Noua quoque *Kaufbeurae* libera imperii vrbe, vbi numerosi degunt *Lutherani*, apud venerabilem CRESCENTIAM DEVS potentiae suae ostentat portenta: ac signis prodit, quo sibi deuotos & sanctos prosequatur honore, dum tam gloriosos in terris etiam facit, ac sacrosanctam seruat memoriam, stimulatque fidelium deuotionem.

Elchinga.

Elchinga.

Vnum adhuc commemorem, quod iter meum litterarium *Augusta* prosequenti occurrit in monasterio O. S. B. *Elchingensi*, cuius initia referuntur ad an. MCXXVIII. a CONRADO duce *Saxoniae* eiusque vxore LVCIA, duce *Sueviae*, CONRADI III. Imp. sorore facta: vbi quotidiana DEVS beneficia praestat hominibus ad intercessionem Christi Matris in coelis, quam pia fidelium illuc certatim concurrentium vota sibi conciliant, deuoteque implorant. Quod ad rem meam litterariam attinet, dirae flammae adparatum antiquum litterarium huius monasterii fere absumpserunt, durante imprimis bello *Schmalcaldico* monasterii aedificiis, templo & bibliotheca cum monumentis an. 1546. 16. Oct. irreparabili damno exustis. Notabile tamen est manuscriptum opus *Rhabani MAURI* de cruce cum figuris pro aetate miris depictum, atque explicatione figurarum in versibus post opus ipsum, quod ita in fine habet: *Explicit DEO iuuante opus Magnecii Rhabani Mauri in honorem &c.*

Rex regum Dominus mundum dititione gubernans &c.

Sequitur in eodem codice eadem elegantia cum
N 2 figuris

figuris *Speculum humanae saluationis: Incipit probemium cuiusdam nouae compilationis, cuius nomen & titulus est speculum &c.* Praemittuntur picturae, rhythmi subnectuntur, quibus casus huiusmodi elucidantur ex veteri & nouo testamento, omnia scripta & picta manu *Ludouici SCHAFFELVZEL.* Quod ipse suo calamo indicat, notatque etiam annum 1469. Quo tempore iam idem opus typis impressum inter rariora typographiae ordientis cimelia refertur. Reperi praeterea in bibliotheca *Elchingensi* impressa & manuscripta specimina *tablaturae musicae*, qua singulari ratione proxima aetate compositiones vocales auctorum celebriorum instrumentis musicis, organo imprimis, aptare solebant. Qua de re egi in opere meo *de Cantu & Musica ecclesiastica a prima ecclesiae aetate usque ad praesens tempus.* Mentionem inieci superius priuilegii singularis, inter alia Confirmationis sacramentum conferendi vasallis & subditis, abbati *Elchingensi* concessi, quod hic a) insertum vide.

Vlma.

- a) **I**oannes Poggius, episcopus Tropiensis ad Sereniss. Principem Carolum Imperatorem Romanorum semper Augustum & Hispaniarum Regem Catholicum Sanctiss. D. N. Pauli Papae tertii & apostolicae Sedis, ad terras & prouincias, ad quas ipsum Carolum Imperatorem declinare contigerit, Nuntius cum potestate legati de latere. Dilecto nobis in Christo Andreae abbati monasterii in Elchingen Ordinis S. Benedicti dioecesis Au-

Ulma.

Ex monasterio *Elchingensi* in celebrem comitiis *Sueuici* circuli urbem *Ulmam* sumus aduecti. Creditur, *Alemannorum* olim contra *Romanos*, ac *Romanorum* dein contra *Alemannos* in *Rhaetia* castrum fuisse, ac postea sub *Francicis* regibus *Villa regia* seu vrbs *Palatina*, & an. 813. a CAROLO M. monasterio *Augiensi* donata. Quod quibus iuribus factum, certant, atque

gustensis Salutem in Domino. Exigunt merita tuae deuotionis, quam ad Romanam ecclesiam gerere comprobaris, vt illa Tibi fauorabiliter concedamus, quibus tuae & successorum tuorum personarum decori, & aliis opportune videatur. Hinc est, quod nos ad infra scripta per apostolicae Sedis litteras, quas iuxta indultum nobis in eis concessum inferere non tenemur, sufficienti facultate muniti, Tuis super hoc nobis porrectis supplicationibus inclinati, autoritate apostolica nobis concessa & commissa, qua fungimur in hac parte, tenore praesentium Tibi & successoribus tuis eiusdem monasterii abbatibus pro tempore existentibus, vt a caetero Mitra, siue Infula, annulo & baculo, aliisque insigniis pontificalibus vti, nec non calices, patenas, casulas, dalmaticas & ornamenta ecclesiastica benedicere, & quibusuis vasallis aut subditis tuis sacramentum Confirmationis de consensu Ordinarii loci conferre libere & licite valeas, successoresque tui praedicti similiter valeant, perpetuo indulgemus, plenamque licentiam & facultatem concedimus, non obstantibus apostolicis, ac tam prouincialibus quam synodalibus constitutionibus & ordinationibus, nec non statutis & con-

atque etiam de diplomate *Carolino* nuper fuit disceptatum. *Vlma* a *LOTHARIO* imperatore, quod partes aemuli *CONRADI Sueviae* ducis foueret, funditus destructa, iterum instaurata fuit, quum post mortem *LOTHARII CONRADVS* ad imperatoriam dignitatem adspiraret. Primo mensurandum, exponendamque itineris mei causam duxi

suetudinibus etiam iuramento, confirmatione apostolica, vel quauis firmitate alia roboratis, caeterisque contrariis quibuscunque. Datum *Spirae* septimo Kalendas Augusti, Pontificatus eiusdem Domini nostri anno nono.

*Ioannes Poggius Episcopus
Tropiensis Nuntius apostolicus.*

(L. S.)

Stephanus Prats Clericus Barchinonensis publicus apostolica auctoritate Notarius.

*Adprobatio & Ratificatio Episcopi Augustensis super
praecedente privilegio anno 1543.*

Vicarius Reuerendissimi in Christo Patris & Dni Dni Ottonis Electi & Confirmati Ecclesiae Augustensis in spiritualibus generalis, vniuersis & singulis praesentium inspectoribus Salutem in Dno, & notitiam subscriptorum. Noueritis, quod Venerabilis in Christo nobis Dilectus Dnus Andreas Abbas Mnrii in Elchingen O. S. Benedicti Augustensis Dioecesis. Reuerendissimi in Christo Patris & Dni Dni N. Ioannis Poggii Episcopi Tropientis Sanctissimi Dni N. Dni Papae & Sanctae Sedis apostolicae in partibus, quo Serenissimum Principem Carolum Romanorum Imperatorem sem-

duxi doctissimo praesuli Canoniorum regula-
rium apud insulas *Wengenses*, qui iam clarum
orbi litterario reddidit nomen, editis quibus-
dam tomis monasteriologiae suae, in qua rara
aut

per Augustum & Hispaniarum Regem Catholicum, ac
terras & prouincias, ad quas ipsum Carolum Impe-
ratorem Catholicum declinare contigerit, nuntii cum
potestate de latere legati, quasdam concessionis & in-
dulti litteras super usu Pontificalium & benedictioni-
bus ornamentorum & vestium ecclesiasticarum, ac col-
latione Sacramenti Confirmationis vasallis & subditis
dicti sui Mnrii sibi datas praesentibus annexas nobis
praesentauit, & quatenus indultum huiusmodi autho-
ritate ordinaria adprobare & ratificare dignaremur, hu-
militer supplicari fecit. Quo circa supplicationibus hu-
iusmodi tanq; piis, iustis, & rationabilibus grato oc-
currentes adsensu, litteras praetactas ad manus nostras
recepimus, vidimus, & de suspitione examinauimus
diligenter. Et quia easdem sanas & integras, non vi-
tias neque in aliqua sui parte suspectas comperimus,
litteras saepe dictas & contenta in iisdem ratas & gra-
tas, ac rata & grata habentes, eas & ea autoritate
nostra ordinaria duximus admittenda & admisimus, pro-
ut admittimus per praesentes. Nolumus tamen, vt D.
Abbas Sacramtm Confirmationis vasallis & subditis suis
conferat, dum & quoties Suffraganei nostri, seu al-
terius catholici Episcopi praesentia commodè haberi
possit. In quorum omnium fidem & testimonium sigil-
lum praefati Dni nostri electi & confirmati Augustensis,
quo nostro vtimur in officio, praesentibus est adpen-
sum. Datum in oppido Dillingen die prima mensis Se-
ptembris anno Dni Millesimo quingentesimo quadrage-
simo tertio, “

(L. S.)

aut necdum edita doctorum ex variis ordinibus religiosis virorum opera publicae vtilitati parat. Singulari is humanitate ipse me mox ad bibliothecam deduxit, sua manu rariores ostendere libros haud grauatus, atque hos inter manuscripta quaedam opuscula sanctitatis fama celebris, in vrbe hac olim degentis, *Henrici SVSONIS*, qui ibi etiam in ecclesia Praedicatorum sepultus fuit, cuius corpus ante 30, & quod excedit, annos occasione exstruendi aedificii, inscriptione notatum rursus repertum est. Vita eiusdem praemittitur, scripta a *Fr. Felice FABRI*, celebri ex Ord. Praedicat. viro, qui *Vlmae* itidem sec. XV. libris editis claruit, MSS. eius operibus in publica praesertim vrbis bibliotheca adhuc delitescentibus. Oculis meis exhibuit etiam humanissimus abbas *Christiani DRVTHMARI Grammatici* expositionem in *MATTHAEVM* Euangelistam &c. cum epitome in *LVCAM*; MS. item librum famosum de *tribus impostoribus*, de quo, an in rerum natura existat, disceptant. In edit. concil. *Grabbeana* ex officina *Ioannis QVENTEL* a. 1551. locus concilii *Tridentini* de immaculata conceptione B. V. non habetur sicut in aliis editionibus: inde haud dubie, quod non omnibus PP. in eandem conuenientibus sententiam, varia secum detulerint hanc circa rem exemplaria. Editio *Veneta* conc. *Trid.*
an.

an. 1552. eadem quoque caret exceptione. Qua de re vid. Abbas CALMET a). In *Wengens* biblioth. mihi a doctissimo abbate praeterea exhibitum sunt *Petri* de VINEIS libri sex epistolarum; & *Ioan.* S. MARTINI episc. ad MIRONEM regem ex bulla LEONIS X. super reform. ecclesiae, de quo SCHELHORNII *Amoenit.* Eiusdem anni 1551. habetur in ea bibliotheca *Platinae* editio non castrata.

In bibliotheca vrbis publica magna est copia rariorum sec. XV. editionum efflorescentis artis typographicae, quas inter magis notabiles sunt VINCENTII *Bellovacensis Speculum historicum, morale, doctrinale*, pluribus voluminibus per Ioannem MENTELIN 1473. &c. Primum opus litteris fufis *Argentorati* impressum SCHOEPEFLINO b) est VINCENTII *Bellovacensis Speculum historicale* an. 1473. quatuor maximae chartae voluminibus; eam tamen alia, litteris sculptis & inaequalibus sine anno & loco impressionis, ac sine typographi nomine praecessit editio, quam *Argentorati* in bibliotheca SCHOEPEFLINI vidi, ac in publica *Basileensi*. Accesserunt *Speculum morale, physicum, & doctrinale* eiusdem auctoris ex eadem MENTELII officina. *Vastum hoc*, inquit laudatus SCHOEPEFLINVS, *decem*

N 5

maximae

a) Bibl. Lotbar. p. 775.

b) In Vindiciis typograph. p. 47.

*maximae formae voluminum opus an. 1476. terminatum, quale nec Moguntia, nec ulla Argentiniensis ab eo tempore officina typographica produxit, Menteliano nomini gloriam conciliauit, & opes. Decretales in pergameno 1473. Eiusdem anni Historia scholastica P. COMESTORIS litteris minusculis Romanis. Sequentis anni opus celebratissimum de Planctu ecclesiae per Gintherum ZAINER. Gloriantur Vlmeneses, non multo post inuentam typographiam in sua etiam vrbe artem eam floruisse, ac id iure quidem, vt mox citata COMESTORIS Historia scholast. itemque PELAGII opus de Planctu ecclesiae, ac alii Vlmae impressi libri demonstrant. Varia in hac bibliotheca habentur opera impressa lingua Sclauonica, Vandalica, seu Vendica, atque inter alia confessio Augustana composita ad Lutheranam sectam in illis propagandam regionibus. Ostendit mihi doctissimus bibliothecarius MILLER, orbi litterario editione nitidissima auctorum classicorum notus de Trinitatis erroribus libb. VII. per Michaelem Seruets alias Reues ab Aragonia Hispanum an. 1531. quem venenosum foetum ita conquirat humana curiositas, vt SERPILIO Ratisbonae consilium pessimum ingesserit, illaudatum opusculum, ad fraudem papyro & characteribus studiose conquisitis, qui primae editioni respondeant, iterum imprimendi; quum
potius*

potius vltricibus flammis haud minus, quam ipse SERVETVS, sit dignum.

Inter MSS. quae nec admodum multa, nec rara sunt, Genealogia habetur regum *Persiae* ad sec. XIII. deducta in ingenti rotulo lingua *Arabica*, dialecto *Persica*, glossis lingua *Turcica* adiectis, quas nec in litteratura orientali versatissimus SCHICKARDVS explicare potuit, qui inde an. 1631. *Tubingae* in 4. imprimi fecit: „*Tarich*, h. e. series regum *Persiae*, ab ARD- „SCHIR-BABEKAN, vsque ad SAZDIGERDEM a „*Caliphis* expulsum, per annos fere 400. - „omnia ex fide Mscti voluminis authentici a- „pud *Musulmannos*, quod a *Turcis* ex archi- „uo *Fillekensi* reportauit, & primus in *Germa- „niam* inuexit VITUS MARCHTALER *Vlmanus*.“ Librum hunc FERDINANDO II. Imp. dicatum HUGO GROTIUS, in epistola a SCHELHORNIO edita, adpellauit *tam variae eruditionis, tam impigri laboris, tantique fructus, ut ea in re omnium spem superauerit*. Creditur hoc quartum esse in *Germania* exemplar. Habetur etiam MS: opus morale *der Welsche Gast* rhythmis *theotiscis*, quod notam alicubi praefert anni 1216. quippe scriptum annis 192. post perditum sacrum sepulcrum; sed *germanica* dialectus tantae antiquitati non respondet, forte a scriptore

ptore recentiore inconsulto mutata. Priuata adhuc egregia seruatur apud familiam *Krafftianam* bibliotheca. Inter MSS. fuit codex Epistolarum PAVLI, annexa etiam supposititia ad *Laodicenses*, epistolis catholicis & *Apocalypsi*. Epistolae D. PAVLI ad Romanos versus praemittuntur, qui originem eius declarant:

*Iste liber Pauli retinet documenta sereni
Hartmotus Gallo, quem contulit abba beato
Si quis & hunc Sancti sumit de culmine Galli
Hunc Gallus Paulusque simul dent pestibus
amplis.*

Hac nihil obstante imprecatione loco motus est, nimirum ex *D. Galli* archisterio, vbi HARTMOTVS vergente sec. IX post GRIMALDVM abbas fuit. Ex quo codicis aetas dignosci potest, in quo notabilis est locus 1. Io. V. 7. &c. *Quia tres sunt qui testimonium dant, Spiritus, & Aqua, & Sanguis, & tres vnum sunt. Sicut in coelo tres sunt, Pater, Verbum & Spiritus, & tres vnum sunt.* Iisdem fere verbis, ac in praestantissimo *Einsidlenfi* codice sec. circiter IX. *Quia tres sunt, qui testimonium dant, Spiritus, Aqua, & Sanguis, & tres vnum sunt: sic in coelo tres sunt, Pater, Verbum, & Spiritus, & tres vnum sunt.* Sermones in Concilio *Constantiensi* an. 1415. & 1416. habiti, qui *Hermann* VAN DER HARDT ad manus haud

haud fuerunt, quum eius concilii acta ederet. Excerpta ex illis vide in *Amoenitatibus lit. SCHELHORNII a)*: veluti etiam ex *Euagatorio F. Felicis FABRI*, Ord. Praed. *Vlmensis*, cuius paullo ante mentionem inieciimus: item ex *Nicephori GREGORAE* oratione in laudem CONSTANTINI. Volumen spissum in hac bibliotheca erat, partim ab ipso *Marc. Ant. DE DOMINIS Spalatino* scripta, partim collecta, autographa epistolarum plurimarum & maximam partem ineditarum complectens.

Ex rarioribus artis typographicae exorientis editionibus, post librum tabulis ligno incisis impressum, *Ciceronis officia MCCCCLXV. ex officina Iohannis Fust* continentem, ab anno MCCCCLXIX. usque ad finem seculi decimi quinti vix vllus intercedit annus, ex quo non vnus quin plures adsint impressi libri, qui etiam manuscriptis aequiparantur, ex quibus sunt expressi; vt de aliis rarioribus nihil dicam libris, qui apud laudatum SCHELHORNIVM magno numero recensentur.

Wiblinga.

Prope urbem *Vlmensem* ad confluentiam *Danubii* & *Ilaris* monasterium *Wiblingense* adiacet,

a) T. III. p. 40. &c.

iacet, colonia monasterii nostri *S. Blasii*, B. WERNHERO abbate cum fratribus illinc huc accito: cuius sepulturae locum in medio ecclesiae etiam energumeni produnt, qui illuc ad *S. Crucem* saepe liberantur, aliaque innumera a sexcentis iam annis narrantur miracula: ex quibus magnus numerus libello an. 1747. typis edito est consignatus. *S. Crucis* insignis pars ibi adseruatur, nostrae tamen in *S. Blasio* magnitudine haud accedens; quae praeterea clauifiguram habet, vnde ex transuerso ligno desumptam esse patet, quod alterius generis ligni fuisse traditur a) oleosi scilicet, vt & color fusciior prodit, quam passim eiusmodi particulae sint, sicut etiam *Wiblingensis*. Haec a primis fundatoribus, eam ex bello sacro secum domum ferentibus, est relicta, HARTMANNO nempe & OTTONE comitibus *Kirchbergensibus*, de quibus BERTHOLDVS *Constantiensis* ita scribit in adpendice ad HERMANNVM *Contractum*: „ Item in „ *Ale-*

- a) „ Balsamum autem chrisma conficitur (vt habetur in „ liturgia S. GERMANI T. V. Anec. MARTENII p.98) lentiscus genus ligni dicitur, vnde risina balsamae tollitur, de hoc lentisco in cruce dominica illa pars fuisse traditur, vbi sanctas manus Domini clauo confixit impius, perficitur. Ideo & risina ligni ipsius dispensante . . . etiam ab antiquis temporibus imprimis . . . transfundetur.“ Vitio ac decrepita aetate Msc. accidit corruptio ac interruptio textus, quod corrigere difficile sit, nuncque superuacaneum, quum quod ad rem praesentem facit, satis intelligatur.

Alemannia HARTMANNVS comes & frater eius
 OTTO nouum monasterium in proprio allo-
 dio, in loco, vbi *Danubius* & *Ilaris* fluuius
 conueniunt, in honorem S. MARTINI con-
 struxerunt, quod idem *Constantiensis* episcopus
 (GEBEHARDVS) in mense *Septembri* sua con-
 secratione initiauit: sed venerabilis OTTO ab-
 bas de *S. Blasio* regularem disciplinam ibidem
 instituit. " Haec ille ad annum 1093. quum
 alii tardius ad finem seculi vndecimi, nonnulli
 etiam ad initium duodecimi aduentum WERN-
 HERI reponant. Atque hic in epitaphio post
 XXIV. annos regiminis, Christi vero 1126.
 obiisse dicitur, qui tamen in bulla VRBANI II.
 an. 1099. iam abbas legitur. Epitaphium illud
 recentius ita habet: *Wernherus natione de Oel-
 lerbach huius monasterii Wiblingen a sua fun-
 datione primus abbas, magnae humilitatis &
 sanctitatis norma cunctis fuit, & res sui mona-
 sterii praediis ampliauit, & locum istum multis
 bonis ornamentum iucundum reddidit. Obiit
 an. MCXXVI. & abbatae suae XXIV. felici-
 ter. Amen.*

Colligitur ex litteris conuentionis inter ELI-
 SABETHAM comitissam de *Kirchberg*, & RICHAR-
 DVM abbatem, memoriam eius tunc celebrem
 quotannis fuisse apud *Wiblingenses*, quum ea
 omnia

omnia transacta dicantur in die S. WERNHERI, qui quondam ibi abbas fuit, vt habetur in templo honoris monasterii *Wibl.* an. 1703. typis excuso. Successores habuit ex fociis, quos secum ex *S. Blasio* deduxerat, BERCHTOLDVM, ARNOLDVM, seu, vt monumenta *San-Blasiana* habent, LVTOLDVM. Iterumque seculo XIII. ALBERTVS ad eandem abbatiam e nostris est accitus. Colendissimi confratres haud immemores matris suae, humanissime nos exceperunt, & quidquid rebus nostris seruire posset, ad manus dederunt promptissime, doctissimus imprimis bibliothecarius P. *Martinus* MAGG.

Quam strenue sese exercuerint olim monachi *Wiblingenses* in scribendi labore sec XIII. ex quodam Msc. intelligi potest, in cuius margine ac fronte ita adnotatum habetur : *Feria VI. ante Iudica portauit Prior hunc librum ad rescribendum, & dedit mihi terminum ad annum : incepti scribere Feria II. post Iudica.* Et licet monasterium repetitis incendiis vastatum sit, thesaurus tamen antiquitatis non ita in flammis abiit, vt non insignis superfit tam impreforum librorum, quam MSS. copia, sed non antiqua adeo sunt, pleraque papyracea. Inter alia insignis est commentarius in regulam S. BENEDICTI duobus voluminibus in fol. scriptus an.

1474. cuius initium est: *Incipit expositio in regulam S. Benedicti. Hunc Christo invocato humiliter accipite.* In duobus codicibus, quibus liber primus tantum de Imitatione Christi continetur, ita ad finem legitur: *Explicit tractatus scriptus in concilio Basileensi an. Dni MCCCCXXXIII.* Biblia sacra MCCCCLXII. per Iohannem FUST impressa. D. THOMAS in *Magistrum sententiarum* an. MCCCCLXIX. *Speculum humanae saluationis* rarissimum, de quo supra. Inter sacra lipsana habentur ossa S. BENIGNI cum lapide sepulchrali:

BENIGNVS QVI VIXIT ANNIS XXI.
ET MENS. II.

Passim alias epitaphia christiana haec habent: *In pace. In pace Domini. In pace & Christo. In pace fidei Catholicae.* Quodam in epitaphio apud BVONARRVOTTI a) maxime laconico ita legitur: *Domiti in pace. Lea fecit:* quae tamen nihil amplius, nisi christianum indicant. Ad sanctitatis & martyrii indicium aliis praeterea opus est monumentis & indiciis. Quod non ideo dico, ut dubiam rem faciam, sed submoneam, ut ea signa praecipue custodiantur, atque ad excitandam deuotionem palam cum sacris cineribus exponantur. Accidere hic et-

a) p. 164.

etiam potest, vt re integra in nomine erretur. Nonnunquam christiani subito, dum vel maxime persequutiones aderant, lapides ex ethnicis etiam sepulcris inuersos suis imposuerunt.

Antequam *Wiblinga* discedam, opportunum est, verbum hic iniicere de controuersia circa auctorem aurei de *Imitatione Christi* libelli, hic in vicinia, tanto cum strepitu, nunc iterum commota: non quod illi me ingerere velim, qui nec vlli eius rei auctor sim, atque insigni cuidam praelato lucubrationem suam eo in argumento oculis ac etiam iudicio (tanta erat eius modestia) subiicienti ingenue respondi, non videre me, quomodo dignitatem suam tue-ri possit, committendo se liti, vbi cauillationibus & dictionibus res agitur. Alte enim animo infixata haeret eiusmet auctoris sententia, non quis, sed quid dicatur, potius esse attendendum. Vbi id obiter notem; *Odoricum* RAYNALDVM in *Continuatione Baronii ad annum 1333.* adducere responsum IOANNIS XXII. PP. in epistola ad PHILIPPVM Galliae regem, vbi haec etiam leguntur: *Audi, quid vnus sapiens dicat: Non quis, inquit, sed quid dicat, intendit.* Quae sunt verba *Lib. I. de Imitat. Ch. c. 5.* Et quidem Codices *Aronensis, Cauensis, Leo-Allatianus* habent, sed *quid dicat*, non *quid dicatur*, vt in vulgatis. THOMAS autem *Kempensis*

sis post haec demum an. 1379. est natus. Exhibitus quoque mihi est *Wiblingae* MS. codex *A-nonymus* in forma duodecima papyraceus, qui quatuor continet libros *de Imitatione Christi* cum notis chronologicis 1384. & 1385. quae ter quaterque occurrunt. Quo sane tempore *THOMAS Kempensis* adeo sapiens esse nondum potuit: quisquis demum sit auctor optimi libelli. Nihil dicam de altero eiusdem formae eiusdemque monasterii *Wiblingensis* codice pergameno primi libri tantum *de Imitatione* misere etiam lacerati, vt nonnisi *registrum*, caput primum cum aliquot periodis capitis secundi seruarit. Quod praecedit *Breuiiloquium* inscriptum, eadem manu exaratum, & non modo in calce, sed etiam post prolixum *registrum* epigraphen habet 1410. *in die Ioannis Baptistae, & in die animarum*. Prior inceptae, altera finitae scriptionis nota esse potest.

Zwifulda.

Ex monasterio *Wiblingensi* per oppidum *E-bingen*, vbi an. MDCCXXXI. rudimenta latinae linguae sumus auspicati, iter direximus ad monasterium *Zwifaltense*, *Zwifaltach*, seu ad *duplices aquas*, ad radices alpium *Suenicarum* situm, quod pariter ac *Wiblingense* ab obser-

nantia disciplinae monasticae commendatissimum est, eodemque fere tempore circa finem seculi vndecimi exordium sumisit, colonia sub WEZILONE primum priore, mox NODGERO abbate ex monasterio *Hirsaugiensi* eo deducta a sanctissimo abbate WILHELMO, tot monasteriorum institutore reformatoreque. In via nobis lapis occurrit, vbi vetus persuasio est, altare ethnicum fuisse, ac forte etiam templum *Soli* consecratum, postquam a *Romanis Alemanni* templorum vsum in sacris acceperunt. Quum *Germani* cultui astrorum (vt ex TACITO discimus) addicti plurimum fuerint, hinc sunt, qui *Mannum*, *Lunam*, eiusque vxorem *Sunnam*, siue *Solem* antiquos *Germanorum* deastros haud incongrua originatione deducant: eosdem postea, nomenclaturas a *Romanis* accipientes, *Mercurium*, *Martem*, *Iouem*, *Solem* coluisse, exemplis antiquis est demonstratum. Hic autem (Tab.

VIII.) exhibemus inscriptionem lapidis, quem in monasterio *Zwifaltensi* vidimus, ac delineari curauimus. Hoc modo vir praestantissimus praefectus prouinciae *Rhaetiae* votum soluit laetus, lubens, merito, sanitati redditus, vt sibi persuaferat, propitio numine *Sole*.

Insignis est adparatus in hoc monasterio MSS. operum SS. PP. S. AVGVSTINI vltra viginti volum-

lumina, plusquam decem S. HIERONYMI & S. GREGORII, pleraque sec. XII. circiter: nonnulla tamen etiam antiquiora a seculo fere nono aetatem monasterio superiorem praeseferunt: quae inter tractatus in *Cantica Canticorum* sine auctoris nomine, opus vero BEDAM declarat, quod sic incipit: „Scripturus iuuante gratia „superna in *Cantica Canticorum* primum ad „monendum putavi lectorem, ut opuscula IV- „LIANI *Eclanensis* episcopi de *Campania*, quae in „eundem librum confecit, cautissime legat. Item „eiusdem aetatis tractatus in Psalmos. *Beatus vir*. „Contra beatitudinem miseria ponitur, quia nos „quum essemus miseri vel peccatores, ab ipso „beatitudinem accepimus.“ Pleraque alia nomina praeferunt *Graecorum & Latinorum* PP. SS. GREGORII *Nazianzeni*, BASILII, EPHREM, DIDYMI, AMBROSII, CASSIANI, CASSIODORI, ISIDORI, BEDAE, ANSELMI, *Rhabani* MAVRI, HAIMONIS, HONORII *Augustodunensis*.

Haud minus auctoribus historicis MSS. optimae notae abundat biblioth. IOSEPHI Iudaei *Antiqq. Iudaic*. EGESIPPI *Historia de Gestis Iudaeorum*. EVSEBII, RVFINI *Historia ecclesiastica*. OROSII *Chronic*. S. GREGORII *Turonensis Histor*. Vitae SS. cuiusmodi a ROSWEIDO sunt editae, & aliae, qualiter in ecclesia publice legi consueuerunt, in tribus voluminibus fol. reg. sec. XII. Duo homi-

liarum codices, alter sec. noni vel decimi, alter circiter vndecimi, titulum praeferunt S. AVGVSTINI, complectuntur tamen etiam ab aliis compositas. In vno horum longiores sunt sermones, haud dubie pro hyeme, integerque codex decem tantum continet homilias. I. *Ab eo, quod scriptum est: Quod fuit ab initio, quod audiuius* &c. Inc. *Meminit sanctitas vestra* &c. II. *Ab eo, quod scriptum est, scribo vobis filioli mei, quia remittuntur vobis peccata* &c. Inc. *Omnia quae leguntur* &c. III. *Ab eo, quod scriptum est, pueri nouissima hora est, usque ad id quod scriptum est: Et non habetis necessitatem* &c. iterum ab ipso incipit textu. IV. *Ab eo, quod scriptum est, Vnctio ipsius docet* &c. Inc. *Meministis fratres hesternam lectionem* &c. V. *Ab eo, quod scriptum est, Omnis qui natus est* &c. Inc. *Intente audite obsecro* &c. VI. *Ab eo, quod scriptum est, In hoc cognoscimus* &c. Inc. *Meministis fratres hesternum nos clausisse sermonem* &c. VII. *Ab eo, quod scriptum est, Iam vos ex Deo estis filioli* &c. Inc. *Mundus iste omnibus fidelibus quaerentibus* &c. VIII. *Ab eo, quod scriptum est, Deum nemo vidit* &c. Inc. *Dilectio dulce verbum est* &c. IX. *Ab eo, quod dicit, In hoc perfecta est dilectio.* X. *Ab eo, quod ait: Omnis qui credit, quod IESVS* &c.

In altero homiliarum codice praemittitur *Praefatio*

fatio vel potius humilis supplicatio Augustini episcopi. Pro intuitu paternae pietatis &c. Sequitur Fides S. Athanasii. Postea Homilia S. Augustini de aduentu Dni. Propitia diuinitate kmi &c. De Natali Dni. Sanctam & desiderabilem &c. In Kal. Ianuar. Dies Kalendarum istarum. De Epiph. Epiphania enim graece dicitur quod est apparitio &c. De Dominico ante Quadragesimam. Rogo vos fratres charissimi & ammoneo &c. De Coena Dni. Hodie fratres charissimi audituri sumus euangelistam dicentem &c. Epistola S. AVGVSTINI de Pascha. Passionem vel resurrectionem Dni &c. Omelia die dominico ante letanias dicenda. Ecce fratres Kñi dies sancti ac spirituales &c. De Ascensione Domini. Saluator noster, dilectissimi fratres &c. ascendit in coelum. Homilia B. GREGORII papae de eadem lectione. Libet fratres karissimi &c. Omelia in natale S. IOHANNIS. Fratres karissimi hodie celebramus, quod nulli vnquam Sanctorum &c. De natale apostolorum PETRI & PAULI. Hodie duos christiani nominis fundatores. De martyribus. Quotiescunque frs kñi eorum MM. solemnina celebramus &c. De castitate etiam cum vxoribus seruanda &c. Magnum mihi gaudium fuistis fratres. Omelia ad competentes &c. Hodie fratres kñi specialiter ad competentes &c. Omelia Sci AVGVSTINI

epi de reddendis decimis ante natale Sci IOHANNIS. *Propitio Christo fratres* &c. Sermo castigatorius contra eos, qui in festiuitatibus multa inhonesta committunt &c. *Magnum mihi gaudium.* Sermo, quales sint christiani boni, quales mali &c. *Gaudemus Frs kñi* & DEO *gratias agimus* &c. Sermo in parochiis satis necessarius. *Rogo vos fratres, frs kñi vt attentius* &c. De indigna familiaritate extranearum mulierum &c. *Nemo dicat fratres.* Com-
monitio ad eos, qui non solum auguria attendunt &c. *Bene nostris Frs kñi me vobis frequentius supplicasse, vt iugalis castitas seruetur* &c. *Quando castitatis bonum Frs* &c. De eo, quod celebretur in euangelio, vae praegnantibus & nutrientibus. *Scire & intelligere debemus* &c. De diligendis inimicis. *In diuinis voluminibus* &c. De amore inimicorum. *Scio & credo caritatem vestram.* Monitio, vt ebrietatis malum totis visceribus caueatur. *Licet propitio Christo Frs kñi credam vos ebrietatis* &c. Item admonitio contra ebrietatis malum &c. *Frequenter caritatem vestram Frs kñi paterna pietate.* Omelia de patientia. *Prouida mente & profundo cogitatu* &c. De die iudicii. *O Frs kñi quam timendus est* &c. S. AVGVSTINI de caritate. *Benedicimus DEUM nostrum Frs kñi* &c. De eo, quod scriptum est,

est, munera mea data mea, & de diuersitate festiuitatum. *Si obseruatio sacrificiorum &c.*

Habentur adhuc aliae collectiones homileticae recentiores papyraceae, & varii omnis aetatis libri liturgici, ex quibus egregia pro *Liturgia Alemannica* excerpta feci. Ex duobus exemplaribus regulae S. BENEDICTI latine simul & germanice scriptis colligi videtur, vicissim utramque lectionem factam fuisse. Vetusior tamen codex verbotenus versionem *Theotiscam* superpositam habet, iisdem paullo minutioribus characteribus sec. XIII. ad *Gothicum* accedentibus, ut tamen latini & germanici iidem sint. Et vtinam, post abiectum vndique characterem *Gothicum* postliminioque reuocatum *Romanum*, *Germania* non sola barbaras seruet istas litteras; eaque iam fere superior tantum, quum inferior *Belgica* etiam paullatim eas abiciat: quae multos externos, ut mihi contestati sunt, iamque semel memini, ab addiscenda lingua nostra absterrent.

In veteri codice sec. XII. quo consuetudines *Hirsaugienses* continentur, in fine sic legitur: „Hoc est pactum, quod inter tria monasteria, sci- „licet *Hirsaugiense* & *S. Blasii* atque *Murense* „constituerunt abbates eorundem monasterio- „rum Dñs WILLEHELMVS, D. VITO, D. LVIT- „FRIDVS cunctis fratribus voluntarie assensum

„praebentibus. Quando ex aliquo praedictorum
 „monasteriorum ad quodcunque ipsorum bre-
 „uis pro defuncto fratre interiore vel exteriori
 „mittatur, praenunciatio eius usque ad proxi-
 „mum Capitulum differatur, & post Capitu-
 „lum post *verba mea*, cum pulsatione campa-
 „narum ei cantetur, & praebenda tantummo-
 „do eadem sibi detur die: praebenda interior,
 „si sit de interioribus, exterior, si sit de ex-
 „terioribus. Postea pro eo agantur VII. Of-
 „ficia & VII. Missae & totidem *verba mea*;
 „ita tamen, ut si Septenarius alius defuncti ad
 „praesens agitur, huic adiungatur. Et si inte-
 „rim Anniuersarius maiori cultu agendus su-
 „peruenerit, de Septenario secunda collecta dica-
 „tur. Vnusquisque etiam sacerdotum Missam
 „vnam pro eo celebret, caeterorum quisque
 „sciens psalmum L. ei canat, qui autem hos
 „nesciat, quinquagies orationem Dominicam
 „ei dicat. Quodsi plures breues aduenerint,
 „singulis vna praebenda detur, & Septenarius
 „communiter agatur, & in regula nomina eo-
 „rum conscribantur. “ Vnum adhuc comme-
 morem in codice papyraceo, *Henrici SVSO-*
NIS Horologium sapientiae duobus libris; quos
 sequitur *Exhortatio quaedam bona* & valde uti-
 lis sub forma dialogi inter pontificem & sacer-
 dotes raro Missas legentes, vel ob reuerentiam
 Sacramenti ommittentes &c.

Of-

Offendi etiam biblia eleganti ac illustri manu scripta, vti in tergo his verbis notatur: *Wilhelmus Saxoniae dux haec sacra biblia propria scripsit manu. 1576.* Enormis est typographicus error in bibliis *Lugdunensibus Iacobi MARESCHAL an. Dni decimo nono supra millesimum, decimo septimo Kal. Nouembris*; omisso nempe centenario numero: typus omnino conuenit cum bibliis 1524. in officina *Gilberti de VILLIERS.* Inter alios libros raros tres memorari merentur sacrorum biblicorum codices, vnus sine tempore & loco impressionis, duo cum figuris. Prima ex his duobus se an. 1477. impressa ostendunt his verbis: *Diß durchbleuchtigest Werck der ganzen heiligen Geschrift genandt die Bibel für all ander vor gedruckt teutsch Bibeln. lauterer. klärer vnd warer nach rechtem gemeynen Teutsch dan vor gedencket. hat hie eyn Ende, in der hochwürldigen Keiserlichen Stat Augspurg. der edlen teutschen Nacion nit die minst sunder mit den meysten eben gleich genenne. zu gantzem Ende gedruchet. vmb wölich Volbringundt sei Lob. Glori vnd Ere der hohen heyligen Trivaltikeyt. vndt enigen Wesen. dem Vatter vnd dem Sun vnd dem heyligen Geist. der do lebt vnd regiert Gott ewigklichen. Amen. 1477.* Altera sic in fine habent iisdem fere

fere verbis : *Diß durchleuchtigist Werck der ganzen heyligen Geschrift genant dy Bibel für all and' vorgetrucket teutsch Biblen. lauterer. clarer. vnd warer nach rechter gemeyner Teutsch. mit hohem vnd großem Vleyß gegen dem lateynischen Text gerechtvertigt vnderschiedlich punctirt. mit überschrifften bey dem meysten Teyl der Capitel vnd Psalm. iren Inhalt vnd Vrsach. anzeygende. vnd mit schönen Figuren dy Historien bedeutende. hat hie ein Ende. Gedruckt durch Anthonium Koburger in der löblichen Keyserlichen Reychstat Nürenberg. Nach der Geburt Cristi des Gesetzes der Genaden vierzebenhundert vnd in dem dreyundachtzigsten Iar. am Montag nach Invocavit. Vm wellich Volbringung sey Lob. Glori. vnd Ere der hohen heyligen Dreyvaltikeit vnd eyinigem Wesen, dem Vatter vnd dem Sun vnnnd dem heiligen Geyst. der da lebt und regiret Gott ewigklich Amen. Figurae plures & maiores, quam in prioribus bibliis, super typos coloribus variis distinctae sunt. Quod de punctione memoratur in allata subscriptione, interpunctiones spectat, in hoc quidem codice frequentiores; non tamen nisi punctis, veteri more, constantes. Editionis huius exemplar satis nitidum in nostra quoque San-Blasiana bibliotheca adseruatur.*

Haud ita pridem monasterium *Zwifaltense*, magni equidem, auream redemit libertatem ab aduocatia ducum *Würtembergicorum*: quandoquidem id plerumque sunt experta monasteria, vt pro tutela, quam praestare debuerant huiusmodi aduocati, nulli infestius incubarent hostes, ac in seruitute ea detinerent. Nihilominus, DEO religiosae vitae piisque votis adspirante, inter haec & ingentia belli discrimina ornatissimum templum, cum ingentis molis operisque pulcherrime laqueatis turribus quadrato saxo exstruere licuit ad decorem cultus diuini. Nec sumtibus etiam parcitur ad instauranda litterarum studia, praesertim sacrationum theologiarum, quae nouum iam in hoc monasterio accipiunt lustrum. Recurrente vndecima *Iulii* festo Translationis S. P. BENEDICTI, vt *Galli* vocant, qui sacra ossa *Cassino Floriacum* translata adhuc se possidere gloriantur, seu, vt nos vocamus, festo solemnis Commemorationis, pro laudatissima congregationis *Benedictino-Sueuicae* S. IOSEPHI consuetudine, adfui solemnibus votorum monasticorum renouationi, in capitulari loco ad Offertorium inter missarum solennia quotannis fieri solitae, praecunte formulam professionis Reu.^{mo} abbate, reliquis verba reddentibus & vota.



Ochsenhusa.

Postera die per liberam Imp. Rom. Germanici urbem *Biberach*, quae partim *Catholicis*, partim *Lutheranis* ciuibus componitur, mutuo sihi, vt passim fit, in eodem templo in celebratione diuini officii succedentibus, ad monasterium percelebre *Ochsenbusanum* perreximus, humanissime suscepti a sodalibus Ordinis nostri. Hi singulari praeterea nobis foedere iuncti sunt, rememoranturque arctius adhuc vinculum avitum, quo Congregationi nostrae *San-Blasianae* adstricti erant a prima fundatione nobilium *HAWINCI, ADELBERTI, & CONRADI*, quos charta apud *LVNIG de WOLSVOLDESWENDI, BRVSCHIVS & BVCELINVS a)* de *WOLFHARTSWENDI* adpellant, qui bona ingentia Congregationi nostrae contulerant. Religiosissimus vero abbas noster *VRTO* monasterium instruxit, vt habet Autographa charta an. MC. his verbis: „Sed „ego *VRTO* indignus abbas de *S. Blasio* frater- „na compassione admonitus, & futurae vtilitati „prouidens post aliquot annos ad praedictum „locum fratres nostros direxi ad instituendum „Dei seruitium: monasterium in eodem loco „fieri feci, vt semper ibi sit diuinum seruitium „sub abbate de *S. Blasio* secundum Ordinem nostrum quem de *Fructuaria* habemus.“ *BERCH-*

TOLDVS

a) Spicil. eccl. P. III. p. 365.

TOLDVS *Constantiensis* synchronus ita habet ad an. MXCII. „Eodem anno idem episcopus (GEBE-
 „HARDVS *Constantiensis*) praedicto abbati (VT-
 „TONI) aliud monasterium non longe multum
 „inde in honorem S. GEORGII consecrauit.
 „Quem locum, & quaeque ad illum pertinen-
 „tia, quidam nobilis homo CVONRADVS & fra-
 „ter eius ad *S. Blasium* absque omni contradi-
 „ctione tradunt, & praedictum abbatem, vt
 „Dei seruitium in eodem loco institueret, ro-
 „gauerunt, quorum votis idem abbas annuere
 „non cessauit.“ In praedicta originali charta
 ipsis VTTONIS verbis ita hoc firmatur: „Vt
 „idem locus cum omnibus ad illum pertinenti-
 „bus monasterio *S. Blasii* semper & in omnibus
 „obediat, & subiaceat, sicut & *Fruētuariensi*
 „coenobio quaelibet suae cellae obediunt & sub-
 „iacent &c.“ In necrologio nostro sec. XIV.
 nomina eorum comparent, qui vergente eo seculo
 in *Ochsenhausen* ex nostris illic obierint, Priores,
 Praepositi, Custodes, Sacerdotes, Conuersi fra-
 tres laici. Horum Praepositus vltimus *Nicolaus*
 FABRI a BONIFACIO IX. an. MCCCXCI. ob-
 tinuit, vt proprium *Ochsenbusani* sibi eligerent
 abbatem. Primus communi suffragio is ipse
Nicolaus FABRI sequenti anno MCCCXCII. e-
 lectus est XIII. Cal. *Maii*, a BVRCHARDO episco-
 po *Constantiensi* eodem anno & mense VI. Cal.

Maii

Maii confirmatus, frustra tunc renitentibus IO-
ANNE I. & II. abbatibus *San-Blasianis*.

Rhinaugienses ex veteri MS. sec. XI. vel XII. se idem in nostro monasterio aliquando ante nongentos, & quod excedit, annos obtinuiffe ius gloriantur, vbi ita legitur : „ *Alba cella*, „ quae nunc *S. Blasii* dicitur, videlicet propria „ fuit cuiusdam nobilis viri nomine SIGIMAR, „ quam pro semetipso & filio suo, cui nomen „ LVTHERE modo sub confirmatione tradidit „ *Rhinaugiae* ad stabiliendum seruitium S. MA- „ RIAE annuente Dno eiusdem loci haereditario „ tutore : “ quod idem iisdem verbis mox auersa repetitur pagina. Aliud vero aperte nihil vel nostra, vel *Rhinaugiensia* vetera documenta, aut chartae loquuntur, quousque firmatum fuerit aut perdurauerit, vel quando aut quomodo solutum fuerit vinculum, quod nunc a multis annis, praeter ordinis communionem, peculiare confoederationis tenet, arctaque amicitia. Sed de hoc inferius artic. *Rhinaugia* rursus plenior redibit mentio. Gratulantur interim nobis *Rhinaugienses* sortem nostram : vti nos *Ochsenbusano* monasterio, nunc inter primae magnitudinis circuli *Suenici* sidera fulgenti, fortunam ac incrementa etiam studiorum : quod nos hic libenter de *Ochsenbusanis* testamur, atque ad vltiores progressus hortamur litterarum tum fa-
cra-

cratiorum, vt valere iussis inutilibus scholasticis solidiora theologiae discipulis instillent principia, tum etiam aliarum disciplinarum ad formanda rite studia necessariarum.

Hoc in praesentiarum commemorare iustum est contra iniquam P. ZIEGELBAVR vel LEGI-PONTII in historia litteraria Ordinis S. BENEDICTI censuram, indignantium *Ochsenbusanis*, quod ANDREAE monachi *S. Michaelis Bambergae*, & Ioanni TRITHEMIO coetanei, librum *de viris illustribus Ordinis S. Bened.* descriptum *Bambergae*, & *Ochsenbusium* missum an. 1615. haud subministrauerint, vtique magno vsui futurum ad argumentum posteritati committendorum illustrium ex D. BENED. Ordine virorum. Facile hoc deprehendi perlustrato eo codice, qui licet non sit antiquus, ornamentum tamen praecipuum est bibliothecae *Ochsenbusanae*: veluti etiam epitome lexici, quod SALOMONI episcopo *Constantiensi* adscribitur, *Michael* vero HEIMINSFELD GOLDASTVS a) eius auctorem facit ISONEM monachum *San-Gallensem*, qui obiit an. 871. fuitque SALOMONI coetaneus, imo magister, cuius hortatu & iussu saltem laudata epitome mox initio facta memoratur: „Incipiunt „glossae iussu SALOMONIS *Constantiensis* epi, de „diuersis libris in vnum volumen sub breuitate „collectae.

a) *Rerum Alemannicarum* T. I. P. II. p. 230.

Mart. Gerbert. Iter Aleman.

P

„collectae. A littera in omnibus generibus id-
 „eo maior est litterarum pro eo, quod ipsa
 „nascentibus vocem aperiat.“ Ad finem aliqua
 defunt, sed pauca, vt postremus articulus iuxta
 ordinem alphabeti vsque ad litteram Z prodit,
 est autem *Zographa pictura*, *Zographa pictor*
 &c. ex *Graeco* nimirum, quia imagines ad vi-
 uum picturis exprimuntur. Codex est sec. XII.
 in forma *Quarta* non amplius vno & dimidio
 pollice in crassitie habens. Impressum amplum
 in folio lexicon satis huic conuenit, praefert
 autem nomen SALOMONIS secundi, non tertii,
 in praefatione, vbi haec leguntur: „Ergo SA-
 „LOMON ille noster secundus ecclesiae *Constan-*
 „*tiensis* episcopus his frena cupiens imponere,
 „quid aeger ab aegroto differat eleganter, lati-
 „ne, aperte, plane, distincte & ornate in hoc
 „opere breuibus differuit, cui glossae non *Ca-*
 „*tholicon*, quod est vniuersalis, vt IOHANNI
 „*Ianuenſi* est titulus, qui gloriatur continere
 „se omnia, cui pulchre a quodam obiicitur,
 „praeter vtilia. Hoc idem omnis sentit *Italia*
 „&c.“ Nulla tamen additur numerica distinctio
 nominis in titulo, qui iste est: „SALOMONIS ec-
 „clesiae *Constantiensis* episcopi Glossae, ex illu-
 „strissimis collectae auctoribus incipiunt feliciter.
 „A in omnibus gentibus ideo prior est litterarum,
 „pro eo, quod ipsa prior nascentibus vocem
 „aperiat &c.“

Sed

Sed vt ad bibliothecam *Ochsenhusanam* re-
vertamur, antiquissimus est eius MS. heptateu-
chus fec. IX. Accedunt aliqua fec. XI. & XII.
S. AVGVSTINI duo volumina in *Ioannem*: de
Doctrina christiana, & de verbis Domini. S.
GREGORII Moraliū, & in *Ezechielem* libri.
PATERII excerpta ex S. GREGORIO. In psal-
mos catena SS. PP. cui *Petri LOMBARDI*, magi-
stri sententiarum, praefixum est nomen. Ex-
positio HAYMONIS super epistolas & euangelia
per circulum anni; sparsae sunt tamen etiam
aliae homiliae e. g. S. AVGVSTINI, VEN. BEDAE.
Accedit alterum volumen paullo minori forma
eiusdem aetatis, &, vt videtur, eiusdem ma-
nus. Item duo volumina complectentia *Legen-
da Sanctorum*. In alio volumine post *Pascha-
sium RATBERTVM* de Sacramento Corporis &
Sanguinis Christi sequitur *Libellus excerptus de
libris Tuitiensis abbatis*, quem paullo antequam
obiret, de meditatione mortis componere ce-
pit, & non perficere potuit. Inc. *Quid nunc
agis o anima*. Item homiliae S. CAESARII *A-
relatensis* ad monachos. In alio codice ordo
de festiuitatibus mñrii *Fructuariensis*: quem com-
munem nobiscum in Congregatione *S. Blasii* ha-
buerunt, quum nos *Fructuaria* consuetudines
monasticas sub VRTONE abbate acceperimus. In
alio codice habentur etiam consuetudines *Hir-*

saugiensis S. WILHELMI. Liber poenitentialis ex scrinio *Romanae* ecclesiae adsumtus, quomodo poenitentes sint suscipiendi, iudicandi siue reconciliandi. Inc. *Quotiescunque christiani ad poenitentiam accedunt, ieiunia damus* &c. Sequitur in eodem codice liber poenitentialis ex canonicis institutionibus a RHABANO Ven. archiepiscopo compendiose defloratus. *Dilecto fratri Meribaldo Alcedonenſi antistiti* &c. Passio S. GEORGII M. patroni monasterii, vti in alio codice passio S. BLASII rhythmicè composita. Haec ad seculum fere duodecimum pertinent. Adhuc mentionem merentur codices duo sec. XIII. Alter de situ locorum Sanctorum ARCVLPHI. In fine sequens S. BERNARDI annexitur epistola, quam frustra in editione MABILLONII quaeras; „B. *Clareuall.* vocatus abb. „dilecto in Christo filio G. de STOPHO salutem, & orationes. Karissimus filius noster „frater tuus HENRICVS ad nos diuertit, & „consilio nostro salutaris signi, quod acceperat, propositum non deposuit. Sed longe „meliora: vti pauper enim factus pro paupere CHRISTO in domo pauperum CHRISTI sub „religionis habitu disposuit conuersari. Quod „tibi nec graue debet videri, nec asperum, „quia ipse cum MARIA optimam partem elegit, quae non auferetur ab eo, & faciem „in-

„induit vere euntis in *Hierusalem*, non quae
 „occidit prophetas, sed eam, cuius participa-
 „tio in idipsum. Consolare igitur in verbis
 „istis & memento, quid inter vos nouissime
 „fueritis colloquuti. Et sic age cum eo de om-
 „nibus, vt a nobis & ab ipso gratiam, & a
 „DEO misericordiam consequaris. Bene vale!
 „semper dilecte.“ Alter codex sec. XIII. con-
 tinet sermones magistri MANDVCATORIS ad fa-
 cerdotes. Inc. *Erudimini qui iudicatis*. In alio
 sec. XV. habetur Tractatus de veneno vi-
 torum a frē MALACHIA de prouincia *Yber-*
niae. Quodsi exiguus sit numerus manuscrip-
 torum in bibliotheca *Ochsenbusana*, amplior
 est impressorum optimae notae, imprimis SS.
 PP. ex editione *San-Maurensum* nostrorum.

Waldse.

O*chsenbusio* abeuntes in via asperrima haud
 leue vitae periculum subiuiimus, equis sub-
 ito cursum obuertentibus, vt saluti consulen-
 dum fuerit prompto ex rheda prolapsu. E-
 quis iterum compositis salui in oppidum *Wald-*
se peruenimus. Incumbit illud castro comi-
 tum S. R. I. Dapiferorum de WOLFEGG, vbi
 facta mihi apud illustrissimum comitem audien-
 tia id singulariter oblectauit, quod in cubili

salutatorio, alias fere aliis quibusvis ornamentis instrui solito, bibliothecam offenderim, fratresque comites plures per horas de rebus litterariis auidos ad audiendum, & ad colloquendum expeditos sim expertus. Apud collegium postea Canonorum Regularium bibliothecam obiter iustrauimus, obseruauimusque, quantum libuit, ac per tempus licuit, libros quosdam melioris notae, qui etiam in recte ordinatis bibliothecis & selectis attentionem singularem merentur. MSS. vix alicuius momenti reperi praeter Autographa non pauca *P. Ioniae* HAENLIN loci illius Canonici ac Praepositi, qui ad finem sec. XVI. & initium sequentis multa metro & prosa composuit publica luce digna. Agit nunc Reu.^{mus} Praepositus *Romae*, vt in Diuorum coetum adscribatur B. ELISABETHA *bona* sanctimonialis tertii Ordinis S. FRANCISCI in propinquo monasterio *Reüte*, ob eximiam vitae sanctitatem dum viueret, & constanter hucusque post mortem omnium ore celebrata, perenni eam prosequente fidelium cultu ac veneratione. Olim ea causa agentibus potissimum FERDINANDO II. Imp. & LEOPOLDO Austriae duce ad sacram rituum congregationem delata est, nunc readsumta, actaque vulgata, seu *positio super dubio, an sit signanda commissio readsumptionis causae*

in

in statu & terminis : postquam nimirum iterato episcopus *Constantiensis* inquisitionem, quae solet esse antecedanea, instruxerat de cultu perpetuo. Quod iam factum fuerat an. 1623. a IACOBO episcopo, aperto per id tempus ac eleuato e terris, vt solemne est, sepulcro, quum prius lapis tantum sepulcralis elatus super pavementum ad altaris formam staret. Anno deinde MDCXXV. auctoritate Sedis apostolicae solemnis inquisitio seu processus est institutus de eadem sancta Virgine inter Diuos referenda; sed belli tricennalis turbis in irritum tunc reciderunt pii conatus, ac iam multum profectae operae. Locus vti antea, ita ab eo maxime tempore vsque ad praesentem diem, magno piorum populorum concursu frequentatur, ipsaque sepulcralis lapidis moles ingens ramentis abrafis plurimum attrita conspicitur, inconsulta fane ea religione, vt, quod primum Beatae huic Sanctimoniali positum erat monumentum, illustre epitaphium sic consumtum prorsus fuisset, nisi clausum demum esset. Eius Apographum adhuc in collegio Canonorum feruatur, atque delineatum in epistola Emin. Card. de RODT, quam hic integram damus, refertur. a)

Fama

a) „ SANCTISSIME PATER!

Inter illustriora sanctitatis sydera, quae haecenus dioecesi *Constantiensem* illustrarunt, non vltimum lo-

Fama etiam sanctitatis celebratur ELISABETHAE confessorius *Conradus KVGELIN*, praepositus *Can. Reg.* vt de ipso aliquando processus canonizationis instaurandus existimetur. Scripsit is ELISABETHAE vitam: de qua etiam *MARIANVS* in chronico, *WADINGVS* in Supplem. annalium

cum sibi vindicat nota passim, & omnium quasi ore celebrata per *Germaniam*, & imprimis per *Sueniam* *Elisabetha* *ACHLIN*, ex *Austriaco* oppido *Waldsee* oriunda, quae quum vix decimum sextum aetatis suae annum compleuisset, in monasterio monialium Ordinis *S. Francisci Conuentualium* in pago *Reuthe*, olim *Rutti* nuncupato circa annum millesimum quadringentesimum secundum Deo se deuouit, ab eoque tempore vsque ad obitus sui diem, quem anno millesimo quadringentesimo vigesimo, die vigesima quinta *Novembris* sanctissime clausit, admirabilis vitae fama adeo inclaruit, vt ab omnibus semper habita fuerit pro Sancta, & propter innocentiam suam, ac morum integritatem meruerit adpellari *Elisabetha bona*, seu *Sueuorum* dialecto *bona Bettha*, quod nomen in praesentem vsque diem retinuit, eoque insigniuit monasterium monialium in *Reuthe*, quod ab antiquissimis temporibus non alio vocari nomine solet, nisi monasterium ad *Elisabetham bonam*. Quum ob crebra beneficia & miracula, quae plerique post mortem beatae *Elisabethae bonae* a DEO per ipsius merita a se obtinuisset testabantur, fidelis populi deuotio erga ipsam creuerit, vt de illius beatitudine minime dubitans, eiusdem in coelis suffragium nuncupatis votis, ac magno animi ardore supplex implorare non destiterit, compluribus etiam ex locis longius distitis ad sepulcrum Venerabilis Famulae DEI peregrinantibus, votique causa confluentibus; hinc Dnus Praepositus, & Conuentus Collegii Canonorum Regularium *S. Augustini in Waldsee*, cui ecclesia respectiue parochialis, & monasterialis in *Reuthe* incorpo-

lium *Francisc.* P. RASSLER &c. agunt. Tanta vero in natali solo fuit laudatae ELISABETHAE sanctitatis opinio in vita & post mortem, vt non multo

rata est, totaque late patens *Suenia* humiliter petiit, vt in Sanctorum numerum consuetis ecclesiae ritibus redigeretur. Quamobrem Praedecessor meus *Iacobus FYGGERVS*, episcopus *Constantiensis* piae memoriae an. millesimo sexcentesimo vigesimo quinto processum informatium, vti moris est, super vita, virtutibus & miraculis B. *Elisabethae bonae* autoritate ordinaria instituit, qui *Romam* transmissus fuit, vna cum promotorialibus FERDINANDI *Secundi* imperatoris, & archiducis LEOPOLDI, qui maxime anno 1629. negotium solemnis beatificationis summo studio vrgebant. Verum ob inualescentem haeresim LUTHERI, & insequentes grauissimos bellorum motus, qui toti *Germaniae* excidium religionis catholicae minabantur, aliasque iniurias temporum causa haec dormiuit, vsquedum euigilauit zelus moderni Domini praepositi & abbatis praedicti collegii *Waldseensis*, qui quum aduerteret, numerum peregrinorum tum deuotionis, tum quaerendae salutis temporalis causa in dies crescere, pro augmento cultus Sanctitati Vestrae litteris meis commendari postulauit. Cuius iustissimo desiderio annuens, superiore abhinc anno ad Sanctitatem Vestram supplices preces dedi, vt corpus Virginis e subterraneo, quo nunc iacet, loco, ad sacelli aram ipsi dicatam transferri, ac singulis annis officium de beata *Elisabetha bona* cum missa de Communi Virginum tam a Canonicis Regularibus *S. Augustini* in *Waldsee*, quam a sanctimonialibus in *Reüthe* recitari, ac respectiue celebrari valeat. Ad hanc petitionem ab Emo Dno Cardinale *Columna de SCIARRA* rescriptum est, omnes meos conatus vanos & irritos fore, nisi prius doceatur de cultu immemorialis temporis. Mihi quidem dubium nullum relinquitur, hanc probationem confectam esse per pro-

multo post felicem obitum, paterna destructa domo, facellum ea in area exstrueretur cum altari ad Missae sacrificium celebrandum. In monasterio vero *Reuttenfi* praecipue colitur, quamque apud DEVM gratiosa sit, innumera produnt bene-

cessum informatium anno millesimo sexcentesimo vigesimo quinto a dicto praedecessore meo *Iacobo FVGGERO* formatum. Quum vero dubitari possit, vtrum cultus publicus beatae *Elisabethae bonae* ab anno 1625. continuatus, vel abrogatus fuerit, processum readsumendum esse putavi, & quia ob varia negotia, quae me ad aulam caesaream vocabant, huic sancto operi perficiendo personaliter interesse non potui, vices meas officiali curiae meae episcopalis delegavi, mandans, ut adiuncto sibi protonotario apostolico *Dauide WERRER*, sacrorum canonum doctore, camerario & parrocho in *Nafsgenstatt* ad locum *Reütbe*, vbi corpus beatae *Elisabethae bonae* requiescit, se conferat, quatenus testes super publico cultu ab immemoriali tempore praelaudatae Famulae DEI exhibito, & hucusque continuato producendos, iuxta formam iuris fideliter, ac rite examinet, eaque omnia praestet, quae ad eiusmodi processum de iure vel consuetudine requiruntur. Nihilominus ecclesiam parochialem in *Reütbe*, quum *Viennam* proficisceretur, pro singulari mea erga religiosam Virginem deuotione ipsemet visitaui, & ibidem non sine liquido animi mei gaudio eiusdem sepulcrum recognoui, ad sinistram partem ecclesiae collocatum, a terra trium circiter pedum spatium eleuatum & grandi lapide exornatum, in cuius superficie *Elisabethae bonae* excisa est effigies: lapis quadratus est, in cuius quatuor angulis singula sunt candelabra ferrea plumbo adglutinata, super quibus non solum in anniuersario obitus die, sed toto fere anni tempore candelae, ac cerei accendi solent; eidem saxo insculpta sunt verba sequentia:

beneficia eius patrocínio obtenta, quae tot suspensis anathematis fideles testata voluerunt, ut prioribus remoueri solitis, noua ecclesiae iam iterum

✠ año dñi m ccccxx ipo die scē Katrine obit elisabet achlin & Walse uirgo iclusa ī ruti q prib9 miraculis ✠ refulsit pcripue stigmatib9 Xpi ī se uisis et anis xii nō idiguit ✠ nccio cibi refectiōe neq; sopno &ceta plā. Confessor eiusdem deuotarie xx añis fuit religios9 ī Xpo pat, doming Cunrad9 Kugelin ppoit9 Walse fūdator iclusoii pfati

Quo tempore, & a quo monumentum istud erectum fuerit, ignoratur. Constans persuasio, & fama est, illud paucis post obitum beatae *Elisabethae bonae* annis a Domino *Conrado KUGELIN*, eiusdem, dum in uis erat, confessario, fundatore inclusorii in *Reütbe*, positum esse, & sic sepulcrum, & epigraphen ei incisam antiquissimam esse, monstrant characteres antiqui moris, & difficulter legibiles, ut adeo euincatur tempus immemorabile: & quum epigraphe, seu inscriptio posita sit in loco publico, & manifesto, atque adeo in conspectu omnium, praesumi potest facta auctoritate ordinaria, qui utique non permisisset illam incidi tumulo, si illam non veritati vndequaque consonam credidisset; tantum autem abest, ut vel visitatores episcopales, qui quouis biennio ecclesias parochiales visitare solent, inscriptionem delendam, aut eleuatum tumulum cum candelabris remouendum, ac complanandum esse censuerint, ut magis illum omni veneratione & honoris significatione dignati sint. In eadem ecclesia summum altare, in cuius fastigio statua beatae *Elisabethae bonae* choro angelorum circumdata conspicitur, archidux *Austriae* LEOPOLDVS, FERDINANDI *Secundi* imperatoris frater germanus, qui ad sepulcrum venerabilis Famulae DEI peregrinationem suscepit, ingentibus sumptibus

iterum parietes impleant. Nos celebrato ad sepulcrum *bonae* sanctaeque huius BETHAE, vt dialecto

extruxit, & armis archiducalibus exornauit. Aderat e regione sepulcri aliud altare beatae *Elisabethae bonae* vetustissimum, cuius initii memoria non exstat: hoc haud ita pridem destructo, substitutum est nouum & magnificentius cum imagine eiusdem Beatae. Aedes paternae, in quibus *Elisabetha bona* nata & educata est, antiquitus in capellam transformatae, & vnacum altari imaginem praelaudatae *Elisabethae bonae* repraesentante consecratae fuerunt. Hanc capellam vetustate collabentem superioribus annis collegium Canonorum Regularium *S. Augustini* in *Waldsee* splendide restaurauit. Sepulcrum eius a tempore hominum memoriam longissime excedente celebratum est tanto populi concursu, vt vsque ad hanc diem maximus sit, confluentibus ex tota *Suenia* multis cuiuscunque conditionis, sexus & aetatis, vt testantur vota soluta, tabulae adpensae, processiones solemnes, donaria & oblationes, ex quibus ecclesia parochialis in amplissima forma reaedificata fuit. Particulam habitus religiosi, fila, linteola, seu vela, aliasque res ab ea relictas pro reliquiis venerantur omnes, ac tam in collegio Canonorum Regularium *S. Augustini* in *Waldsee*, quam in ecclesiis parochialibus in *Reüthe*, & *Aulendorff* religiose adseruantur. Aqua etiam ex puteo, quem *B. Elisabetha bona* in loco edito suis precibus impetrasse creditur, a peregrinantibus passim hauritur & aliorum deportatur, quum publica vox sit & fama, quod multi ex isto fonte salutem & sanitatem bibere soleant. Grana, rosaria & numismata e terra sepulcrali confecta contra omne genus morborum longe lateque distrahuntur: imo etiam hortulus, quem beata *Elisabetha bona*, dum in viuis erat, excoluit, & saxum, in quo orasse & meditationibus coelestium rerum vacasse perhibetur, magno in honore habetur, adeo vt indigenae, & aduenae flosculos ex orto decreptos secum asportare, & deuote adseruare so-

lecto patria vocari solebat, quum adhuc in vi-
uis erat, sacrificio, haustaque, vt faciunt, qui
illuc

leant. Imagines ipsius radiis sanctitatem denotantibus,
& stigmatibus Christi insignitae in variis locis tam pu-
blice quam priuatim a populo visitantur & coluntur.
Prae caeteris eminet insignis statua *Elisabethae bonae* in
via publica inter oppidum *Waldsee* & monasterium
Weingartense erecta cum radiis & subscriptione: BEA-
TA ELISABETHA BONA ORA PRO NOBIS. Quae
omnia partim oculis meis vidi, partim ex processibus
informatiuis, quos Sanctitatis Vestrae oculis humillime
subiicio, aperte manifestantur. Haec monumenta lu-
culenter, planeque ostendunt antiquam venerationem
publicae virtuti exhibitam beatae *Elisabethae bonae*, &
ducentos quidem & amplius annos ante decretum VR-
BANI VIII. san. mem. separato enim peculiari, ac tam
honorifico sepulcro mandari non solet, nisi qui eximia
sanctitatis fama elucescat, & publica populi veneratio-
ne dignissimus habeatur. Quae quidem deuotio B.
Elisabethae bonae debita omnino fuit tum propter
quinque stigmata, quibus illam Dominus ac Saluator
noster dignatus est, tum ob miram abstinentiam, &
miracula, quibus eandem refulsisse testatur epigraphae
lapidis sepulcralis. Sacella vero & altaria nunquam
in eorum honorem erecta sunt, qui non tanquam di-
uini, sanctique homines colerentur, prout Sancti-
tas Vestra in bulla super cultu S. *Lucae CASALII* die
vigesima octaua *Februarii* anni 1747. edita aduertit.
Suffragatur autoritas tot testium in utroque processu
informatiuo productorum, qui sese quadraginta anno-
rum spatio cultum vidisse publicum iureiurando atte-
stantur, eiusque memoriam accepisse a suis maioribus,
nec vnquam vidisse, aut a senioribus audiuisse contra-
rium. Accedit illustre testimonium praestantium scri-
ptorum de insignibus virtutibus huius Virginis, & de
opinione sanctitatis inueteratae, quam habet in tota
Suenia. Admirabilem beatae *Elisabethae bonae* vitam
primo post eiusdem obitum anno conscripsit *Conradus*

illuc deuotionis caussa adueniunt, aqua dulcissima

KVGELIN, praepositus collegii *Waldseensis* coaeuus & confessarius *Elisabethae bonae*. Haec scriptura in dicto collegio *Waldsee* adseruata pro authentica & veridica semper fuit habita, prout etiam sigillum praepositurae, quod libello adpensum est, genuinum ac legitimum esse patet ad oculum, conferendo cum aliis litteris eodem sigillo munitis. Quantum porro fidei huic scriptoritribuendum sit, vel ex hoc aestimari potest, quod is in fama non vulgaris sanctitatis decesserit; peruetustum enim necrologium saepe dicti collegii *Waldseensis* haec de eo profert: Venerabilis ac beatae memoriae *Conradus* quartus KVGELIN cognominatus ex *Waldsee*, *bonae Bethae* per viginti annos confessarius & fundator inclusorii fororum in *Rütte* obiit clara sanctitatis opinione, & sua filia confessionis illustis, calendis *Iulii* millesimi quadringentesimi vigesimi octauis. Cuius parentes *Iohannes* & *Elisabetba*, ciues *Waldseenses*, & magnae fortunae & honestatis non vulgaris fuere. Testatur praememoratus *Conradus* KVGELIN, quod vitam *B. Elisabethae* a se conscriptam omnibus eruditis, ac spectatis viris curiae episcopalis exhibuerit, rogando, vt si quid reprehensibile, aut minus rectum foret, corrigant; illos autem nihil contradixisse aut fecisse, vt adeo non minus vitam beatae *Elisabethae bonae*, quam inscriptionem lapidis sepulcralis, de qua supra mentionem feci, suo iudicio adprobasse videantur. Eamdem praeterea vitam exornarunt P. AMATVS a *Matre Dei* Ordinis *Carmelitarum* Procurator Generalis apud aulam Caesaream, P. COCHEM *Cappuccinus* prouinciae *Rhenanae*, P. *Anselmus* SCHNELL, monasterii *Weingartensis* Ordinis *S. Benedicti* professus sac. theologiae professor emeritus &c. Hi quidem scriptores recentiores sunt; antiquiores autem sunt P. *Maximilianus* RASSLER, S. I. scriptor egregius in supplemento *RIBADINEIRAE* ad vitas Sanctorum, *Leonardus* MAYER, Decanus & Parochus *Neoburgi* in *Palatinatu*, & Ca-

ma ex fonte eius indicio mirabiliter effosso, per-
rexi-

nonicus quidam Regularis Collegii *Waldseensis*, quorum libri de vita, virtutibus & miraculis *B. Elisabethae bonae* tractantes, superiori seculo autoritate ordinaria in lucem editi sunt. Hi auctores disertis verbis adfirmant, quod publicus cultus *B. Elisabethae bonae* non vno tantum, sed duobus & amplius seculis ante decretum *VRBANI Octavi*, scientibus, nec repugnantibus Ordinariis praestitus fuerit, qui quidem cultus post processum informatium anno 1625. institutum, & ad *Romanam* curiam transmissum non modo non fuit abrogatus, sed ad nostra vsque tempora cum scientia & patientia Sanctae Sedis continuatus, & ob non interruptam perseuerantiam opinionis sanctitatis in dies magis propagatus. His omnibus ac singulis rite perpensis & mature examinatis, auditoque theologorum ac iurisperitorum consilio, censeo, constare de cultu a tempore immemorabili *B. Elisabethae bonae* praestito, & de casu per decretum *VRBANI VIII.* excepto.

Quare Sanctitati Vestrae demississime supplico, ut hanc meam sententiam apostolicae autoritatis praesidio communire dignetur, iunctis vna humillimis precibus, quatenus *B. Elisabethae bonae* corpus e tumulo, in quo conditum reperitur, eleuatum in decentiorem, nobilioremque locum transferre liceat, & ut ad ampliorem huius Venerabilis Famulae *DEI* honorem, ac confouendam fidelium deuotionem tam a sanctimonialibus ad *B. Elisabetham* in *Reütbe*, quam a collegio Canonorum Regularium *S. Augustini* in *Waldsee*, cui ecclesia in dicto loco *Reütbe* perpetuo vnita est, quot annis Officium de saepe dicta beata *Elisabetha bona* cum lectionibus *secundi nocturni propriis*, ex eius vita processui informatiuo de anno 1625. praemissa componendis, aut si hae non concedendae esse videantur, saltem officium cum missa *de communi Virginum* recitari, & respectiue celebrari valeat.

reximus ad *Weingartense* monasterium, seu ad *Vineas*.

Weingarten.

Haud dubie id nomen accepit, quod primus sit *Sueviae* locus ad lacum *Acronianum* vergens, vbi vineae conferuntur, quas non fert fertilis alias *Alemanniae* ad *Vindelicum* ac *Noricum* tellus ob incumbentes *Rhaetiae* alpes. Nomen vero monasterii huius inde esse firmatur, quod constet, ad editum locum, quo situm est monasterium, vineas consitas fuisse. Monasterium

Quam gratiam dum vniuersus Clerus, ac populus dioecesis meae de benignitate Sedis apostolicae vna mecum audidissime exspectat, DEVM interea Optimum Maximum rogare non intermittemus, vt ad ecclesiae suae vniuersalis bonum Sanctitatem vestram per intercessionem & merita *B. Elisabethae bonae* diutissime incolumem seruet, omnique felicitate cumulet. Queis ad sacros pedes prouolutus apostolicam benedictionem humillime exoro, ac profundissimo cum respectu & reuerentia persisto.

SANCTITATIS VESTRAE

*Marispurgi vndecima Septembris
millesimi septingentesimi quin-
quagesimi septimi.*

*Obedientissimus seruus
ac Creatura deuotis-
sima*

FRANCISCUS CONRADVS
Cardinalis DE RODT,
Episcopus Constan-
tensis. “

sterium celeberrimum *ad Vineas* ex botro pro salute nostra calcato guttas feruat de sacratissimo Sanguine D. N. I. Ch. qui ex latere Saluatoris manarit post mortem a milite transfixo. Particula est Sanguinis *Mantuani*. Traditionem illam de vero & naturali Christi Sanguine per S. LONGINVM *Mantuanam* deportato, quam P. HONORATVS a S. MARIA *Carmelita discalceatus* in animaduersionibus in regulas & vsum critices fabulosam esse dixerat, nuperime vir egregius ingenioque pollens P. *Augustinus* HAGG monachus S. BENED. & SS. Theologiae professor *ad Vineas* pro virili sua conatus est vindicare. Quaestio equidem theologica est, ac sententia, minime vero fidei, vt Cardin. a TURRECREMATA in animum induxit, nullam particulam Sanguinis Christi post eius resurrectionem in terris remansisse; quod multis theologis est visum: alii vero, etsi admittant, quasdam sacri cruoris tincturas in instrumentis passionis Dominicae adparere, particulas tamen in quibusdam ecclesiis adseruatas eas esse negant, quae ex Christi corpore ante mortem vel post eam ex eius latere fluxerint, sed ex imaginibus Christi. Huiusmodi exempla perhibent historiae veteres, atque in martyrologio etiam *Romano* vnum refertur ad diem 9. *Nov.* (quod accidit *Berythi* in *Syria*.) pariter ac in menologio

Mart. Gerbert. Iter Aleman.

Q

gio *Graecorum*, quod alterum praeterea ad 9. *Augusti* refert; aliudque adhuc antiquius S. GREGORIUS *Turonensis* c. 22. de gloria *Martyrum* memorat. P. HONORATUS D. THOMAM in eam sententiam citarat, qui ita III. P. Q. 54. a 2. ad 8. respondet: *Sanguis ille, qui in quibusdam ecclesiis pro reliquiis conseruatur, non fluxit de latere Christi; sed miraculose dicitur effluxisse de quadam imagine Christi percussa.* Alium locum indigitauit tantum P. HONORATUS *Quodl.* V. a. 5. quem in suo libro adfert P. AVGVSTINVS, vbi aliquid amplius addit doctor *Angelicus*: *Sanguis autem Christi, qui in quibusdam ecclesiis ostenditur, dicitur ex quadam imagine Christi percussa miraculose effluxisse, vel etiam alias ex corpore.* Vetera monumenta etiam docent, sacras Hostias nonnumquam sanguinem dedisse. Ad huiusmodi exempla respicere videtur S. Doctor, quum in priore loco expresse dicat, Sanguinem illum, qui in quibusdam ecclesiis pro reliquiis conseruatur, non profluxisse de latere Christi: atque eo etiam theologia tendit D. THOMAE eodem loco: quidquid ad naturam corporis humani pertinet, totum id fuisse in corpore Christi resurgentis. At non est P. AVGVSTINVS ex illis, qui in sententiam magistri iurent, missamque facit hanc inter theologos scholasticos contro-

uer-

uersam sententiam , quae id etiam euincere videri possit , vt nec quidquam S. Cruoris in instrumentis dominicae passionis residuum esset, e. g. in columna Christi, attestante S. Hieronymo, & alio vetusto auctore *T. II. Bibl. PP. Lugd.* in sindone *Taurinensi* & *Vesuntinensi*, spina *Claromontana* &c. ac ipsis etiam S. Crucis particulis, vti in nostra apud *S. Blasium* ad fixuram clauis haud obscure cernitur, vbi sane alia ratio est ineunda, quam de peculiaribus guttis, quae alicubi religiose seruantur.

Equidem in *Principiis Theologiae liturgicae* generatim mihi videri dixi, particulas eiusmodi sacrosancti Sanguinis ex percussis imaginibus superesse, historicam traditionem priorum seculorum spectans, vbi nihil aliud recurrit. Quod quum coram amicissimo mihi P. Avgvstino oggererem dubium, dum *ad Vineas* sacrum Christi Sanguinem adoravi, ad rem suam is mihi respondit: quandoquidem primum seculo nono, & postea iterum seculo vndecimo, inuenta sit *Mantuae* effossa sacra Sanguinis particula, frustraneos esse, qui anteriora flagitent documenta. Referunt chronica *Weingartensia*, in plumbeo illo vasculo, Sanguinem Dominicum continente, haec verba latina fuisse insculpta: *Ego Longinus quondam* (aliud Msc. addit Centurio) *sub praeside Pilato credens in IESV.*

*hunc cruorem a latere ipsius IESV crucifixi currentem nostrorum militum manibus, & meis recepi, & hoc loco propter hostes fidei, IESVque blasphemantes occultavi. Nescio, num quis rerum peritus aetati illi vindicare queat hanc inscriptionem, aut vel ipsum LONGINI nomen ex illorum temporum monumentis demonstrare. LONGINVS equidem nominatur in apocrypho, antiquissimo tamen, quod beati NICODEMI nominatur, euangelio, qui Christi latus aperuit lancea: quae Λόγχι graece dicitur; unde critici quidam nomen LONGINI enatum volunt. Quod ingeniosum quidem est, sed probatione solida destituitur, ac si instrumenti nomen in personam abierit, confusumque sit. At etiam perperam centurio (qui a MARCO memoratur, quod videns, quia sic clamans exspirasset, Christum Filium DEI agnouerit) cum milite confunditur, ac si is postea nihilominus adhuc lanceam admouere haud dubitauerit, ad aperiendum Christi latus. Et tamen vetus ista traditio, de qua in Msc. cod. *Taurinensi*, qui in catalogo bibliothecae eius notatur n. 1025. atque ultra CAROLI M. aeuum ascendit, ita refertur: *Diebus illis fuit quidam milis (miles) centurio, nomine Longinus, qui crucem Domini adstans iusus (iussus) a Pontio Pilato praeside latus Domini lancea percutiens aperuit. Sed videns signa**

gna que &c. At quoad rem praesentem maius dubium mouet, quod passim in martyrologiis, & alibi, *Caesareae in Cappadocia*, aut simpliciter in *Cappadocia* martyrium subiisse legatur, qui *Mantuam* portasse sacrum Sanguinem a se collectum dicitur, ibique humo infodisse, ac martyrii palmam sepulturamque accepisse; prout cum magno scriptorum numero chronologia *Mantuana & Weingartensis* habet. Etsi vero *Mantuae* sit locus, qui *Cappadociae* nomen gerat, mirum tamen sane, toties *Caesaream in Cappadocia* nominari, nusquam vero *Cappadociam Mantuae* in martyrologiis, aut alibi, scribi. Nec etiam de tota ea historia aliquid memoratur in prima sacrosancti Sanguinis inuentione, quam multis P. AVGVSTINVS adfertum it tot ac tantis testimoniis, quibus refragari temerarium sit, aut in dubium vocare, verum esse Christi Sanguinem, quod LEO III. pontifex flagitante CAROLO M. ipse praesens talem esse comprobarit, ipsemetque rem ad CAROLVM M. deferendam duxerit, innumeris miraculis veritatem confirmantibus. Vnde mirum est, iterum postea latere potuisse, atque post duo demum secula sub HENRICO III. & LEONE IX. palam fieri. Rem iterum multis declarat P. AVGVSTINVS, atque ex monumentis domesticis narrat, quomodo sacra illa particula, quam HENRICVS III. *Mantu-*

tua secum in *Germaniam* asportarat, reuerentissime, dum viueret, secum portans, ad monasterium demum suum peruenerit, posteaquam *IUDITHA* pretiosissimum hunc thesaurum cum amplissima dote ad augustam *QVELFFORVM* familiam attulerat: a qua foundationem suam habet monasterium *Weingartense*, castro veteri *WELFORVM* ac originario domicilio in monasterium mutato. Quodsi vero *WELFORVM* nomen idem ac *WOLFENE*, quod in fundatione monasterii *Rhinaugiensis* saepe occurrit, atque etiam in antiquo documento, prout paullo ante retulimus, quo *Alba cella*, quae nunc *S. Blasii* est, tradita memoratur *Rhinaugiae* ad stabiliendum seruitium *S. MARIAE* annuente domino *WOLFENE* eiusdem loci haereditario tutore, trium fere monasteriorum eadem est fundationis origo.

In pretiosissimo sacro thesauro *Weingartenses* *SS. MARTINI & WOLFGANGI* statuas argenteas ostendunt, quae primorum fundatorum largitate acceperint. Sed tantam antiquitatem haud praeseferunt, imprimis litterae in monilibus seu catenis ex collo pendentibus. Plures quoque calices cum calamis ad fugendum sacrosanctum Sanguinem hic seruantur. Inter alia nonnulla gentilitiae superstitionis lipsana idolulum
AEgyptia-

AEgyptiacum cernitur cum variae aetatis, artis ac naturae cimeliis & curiositatibus. In bibliotheca ex iteratis incendiis supersunt tamen MSS. optimae notae, quae ad tempora foundationis primae accedunt, quaedam etiam superant, ex quibus nonnulla *Merouingicos* characteres referunt, collectio nimirum canonum, item quaedam S. AUGUSTINI opuscula. Sunt praeterea duae aliae collectiones canonum, vna imprimis insignis priora concilia ordine primum referens, deinde per excerpta: altera cum hoc titulo: *In nomine DEI summi incip. capit. excarpsum de synodis*: (id est capitula excerpta de synodis) *ut per singulos annos synodus bis fiat.* &c. Summorum pontificum epistolae sec. X. vel XI. cum pseudodecretalibus. Plures vero sunt codices sec. circiter IX. opera SS. PP. complectentes. Vnus eiusdem seculi passiones & vitas SS. continens. Item PAVLI Diaconi libb. VI. de *Longobardis*. Alter ad decimum accedens de vita & conuersatione sanctissimi Patris ANSKARII, primi *Nordalbingorum* episcopi. In veteri lectionario habetur de translatione S. BENEDICTI historia. *Aduentus exceptioque beatissimi Patris Benedicti in agrum Floriacensem incipit feliciter*, Sec. IX. vel X. homiliae. Item pars II. homiliarum pro Quadragesima continens homilias SS. PP. praemissis primis euan-

geliorum verbis. Sec. circiter XI. Consuetudinum *Hirsaugiensium* libb. II. Vocabularium *Constantiensis* episcopi ad quam aetatem referri possit, non satis recordor. Sec. XI. vel XII. liber sententiarum comitis ex dictis SS. AVGVSTINI & GREGORII compositus. Inc. *Domino venerabili sanctissimoque viro Quirico epō Fagius indignus Caesar - Augustanae urbis eps. cognomento Samuyl memor vestrae benignissimae petitionis nostraeque deuotissimae promissionis huius textum libelli comitis sententiarum titulis praenotatum vestrae Sanctitati malui dirigendum* &c. Incipiunt capitula de libro sententiarum:

Quisquis amas sacras lector addiscere leges &c.
Quod DEVS incommutabilis summus & aeternus
existat.

Solus DEVS in semetipso incommutabilis est &c.

Incipiunt Consuetudines BENED. P. XII. editae ad emendationem Ord. Cisterciensis. *Benedictus seruus* &c. *Fulgens sicut stella* &c. sec. XIV. vti etiam tractatus de instructione confessoris: vbi de singulis peccatis secundum canones poenitentiae modus praescribitur. Inc. *Simpliciores & minus expertos confessores de modo audiendi confessiones informare cupiens* &c. Eiusdem sec. libellus fratris THOMAE (additur alia manu ANCHIMI) contra libellum magistri WIL-

HELMI *Ecce inimici tui sonuerunt.* *Marsilii*
 FICINI *de comparatione Solis ad DEVM.* In
 cod. sec. XII. sequens habetur carmen Leoni-
 num de FRIDERICO I. imp,

Ortu Teutonicus Romanus rex Fridericus.
Augustum nomen pacis possedit & omen.
Potens consilio cessit certamine nullo.
Dissona compegit dum praelia plura peregit.
Discordes strauit, quia tempora pacis amauit.
Huius honore boni non impar erat Salomoni.
Felix felicem plantauit ad astra radicem.
More rosae vernans bene subdita regna gubernans.
Largus erat dando depressos quosque leuando.
Clerum dilexit monitis hunc optime rexit.
O quam clementem monachi sensere parentem.
Hunc DEVS elegit per eum miranda peregit.
Vt dicam breuiter summum vitae subit iter.
Signum namque crucis tollendo fit affecla lucis.
Bellator fortis adiit Christi loca mortis.
Barbaricam gentem iam dudum cuncta tenentem
Exstirpare volens, sed summa potentia nolens
Id per eum fieri, nec nomen tale mereri
Hunc rapit vt stultum, quod mirandum puto
multum.

Milleno cum centeno nouies quoque deno
Anno migravit, animam DEVS ipse beauit.

Formulas veteres *Andegauenses* ex Msc.
Weingartensi edidit MABILLONIVS in suis *Ana-*
lectis

lectis a), quae, qua ratione iterum detectae sint, ad calcem narro. De illarum aetate non eamdem semper tenuit sententiam. Ac primum in *Analectis* anteriores habuit CHILDEBERTO III. eo quod scriptae sint post regnum CLODOVEI, CLOTARII, THEODERICI & CHILDERICI anno tertio THEODERICI regis. Tomo I. *annalium* b) Ord. S. BENED. ad regnum CHILDEBERTI II. fixit aetatem earum formularum. In supplemento autem de re diplomatica c) usque ad CHILDEBERTVM I. ascendit. Qua sententia standum volunt auctores tractatus noui diplomatici d), & figendam epocham formularum *Andegauenensium* ad annum IV. CHILDEBERTI I. Vnde inter prima monumenta locum habent nationis *Francicae* ad initium fere sec. VI. quae etiam in pluribus conueniunt cum ratione iuris dicendi *Romanorum*, ac priorum legum *Francicarum*, cuiusmodi *Salica* est.

Rem antiquariam quod attinet, notatu dignum est, quod in cod. sec. IX. adscriptum legi: *Sunt de nobilissimo pergameno XX. quaterniones ad actus Apostolorum & Apocalypsin & VII. epistolas, & III. fol. Sunt inter om̃ de modolo maiore XLVII. quaterniones, & de minore modolo VIII. quaterniones IIII. fol. ad regulam & martyrologium scribendum, de paruo modolo*

a) P. 232.

b) P. 417.

c) P. 68.

d) T. I. p. 304. not.

modolo XXIII. quaterniones & III. folia ad antiphonarium. Praeter nonnullos codices bibliorum typis impressorum sec. XV. quorum vnus falso praefert an. 1450. iuniorque altero est impresso 1474. Neque is litteras initiales habet pictas, titulos vero in superiore margine typis impressos praeter morem primarum editionum. Adsertior est editio rariorque constituta. CLEMENTIS V. P. Membranac. anno MCCCCLX. vt ex fine patet: *Presens Clementis ppe quiti institutionū Codex. Una cum apparatu Dñi Ioh. An. suis Rubricaconbo. sufficiēter distinctus. Artificiosa adinventionē imprimēdi. ac caracterizandi. absq3 ulla calami exarationē. sic effigiatus: & ad eusebiā Dei industrie est cōsumatus. Per Iohānez Fust civē Moguntiā. & Petrū Schoiffber de Gernsheim, Clericū. Dioces. eiusde3. Anno domī M. cccc. sexagesimo. xxv. die mensis Iunii.* Acerbe mihi conquesti sunt, a quopiam acatholico bibliothecam perfrustrante haud ita pridem vltimum folium excisum ex libro, continente *Extravagantes Ioan. XXII.* per Io. FVST & Petrum SCHOIFFER. Praeterea etiam exemplum CICERONIS librorum de officiis ex offic. FVSTI 1465. superest. Item iisdem typis mores & opera veterum philosophorum & poetarum. Liber S. AVGVSTINI de vita christiana. In fine nulla subscriptio legitur: adsunt tamen signa gentilitia. In fol. D. THOMAE Aquin.

quin. lib. super quartum & quintum sententiarum, per Petrum Schoiffer de Gernsheim anno domini millesimo quadringentesimo sexagesimo nono tredecima die Iunii sit laus Deo. Eiusdem typographi liber sextus *Decretalium* an. dni. 1470. Eiusdem anni liber *Epistolarum* S. Hieronymi. Codex *Iustiniani* Imp. in forma maxima per eundem Pet. Schoiffer 1475. Item liber inscriptus *Conclusiones* siue *Decisiones antiquae* dominorum Auditorum de Rota: Anno Domini M. cccc. lxxvij. pridie nonis Januariis, gravi labore maximis que impensis Romanam post impressionem opus iterum emendatum antiquarum novarum que *Decisionum* suis cum additionibus Dominorum de Rota: In civitate Maguntina impressorie artis inventrice elimatrice que prima, Petrus Schoyffer de Gernzheim suis consignando scutis *Arte Magistra feliciter finivit*. In fol. maximo *Gratiani decretum unicum* apparatu Barol. Briscienn . . per venerabilem virum *Heinricum Eggesteyn*, artium liberalium magistrum ciuem inclite ciuitatis *Argentin.* anno dni M. CCCC. LXXI. Liber in fol. absque titulo, in fine legitur: *Explicit prima pars lectionis excellentissimi doc. dni Bartoli de Saxo ferrato super infortiato* anno dni M. CCCC. LXXI. mensis Februarii die IX. Deo gratias Amen. Hunc celebris VINDELINVS impressit. *Officia Ciceronis* in fol. an. 1470. excudit

edit VALDARTER, patria *Ratisponensis*. Anno 1471. sine loco & typographi nomine *Lactantii Libb. de diuinis institutionibus*. Alius liber in calce habet: *Beati Ambrosii episcopi Mediolanensis opusculum, quod Hexameron vocitatur iucunde explicat. Per Iohannem Schlußler imperialis urbis Aug. civem quam diligenter impressum anno salutiferæ Incarnationis Hiesu Salvatoris Milesimo quadringentesimo septuagesimo secundo. EVSEBIUS Pamphili de evangelica præparatione a GREGORIO Trapesontio traductus. In fine legitur:*

Artis hic, & fidei splendet mirabile Numen,

Quod fama auctores: auget honore deos.

Quid magis artificem peteret dux, Christus & au-

Tres facit aternos ingeniosa manus. (Ætor.

M. CCCC. LXXIII.

Leonhardus Aurl.

An. 1475. Basileæ Bernardus Richel cum *Michaele Wensel Sermones Fratris Roberti de Licio Ord. Min. impressit. Exstat hic Repertorium Reverendi Patris & dni episc. Brixienf. impressum Norumbergæ per honorabiles viros Andream Frisner Bursidensem, & Ioan. Sensenschmid. An. M. CCCC. LXXVI. Varii quoque libri Decretalium, quos impressit Michael WENSLER circa eadem tempora. In quodam codice habetur tractatus de *Celebratione festorum imp. an. 1473. cui annectitur opusculum ANTO-**

NINI de eruditione Confessorum an. 1474. per discretum virum Conradum Fyner. Habetur etiam libellus precum D. LUTHERI cum hac inscriptione :

*Ein Betbuchlin
der zehen Gebott
des Vatter unsers
und des Ave Marien
D. Martini Lutheri.*

In fine : Getruckt im zwey und zwanzigsten Iahr. Nec hic notare omiserim libellum ERASMI Roterodami , sub nomine Canonici Regularis, cum hac inscriptione: Lucubratiunculæ aliquot Erasmi Canonici Ordinis D. Augustini perquam utiles &c. Impressum Hantwerpiæ opera Theodorici Martini an. salutis supra MDIX. mensis Novemb. VI.

Salemium.

C*onstantiam inter & Iberlingam (quæ villa fuit seu curtis regia in ducatu Alemanniae, in pago Lintzgowe , seu Lintinensium, qui Romanis temporibus clarebant; ac sedes insuper quondam ducum Alemanniae , nunc libera imperii Romani vrbs) situm est monasterium Salemitanum, septem leucis a Weingartensi distans. Cum hoc, quod primarium est Ordinis S. BE-*

NEDICTI

BENEDICTI in *Sueuia*, de principatu certat; quin & cum reliquis *Romani imperii Germanici*, imo ipsis fatentibus a), totius *Europae* monasteriis quibusuis, non tantum sub regula S. BENED. militantibus, tam nigris, qui primaeuam institutionem sequuntur, quam albo colore togatis, ex reformatione *Cisterciensi* S. BERNARDI. Hic ipse vir sanctus locum hunc subiit, quum *Germaniam* peragraret, christianos ad expeditionem adhortaturus, quam *Cruciatam* vocant, pro recuperanda *Terra sancta*, locisque mysteriis Christi insignibus. Tanti viri tutela cito effloruit monasterium, vt ingentem monachorum numerum nutriret diuino seruitio mancipatorum. Quod a primo suo conditore GVNTRANO, seu GVNTRAMINO viro libero, vt in diplomate CONRADI, *Romanorum* regis an. 1142. (qui, vt & FRIDERICVS *Barbarossa* multa munificentissime contulerunt, quique hos accumulati sunt comites *Montefortenses*, & alii) vocatur, regiis quasi iuribus & omnimodis iurisdictionibus amplissime ornatum est, ac *regium* quoque, exemptum & liberum a non paucis seculis nominatur. Floret haud obstantibus acerbis fatis ac incendiis, quae infauusta praeprimis adhuc hominum memoria fuerunt bibliothecae: dum infelici consilio rariores ex ea, vt flammis eriperentur, extrahuntur codices, atque in locum

a) Apiarium *Salemit*. mox p. 1.

cum deponuntur, qui ipse correptus flammis cum hoc thesauro conflagrauit, scriniis bibliothecae seruatis illaesis.

Inter haec lugent *Salemitani* iacturam actorum concilii *Constantiensis*: ex quibus tamen superest codex cum picturis ac insignibus patrum & principum, qui concilio adfuerunt; quem alibi etiam a me visum notaui, sed diuersum ab eo, quem tanti facit in itinere suo *Germanico* MABILLONIVS, atque Io. Iacob. PREGITZER, consiliarius ducis *Wirtembergici*, qui pro *Hermanno* VON DER HARDT excerpta ex hoc codice fecit, dum is editionem actorum concilii *Constantiensis* pararet amplissimam, quae etiam in lucem prodiit: vt adeo praecipua saltem eius codicis manuscripti contenta sint seruata, ac HERMANNO transmissa, vt ex relatione PREGITZERI patet, quae prolegomenis tomi primi *Actor. concilii Constantiensis* sunt inserta; vbi etiam inscriptio codicis illius, qui 1492. scriptus fuerat, habetur eiusmodi: *Beatae Mariae in Salem. Acta in Concilio Constantiensi millesimo quadringentesimo decimo quarto, Pontificatus Domini Ioannis Papae vicesimi tertii, anno eius quarto.* Superfunt adhuc *Salemii* nonnulli optimae notae membranacei codices, opera SS. PP. continentes. A MABILLONIO imprimis notatur RATRAMI opus *de Eucharistia*, ante conditum.

ditum monasterium scriptum. In quo codice BERNONIS & enchiridialis musica cum appendice habetur, qui in aliis exemplaribus deest. Ingens etiam superest codex, *Visionum* cum imaginibus seculi circiter XII. ZACHARIÆ episcopi *Chrysopolitani* de *Concordia Euangelistarum* opus. *Petri* ALPHONSI, qui antea in Iudaismo MOYSES, *liber contra Iudaeos*. *Walafridus* STRABO de Vita S. GALLI. Nec desunt domestici auctores, veluti IOANNIS de *Salem* liber de *Potestate Ecclesiae circa spiritualia & temporalia*. Obiter hic noto, haberi inter MSS. *San-Gallensia* BERTOLDI abbatis in *Salem* Notas in Cantica.

Curioso lectori poëma, fabulam scilicet, hic pandam, ut illud inueni in msc. codice *Salemitano* sec. XIII. de GERBERTO, postea SILVESTRO II. P. ab imperitis, ob profundiorē a vulgi captu remotam scientiam, magiae infamato: quod ferreis illis temporibus, aliis quoque, praeter consuetudinem eius aetatis, in litteris claris ac perspicacioribus viris contigit, ut magiae in-simularentur:

a) *Surgit ab R.emis Gerbertus ad R.avennam fit
Papa potens R.omae b)*

Ortus

a) A scriptore anonymo sec. XII. qui historias *Romanorum* Pontificum conscripsit, idem quoque memoratur, apud PEZIIUM *Thesauro Anecd.* T. I. P. III. p. 380. ubi primus hic versus, qui solus est, ita legitur: *Transit ab R. Gerbertus in R., post Papa vigens R.*

b) Archiepiscopus enim primo erat *Remensis*, dein *Rauematen-sis*, *Mart. Gerberti Iter Alem.* R

*Ortus Remensis præclaris mœnibus urbi.
 Illic Gerbertus libris datur erudiendus,
 Discere non potuit & ab hoc trepitando refugit.
 Ut silvas iniit sathanas huic obuius iuit.
 Quid Gerberte fugis, vel quo tam concite vadis?
 Discere non possum, dixit, fugioque magistrum.
 Heus ait ille, mihi, si vis tantummodo subdi,
 Ne quis Gerberto sit doctior en ego faxo.
 Annuit his ille, secum subit abdita silve.
 Sedulo quem docuit, cunctos percellere fecit.
 Silvas linquentem post hæc scholas repetentem
 Doctor derisit rufus es hinc perfidus inquit.
 Ille refert nigrum simulas tu valde tyrannum.
 Respondit magno similem te vinco tyranno.
 Disceptant ambo de libris tempore longo.
 Confundit victum Gerbertus & ipse magistrum.
 Mox urbem liquit sathanam consultat & infit.
 Heus pedagoge virum mihi nunc ostende peritum
 Cum quo scripturis possim configere divis.
 Dixit demon ini Ravennam concite fili
 Pontificem clarum libris cernes ibi gnarum.
 Pergit & aggreditur conflictu deniq; iustum.
 Qui cito Gerbertum iussit discedere victum.
 Hic rediit mestus huic narrat & hic furibundus.
 Eum docuit talem quæ dicitur abacus a) artem.*

In

tandem a. 999. mortuo GREGORIO V. Pontifex Romanus, sub nomine SILVESTRI II. Obiit II. Maii a. 1003.

a) Hoc nomine *Abacus* tum temporis intelligebatur *Mathematica*, quum hæc scientia de magnitudinibus & numeris tra-

*In tabulam scripsit Ravennam ferreq; iussit.
 Hunc cum legisset nescire pudebat Et inquit
 Sit mihi quæso trium dilatio, posce, dierum.
 Ibat Gerbertus, fac' ē dñm̃q; precatus.
 Si venit de te mihi res deus optime pande.
 Sin autem. nunquam Gerbertum fac rogo cernam
 Præsul migravit. Gerbertus dum remeavit
 Sedem Ravennæ mox præsul suscipit ille.
 Post hæc Romanam possedit papa cathedrã.
 Debeat, hic zabulum consultat, vivere quantũ.
 Ut cantes inibi Solimam venies ait illi.
 Est statio Solimã vocat hanc clerus populusque a)
 In quadragesimæ medio missam celebrante
 Gerberto dirum dixisse ferunt inimicum.
 Nolis sive velis Gerberte cito morieris.
 Sic venies ad me tua te merces manet ex me.
 Fraus tua iam magna. G. erbertus ait patet illa
 Qua genus humanum capiebas Et protoplastum.
 Dum Solimã dire me dixisti prius ire.
 Demon, ades vere, nequaquam falleris a me.
 Advocat hic populum cunctum vel in ordine cle-
 rum
 Rem pandit cunctis veniam deposcit ab illis.*

Maris-

æt. In hac vt in abstractissimis quoque scientiis versatissi-
 mus erat GERBERTUS; vnde vulgus sibi persuasit, illum
 nonnisi a daemone potuisse esse instructum.

a) Ecclesia hæc Romæ vocatur S. Crucis in Ierusalem.

Marisburgum.

Ex monasterio *Salemitano* *Marisburgum* deducti sumus, castrum ac oppidum amoenissimo ad lacum *Acronianum* seu *Bodamicum* situ. Ibi turrin ostendunt, quam a *DAGOBERTO* rege exstructam esse vetus traditio habet, phari cuiusdam instar in portu lacus. Sedes nunc est, ac domicilium ordinarium episcopi *Constantiensis*, Seminarii item episcopalis haud pridem ex praescripto concilii *Tridentini* magnifice instructi. Ab Emin.^{mo} Cardinale de *RODT*, S. R. I. principe ac episcopo *Constantiensi* clementissime habitus, ex eius ore facultatem obtinui, vt quidquid rebus meis esset idoneum *Constantiae* & in monasterio *Augiensi*, cuius abbas est, in vsus meos conuerterem. Hac venia laetus, nauem, nihil moratus, conscendi, *Constantiam* petiturus.

Petershausen.

Antequam urbem ingrederer, ad viam occurrit monasterium Ordinis S. *BENEDICTI*, quod ex pluribus vnum superest in suburbio, *Petershausen*, seu *Petri domus* dictum, ac olim, vt tradunt, tam opulentum, vt octingentos monachos aleret. Fundatum fuit a S. *GEBHARDO*, comite *Brigantino* & *Zwingensi*, episcopo *Constantiensi*,

stantiensis, qui ibidem in ecclesia a se condita sepultus est. Exstat de fundatione & casibus huius monasterii Msc. notabile, imprimis circa sec. XII. continens non pauca singularia pro aevi illius historia, ac inter alia de itinere S. BERNARDI per eas partes. Cupidus imprimis eram pro re liturgica *Alemanniae*, quam in itinere meo potissimum intendi, lustrandi librum Sacramentorum *Romae* editum, ex authentico libro *Cubculi scriptum*, qualiter *Missae Romae celebratur*, commendatum in itinere litterario D. CALMET per eius nepotem, & in abbazia *Senonensi* successorem D. FANCHE edito. Talis in nostro quoque monasterio elegantissimus habetur nongentorum circiter annorum. Sed absente tunc Abbate & Priore, qui librum in custodia habuit, voti compos factus haud sum, a P. Sub-priore tamen accepta promissione, eum quam primum ad *S. Blasium* in meos usus fore mittendum: quod tandem obtinui, dum is ipse fausto omine in abbatem electus, veteris amicitiae ac promissi haud immemor rogatus mox per proprium submisit nuntium. Nihil volupe magis fuit, quam *Petershusanum* cum nostro *San-Blasiano* conferre codicem ita similem, ut etiam eadem manuscriptum vtrumque facile quis sibi in animum adducat. Alia MSS. non vidi. Librorum impressorum in facultate theologica non paucae adsunt memorabiles editiones, quas inter cen-

sentur duæ operum D. THOMAE, altera *Veneta* an. 1593. altera *Antwerpiensis* 1612. ubi a vulgaribus editionibus abit locus, de immunitate B. M. V. a peccato etiam originali, in 1. sentent. dist. 44. q. un. art. 3. ad 3. atque sic habet: *Et talis fuit puritas Virginis, quae a peccato originali & actuali immunis fuit.* Qua de Doctoris Angelici mente integro volumine agit Emin. SFONDRATI, quod inscribitur: *Innocentia vindicata*, in qua argumentis ex S. THOMA petitis ostendit, Angelicum Doctorem pro immaculato conceptu Deiparae sensisse, & scripsisse.

Constantia. Creuzlinga.

Ex Petri domo urbem ingressi fumus *Constantiam* per pontem *Rheni*, qui mechanices peritos in admirationem rapit artificiosis molindinarum, poliendi lapidis, & vitri operis. Aliis vero studiis intenti, iis imprimis fauentem, ac prope indiuiduum comitem habuimus Reu. ^{mum} Canonicum cathedralis ecclesiae, de RAZENRIED: apud quem varia inuenimus synodorum *Constantiensium*, variis temporibus habitarum, tam manuscripta, quam impressa exemplaria. Doli vero, nouam iam synodaliū editionem sub prelo sudantem conspicatus, nullam in ea veterum synodorum rationem fuisse habitam. De-
deram

deram nouae editionis adornandae confilium, atque meam etiam pollicitus sum operam in addendis notis per singula capita ex veteribus synodis, decretisque episcopalibus, quae per literas patentes edi solita facile dissipantur, & in obliuionem defuetudinemque abeunt. Proposueram etiam, in praefatione succinctam exhibere notitiam amplissimae dioecesis *Constantiensis*, ceu prodromum ad historiam *Constantiensem*, quam olim meditabatur P. Marquardus HERRGOTT, in congregatione S. Blasii syncellita, hancque in rem operis *Conspectum*, ut vocant, dedit. Sodali meo ad alia studia in *Genealogia diplomatica*, *Monumentisque Habsburgicis* edendis auocato, semper in me desiderium arsit, praetermissam historiae *Constantiensis* suscipiendi prouinciam; novosque a Reu.^{mo} Vicario generali de DEVRING accepi igniculos ad laborem hunc, studiis meis imprimis consentaneum in rebus sacris *Alemanniae* nunc occupatis, cuius magnam partem *Constantiensis* dioecesis occupat amplitudine sua, qua praesertim ante LVTHERI apostasiam facile plerasque alias dioeceses superauit. Adparet hoc ex veteri descriptione totius dioeceseos, quae adhuc inter praecipua monumenta *Constantiae* seruatur in MS. codice sec. XIII. ut in fronte praefert annum 1273. licet in ipso contextu alicubi annum 1278.prehenderim, ac varias etiam re-

centioris aetatis additiones, dum diu quaesitum, desideratumque codicem apud laudatum D. Canonicum de RAZENRIED inspicere iterum contigit. Ab hoc deductus in ecclesiam cathedrali in medio adhaerentis ambitus seu claustrum, iterum cum voluptate aspexi antiquum monumentum, cuius lapides iam ante non paucos annos pro opere antiquae *Romanae* artis sculptoriae habui, quod successu temporis in tropaeum Christi cum apostolis in horto mutatum fuit; mihi que plausi, dum postea in itinere *Helvetico* D. CALMET eandem illius, ac eius successoris D. FANCHE focii, ac auctoris itineris editi intellexi sententiam. In muro facelli S. BLASII, quo ad coemeterium Canonice cathedralium aditus patet, parieti insertus est lapis, cum veteri inscriptione ad tempora DIOCLETIANI & MAXIMIANI caesarum pertinente, qua muri *Vitodurenses* ab *Aurelio* PROCULO viro clarissimo restituti memorantur, atque nonnullos in errorem induxit, ac si *Constantia* sit *Vitodurum*, quae vrbs hodieque nomen suum retinet, locumque habet inter stationes *Romanas* in tabula *Peutingeriana* *Fines* inter & *Vindonissam* urbem *Constantia* antiquiorem. Haec suo nomine CONSTANTINVM vel CONSTANTIVM prodit conditorem (geographus tamen *Rauennas* QVIDO ab *Aemannis* conditam urbem adserit) quem CONSTANTINI patrem esse volunt, qui his in regio-

regionibus imperatorem contra *Alemannos* egit, aduersus quorum irruptiones in *Galliam* seu *Heluetiam* vrbs haec tutelae esse poterat ad tutum praestandum lacum *Acronianum*, atque illius alueo contentum permeantemque *Rhenum*. Non minus aptus postea erat locus ad arcem catholicae fidei, disseminato euangelio hinc per SS. *PIRMINIVM* & *FRIDOLINVM*, illinc per SS. *COLVMBANVM* & *GALLVM*, ac *Vindonissa Constantiam* translata sede episcopali tot sanctissimis ac vigilantissimis pastoribus ornata, *CONRADIS*, *GEHBARDIS* &c. etiam summae sedis per *Germaniam* Legatis: postea item S. R. E. Cardinalibus *Marco SITTICO*, *ANDREA Austriaco*, & nostra aetate *Hugone de SCHOENBORN*, ac *Francisco Conrado de RODT*. Huius honorificam imprimis mentionem hic flagitant tum alia ingentia in me beneficia, cum singulare in hoc itinere, quo me *Marisburgo* discessum maturantem prosequutus est humanissimis litteris sua manu perscriptis, & per germanum fratrem R.^{mum} *Canonicum cathed. ecclesiae ad me missis*. Quibus nempe indigebam, vt sunt tempora, & homines difficiliores nonnumquam in communicandis cum orbe litterario thesauris suis. Quam longe aliter sit adfectus Emin.^{mus} *Cardinalis de RODT* in exemplum eiusmodi *Saturni* aemulorum, epistola ipsa opportune hic demonstrabit.

„*Franciscus Conradus* de RODT P. R. P.
 „*Martino GERBERT* benedictionem, salutem, &
 „omne bonum. Grata mihi fuit tua in aula
 „mea praesentia, gravior tamen, imo gratissi-
 „mus eruditus ille, quo me tecum delectavi,
 „discursus, & prout me oretenus promptum ad
 „promouendos litterarios labores tuos decla-
 „raui, sic quoque litteras ad D. Vicarium ge-
 „neralem nunc tibi accludo, vt tibi liber ad
 „bibliothecam monasterii mei *Augiensis* pateat
 „accessus. Tua culpa est, quod nullam tecum
 „syngrapham attuleris *Constantiam*, quia praeter
 „mentem & inuitationem meam impransus dis-
 „cessisti; opto, vt aliqua litterario itineri tuo
 „commoda in *Augia* mea inuenias. R.^{mum} Prin-
 „cipem abbatem tuum de perenni cultu meo,
 „& sincerissima aestimatione, per te certio-
 „rem esse volo, teque mei ad aras semper memo-
 „rem. Dabam *Marisburgi* 29. Iulii 1760.“

Ita fretus iter animose in *Augiam* paraui, comitem sese spondente Reu.^{mo} de RAZENRIED, qualem se sponte etiam obtulerat in celebre monasterium Canoniorum Regularium ad *S. Crucem*, seu *Creuzlingen*. Vbi quaedam saltem pro re liturgica *Alemanniae* notabilia reperi, tametsi bibliotheca non tam irruptione *Suecorum* 1632. quando etiam frustra urbem *Constantiam* obsidione infestarunt, quam vicinorum ipsorum

ipforum ciuium inuafione diffipata fit, quantum adhuc flammās euafit a *Suecis* fubiectas ecclefiæ: in qua vnica Crucifixi imago medio ex igne miraculo feruata, nec laefis quidem capillis, qui capiti imaginis accommodati erant, adhuc in fornice ecclefiæ fufpenfa eft, propediem in proprium facellum, quod ecclefiæ muro inclufum egregium inftruitur, transferenda. Reperi hic præter pauca MSS. nonnullas editiones raras fec. XV. quarum recensio ad hiftoriam litterariam primæ artis typographicæ nonnihil valeat: *Quodlibet* Sancti THOMÆ, impreffum *Vlmae* per Ioannem ZAINER de *Reutlingen* anno Dñi MCCCCLXXV. Item *Quodlibet* Ioannis Duns SCOTI, subtilis theologorum monarchæ, poft fcripta eiusdem fuper quatuor libris fententiarum, per Thomam PANCHET *Angelicum* in ftudio *Patauino* ordinarie legentem diligenter caftigata, & impenfis Antonii KOBERGER *Nurnbergæ* fideliter impreffa an. falutis MCCCCLXXXI. Oftendunt etiam imaginem S. MAGDALENÆ coram Crucifixo, quæ fuapte natura lapidi infit; ego tutius opus artificiofe tefsellatum, ac complanatum, cuiusmodi opera mufiua vocant, efle exiftimem, aut opera inſignis artificis *Stutgardienſis* tinctura auri coloratum. Id prætereundum non eft, quod, quum haud raro *Conſtantia* propinqua magis monaſteria obierim, querentes audierim, tempore concilii *Conſtantienſis*

sis se manuscriptorum iacturam esse passos, e-
contra *Creuzlingenses* Canonici ingenue fassi
sint, sibi tunc librorum non modicam acces-
sionem esse factam: quibus tamen admodum diu
fructi haud sunt, vti relatum est, ablatis & di-
stractis libris, indeque bibliothecis, vt ferunt,
vrbum *Helueticarum Basileensis, Turicensis, &*
Schafhusiensis illatis: grauiore equidem fato,
quam tempore concilii *Constantiensis* librorum
thesaurum ex variis monasteriis in bibliothecam
Creuzlinganam importatum doluere alia mona-
steria.

Concilium generale Constantiense.

Ratholdi Cella.

Generale quoddam concilium exigebant gra-
uissimae non disciplinae duntaxat, ob sta-
tum Ecclesiae horrendo tum schismate vexa-
tum, summaque contentione expetitam in capi-
te & membris reformationem; sed & fidei caus-
ae ad stabiliendam canonum, doctrinaeque
ecclesiasticae obseruantiam, aduersus WICLEF-
FUM, *Ioannem Hvss*, eiusque hyperaspisten
HIERONYMUM *Pragensem*: qui ambo vltrices
perfidiae flammis viuicomburio extra portam
vrbis *Constantiae* sunt experti. Ostenditur ibi
adhuc vstrina, ac hospitium & locus, vbi de-
gradatus publice est *Ioannes Hvss*. Nec quid-
quam tamen in publicis tabulis aut aduersariis
tam

tam MSS. quam impressis habetur de praenuntiato post centum annos futuro *Martini* LUTHERI nouo apostolatu. Prophetiam illam Cl. KOEHLERVS quoque in *Amoenitt.* suis *numismat.* a) explodit. Primum hoc erat in *Germania* celebratum oecumenicum concilium, nec par habet ob immensum concursum ex orbe catholico oriente & occidente pastorum ecclesiae & doctorum, trium quoque capitum, Pontificum scilicet de *Romana* sede contendentium, tertio tamen, seu *Petro* de LVNA, neque per se, nec per Legatum comparente; principum item spectatissimorum vnacum SIGISMUNDO imperatore: quorum praecipuorum adhuc hodie ostenduntur hospitia, locaque supersunt celebratorum conuentuum, tum particularium, cum generalis concilii, & conclauis, in quo *Otto* de COLONNA (quod in festo S. MARTINI pontifex renuntiatus sit, dictus MARTINVS V.) exauctoratis aliis pontifex est electus a 23. Cardinalibus, vt fieri solet, conclusis ianuis, nemini tunc vel a longe aditu permisso. Conclaue hoc, cuius hodie adhuc vestigia in vestibulo emporii vrbs, vbi electio facta est, conspiciuntur, tribus clauibus erat clausum, quarum vna penes imperatorem, altera penes Patres concilii, tertia denique apud capitulum cathedrale erat deposita. MARTINVS V. in cathedrali ecclesia diaconus primum, postea presbyter & episcopus, demum pontifex

a) T. VII. pagg. 41. seqq.

pontifex fuit consecratus, vt moris est in pontificali missa *Romae*. Vbi *Iudaei* quoque sese cum legis tabulis praesentarunt, quos super pontifex orationem hanc pro more fecit: *Omnipotens DEVS auertat velamen ab oculis vestris, vt possitis videre lumen aeternae vitae, in nomine Patris, & Filii, & Spiritus sancti, amen.* Quum quinque annis perduravit hoc concilium ab anno 1414. vsque 1419. accidit, vt magni nominis viri ac pastores diem hic obierint: quos inter Cardinalis *Franciscus de ZARABELLA*, cuius epitaphium in ecclesia PP. *Franciscanorum* legitur. In ecclesia vero *Dominicanorum* sepultus est *Emanuel CHRYSOLORAS*, nobilis *Constantinopolitanus*, ex illis, qui *Graecam* occidenti, *Italiae* imprimis, tunc intulerunt litteraturam, cui non solum *Ioannes de RAVENSPVRG*, verum etiam *Aeneas SYLVIVS*, postea *PIVS II. P.* illustri epitaphio parentarunt. *LANDOLPHVS Barenfis* Cardinalis, ex regio *Siculo* stemmate, pariter apud PP. *Dominicanos* maxima pompa primum sepultus fuit, corpus vero postea in *Siciliam* translatus. Apud *Augustinianos* vero *PANDELLVS de BALBINA* sepultus iacet. In medio chori ecclesiae cathedralis aliud cuius memoria excidit, eiusmodi epitaphium hodieum cernitur, vbi etiam *RVPERTVS*, archiepiscopus sepultus est. Id etiam singulare est, quod *NICOLAVS Constant.* in *Normandia* archi-

archiepiscopus in concilio praesens hic sepulchrum inuenerit. Demum vero, quum dira pestis grassari inciperet, finem imponi concilio necesse fuit, decreta in urbem *Pauientem* translatione, seu potius noua concilii instauratione, quum necdum omnia quoad reformationem ecclesiae in capite & membris confecta viderentur. Accessit, quod necdum (exemplo *Angeli CORRARO* sub *GREGORII XII.* nomine, qui sponte se abdicauit, ac omnia concilii probauit acta) *Petrus* de *LVNA*, dictus *BENEDICTVS XIII.* sese pontificatu abdicare vellet, licet a plerisque suis derelictus, haud grauante ipso *SIGISMUNDO* Imp. vt eum ad abdicandum induceret, in *Hispaniam* suscipere iter *Constantia*: quo confecto itinere in eandem rediit urbem, vt sua concilio adesset protectione, ea pietate, qua prius iter laudatum suscepit, cum *IOANNE XXIII.* de celebrando concilio deliberaturus. Quod is non solum indixit, sed eo se etiam contulit solemni pompa ex monasterio *Creuzlingano Constantiam* deductus, vbi primum sponte ac libere pontificatui renuntians, facti vero poenitens clam se subduxit, ac postea a Patribus depositus, captus, & in oppidum *Ratholdi-Cellam* abductus, concilii se ibi demum sententiae submisit, quam per legatos Cardinales in curia oppidi accepit. Inde captius *Gottliebam* deductus, atque aliquo ibi tempore detentus,

tentus, custodiae demum comitis *Palatini* commissus est. Quae ideo commemoro, licet aliunde iam satis nota sint, quod ea obeundo loca memoria refricata sit, praesentibus maxime, ac suppetentibus authenticis monumentis. Acciderunt haec ad inferiorem lacum, quem *Venetum* adpellant, ad cuius septentrionalem ripam situm est oppidum episcopi olim *Veronensis Ratholdi-Cella*, cuius hoc in ecclesia parochiali eleuato paullulum sepulchro in aditu chori ad dextrum latus legitur epitaphium: „Hoc „faxo tegitur corpus boni RATHOLDI, episcopi „*Veronensis*, qui sub imperatore LVDOVICO „*primo*, & STEPHANO *quarto* hic prima fundamenta iecit.“ STEPHANI V. aetas cum LVDOVICO congruit, qui tamen etiam subinde IV. nominatur. De RATHOLDO in Msc. *Augiensis*, quae sequuntur, breuiter memorantur: „Beatus RATHOLDVS claris in *Alemannia* ortus natalibus, clericum egit sub disciplina pontificia EGINONIS *Veronensis* in *Italia* episcopi: „sed vbi EGINO relicta cathedra pontificia in „*Augiam*, monasticam vitam professurus secessit, RATHOLDVS sanctus sancto episcopo suffectus est, qui tamen post aliquot annos eiusdem religiosae vitae desiderio accensus in patriam rediit, & vt prope insulam templum cum aedibus sibi exstruere liceret, ab HATTONNE abbate impetrauit, quod deinde templum „quum

„ quum variis Sanctorum reliquiis ornari in a-
 „ nimo haberet , familiarem sibi IUSTINIANVM
 „ quemdam *Venetorum* ducem fecit, vt data a-
 „ liqua pecuniae summa sibi de insigni alicuius
 „ Sancti corpore circumspiceret. Fecit id *Ve-*
 „ *netus* , & statuto tempore sacrosancta MARCI
 „ euangelistae lipsana episcopo eidem attulit,
 „ rogans, vt tacito aliquamdiu sancti MARCI no-
 „ mine S. VALENTIS M. & episcopi ossa dice-
 „ rentur. TARRISII etiam eodem tempore san-
 „ ctorum SENESII & THEOPOMPI reliquias non
 „ minori gaudio acquisiuit , quas cellae nuper
 „ a se exstructae intulit. Sancti vero MARCI
 „ corpus ad *Augiam* aduexit quinto *Aprilis* an-
 „ no 830. Mortuus vero est RATHOLDVS ple-
 „ nus bonorum operum meritis , anno Christi
 „ 874. Idibus *Septembris* & in templo a se *Ra-*
 „ *tholdi-Cellae* nuncupato sepultus est.“ Ad fi-
 „ nem superioris seculi recluso sarcophago breui-
 „ culum sacrarum reliquiarum SS. SENESII &
 „ THEOPOMPI est factum , quorum tutela ingen-
 „ tia hucusque fidelibus populis praestita narran-
 „ tur beneficia.

Augia diues.

Eadem si fieret inquisitio de S. MARCI reliquiis,
 quae in capsula argentea deaurata recludun-
 tur , faceret forte ad dirimendam cum *Venetis*
Mart. Gerbert. Iter Aleman. S litem

litem circa corpus S. MARCI. Constaret forte, partem saltem sacrarum reliquiarum RATHOLDO concessam esse. Quis enim sibi in animum inducat, totum illud dimissurum fuisse ducem IUSTINIANVM, quod *Alexandria* ingenti cura comparauerat; ecclesiamque insignem ei recon-
dendo instruxerat, instituto numerofo ad sacra facienda clero? Fateor tamen, iam HERMAN-
NVNVM Contractum, *Augiensem* monachum, in chronico corpus translatum velle ad an. 830. Corpus S. Marci euangelistae sub nomine Valen-
tis martyris Ratoltus Veronensis eps a duce Ve-
netiae impetrauit, & cum corpore Genesii mart. in *Augiam insulam* intulit. Ita nos ex Msc. *Augiensi* descripsimus, quum editiones varient, praeter *Canisianam*, quae nostram hanc lectio-
nem habet. De B. EGINONE antecessore RATHOLDI, qui antea abdicato episcopatu *Veronen-*
si in *Augiam* concesserat, idem HERMANNVS ita habet ad annum 799. *Augiae S. Petri basili-*
ca ab Eginone *Veronensi* episcopo constructa & dedicata est. Et ad annum 802. *Egino Vero-*
nensis episcopus hac vita decessit, *Augiae* in *basili-*
ca Cellae suae sepultus est. Adhuc eius ostenditur sepulchrum ante altare ecclesiae, quae in-
ferior Cella dicitur, cum hoc epitaphio:

*Hac sunt in fossa praeclari praesulis ossa,
Quem Verona dedit, nomen Egino fuit.*

Hanc

*Hanc posuit Cellam Petro Pauloque dicatam,
Febris pulsa probat, factaque mira pium.
Obiit DCCCII.*

Vsi nos licentia ab Emin. Cardinali accepta, aperiri nobis in frequenti praesentia venerabilis cleri capituli *Augiensis* sepulchrum fecimus, quum communis fama esset, in fella integrum adhuc confidere praeclari praefulis cadaver. Ex viris, quos ad remouendum lapidem conduximus, tres erant, qui id se suis oculis vidisse confidenter adseuerabant; vt in suam nos abduxissent sententiam, nisi de tempore, aliisque circumstantiis inter se singuli dissiderent, atque postea in aedibus parochialibus in necrologium incidere-mus, vbi manu parochi ad finem superioris seculi notatum erat: tunc, quum ob nouam ecclesiae instaurationem sepulchrum apertum esset, ossa in media fossa reperta fuisse, eo, vti nos etiam ordine inuenimus, paucis ossibus ad caput repositis, quod integrum est cum multis firmis adhuc dentibus. Caput grande est, ac sinciput imprimis protensum habet vltra communem formam. Additur in laudato necrologio, traditionem esse in fidelibus per clatrum cereos intromittentibus, conspicuum fuisse in fella venerabile corpus cum sacro habitu. De quo adhuc sandalia (Tab. IX.) superesse videntur, ab annis fere mille satis integra vti

meis vidi oculis , delinearique feci. Compo-
nuntur autem vno ex corio, absque soleis, quas
nos calci pedis subiicimus , in posteriore parte
pedis aliquanto eleuationes; hic autem omnia
plana sunt, coriumque molle, vt scrupulis vn-
dique locus fuisset, si ad alium, quam domesti-
cum aut sacrum in ecclesia vsum, quod est ve-
rissimile , comparatum fuisset.

MABILLONIVS ad calcem T. III. a) Annall. li-
bellum iam edidit de Sanguine Christi *Augiae* ad-
feruato in crucicula auro gemmisque ornata, cum
inscriptione litteris graecis concepta, in cuius ex-
tricando sensu frustra mihi haecenus docti desudasse
videntur, vt adeo ad stimulandum studium eam
exhibere hic operae pretium sit. (Tab.X.)

Dicitur Crux b) ea pars donariorum, quae A-
ZON *Ierosolymorum* vrbis praefectus ad CARO-

LVM

a) Pag. 699. &c.

b) Forte per litteras initiales ita legendum: ✝ Κύριε Ελεή-
σον Βασιλεῦ Ὅτι Ἡμῶν Θεὸς εἶ (H pro εἶ) Να-
θήκιον Διὰ ✝ (σαυρῶ) Καὶ Αἵματος Κυρίως Ἀγί-
σμενον Τῶτ ἔστι (H pro ε dial. Ionica) Ἰησοῦ Τῷ Σω-
τῆρος (Ξ ξ Dorice pro Σ) Ἡμῶν ῥύσῃ Ἡμῶν. Vel
magis genuine: Κύριε βοήθει (εἰ) Ἰλαρίῳ (ω) Δε-
σπότῃ καὶ καθηγμένῳ (ω) τῆς μόνῃς ἔ τὸ πᾶς
τῆς ῥῆθᾳ seu ας. Aut etiam, vt exponit P. Fintanus LIN-
DERVS noster: Κύριε βοήθει Ἰλαρίῳ, Θεὸς δυνάμε-
ως seu δεσπότης, καὶ καθηγμένος τῆς ὑμῶν σωτη-
ρίας, μόνῃ ἔ τιμῇ ξύλῃ ἡμᾶς ῥυσάμεΘι, ἡμῶν
Θεός.

LVM M. misit per WALDONEM *Augiensem* abbatem, & HVNFRIDVM, *Istriae* praefectum, qui eam primus a CAROLO M. aegre quidem obtinuit, quum id petere WALDO non auderet: vnde diu postea ad *Augiam* peruenit, & nuper iterum eo rediit in parthenone *Gunthersthal* reperta. Fuit is WALDO, seu WALTO ex illustrissimis *Augiae* abbatibus, monasterio etiam *S. Dionysii* prope *Parisijs*, in quo erat relaxata disciplina, praefectus. Quanta tunc celebritate fuerit monasterium *Augiense*, ex vetustissimo necrologio sub ERLEBALDO, WALTONIS post HEITONEM successore circa annum 815. videre est, vbi confoederata monasteria recensentur magno numero, quorum nomina saltem ordine alphabetico damus, donec occasio se prodatur, id integrum edendi necrologium. Innectimus praeterea monasteria asterisco notata, ex rotulis seu schedulis ex variis monasteriis ad *Augiam* missis, quarum pleraeque scriptae sunt tempore *Friderici* de WARTEMBERG, abbatis *Augiensis* ex monacho *S. Blasii* seculi XV. Ad dimus praeterea formulas professionis monasticae tam sub WALTONE, quam FRIDERICO, prout in eodem codice habentur. a) Miror

- a) „ Admont O. S. B. diœc. Salzburg. *
 Altaha inferius ad S. Mauriciũ Necr. *
 Altaha superius. * Altorf. *
 S. Antimi Martyris N.
 Argentoratum N.
 S. Audoweni crux N.

Miror valde, nuspiam in rotulis istis aliquid de monasterio *S. Blasii* reperiri, quum tamen iam in codice seculi X. vel XI. confoederationis formam ambo inter monasteria sequentem inuenerim, eandem fere, quam supra retulimus cum *Hirsaugiensi* monasterio seruatam: *Notum sit omnibus tam præsentibus, quam absentibus, quod Congregatio Augiensis, & sci Blasii tali tenore sunt*

Augia vid. Insulanenses.

Augia minor. *

Aug.

Basileenses Canonici N.

Bebenhufen Ord. Cister. diœc. Const. *

S. Bibianæ N.

Buxbrunno N.

Burgelm O. S. B. Nurenb. Diœc. *

Capell. O. Cist. *

De Carantana N.

Carrofenſe mnrrium N.

SS. Caffii & Florentii N.

In Caſtello S. Petri O. S. B. Eyſtett, Diœc. *

S. Catharinæ Ord. Cist. *

Cella Dei virorum. *

Chambituna. Kempten N.

Chaminifeo. Chemniz N.

Chorbeja N.

Clingo ſive Plidinfeld.

Colt'cas monaſterium N.

Conſtantiennes Canonici N.

Corzia N.

Crux Sancta N.

Deſertinas. Diſſentis. N.

S. Dionyfii N. defunt nomina exciſo ſol.

S. Dionyfii cella N.

Ex Divione caſtro Canonie. N.

Duellum. Hochenwiel N.

Dyrſtein monial. *

Ebbach. *

Eberſperg S. Sebaſtiani. *

sunt cuncte : ut quando altera alteri breves pro defunctis suis fratribus miserit, in proximo capitulo pronuntietur, ac post capitulum Verba mea non sine pulsatione campanarum cantetur. Præbenda etiam eadem tantum die detur, & in libro vitæ scribatur. Postea vero agantur septem missæ, septemque vigiliæ, & totidem diebus Verba mea post matutinum. Unusquisque etiam

Eburesheim. Ebersheimmunster N.
 Ellehenwanc. Ellwang. N.
 Ens Dorf S. Iacobi O. S. B. Ratisb. Diœc. *
 Epternacum O. S. B. *
 Ermolftingen. Ermattingen N.
 Etinheim. Ettenheimmunster N.
 Ensfendorp O. Cist. Diœc. Col. *
 Farense. N.
 Favarias. Pfeffers. N.
 S. Faustini Brixia N.
 Felix porta. *
 Frütwanga N.
 Flaviniacense Munium N.
 Frisingun. Freising. Fratrum de Frisingun. N.
 Frum deleghe ord. Cist. monial. *
 Fulda N.
 Fundatores Augienses. N.
 Fuesen S. Magni in faucibus Alpium Diœc. Aug. *
 S. Galli N.
 Gemedico N.
 ex SS. Geminis Canonici N.
 Gengenbach vid. Keqinbach. N.
 S. Georgii Canonici N.
 S. Georgii *
 S. Georgii Canonici N.
 S. Gregorii N.
 S. Germani N.

etiam missam unam debet cantare sacerdos. Qui vero sacerdos non est, quinquaginta psalmos. Quodsi plures fuerint, eadem omnibus cōmuniter fiat oratio. Singulæ vero singulis dentur præbendæ.

S. Germani N. Item.

Gersten *

Grawenrýndorp. monial. O. Cist. Col. Diœc. *

Guntersthal O. Cist. monial. *

Halverstedense Mnriũ N.

Hafala N.

Hafareod defunt nomina exciso folio.

Hafung. O. S. B. *

Haysterbach. O. Cist. Col. Diœc. *

Hildesheim. Vid. S. Michaelis. N.

Hîmenrode. *

Hirsaugia. Spir. Diœc. *

Hochenwiel. Vid. Duellum.

Holzkirchen S. Sixti. *

Hornbach. N.

Hoven monial. *

Insulanenses monachi N.

S. Iusti Canonici. N.

Keginbach. Gengenbach. N. *

Kempton vid. Chambituna N.

Lacus S. Mariæ O. Cist. Col. Diœc. *

Langenzen. Can. Reg. S. Aug. Herbip. Diœc. *

Leonis monasterium N.

Lingonicæ urbis Canonici. N.

Loreshem. Laurisheimense mnriũ N.

Luxovium N.

Lympurg. *

Magnus locus N.

S. Magni vid. Fueffen.

de Mainga. N.

Maninfeo. Mansee N.

Marienberga S. Ægidii O. S. B. Bamberg. Diœc. *

Marisstellæ. Wettingen Ord. Cist. *

bende. Et, ut hoc inviolabiliter omni in reliquo tempore teneatur, opportunum videtur, ut hanc confirmationis cartam utraque congregatio in sua regula habeat scriptam. In codice Augiensi

S. Martini insulæ barbaræ. N.
 Matachseo Mattsee N.
 Mauri monasteriū Maursmunster N.
 S. Maximi Treviris. N.
 Mediano. N.
 Melundis N.
 Mettama. Metten. N.
 Mettenses fratres. N.
 S. Michaelis Hildesheim. N.
 S. Michaelis in Sigberg. O. S. B. Col. Diœc. *
 S. Modesti Martyris N.
 Mons.
 Mons viridis. N.
 Morbach. Murbach. N.
 Mosbach. N.
 Mulbrunn. O. Cist. Spir. Diœc. *
 S. Niceti Canonici N.
 Nonantula N.
 Nova N.
 Novum Villare. Villarium. Neuweiler N.
 Nunnenmunster monial. *
 Obernburg. *
 Offenwillare Schuterense. N.
 Ogla vid. Vallis B. M.
 Osterhoven S. Margaritæ V. M. *
 Ostrad. *
 Ottobeyren vid. Uttinbura.
 Parisiensis Civitatis Canonici.
 Patelhusen B. M. V. monial. *
 S. Pauli Canonici N.
 In S. Paulo. *
 Paumburg S. Margarethæ V. M. *

giensi fec. XV. ita scriptum reperi : *Fridericus abbas de Wartenberg seu Wildenstein obiit ipsa die S. Silvestri P. de Sero circa 9. horam anno Dñi 1454. Valde memoria dignus , ac reverendus*

Pedernachum. monial. *

Pegalbicusis. O. S. B. Merseburg. Diœc. *

S. Petri.

S. Petri monial. *

S. Petri virorum. *

Peyern. *

Pfeffers vid. Favarias.

In Plaga zum Schlegel O. Præmonst. Patav. Diœc. *

Plindendorf vid. Clingo N.

Pons Regis. Vid. Regis pons.

Porta felix. Vid. Felix porta.

Portey. *

Prumiense monasterium N.

S. Ragneberti mnrrium N.

Rasbaacis vid. Sarbacias.

Regis pons monial. O. Cist. Argent. Diœc. *

Reichartshoven O. S. B. Mogunt. Diœc. *

Rodenbuechin. *

Rott SS. Marini & Aniani. *

Salem. *

Salzburg. N. nomina desunt exciso folio.

Salveld S. Petri *

Sarbacias vel Rasbaacis. N.

Schönaugia. O. Cist. Worm. Diœc. *

Scina. Schinen N.

Senonicas N.

Sindelsbach. S. Blasii monial. *

Steingaden. S. Io. Bapt. O. Præmonst. Aug. Diœc. *

S. Stephani domus Canonici XCIV. N.

S. Stephani Cœnob. ancillæ. N.

Strasburg vid. Argentoratum.

Suraburg vel Saraburg N.

Swarzaha. Schwarzach. N.

Tuberis. N.

rendus Pater, quia huius monasterii recuperator, & alter fundator extitit, & per 26. annos pervigil rexit. FRIDERICVS iste, ita volente ab-
bate *S. Blasii*, vnacum magistro HASLACHER, iu-
rium

Turegum Zürich N.

Vallis angelorum O. Cist. *

Vallis B. Mariæ in Ogla *

Vallis benedicta *

Vallis Dei. monial. *

Vallis S. Catharinæ monial. *

Vallis rofarum monial. *

Vilacum monial. O. S. B. *

Villarium. vid. Novum vilare.

Uttinburra. Ottobeyren N.

Werdea. S. Crucis O. S. B. Aug. Diœc. *

Wettingen vid. Maristella.

Wunenthal monial. O. Cist. *

Zurzaca. Zurzac. N.

Zwyfalden *

Zürich vid. Turegum.

Zyffendorp. Virgin. incluf. * “

In eodem codice habetur formula profitendi sub
WALTONE anno circiter 800.

„Domino venerabili & in Christo Patri abbati simul cum felici vra congregatione, quam dominus de diversis provinciis ad peregrinandum propter nomen suum sub iugo militiæ atque servitutis alaque protectionis secundum evangelium Christi regulariter vobiscum coadunavit. Audivimus quod dñus Ihs Chrs per evangelium suum annuntiat dicens, *nisi quis renuntiaverit omnibus quæ possidet, non potest meus esse discipulus.* Et alibi. *Qui reliquerit patrem aut matrem, aut frs aut sorores, domus aut agros & cætera propter nomen meum, centuplum accipiet, & vitam æternam possidebit.* Petimus ergo Beatitudinem Caritatis vræ, ut nos in ordinem congregationis vestræ dignemini recipere, ut ibidem diebus vitæ nostræ sub regula beati Benedicti vivere & conversare debeamus. Abrenuntiamus igitur omnibus vo-

rium doctore, *Romam* profectus a MARTINO V. abbatiam *Augiensem* vacantem tunc, & monachis destitutam obtinuit anno 1428. Aderant tunc

luntatibus nostris propriis & omnibus rebus quas possidemus sicut evangelia & regularis docet industria, nihil de rebus terrenis ab hac die possessuros nos spondimus, nisi quantum Patre monasterii donante aut promittente alimenta vel tegimenta corporis acceperimus, obedientiam vobis, in quantum vires nostræ suppetunt, & dñs dederit nobis adiutorium, conservare promittimus. Stabilitatem conversationis nræ in congregatione vra teste dño devoto animo cum observatione regulæ usque in finem profiteamur observare. Nisi quis tantum, quod ignoramus, futura forsitan obedientiæ causa utilitatis animæ accedat, aut etiam illud, si contra voluntates nostras, quod absit, separemur a barbaris, & ipsum si fuerit, in quantum possumus, semper ad ipsam congregationem revertere faciamus, & sub sancto ordine perseveremus. In reliquo vero per nullum ingenium a prædicta congregatione vra vel iugo Scæ regulæ seu de potestate obedientiæ vræ nullam habemus licentiam abstrahere aut contradicere. Quod si instigante antiquo hoste aut voluntate nostra propria hoc facere temptaverimus, in nullis modis hoc valeamus vindicare. Sed ubicunque nos missus vester, aut aliquis ex congregatione vestra invenerit, etiam nos nolentes in ipsam congregationem vestram per vosmetipsos Deo auxiliante faciatis revocare, & secundum regulam ibidem diiudicare, ut diebus vitæ nostræ sub sancta regula & regimine vestro perseveremus, qualiter in die iudicii ante tribunal æterni iudicis ipso adiuvante salvos nos repræsentare possitis. Et quicumque contra hanc petitionem, quam nos bona voluntate scribere rogavimus & subter firmavimus, per quemlibet modum agere aut infringere voluerit, solidos centum partibus vestris componat, & nos vindicet quod repetit, & insuper, quo de hac causa ad veram emendationem veniat, a Deo se damnandum sciat, quem irridere conatus est.

Ego ille domne abba obedientiam vobis secundum regulam Sci Benedicti iuxta quod in ista petitione continet, quam

tunc nonnisi duo monachi novitii, *Henricus*
comes de LUPFEN, & *Ioannes* L. B. de ROSEN-

EGG,

super istud altare posui coram Deo & Sanctis eius, in quantum mihi ipse Deus dederit adiutorium, Deo & vobis promitto custodire, & in quo possum ipso auxiliante conservo.

Deus omnipotens, qui cunctis legitime & regulariter viventibus præmia promissisti, custodire & gubernare dignare eos, quorum hic nomina subterscripta sunt monachorum Scæ Mariæ, ut incolumes ante tribunal Christi pervenire mereantur unacum electo viro abbate, ut ds omps, qui pacis auctor est, qui solus potest facere unanimes habitare in domo, aptet nos omnes ad faciendam voluntatem suam, faciens in nobis, quod placeat sibi per Ihm Xpm dñm ñrum unacum religiosissimo Patre nostro, & huius adhortationis semen in nostro corde per gratiam Sps Sci plantet & foveat, & ad maturam bonorum operum perfectionem perducat, simul cum illustrissimo nobis Patre nostro, & nobis remissionem peccatorum donans, in æternam requiem cum sua pace recipiat. Amen.

WALTONI.

Ego ill. promitto stabilitatem meam & conversionem morum meorum & obedientiam, secundum regulam Sci Benedicti coram Deo & Sanctis eius. “

Recentiori manu huiusmodi formulæ breviores nostris magis convenientes in margine inferiore ponuntur :

„Ego Frater Ioannes Schenck de Landeck promitto stabilitatem & conversionem morum meorum & obedientiam, secundum regulam Sancti Benedicti, coram Deo & Scis eius in hoc monasterio Augiæ maioris, quod est constructum in honorem piissimæ Virginis Mariæ, & Sci Marci evangelistæ, & aliorum Sanctorum, quorum reliquiæ hic sunt reconditæ, in præsentia Reverendi in Christo Patris & Domini Dni Frederici de Wartenberg abbatis. In nōine Patris, & Filii, & Spiritus Sci. Anno Domini MCCCCXLII. “

Sequitur alia sub eodem abbate verbis nonnihil mutatis Fr. Iohannis Pfußer de Norstetten, qui deinde abbas fuit.

EGG, qui tamen breui relicto monasterio ad suos parentes redierunt. Aduocati proin sunt e *S. Blasio*, qui sub abbate FRIDERICO monasticam vitam reuocarent, ac chorum frequentarent, quem Canonici quidam seculares tenebant. FRIDERICVS etiam nouam chori structuram, prout hodie cernitur, amplissimam restituit, bibliothecam aedificauit, & instruxit comitis magno aere libris, quorum catalogum P. ZIEGELBAVR a) in *Historia litteraria Ordinis S. BENED.* refert post alterum antiquissimum sec. IX. sub REGINBERTO bibliothecario, prout in veteri rotulo habetur. Quo tempore celebris fuit *Augiensis* schola, vt apud LAVNOIVM b) videre est, fuitque praecipua in describendis codicibus monachorum tunc occupatio, seculo nono sub CAROLO M. litterarum per eosdem restituto nitore, scriptura ideo *Carolingica* dicta. Cuius rei argumenta suppeditant in nouo tractatu diplomatico c) monachi Ordinis S. BENED. e congregatione S. MAURI. Optimum vero documentum sunt ipsa MSS. haecenus seruata magno numero, in ipsa etiam bibliotheca *Augiensi*, post acerba licet fata ac detrimenta, tempore concilii *Constantiensis* praesertim, quando ex integris nauibus onustis vix aliquid rediit. Memoran-

a) P. I. c. VI. S. I. §. 8. p. 573.

b) De Scholis Celebr. c. 27.

c) T. III. P. II. S. III. c. VI. a. 6. p. 331. &c.

morantur adhuc alii ad haec vsque tempora eiusmodi funesti casus, qui tamen obtare non poterant, quo minus hodie inter primarias *Germaniae* bibliothecas cenferi queat; quod patet ex catalogo, quem breui, quo in hoc monasterio morati sumus, tempore, ingenti confecimus labore. Papyraceos a membranaceis separauimus libris, prout commodum locum seiuncti nobis dederunt plutei, aetate, quantum licuit, in membranaceis addita, quae in papyraceis non adeo magnam habet differentiam.

Schaffhusium.

Ex *Augia diuite* per lacum inferiorem *Acronianum*, seu *Venetum* ac *Rhenum*, *Steinam* praeternauigauimus oppidum, quod plerique existimant esse vetus *Romanum Gaunodurum*; verosimilius vtique, quam id nomen *Constantiae* conueniat. Mature vero *Schaffhusium* urbem ac pagum *Helvetiae* trans-*Rhenanum* secundo flumine aduenimus, a portu praediuitem, vbi omnia, quae *Rheni* tergo vehuntur, exonerari debent, ob ingentes *Rheni* cataractas. In bibliotheca ciuica, praeter *IOANNIS Chrysostomi* Homilias in *MATTHAEUM*, graece ante sexcentos annos eleganter scriptas, MS. antiquum nullum vidimus, dictitante bibliothecario, in archiuo ea delitescere, quod iam aliunde

liunde etiam perceperam ; sique etiam falsa sit suspicio , partem MSS. *Creuzlingensium* huc delatam esse , fieri tamen aliter non potuit , quin ex celeberrimo , olim media in vrbe sito monasterio *Omnium Sanctorum* , pulsis monachis , cum aliis rebus omnibus vetusta etiam documenta importarentur. Sic vero recondi dolendum est , tum alia antiquitatis lipsana , cum ea etiam , quae ad historiam huius monasterii pertinent. Ex quibus , quae etiam in antiquis monasterii muris delineata erant , pene sunt deleta , & in ecclesia nouis tessellis obtecto solo , sepulchrum B. EBERHARDI fundatoris est obscuratum , cuius publice olim in ecclesia fuit celebratum festum , sicuti in antiquis *Rhinaugien-sibus* missalibus libris inuenimus. Hodie pars aedificiorum huius monasterii bibliothecam publicam continet , in qua praeter insigne graecum mox laudatum MS. ac Alcorani furas quasdam elegantissime scriptas curiosa quaedam potius quam antiqua habentur , qualis est Catechismus *Ioannis OTT* , germanice ita scriptus , vt typum mentiatur. Item celebris inter doctas feminas *Elisabethae* de WALDKYRCH (quae caeca quum esset , libros tamen nonnullos dictasse fertur) litteris minusculis cerussa eleganter scriptum hoc distichon manu propria :

*Linea si titubet, lector, literaeque vacillent
Noris quam fallax, sit sine luce manus.*

Geneuae d. 21. Maii
an. 1698.

tremula manu pinxit

Ester Elisabett de Waldkyrch.

Habetur etiam propria manu exarata MANLIJ descriptio dioecesis *Constantiensis*. Ex rarioribus primae typographiae editionibus sunt *M. T. CICERONIS Libb. de Officiis*, ex officina *Ioannis Fust an. MCCCCLXVI*. Exemplaria item quaedam rara habentur bibliorum *Germanicorum*: ex illis adfunt inter alia, quae sine nota loci & temporis primis typis impressa sunt, cum hoc *Genesis* initio: *In dem anfang beschuf Got himel undt erd, aber die erd was läre, unnütz, und die uinfernus waren uff dem antlitz des abgrundt.* Titulus superioris marginis est germanicus: *das buch der Geschöpf.* Numeri marginales Romani. In nostris autem bibliis *Germanicis* apud *S. Blasium* sine loco pariter & anno impressionis numeri in margine manu adscripti sunt, tituli item in margine superiore a *XXIII. capite Genesis*; prius enim, & in praemissa epistola *S. Hieronymi ad Paulinum* in *Germanicam* linguam translata, typis expressi sunt latine. Numerus & inscriptiones capitulorum itidem typis descriptae sunt, *Mart. Gerbert. Iter Alem.* T litte.

litterae vero initiales minio depictae; sunt tamen in capite librorum figurae ligno incisae. In nouo testamento *Acta apostolorum* primum post *Epistolam ad Hebraeos* sequuntur. Exhibetur quoque epistola ad *Laodicenses* S. PAVLO supposita. Liber *Genesis* ita orditur: *In dem anfang beschuf Got den himel uñ die erde. wañ die erde was eitel und lere. unnd vinster waren auff de antlitz des abgrundes.* Locus 1. Io. V. 7. Ita habet: *Wañ drey seind die geben gezeüg auff der erd. der Gayst Wasser und Blut. und dise drey seind ei. Und drey seind die gebet gezeüg im himel. der Vatter. das Wort. und der heilig Gaißt. und dise drey seind ein.* Translatio ad superstitionem etiam est ex *Vulgata* expressa, dialecto tamen *Germanica*, quae sec. XIV. respondet. Character magis accedit *Romano* minusculo, quam *Gothico*, quod velim notent Gentiles nostri. In fine perperam quidem adscripta sunt manu an. 1547. haec verba: *Getruckt zu Menz anno 1454. 4. jar nach dem de mans buchtrucken erdacht hat.* Atque haec, dum biblia *Schaffhusensia* recensuimus, ideo de nostris *San-Blasianis* retulimus, quia antiquissima biblia *Germanica*, quae adhucdum de primatu certant, vel a Iouanne VOGT, vel a Davide CLEMENT, qui de rarioribus libris tractant, recensita, secum in omnibus non conuenire

uenire videmus. Idque in bibliis aliis *Germanicis Schaffhusensibus*, sicut alibi non raro, deprehendi, vocem illam theotiscam, antiquissimam quidem, in psalmo secundo *Warum grifgrambten*, seu vt habet NOTKERVUS, *Zin grifcramoton* certum primorum bibliorum characterem haud esse. De quo tamen alias in recensione nostrae bibliothecae suo tempore plura. Vid. quoque infra tit. *Stuttgardia*.

Rhenaugia.

Duabus leucis a *Schaffhusen* in descensu *Rheni* antiquissimum situm est monasterium *Rhenaugiense*, cuius non tam instaurationis seu primae foundationis perspectae sunt origines, quam restaurationis a WOLVENE factae. Qui tamen in instrumento restaurationis palam facit, a suis Maioribus fundatum esse monasterium. „Ego itaque WOLVENE in DEI nomine notum „esse cupio tam praesentibus, quam & futuris, „qualiter ab antecessoribus meis in loco, qui „dicitur *Renaugia*, monasterium monachorum „constructum sit.„ Quousque vero parentela ascendat ad primam vsque foundationem, differ-
tius diploma LVDOVICI *Germanici* loquitur:
„Cuius auus & pater, nec non & ipse quod-
„dam coenobium *Rinaugia* nuncupatum in *A-*
„*lemannia* in comitatu ADALHALMI ob laudes

„diuinas, & regulares disciplinas construxerant.“ Origines suas ad annum 778. referunt *Rhenaugienses*, quo WOLFEHARDVS, auus WOLVENI, monasterium fundasse perhibetur. Hos ad gentem *Guelficam* pertinere, vix dubitare licet; inter quorum posteros comites quoque *Kyburgi* numerantur. Renouatum nuper fundatorum epitaphium, quod subiicere operae pretium est, plura docebit:

PIIS MANIBVS

WELFORVM ALEMANNIAE DVCVN,
MONASTERII RHENAVGIENSIS CONDITORVM:
WOLFEHARDO AVO,

LVDOVICI PII IMPERATORIS SOCERO,
FVNDATORI PRIMO AD ANNUM DCCLXXVIII.
ETHICONI PATRI,

EGREGIAE LIBERTATIS PRINCIPI,
FVNDATORI SECVNDO AD ANNUM DCCCXX.
WOLFENO FILIO,

VIRO NOBILI, ET INLVSTRI,
LVDOVICI GERMANICI VASSO,
RESTAVRATORI AD ANNUM DCCCLII.

DEMVM ABBATI VENERABILI
AD ANNUM VSQVE DCCCLXXVIII.

(CVIVS CINERES, (TOS,
IN VETERI OLIM ECCLESIA CVM HONORE SERVA-
SVB HVNC LAPIDEM ANNO MDCCX. CONDIDERAT
RMVS ABBAS GEROLDVS II. DE ZVRLAVBEN.)

ISTHOC

ISTHOC AETERNAE GRATITVDINIS MONVMEN-
 POSTFLIMINIO RESTITVIT (TVM
 RMVS PERILL^{IS} ET AMP^{MVS} D. D. IANVARIVS
 HVIVS MONASTERII ABBAS
 ANNO MDCCLXX.

WOLFENO annuente, vt iam supra, de mona-
 sterio *Ochsenhusano* loquentes, memorauimus
 „Vir quidam nobilis SIGEMAR sub confirma-
 „tione tradidit ad monasterium *Rinaugia Cel-*
 „*lam*, quae dicitur *Alba*, quae sita est in pa-
 „go *Albigowe*, ad stabiliendum inibi seruitium
 „sanctae MARIAE pro semetipso, & filio suo
 „nomine LVITHERE.” Quod situm monaste-
 rii nostri haud obscure designat, quae fuit *Cel-*
la alba, vti etiam vocabantur fratres ad *Albam* ob
 praeterfluens *Albae* flumen; vnde *Albigouiae* (per-
 inde est, si ab alpibus *Alpigouiam* diceret) nomen
 est, vocum compositione in nostris plagis frequen-
 tissima & antiquissima, *Graeca* forte origine a
 γᾱῖα quae vox terram, regionem significat, pro
 qua etiam poetae ᾱῖα vsarpant: imo γᾱῖ etiam
 non inusitatum est ad profundiorē terrae lo-
 cum designandum: quum aliunde constet, in
Germanica lingua plures esse voces vel e *Grae-*
co natas, vel cum *Graecis* proxime conuenientes.
 Laudata vero de traditione *Cellae albae* verba ex
 veteri MS. sec. XI. descripsimus superius; nam

recensio eiusdem traditionis habetur in veteri chartulario, addito regimine LVDOVICI Germanici, qui in autographo diplomate de anno 858. inter alia eidem monasterio *Rhenaugiensi* confirmavit: *Et in Alpigoue cellam, quae dicitur Alba.* Haud dubie autem, cum seruitio diuino, *D. Blasii* patrocinium hinc est, cuius sacrae reliquiae *Roma Rhenaugiam*, & hinc in *vicinum saltum*, atque adeo in *Cellam albam*, circa idem tempus ex parte translatae fuerunt, vt legitur in Vita S. FINTANI monachi *Rhenaugiae* reclusi, a coaeuo auctore scripta apud BOLLANDVM a) vnde nos S. brachium tutelare adhucdum tenemus. Suspiciaturque P. Mvos b) per LVITHEVRVM (quem monachum, & presbyterum fuisse *Rhenoniensem* palam facit ex necrologio S. GALLI) aliosque *Benedictinae* asceseos sub GOZBERTO *Rhenouii* florentis surculos sacram regulam S. P. N. BENEDICTI ad *Cellam albam* sub idem tempus transplantatam, & horridae siluae implantatam fuisse. Qua ratione iterum sui iuris facta sit *Cella alba* nostra *D. Blasii*, haud constat; nisi, quantum coniecturare licet, seculo decimo, quo, *Vngaris Germaniam* deuastantibus, hoc nostrum siluis & montibus praecclusum ac vndique circumseptum monasterium saluum

a) Tom. I. Febr. num. 18. & 40. Edit. Antwerp. pagg. 333. & 336.

b) De iure aduocatae p. 20.

saluum euasisse potius, quam patentem ad celeberrimum *Germaniae* occidentalis fluiuium expositam *Rhenaugiam*: vt eam variae *Rbeni* quaquaersum contorfiones non ita tutam praestiterint, quam amoenissimam faciunt, ea cum primis ex parte, qua bibliotheca hodie est commodissime sita, & ab incendii periculis, inferius, vbi chartularium est, superiusque fornice, quantum quidem humana prouidentia cauere valet, sollicitè custodita.

Quod bene sit insigni thesauro manuscriptorum, praesertim in rebus liturgicis ab octauo vsque seculo, quo desinente scriptus est *Liber antiphonarius*, & *Sacramentarius* ad celebrationem missae, nec cum *Gelasiano*, nec cum *Gregoriano* penitus conueniens, quem vnacum nostro *Gregoriano S. Blasii* fundamenti loco ponimus in liturgia veteri *Alemannica*, in subsidium vocatis quoad vtrumque sacramentarium *Rhenaugiense*, & *San-Blasianum* MSS. pluribus mecum indulgenter communicatis. Ex quibus, praesertim *San-Gallensibus*, supplere potuimus defectum MSS. nostratium in argumento liturgico quoad seculum vndecimum: quum alias ab annis fere nongentis ex singulis praesto sint codices liturgici, vti a mille vix non annis apud *San-Gallenses*, & *Rhenaugienses*. Apud hos vero reperi praeter iam laudatum, Missalia sec. circiter IX. 1. X. 2. XI.

4. XII. 1. XIII. 2. XIV. 2. XV. 4. praeter plenarium f. X. Gradualia seu Antiphonaria sec. XI. 2. XII. 1. XIV. 1. XV. 3. XVI. 4. lectionalia pro missa & aliis diuini officii partibus sec. IX. 1. X. 1. XI. 3. XIII. 4. *Psalteria* sec. IX. 1. XI. 1. XII. 2. XIV. 2. XV. 3. *Breuiaria* sec. IX. 1. XI. 1. XIV. 2. XV. 3. Atque insuper quatuor directoria chori *Rhenau-giensis*, quibus continetur ordo operis DE I sec. circiter XI. Fragmentum item antiquissimi necrologii, martyrologia varia, regulae S. BENEDICTI, & SS: Scripturae codices, ex quibus vnus est rhythmis *Teutonicis*, & imaginibus adumbratus f. XIV. opus RVDOLPHI ab *Anse*, & eius continuatoris.

Inter MSS. opera SS. PP. sunt AMBROSII, HIERONYMI, AVGVSTINI, GREGORII, quorum trium opera quaedam vno in codice litteris *Longobardicis* conscripta sunt. IUSTI *Vrgelitani*, S. ISIDORI, ANSELMII, *Rhabani* MAURI, BERNARDI, HONORII *Augustodun.* ANGELOMI *San-Gallensis* explicatio Cantic. S. ARNVLPHI ep. lib. III. *de locis terrae sanctae* a REGINBERTO monacho scripti sec. XI. SEDVLCI *Hibernien-sis* Collectanea in apostolum, seu Expositio in potiores epistolas PAULI. Inc. *Antequam ad apostolica verba exponenda veniamus, quaedam prius*

prius axiomata, hoc est principalia dogmata, praelibemus. Domestici auctoris Rudolphi de THVREGO, e nobili familia Turicensi, monachi & presbyteri inedita seruator explicatio totius psalterii DAVIDIS, vnacum explicatione Canticorum in fine manca sec. XI. de quo ita post explicationem peregrinorum scripturae locorum fol. 7.

Codicis est huius Rudolphus presbyter auctor,

*Divini cultus bonus atque fdelis adauctore
Turegi natus generoso germine priore*

*Quina quiennia tetra tetrennia vixit ibi
Post opibus patria notis spretis & amicis*

*Et monachus factus ad claustra Dei genitrici
Quæ propriis rebus summoque labore paravit*

*Usibus ecclesiæ pietate sua comoda
Scilicet has glosas stili nitore nitentes*

*Ysidorum, Rabanum quoq; Pateriumq; decen
Et geminos calices, quorum prior aureus exstat*

*Alter ab argento spectacula lucida præ
Hocque sibi fratres pactum super his tribuebat.*

Hæc ut ab ecclesia nulla ratione reced

Id sperans lucri sibi pro meritis numera
ri

Post obitum sacra fratrum prece posse iuva
Vos ergo fratres mutuae date jus pieta
tis.

Solvite commissum, precibusque iuvate bea

Haud tamen confundendus, vti primo quidem a nobis factum, RVDOLPHVS iste cum alio RVDOLPHO de Radegg, patria *Rhenaugiensi*, sed presbytero-seculari, & magistro scholae *Einsidlenfis*, vbi feruantur libri carminum, quibus monachorum captiuitatem, atque monasterii deuastationem ab *Heluetis Suitensibus* anno 1314. factam describit. Eiusdem anni charta exhibetur in *Genealogia diplomatica* HERRGOTTI a), qua RVDOLPHVS comes de *Habsburg*, *Rhenaugiensis* monasterii aduocatus, rogat *Suitenses* pro dimissione ex captiuitate specialiter dicti RVDOLPHI de Radegg, *Einsidlenfis* ludimagistri, qui postmodum *Rhenaugiae* domum cum pomario legasse reperitur.

CLEMENTIS de *disputatione S. PETRI cum SIMONE Mago* opus notabile est ob prologum RYFINI *Tyrannii* (vel, prout ab aliis perperam nominatur, *Toritani*, *Thorani*, *Toranii*, *Turanii* vel *Tauranii*, presbyteri *Aquileiensis* ob controuersias cum S. HIERONYMO notissimi)
 ad

ad GAVDENTIVM, qui celebritati nominis GAVDENTII *Brixienſis* fatiſ conuenit. Inc. „Tibi „quidem papa GAVDENTI noſtrorum decus inſigne doctorum, tantuſ ingeniſ vigor eſt, imo „tanta ſpirituſ gratia, ut ſi quid ad te etiam „quotiani eloquiſ more dicitur: ſi quid in „eccleſia declamatur, id in libriſ haberi, & ad „inſtructionem tradi poſteris debeat noſtram, „quos & ingeniſ tenuitaſ minus promptoſ, & „ſenecta jam tardoſ reddet ac ſegneſ. Opuſ „quod olim venerandæ memoriæ Virgo SILVIA „iniunxerat, ut CLEMENTEM noſtræ linguæ red- „deremuſ, & tu deincepſ iure hæreditario poſcebaſ, licet multas poſt moras tamen aliquando reſtituimus.“ Poſt librum ALCVINI ad WIDONEM *de vitiis & virtutibuſ*, MS. ſec. IX. inſigne eiudem obefum tandem, quantum licuit, extricauimus epitaphium:

„*Hic rogo pauxillum veniens ſubſiſte viator,*

Et mea ſcrutare pectore dicta tuo.

Ut tua deque meiſ agnoſcaſ facta figuris.

Veſtitur ſpecies, ut mea ſicque tua.

Quod nunc eſ, fueram famoſuſ in orbe viator,

Et quod nunc ego ſum, tuque futuroſ eris.

Deliciaſ mundi caſſo ſectabar amore.

Nunc cinis, & pulvis, vermibuſ atque ciboſ.

Quapropter potiuſ animam curare memento.

Quam carnem, quoniam hæc manet, illa perit,

Cur tibi rura paraſ, quæ parvo cerniſ, in antro

Me

*Me tenet hic requies, sic tua parva fiat.
Cur tyrio corpus inhias vestirier ostro*

*Quod mox esuriens pulvere vermis edet.
Ut flores pereunt vento veniente minaci,
Sic tua namque caro, gloria tota perit.
Tu miki redde vicem lector . . .*

*Obsecro nulla manus violet pia jura sepulchri,
Personet angelica donec ab arce tuba
Qui jaces in tumulto terræ de pulvere surge,
Magnus adest judex, millibus innumeris.
Alchuino nomen erat, sophiam mihi semper amanti
Pro quo funde preces mente legens titulum.*

„Hic requiescit beatæ memoriæ domnus AL-
„CHUINUS Abba, qui obiit in pace XIII. KL.
„Junias. Quando legeritis orate pro eum, &
„dicite, requiem æternam donet ei Dominus
„Amen.“

In veteri missali sequentes versus reperi:
„M. C. ter ducto simul L. sextoque reducto
Anno incarnati Christi mundo quoque nati
October diras Domini monstraverat iras,
De quibus horruimus merito, nunc cum caro sumus.
In Lucæ festo cujus crebro memor esto,
Quam datur ignotus tantus terræ fore motus,
Qui male contrivit urbes & sternere quivit,
Castra simul muros tam forte tamque duras
Quod Basilea satis gemit in paribus quoque muris
Versaque coæquata sunt terræ culmina grata.“

ITINERIS



ITINERIS
ALEMANNICI
SEMESTRE
S E C V N D V M.

Bondorff.

Die 12. *Maii* an. 1761. propitio Numine alterum itineris *Alemannici* semestre auspicati, ipso die per ea silvae *Hercyniae* iuga, quae in tabula *Theodosiana* silvae *Martianae* pars sunt, ad tractum *Abnobaë* montis, *Bondorffium* concessimus, vicum, qui comitatui nomen dat. In quo, ac vicinia praeter varicoloria marmora, alabastra, quod mireris, gypsum quoque subtilissimum, candidissimumque, copiam lapillorum figuratorum, corporum petrefactorum, passim fert tellus, ex quibus cimelia etiam summorum principum ditantur. Non raro etiam conchas
mari-

marinas petrefactas reperire est : cornua AMMONIS innumera. Paullatim ex tergis horridorum *Siluae nigrae* montium ac nemorum eluctati in planitiem fumus, fertilem ac amoenam terram.

*Mons Abnoba, siluae Martianae,
seu Hercyniae tractus.*

Eandem postera die triuimus, ac pededentim iterum a meridie versus septentrionem propinquauimus *Danubii* fontibus : qui ipse siluae *Martianae* tractus, vbi *Danubius* oritur, TACITO a) *Abnoba* dicitur. Prope, vbi *Boii* olim ac *Heluetii* vtraque *Gallica* gens, ex TACITI b) testimonio, *Rhenum* transgressi ipsumque *Danubium*, disternabantur. „Quantum enim, inquit, amnis obstabat, quo minus vt quaeque gens eualuerat, occuparet, „permutaretque sedes, promiscua adhuc & nulla regnorum potentia diuisas? Igitur inter „*Hercyniam siluam*, *Rhenumque* & *Moenum* „amnes *Helvetii*, vltiora *Boii Gallica* vtraque gens tenuere. Incolae ergo *Hercyniae siluae Rauracorum* proximi trans *Rhenum* incolae fuerunt.“ Designant haec verba nostram *Hercyniae siluae* plagam, ipsumque eius ortum

a) *Germ. L. I.*

b) c. 28.

ortum iuxta IULIVM CAESAREM. a) „Huius
 „*Hercyniae siluae*, inquit, quae supra demon-
 „strata est, latitudo X. dierum iter expedito
 „patet. Non enim aliter finiri potest; neque
 „mensuras itinerum noverunt. Oritur ab *Hel-*
 „*uetiorum*; *Nemetum* & *Rauracorum* finibus,
 „rectaque fluminis *Danubii* regione pertinet ad
 „fines *Dacorum* & *Anartium*.“ Ad *Germa-*
nicam ergo *Rheni* ripam incipit *Hercynia sil-*
ua, ibique propius *Silua Martiana* dicitur,
 quam nunc *Silvam nigram* nuncupamus, den
Schwarzwald, etiam olim *Harzwald*. Quò
 nomine saltus *Brunsvicenses* ac *Luneburgenses*,
 ditio praesertim *Blanckenburgica*, vocantur, qui
 pars sunt *Hercyniae siluae* cum *Bohemicis Su-*
deti, *Buchonia*, *Thuringica*, & qui alii sunt
Germaniae saltus, pro longitudine, qua CAE-
 SAR per *Germaniam* late patentem sese porri-
 gere dicit *Hercyniam silvam*: quod nomen vo-
 cis originatione convenit cum *Harz*, seu *Har-*
zinia silua, *Orzinia* etiam teste CAESARE ab
 aliis dicta. Sunt, qui velint, *Harzwald* addito
 tantum sibilo adpellationem accepisse ab *Hardt*,
 quod *silvam* teutonica lingua denotat, quo no-
 mine plures silvae in *Germania* veniunt; quod-
 si compositum nomen sumatur, idem vtraque
 parte significans, ineptum est. Alii deriuari
 putant *Harziniam silvam* a Romano vocabulo
 Mar-

Martiana, seu *Marciana* a *Marcomannis*; quae ea proprie est, in qua nunc versamur, poniturque in tabula *Theodosiana*, ac protenditur ab *Augusta Rauracorum*, *Vindonissa*, *Iuliomago*, *Tenedone*, *Arisflavis* ulterius adhuc, dum ad latus dextrum *Vermania* occurrit, de qua superius egimus.

Ad Danubii fontes.

Nunc vero in ea huius siluae plaga haeremus, quae etiam mons *Abnoba* dicitur, vnde *Danubii* fontes scaturire veteres testantur, cum *Rheno* principe *Europae* fluuio: vt sicut ille in monte *Abula*, ita hic in *Abnoba* ortum suum habeat, *In Germaniae iugis montis Abnobae*, vt ait *PLINIVS.* a) Hoc maxime congruit fluminum origini, vt ab editiore loco praeruptisque montibus fons saliat; atque illorum sententiae fauet, qui eandem originem *Danubii* ac *Brigae* fluminis statuunt, haud procul a monasterio *S. Georgii*: *Brigae*que nomen valli potius conuenire putant, ex qua mons exsurgit, quem *Hirsch-* seu *Hirzberg* vocant, atque totius regionis pars editissima habetur, vertexque *Alemanniae* dicitur in notitia foundationis monasterii *S. Georgii*. Tuguriolum hic adsignant, ad quod *Danubius* ex radice adhaerentis montis
primum

a) Lib. IV. Natur. c. 12.

primum ebulliat: inde postquam ab irrigandis pratis in canalem collecta decurrit aqua apud *S. Georgium*, riuum *Sommerau* absorbet.

Donaueschinga.

Inde (versus urbem *Villingam*, apud quam primus huic flumini pons est impositus) *Donaueschingam* ubi meauerit, nomen sortitur *Danubii*, quae communiter primus fons *Danubii*, conueniente loci, ac ipsius riui nomine, habetur. Inter muros autem palatii principum *Furstenbergicorum* e terris prorumpens in ipsa sua scaturigine muro conclusus est, quae statim ex pisciculorum copia omen aliquod habet piscium multitudinis, qua *Danubius* scatet, ubi in *Noricum* & *Pannoniam* deuoluitur, tantae etiam magnitudinis, ut marinis equiparari possint. Ad riuum *Brigam*, vel *Bregam*, quo loco prope *Donaueschingam* decurrit, est filua, ac tellus palustris sulphurea, ut incensa, quod frequenter in aestate fit, radices quoque arborum consumat, ac cum terrae puluere in cinerem redigat. Accidit anno 1753. quando feruentior erat aestas, ut vicini *Villingani* ciues tribus leucis, & quod excedit, dissiti, filuis & cliuis licet interiectis, nihilominus nocturnis ignibus istis acciti, conflagrationem suspicati, *Mart. Gerbert. Iter Alem.* V tur-

turmatim proruerent, opem laturo *Barenfibus* suis paganis. Hoc enim nomen est pago isti, occurritque in notitia foundationis monasterii *S. Georgii*. In pago nomine *Bara* in comitatu *Asenheim* in silua, quae dicitur *nigra*, iuxta fluvium *Brigana*. *Walafridus* STRABO a) *Perabtoltes* *Para* nominat, iuxta regiam possessionem, quae *Rotenwilla* dicitur, quousque nimirum, & adhauc inferius ad *Nicrum* circa villam *Obern-dorff* protendebatur, ut videre est apud *Reu. m. BESSELIUM* in chronico *Gottwicensi* lib. IV. h. V. Imprimis autem memorabilis locus est antiquus comitatus *Lupfen*, quod hodie est dirutum castrum inter *Nicrum* & *Danubium*, non procul ab eius fontibus: ac multorum persuasio est, *Lupoldunum* urbem hic sitam fuisse. Hodie inter castra huius pagi eminet *Furstenberg*, unde principum familia est eius nominis illustrissima tot heroibus, ac hierarchis etiam ecclesiasticis, EGONIBUS praesertim, ad quorum ditionem pertinet hodiernus *Landgraviatus Barenfis*. Nouam familiae *Furstenbergicae* progeniem masculam diu ardentissimis votis expectatam, quae coelo demittitur alto, chara Deum Soboles, tenero salutauimus affectu obuiam nobis forte factam, dum in eo eramus, ut nostrum prosequeremur iter.

Vil-

a) Libr. II. De mirac. S. GALLI cap. 7.

Villinga.

Eodem adhuc die *Villingam* peruenimus, urbem, quam BERTHOLDVS III. aut IV. *Zaringensis* e solo excitasse dicitur in Msc. Chron. *Friburg.* quod apud nos seruatur, ad eam prope formam, qua *Friburgum Brisgoiae* exstructum est, circulari magis ambitu decussatum, seu ad crucis figuram, quatuor plateis ita urbem diuidentibus, ut in urbis medio quaqua- uersum ad quatuor portas aspectus pateat. Duplici muro ac vallo cincta munitaque *Gallorum* ac *Suecorum* impetus, ciuium praesertim obfirmatione ac robore, fortiter haud semel represent.

Monasterium S. Georgii.

Accidit vero, ut 1634. tricennalis belli tempore *Villingani*, repetita obsidione liberati, fuis ad *Nordlingam Suecis*, & militibus *Württembergicis*, qui se *Suecis* sociauerant, monasterium ceu receptaculum tenentibus, facto impetu illud, dum furunt, incenderent, qua ex conflagratione numquam haecenus surrexit: dum alia quoque dira eiusmodi fata, ac ternam expulsiōem monachorum a *Württembergicis*, Ad-uocatis scilicet post duces *Zaringenses*, & comites de *Falckenstein* factam, expertum fuit. Erat hoc amplissimum O. S. B. monasterium

an. 1083. ab HEZELONE *de Tegernau* institutum, & paullo post an. 1085. a GEBHARDO episcopo *Constant.* solemni pompa dedicatum, confirmatis sequenti anno in frequenti synodo *Constantiensis* largis donationibus. Quando, „Praesente, vt habent authentica monasterii huius „documenta, praefato venerabili episcopo „GEBHARDO sanctae & legitimae synodo Dominus HEZELO stans cum filio suo in medio „conuentu exposuit omnia supradicta, secundum quod melius recordare potuit, primo „quomodo ipse & Dominus Hesso de construendo monasterio concorditer conuenerint, „quomodo illuc praedia allegarint, qualiterque „regulam S. BENEDICTI inuiolabiliter inibi agendam optarint &c.“ VRBANUS II. anno 1095. sub celebri tunc abbate, postea episcopo *Metensi*, B. THEOGERO, locum sub apostolicae Sedis tutela specialiter conseruandum suscepit, vtque „aduocatum sibi constituendi, „quem voluerint abbas cum suis fratribus, liberam habeant potestatem, & si is postmodum „monasterio inutilis fuerit, remoto eo, alium „constituant: obeunte te, nunc eius loci abbate, vel tuorum quolibet successorum, nullus „ibi qualibet surreptione, astutia, vel violentia praeponatur, nisi quem fratres communi „consensu, vel fratrum pars consilii sanioris „secun-

„secundum DEI timorem & Regulam S. BENE-
 „DICTI elegerint &c.“ Quae aliaque eiusdem
 diplomatis ac similia PASCHALIS II. verba an.
 1112. caesareo diplomate, praesentibus archie-
 piscopis *Moguntino* ac *Coloniensi*, episcopoque
Spirensi confirmata, succedentibus aliis aliorum
 deinceps imperatorum diplomatibus sunt robo-
 rata. Dum ecce ingruentibus infaultis religio-
 nis dissidiis *Würtembergici* principes, ad Pro-
 testantium castra abeuntes, omnia fusque de-
 que habent, ac primum VLERICVS praeter ius
 aduocatae, (quod post Comites *Falckensteinios*
 tenuerant comites ac duces *Würtembergici*) et-
 iam territoriale, reformandi praeterea religio-
 nem vsurpans, abbati ac conuentui mandat, vt
 mutatis pastoribus catholicis praedicantes *Lu-
 theranos* instituunt, imo monachos ipsos ad se-
 ctam *Lutheranam* fuscipiendam, relicta auita ca-
 tholica religione, adigit, aut exigua annua pe-
 cunia contentis alio demigrandum esse iubet.
 Qui dum constanter iniquas condiciones respu-
 unt, vi, asperissima hyeme, expelluntur, mona-
 steriumque incenditur. Quo iterum sub abba-
 tibus IOANNE & NICOLAO exstructo, rebusque,
 caesaris auctoritate, restitutis, eandem violen-
 tiam iterum iterumque experti, exilii locum
 sub tutela piissimorum *Austriae* ducum in vrbe
Villingensi tenent. Vbi DEO fospite paullatim

collapsas res suas restituerunt: hodieque in tradendis humaniorum studiorum disciplinis, institutis quoque orientalium etiam linguarum, ac philosophiae, theologiaeque scholis, monasterium istud insigne vrbis constituit ornametum ac praesidium. In quibus omnibus disciplinis tradendis magis magisque excolunt methodum eius monachi sub Reu.^{mo} iam abbate COELESTINO, quem iure *Apollinem Villinganum* dixeris, qui subsidia litterarum omnem in modum auget, non nouis tantum doctis libris, ac musaeo mathematico, verum etiam antiquis codicibus ad reparandam iacturam, quantum quidem licet, variis casibus factam: licuitque mihi non pauca ad rem liturgicam adnotare, per eundem doct.^{num} litteratorum insignem Maecenatem, praemisso etiam ad me librorum, ad institutum hoc meum facientium, catalogo. Vix quidem illi, paucis exceptis, seculum XV. antecedunt, multa tamen pro eorum adhuc temporum ratione continent singularia. Inter alia autem MSS. codex est, inscriptus *Antilogium Saluatoris*, ornatissimus litteris aureis ac pigmentis haud absimilibus codici pulcherrimo S. Scripturae, quem *Donau-eshingae* vidi. Alter habet cum aliis operibus S. ISIDORI Chronicon eiusdem cum continuatione vsque ad an. MCCX. Sequuntur in eodem codice ad calcem epochae reformationis plero-

plerorumque monasteriorum Ord. S. BENED. in *Alemannia* ab an. 1452. vsque 1468. Historia concilii *Constantiens.* suppar cum pictis imaginibus insignibusque praesulum ac principum, qui eidem adfuerunt. In ecclesia, nunc primum liberaliter ornata religione Reu.^{mi} Abbatibus, post allata ex *Romanis* coemeteriis corpora SS. Martyrum ex indicio ampullarum sanguine repletarum, S. COELESTINAE etiam corpus cum sepulchrali lapide, hacque antiqua inscriptione cernere est.

CONIVGI. DV
LCISSIME
CELESTINE
QVE. BIXIT. AN:
XXX. IN PACAE.

Nicri fontes, ac Decumates agri.

Ab vrbe *Villinga* ad *Nicri* scaturiginem haud procul a *Schweningen* propinquauimus, qui fluuius *Alemanniae Romanae* finitor dici potest propemodum, seu etiam agrorum *Decumatum* a) quorum *TACITVS* meminit, quamuis non flumine aliquo praecise, sed vallo terminarentur, cuius adhuc alicubi, praesertim in *Wür-*

a) Agri *Decumates*, de quibus *TACITVS*, nunc ad ditionem *Württembergicam* spectant, ac forte tunc agri communes fuerint, populo ad plantandum diuisi vel ab hoc occupati.

Würtembergia, vestigia comparent. *Agri illi* a *Marcomannis* relictī a vicinis *Gallis* sunt occupati, qui *Romanis* paruere, etiam dum huc transmigrarunt: quare nec a TACITO inter *Germaniae* populos connumerantur. „Non numerauerim (inquit) inter *Germaniae* populos, quamquam trans *Rhenum*, *Danubium*que confederint, eos, qui *Decumates* agros exercant. Leuissimus quisque *Gallorum*, & inopia audax dubiae possessionis solum occupauerunt. Mox limite aucto, promotisque praesidiis, finus imperii, & pars prouinciae habentur.“ Locus hic mihi suspicionem ingerit, annon forte ab agris his *Decumatibus Alemannicae* denominationis primordia sumi possint, a *Teutonica* voce *Almand*, *Almänd*, quae promiscuae horum agrorum occupationi adprime congruit. *Alemannica* certe incunabula a *Marcomannorum* excessu ex his *Sueviae* partibus communiter repetuntur. SCHILTERVS a) eiusdem originationis alium titulum adsignat, qui tamen tempora haec anteit, prout a CAESARE memoratur, communis *Germaniae* populis. „Priuati (sunt CAESARIS b) verba) ac se parati agri apud eos nihil est.“ Et postea adhuc apertius c): „Neque quisquam agri certum „mo-

a) Exerc. ad Pand. IV. §. 13.

b) De bello Gall. lib. IV. c. 2.

c) Lib. VI. c. 22.

„modum, aut proprios fines habet, sed magi-
 „stratus ac principes in annos singulos genti-
 „bus, cognationibusque hominum, qui vna co-
 „ierunt, quantis eis, & quo loco visum est,
 „attribuunt agros, atque anno post alio trans-
 „ire cogunt.“ Nec temporum ratio, nec lo-
 corum limites *Alemannis* hoc tribui permittunt;
 id quod tamen recte fit, si *agri Decumates*, vn-
 de primum *Alemannicum* nomen prodiit, spe-
 ctentur. Nec adeo, vt prima facie videri queat,
 testimonium *ASSINII Quadrati*, apud *AGATHIAM*
Scholasticum a) aduersatur, quod *Alemanni* con-
 uenae sint ex variis nationibus collecti, id ipsum
apud eos significante vocabulo. Dum succedunt
 nimirum *Gallis* (de quibus *TACITVS*) alii etiam
 habitatores ex colluie hominum, ac sedem in
agris his *Decumatibus* figunt, eosque pari ra-
 tione occupant, hi viritim distribuebantur, vt
 fieri solet. Licet vero paullatim *Alemanni* suam
 latius protenderint ditionem, excusso *Romano*
 iugo, praecipua tamen sedes semper eis haec
 plaga, ceu primaria, fuit attributa, vbi olim
Decumates fuerunt *agri*. In codice quoque *Tra-*
ditionum Laurishemensium b) singularis istic lo-
 corum distinguitur *Alemanniae* pagus, apud *BES-*
SELIVM in chronico *Gottwicensi* complures ma-
 iores, ac minores pagos in se complectens,
 qui

a) Lib. I. Histor.

b) Lib. IV. h. α

qui hic sunt fiti, vti etiam peculiaria loca a fontibus *Danubii* ac conterminis fere *Nicri* prope *Sulz*, *Horb*, *Haigerloch*, *Rotenburg*, indeque per *Württembergiam*. Urbes etiam, quarum adhuc superest memoria, *Romano* vallo conclusae, agrisque *Decumatibus*, huc quadrant, veluti *Lupodunum* arx filuae *Hercyniae* *Lupfen*; *Solicinium*, quod *CLVERIO* *Sulz* oppidum est ad *Nicrum*; *Budoris*, quam quidam *Heidelbergam* vel *Heilbrunnam* ad *Nicrum* etiam positam esse volunt. Passim quoque ad *Nicrum*, atque in *Württembergia* nummi aliaque monumenta *Romana* efodiuntur, vbi vallum hoc erat, stationesque *Romanae* fuerunt positae, vti de suo tempore *TACITVS* refert: *Mox limite aucto promotisque praesidiis sinus imperii, & pars prouinciae habentur.* Quodsi *Alemanniae* limites sumamus, prout in tabula *Theodosiana* vltcrius se versus Orientem protendit ad latus *Danubii*, consulenda sunt, quae superius alio itineris nostri tramite sunt exposita. Nunc agros *Decumates* potissimum prosequimur ad ripam *Nicri*, vbi statiuorum *Romanorum* fere post 6000. passuum identidem occurrunt indicia, nummi omnis generis metalli, ac moduli, lapides litterati &c.

Rothwila.

Primus aliqua consideratione dignus est ad *Nicrum* locus libera imperii *Romano-Germanici*

nici vrbs *Rotwila*, *Rotenwila*, quam HENRICUS Glareanus *Erythropolin* graece interpretatur; recte quidem mea sententia a gleba subrufa ad dextram *Nicri* ripam, quam vocant *die Altstatt*, vbi primum vrbs, seu potius villa sita erat hoc nomine, dudum antequam iudicium curiae imperialis exerceri hic cepit. Vnde eam GOLDASTVS in *Adnotationibus ad tom. II. Script. rer. Aleman.* & ex eo ERICUS MAVRITIVS *dissert. de iudicio Rottwilensi* dici volunt *Bulenopolin*, *Raatsstatt*, quasi βουλευτήριον τῆς βασιλείας, *rota*, *Raadt*, hincque etiam decisiones *Rotae Romanae* celebres, & rotuli *Rodel*, ex quibus sententiae iudicum recitabantur. Iam in diplomate CAROLI *Crassi*, quod in chronico *Gottwicensi* a) ex ECCARDO citatur, subscriptio notatur: *Actum in Rotwila Curte regali*; a WALAFRIDO b) *Possessio regia* vocata. Addit auctor *Reu.^{mus}* laudati chronici, eam a diuersis aliquando imperatoribus frequentatam, & a CONRADO III. pariter adamatam, quin tamen ibidem instituerit decantatum illud Iudicium *Rotwilanum*, quemadmodum sentit magna Publicistarum (quos vocant iureconsultos) turba; eo, quod iisdem nec coaeuus scriptor vllus, nec documentum aliud antiquius adstipuletur. Iam pridem quoque animad-

a) Lib. IV. h. V.

b) De mirac. S. GALLI lib. II. cap. 9.

nimaduertit accuratissimus SCHILTERVS, a) non redolere stylum illorum temporum constitutionem illam, quae de ordinatione iudicii *Rotwilani* passim circumfertur, exstatque apud GOLDASTVM b). Quum praesertim praeter alia plurima parte III. de Ordin. Tit. I. expressa iniiciatur mentio Electorum, quod nimirum eorum exemptio a Iudicio *Rotwilensi* in aurea bulla sit comprehensa, quae posteriorum temporum contradictio manifestam priorum falsitatem satis demonstrat. Haec BESSELIUS.

Alias conglomerat rationes Balthasar BLVM de *Kempis* contra ordinationem CONRADI III. ad medium seculi XII. reducens originem huius Iudicii, siue ad tempora CONRADI IV. regis *Romanorum*, aut CONRADINI ducis *Sueviae*; putatque, potiore iure a iudicio curiae ducum *Stauffiorum* desumi, qui, quum non solum *Sueuicum*, sed etiam *Alsaticum*, *Franconicumque* ducatum tenuerint, maximam huius Iudicii fecerunt amplitudinem, quae ad circulos *Austriacum*, *Sueuicum*, *Rhenanum*, & *Franconicum* se extendit. Eximuntur vero non solum Electores, vt apud laudatum MAVRITIVM videre licet, ducesque *Austriae*, *Lotharingiae*, *Württembergiae*, comites *Palatini Bipontini*, *Veldentiae*; verum etiam

a) Tom. I. Instit. Iur. publ. lib. IV. tit. 9. §. 2. p. 379. & 380.

b) Tom. I. der Reichsfazungen pag. 6.

etiam ordo Equitum S. IOANNIS, ordo *Teutonicus*, abbas *S. Blasii* in filua nigra, Comites & Barones diuerſi, ac magna pars ciuitatum imperii liberarum. Frequentes porro fuerunt ordinum imperii contra tribunal hoc querelae, atque de eo abolendo molimina in capitulationibus etiam imperatorum. Vt vero tutam praestarent praerogatiuam hanc *Rotwilenses*, ſolemni cum *Heluetiis* inito foedere hoc etiam ſunt pacti, quod, ſi iudicium illud, excepto caſu, quo *Rotwilenses* ob denegatum ius & iuſtitiam eo ſe indignos reddiderint, illis aliquis auferre conetur, ipſi eoſdem contra omnes iniurias & impetus quorumcumque defendere velint. Ius etiam ſuum ſtrenue propugnant principes *Schwarzenbergici*, qui in locum comitum *de Sulz* haereditariorum iudicum officio funguntur. Atque hoc titulo ſub initium ſec. XIV. venit apud P. HERRGOTT HERMANNVS comes: *Dem Edlen und Erwürdigen Herren Graven H. von Sulze des Römischen Kuniges Hofrichtere oder ſwer an ſeiner Statt ſizet.* In aliis monumentis apud eundem P. HERRGOTT non ſemper exprimuntur comites *de Sulz* has vices tenere, ſi qui alii occurrunt iudices. Imo munus illud ipſi etiam imperatores obierunt, quod indicio eſt, necdum tunc feudi titulo iuriſdictionem illam penes comites

Sul-

Sulzenses fuisse, vti deinceps, hodieque principes *Schwarzenbergici* tenent, hocque pro tuendo iudicio ac iure suo imprimis vrgent. Hoc subsistit haftenus, cernunturque extra urbem sub dio excisi lapides pro iudice & adfessoribus, qui ex ciuibus *Rotwilensibus* sunt selecti, quum olim ex nobilium ordine fuerint. *Stolizas* in *leg. Longobard. l. tit. 19.* dicitur, qui regis nomine iudiciis praeerat, *cp dem Stohl* seu *auf dem Stuhl* cum adfessoribus, atque iudices occultorum iudiciorum *Stuhl-Herren* dicebantur. Quo sensu nostrum hoc iudicium *Aulicum der Stuhl zu Rothweil* vocabatur: atque etiamnum *Scabinatus Schoppen-Stühle* dicuntur, vt adnotauit in lexico *Io. Christoph. NEHRINGS.*

Oberndorffium.

Ex hac vrbe digressi *Nicri* amoenissimam vallem fere sequuti sumus *Oberndorffium*, illuc inuitati ad solemnitatem praecipuam amantissimi patruelis parochi in *Oberndorff*, vbi natus, renatus, ac primam olim obtulit incruentam ad altare hostiam in primordiis labentis seculi die mensis *Maii* 17. Temporum ratione vero mirifice concordante, currente eodem ipso seculo, eodem die 17. mensis *Maii* Sacrosanctae

sanctae Trinitati festiuo, eadem in ara ac templo *Oberndorffii* sacrificium iubilaeum litauit.

Horba, cum pago Amphinga.

Postera mox die percurrimus *marcam* in *Amphinga* pago, vt traditiones *Laureshemenses* apud *BESSELIVM* a) nominant, ab *Empfingen*, seu *Impfingen* dicto, inter *Sulz*, vbi sunt memorabiles fontes & machinae salinariae, ac *Horbam*, natale meum solum. Cui eminus ex eo montis iugo propinquauimus, quo olim vix dum bimulus in cunis elatus, furori incendii ereptus sum, quo maxima pars vrbis conflagrauit, atque adhucdum viuae imaginationi inhaeret flamma ingens, quam quisque facile secum coniiciet, quae atra ac concubia nocte plusquam ducentas domos paucis horis comprehensas absumpsit. Spes mihi iniecta est lapidis litterati *Romani* ad hanc *Nicri* ripam reperiundi, vbi *Romani* statua sua habuerant; sed coruum delasit hiantem.

Nagalgouia.

Patet hinc ad septentrionem maior pagus *Nagalgom* a riuo eius nominis, ad vtramque ripam

a) Chr. Gottw. lib. IV. h. V

ripam expansus, a FREHERO & BESSELIO ex traditionibus *Laureshemensibus* notatus cum frequentibus villis iuxta antiquas notitias, *Bildachingen* prope urbem *Horb*, *Giselfete*, *Glaudesheim*, forsan *Glatta* ad fluuium *Glattam*, *Gundirichinga*, hodie *Gundrichen* inter *Nagolth* & *Horb*. *Mulinbusin*: forsan *Mühlen* ad *Nicrum*, prope *Horb*. *Reislodingen*, forte *Reisten* inter *Herenberg* & urbem *Tubingam*. *Tornestatt*, *Tornigestatt* hodie *Dornstädt* ad *Glattam*. Sed multo amplior adhuc fuit hic pagus ex maioribus illis, qui in *Alemannia* cis-*Rhenana* primitus distincti fuisse censentur a regulis, veluti anno CCCLVII. prope *Argentoratum* septem reguli profligati a IULIANO caesare leguntur, qui singulis haud dubie eiusmodi pagis praefuerunt. Pagus, de quo nunc diximus, ad ducatum *Württembergiae* potissimum spectat: quem, *Nicri* littus *Rotenburgum* versus ac *Ebingam* (quae oppida *Nicer* seiungit) legentes, ingressi, vel inde itineris compendium sperauimus, quod ecclesiarum ac monasteriorum antiquorum spolia litteraria ominabamur collecta nos reperturos in bibliothecis academiae *Tubingensis*, ac metropolis *Stutgardiensis*.

Tubinga.

Primum nobis *Tubinga* occurrit inter amoenas *Nicri*, ac *Amerae* riui valles montibus

tibus vtrimque interstincta, quos inter nempe media vrbs sita est. Antequam urbem ingrederemur, paullulum diuertimus in vico *Biel*, quae patria creditur *Gabrielis BIEL*, quamuis alii *Heluetum*, alii *Spira* oriundum dicant. Eius opera vsus imprimis dicitur *EBERHARDVS Barbatus* in academia *Tubingenſi* instauranda vergente sec. XV. hortatu matris *MECHTILDIS* natalibus *Palatinae Rheni*, quae secundis nuptiis ducis *Austriae*, mater quoque fuit academiae *Friburgensis*. Primus rector huius vniuersitatis fuit *Ioannes NAVCLERVS* decretorum doctor. Consilia de instituenda vniuersitate potissimum agitata sunt cum hoc *NAVCLERO*, qui principis olim fuerat praeceptor. Qui idem etiam cancellarius fuit academiae post *Ioannem TEGEN*. *Gabriel BIEL* diu sacras ibi litteras, ipsamque philosophiam magno auditorum concursu docuit; *Io. REVCHLINVS* seu *CARNIO*, de quo alias, philologiam. *Ambrosius BLAVERVS Constantiensis* ab *VLRIKO* duce vocatus an. 1535. innouationem auitae religionis hic cepit, postquam iam *Stutgardiae* antiquatum esset sacrificium missae in festo Purificationis S. *MARIAE*, die 2. *Februarii*. Primam is concionem ritu *Lutherano Tubingae* in ecclesia *S. Georgii* habuit. Quod deinde opus praecipue *Erhardus SCHNEPFIUS* & *Io. BRENTIUS* in ducatu *Würtembergensi Mart. Gerbert. Iter Aleman.* X si

ſi perfecit. Habuit academia haec iurisconſultos praefantiffimos NAVCLERVM, SICHARDVM, BESOLDVM, LAVTERBACHIVM, GRASSVM, SCHWEDERVVM, *Germaniae* praeceptores vocatos, & HARPRECHTIOS, ex quibus hodieque *Chriſtophorus Fridericus* institutiones iuris ciuilis, ac ius canonicum publice legit; floruitque haec facultas haec, atque linguarum orientalium ſtudium magiſtro & auctore imprimis SCHICKARDO, cuius MSS. ingenti pretio comparata LVDOVICVS XIV. *Galliarum* rex bibliothecae regiae intulit. Inter mathematicos eminet *Germaniae* lumen Ioannes STOEFFLERVS *Iuſtingenſis*. Item *Mich.* MAESTLINVS, *Ioh.* KEPLERI praeceptor & amicus, *Wilhelmus* etiam SCHICKARDVS. Celebriores theologi proteſtantes in academia *Tubingenſi* fuerunt GERLACHIUS, THVMIVS, OSIANDRI, PREGIZERVS, IAEGERVVS, HOCHSTERTVS, WEISMANNVS, CANZIVS, nunc *Ier. Frider.* REVSS cancellarius poſt celebrem *Chr. PFAFFIVM*.

Io. Fridericus COTTA, vir humanitate pariter ac eruditione praefans, meis rebus plurimum ſtudit, atque lubens etiam antiqua monimenta ad manum praeuiſſet, niſi incendiis & direptionibus bellicis abſumta eſſent ex archiuis & bibliothecis, quae hic inſignes erant in arce ac vrbe *Tubingenſi*. Praecipua hodie eſt academi-
ca.

ca, quae teste CRVSIO a) in *Annal. Sueniae* an. 1562. flammis consumpta, instaurata haecenus insignibus augmentis paullatim excreuit. Nuperque insignis librorum accessio facta est ex ducali bibliotheca *Ludouicipolitana*, munificentia principis. Curat solertissimus bibliothecarius *Christoph. Fridericus SCHOTT*, vt selecti libri, quantum annui reditus ferunt, coëmantur, praefertim collectiones rerum & antiquitatum *Graecarum, Romanarum*, reliquae *Europae, Germaniae* imprimis, quibus selectu ac copia similes haud facile reperias. Memorabiles sunt libri *Glagolicis, Cyrulicis, Grabaticis* litteris lingua *Sclauonica* seu *Croatica* *Tubingae & Vraci* seculo XVI. impressi. Primus, instigante *Ioanne VNGNADIO*, caesaris ad aulam *Ottomannicam* oratore, *TRVBERS* canonicus ab initio *Laybacensis*, postmodum, quum ad *Lutheranorum* sacra se conferret, pastor *Rotenburgi* ad *Tubarim* 1542. *Campoduni* 1552: *Vraci* 1560. atque interiecto tempore, quum ex itinere ad contreraneos suos redux esset, *Derendingae* 1567. vbi & 1586. mortuus, & sepultus est, anno aetatis 78. edidit 1561. *LVTHERI catechismum & symbolum ATHANASII cum homilia de virtute & efficacia fidei christianae*, *Tub.* in 12. lingua *Croatica*: an. 1562. *Praecipuos articulos christianae doctrinae* litteris *Cyrulicis* in eadem lin-

X 2

gua;

a) P. III. lib. XII. c. 8:

gua, *Tub.* in 4: an. 1536. *Tres confessiones, Augustanam, Würtembergicam, Saxonicam, Tub.* in 4. lingua *Croatica*: eod. anno *N. T. partem primam, Euangelia & Acta complexam*, litteris *Glagolicis*; seq. anno alteram partem, *Epistolas & Apocalypsin*, iisdem litteris lingua *Croatica*; cui tomo effigies TRVBERI praefixa est. STEPHANVS consul *Histrrianus*, & ANT. *Dalmata*, libros quosdam S. Scripturae, ac symbolicos, *Lutheranorumque* theologorum scripta, & inter haec *Catechismum Martini LVtheri Graece* etiam conuersum, in *Sclauonicam*, seu *Croaticam* linguam transtulerunt, & in officina *Georgii GRVPPENBACHII Tubingae* typis excusos, non tantum ad conterraneos suos in sua firmandos secta, sed etiam in *Graeciam* & ad *Turcicas* gentes, vt ita Christianismo imbuerentur, transmiserunt.

Nota sunt etiam *Iacobi ANDREÆ & Martini CRVSII* studia per *Steph. GERLACHIVM* cum legato *MAXIMILIANI II. Dauidæ VNGNAD*, *Constantinopolin* profectum, ad *HIEREMIAM* patriarcham in partes *Lutheranas* pertrahendum; sed incassa, vt acta ac scripta amoebea docent. Nec feliciora fuere litterarum commercia *CRVSII* in *AEgyptum* ac in *Thraciam*. Actum etiam *Tubingae* fuit de religione cum *GABRIELE* patriarcha *Bulgariae*, quum litteris commendatitiis plurimum

rium patriarcharum ad principes instructus, synodo magna *Constantinopoli* an. 1586. congregata, occidentem peragrauit, Cernuntur adhuc MSS. quaedam *Graeca Constantinopoli* allata a *Steph. GERLACHIO*, sed alterius generis, ac *Lutheranismo* antiquiora, quae sola fere ex ruina tot MSS. supersunt, quibus instructa olim maxime fuisse dicitur bibliotheca in arce *Tubingensi*, quod antiquum palatium fuit comitum *Palatinorum Tubingenfium*, qui an. 1342. urbem & castrum istud *VLRICO* comiti *Württembergiae* vendiderunt, retento tamen comitum *Palatinorum* nomine. Cessauit vero postea sub *CAROLO IV.* cum domaniis imperii ac palatiis etiam suapte isthaec praerogatiua. Noti sunt praeter primores *Palatinos Rheni*, antiqui *Palatini* Comites ad *Mosellam*, in *Boiaria*, *Thuringia*, *Saxonia*, quemadmodum *Tubingenses* isti in *Sueuia*, de quibus tamen *MASCOVIVS a)* in *Principiis Iuris publici* dubium mouet, officiumne Comitum *Palatini* per prouinciam reuera gesserint, an vero dignitatis saltem causa titulum, quemadmodum alii Comites, habuerint? Nunc iudicium aulicum ducatus *Württembergici Tubingae* est, quod certis anni temporibus solemne forum aperit, vti quidem, quando *Tubingae* aderam, accidit. Adpellationes in curia recipiuntur aduocatorum publica peroratione, vt

X 3

in

a) Lib. IV. c. 5. §. 37.

in parliamentis *Gallicis*, ac deciduntur publicis
in confessibus.

Stutgardia.

Tubinga *Stutgardiam* recta contendimus, quae
est sedes ac domicilium ducum *Würtembergiae* ab EBERHARDO *illustri* an. 1320. hic fixum,
translatum ex arce *Württemberg*, vnde ducum
familia, ac ipse ducatus nomen habet. *Stut-*
gardia incrementa ac lustrum sub VLrico co-
mite circa medium sec. XV. imprimis accepit,
quoad ciuilem suum ac ecclesiasticum statum;
postea vero an. MDXXXVI. a cognomine VL-
rico duce sacer ac ecclesiasticus immutatus est,
dum die 8. *Maii* simulacra Sanctorum *Stutgar-*
diae e templis remota sunt, & Religiosis vtrius-
que sexus potestas facta est contrahendi matri-
monii, recusantibus autem annua pensio data,
vt habent annales *Würtembergici*. Nunc qui-
dem auitam religionem resumpserunt duces, sed
subditi libertate suae religionis vtuntur. Iterum
hic falsa elusi sumus opinione, ac spe reperien-
dorum monumentorum antiquorum ex tot ec-
clesiarum ac monasteriorum supellectili, sed
temporum iniquitate hostes, an amicos? reperit
vastatores. Duae hic sunt bibliothecae ducales,
quarum altera consilii regiminis, altera consisto-
rii vsibus inseruit; sed non adeo expeditus, vti
Tubingae,

Tubingae, ac alibi apud litteratos, tum temporis, ob valetudinem bibliothecarii aduersam, fuit accessus. Frustra opibus inhiabam etiam domesticis, innocuis iis, historicis nempe. Postremum desiderium fuit dispiciendi exemplum bibliorum *Germanicorum* ex prima editione *Moguntina* *Ioannis Fvst*, quam subscriptio fert eodem anno, quo *Latina* prodiit, millesimo scilicet quadringentesimo sexagesimo secundo, typis editam esse. Cum nostra *San-Blasiana*, de qua supra iam tit. *Schaffhusium* pag. 289. seq. meminimus, quae annum manu adscriptum habet 1454. in quibusdam conuenit editio *Stutgardiensis*. Subscriptio in nostra, & *Stutgardiensis*, manu exarata est, eadem, quae & titulos adscripsit, sed in *Stutgardiensis latina*, & quidem ex *latinis* FAVSTI & SCHOIFFERI editionibus transumpta, quod etiam de insignibus FAVSTI, & SCHOIFFERI adpictis dici potest. Id autem notandum, quod, quum duae sint subscriptiones, secunda, quae altera pagina demum a textu bibliorum diremta est, ac recentiori manu perscripta, ea est, quae in *latinis bibliis* an. 1462. habetur. In aliis characteristicis ut discrimen nostri codicis a *Stutgardiensis* pateat, hic transcribemus ex nostro codice praecipua quaedam. Mox initio post titulum:

Die epistel Jeronimi

Hie hept sich an die vorred oder die epistel des heiligen priesters sant Jeronimi zu paulinum von allen gotlichen historien d' beucher vnder der biblē.

Das erst capitel.

Bruder Ambrosius d' hat vnns bracht ein kleine gabe ꝛc.

Post epistolam & alterum prologum in Pentateuchum ita habetur :

Hie hept sich an das buch genesis. Das 1. Ca.

In dem angang beschuf got den himel vñ die erde. wañ die erde was eitel vnd lere. vund vinster waren auff dē antliz des abgrundes. vñ der geist gotz ward getragen auff die wasser.

Gen. III. vñ got der herr sprach zu dē schlangē. Das du hast gethon dise ding. du bist verflucht vnd' allen lebendigen dingen. vnd vnder den tieren d' erden du wirst gon auff deiner brust. vnd essen die erd alle die tag deines lebens. Ich setz veintschafft zwuschen dir vñ dem weib. vnd deinem somen vund irem somen. Sy zerknist dein haupt vnd du wirst mit listen vewarten ir fußtritt od' versen.

Notandum, in nostro exemplari vsque ad pag. 11. caputque XXIV. Gen. titulum typis haberi impressum per singulas paginas in superiore medio margine sic: Genesis. quae epigrapha

graphie numquam deinceps occurrit impressa, sed semper manu exarata. Ad finem veteris testamenti ita habetur in nostris bibliis, ac litteris quidem maiusculis: *Hie hat ein end das ander buoch Machabeorum.* Et sequenti pagina consuetis litteris minusculis: *Hie hebt an die vorrede über Matkeum.* Post epistolam D. PAULI ad Galatas titulus: *Hie hebt sich an die Epistel zu den Laodociern Paulus*

§. das erst Capitel.

Palus bot nit vñ dē mensche noch durch dē menschen wañ durch Jhesum Cristum. Den brüdern die do seint zu Laodoci. Epistolam ad Hebraeos excipiunt Acta Apostolorum cum epigrapha: Hie hebt an das buch der Zwölffbotten. In fine capitis XXVIII. in contextu additur: Wañ der ist Jhesus Cristus d' sun gotz durch dē alle die welt anfecht zewerden geurteylt.

1. Io. V. 8. Wañ drey seind die gebē gezeug auff der erd. der Gayst Wasser und Blut. vñ dise drey seind ei Vñ drey seind die gebēt gezeug im himel. der Vatter. das Wort: vñ der heilig Guist. vñ dise drey seind ein. Apoc. XVII. 16. Vñ die zehen hörner die du secht vñ das tier dise hassent die gemein vnkeuscherin. In fine Apoc. O Herr Jhesus ich kumm. die genade vñsers Herrn Jhesu Cristi sei mit vns allen. Amen.

DEO GRACIAS.

X 5

Sequitur

Sequitur in medio columnae primae vltimi folii in typo ligneo imago Crucifixi cum B. M. V. & S. IOANNE, infra quam antiqua manu adscriptum est: *Getruckt zu Mentz anno 1454. 4. Iar nach dem de mans buchtrucken erdacht bat.*

In eadem bibliotheca consistoriali *Stutgardienſi* habentur etiam biblia *Germ. Argentinensis* MENTELLII 1466. cuius nullum haecenus exemplar vſpam alibi detectum fuit; subscriptio haec est: *Explicit liber iste anno Domini millesimo quadringentesimo sexagesimo sexto: formatus arte impressoria per venerabilem virum Job. Mentell. in Argentina.* Horum etiam mentionem facit, eandemque subscriptionem exhibet *Prosper MARCHAND a)*. Praeter haec admodum vetusta exemplaria biblicorum impressa *Germanica* duo adhuc Mſc. biblia, & sex impressa *Latina* ſec. XV. edita *Stutgardiae* ſervantur. Integra biblicorum collectio vltra CL. exemplaria varia aetate variisque linguis exarata complectitur. Porro hic memorandum, ſuperiore ſeculo ciuem *Stutgardensem*, WILD cognomine, arte polluisse in achate lapide tinctura auri pingendi; vnde in eiusmodi lapidibus expressae Crucifixi, aliaeque imagines esse queant. *Vindobonae* mihi retulit D. SMIT-

MER

a) Histoire de l'Imprimerie p. 55.

MER gemmarius se eamdem artem figurandi lapides callere.

Praeclarum seruant duces *Würtembergici* nummorum antiquorum thesaurum, partim ab FRIDERICO duce *Stutgardiano*, partim a duce FRIDERICO *Neostadiano* colligi ceptum, & plura optimae notae millia complectentem: dolendum modo, thesaurum hunc cum aliis pretiosis paucis abhinc annis conflagrasse. Antiquarius eo tempore, quo *Stutgardiae* versabar, peregre profectus aberat, quare videndi nummophylacii copia esse tum non poterat. Copia tamen erat videndi nummophylacium secretarii cuiusdam consilii regiminis *Würtemb.* scilicet Dñi TVXII, quod tria millia nummorum equidem non excedit, sed non solum ob ordinem, verum etiam ob multitudinem *Graecorum Durachensium*, & *Apolliniatarum* conspicuum est. Nam, quum in plurimis aliis huiusmodi thesauris vix XL. vel XXX. reperire liceat, in hoc numerus talium numismatum ad C. excedit, omnium a se inuicem distinctorum. Praeter miam *Aegyptiacam*, plantas, ac animalia marina, & varios lapides petrefactos *Stutgardiae* imprimis memorabilia sunt monumenta *Romana*, quae I. Vlricus PREGIZER in *Sueuia* sua gentili recenset, ac passim etiam adducit Ch. Fridericus SATTLER in nouissime edita historia *Würtembergica*,

bergica, faciuntque ad illustrandam quaestionem ab academia *Berolinensi* propositam, quousque *Romani* ante 17. & 18. secula in *Germaniam* penetrarint? Quae in hanc rem prodierunt scripta, potissimum inferiorem *Germaniam* attinent, vbi a *Francis* demum sunt repulsi *Romani*. *Württembergensia* documenta agrorum *Decumatium* statum produnt, *Nicrum* inter, ac *Rhenum Alemanniae* meditullium, suntque sacra & profana in *Messingen*, & *Belsen* ad *Tubingam*, *Canstat*, *Binningen*, *Marpach* &c. quae *Stutgardiae* potissimum seruantur, praeter lapides litteratos ac figuratos, urnae, compedes, cultri &c. nummi omnis aeris ac moduli. In *Zazenhausen* vico, duabus leucis *Stutgardia* distante, rudera etiam thermarum habentur, ac fictilia vasa coloris subrubi, nonnihil illis, de quibus dixi in *Helvetiae* agro *Turicensi* repertis, impolitiora. Vidi eiusmodi cum inscriptione: *CARASALVVS Fecit*: non procul inde etiam sepulchra ordinate disposita fuerunt, de quibus tamen certo nihil statui potest.

Haud ita pridem repertae sunt duae arae votivae in viae publicae reparatione in suburbano *Heilbrunnensium* agro *Beckingam* inter & *Nicrogartacum*, quae nunc bibliothecae publicae *Heilbrunnensi* illatae sunt; vt taceam a GRVTERO,

RHEI-

RHEINESIO, & aliis iam relata, in quibus nunc legio VII. nunc XIII. frequentius autem VIII. notatur. Id etiam obseruatu dignum, ad quatuor fere leucarum distantiam propius ad ortum *Nicri* eiusmodi passim reperiri monumenta, vt militarium stationum *Romanarum* termini figi possint. Ostenduntur etiam religiosa anathemata Diis, Deabusque campestribus, *Soli*, *Mitrae*, *Marti*, *Ioui*, & *Iunoni* sacra, arae cum sacrificialibus vasis; sympuuio, quo vinum, aliaque liquida offerebantur; catino seu cochleari, quo thus & molam falsam dabant; securi, qua hostia percussa; secespita, seu cultro ferreo, quo exenterata fuit hostia. Religiosius sunt haec seruata, quam antiqua religionis christianae sacra lipsana in *Würtembergia*, vbi olim tantopere religio floruit, tantusque Deo sacrorum locorum fuit numerus, vt ex BESOLDI monumentis rediuiuis colligere licet.

Hirsaugia.

Vltra *Carolingicam* aetatem monumenta haec non ascendunt, nisi fidem habeat, quod BESOLDVS ex archiuo *Spirensi* adfert de HELISENA fundatrice monasterii *Hirsaugiensis* iam an. 545. quod saltem est antiquissimum in ducatu *Würtembergico*, cuius chronicon scripsit Ioan.

TRITHE-

TRITHEMIVS, epocham auspicatus ab an. 830. monasterii structura ad annum demum DCCCXXXVIII. perfecta, cogitare cepit ERLAFRIDVS comes monasterii conditor, vndenam monachos ad S. Patris BENEDICTI regulam bene institutos in hoc suum monasterium plantare posset? Ad *Fuldense* autem monasterium se conuertit, vbi sub abbate *Rhabano* MAVRO monachi formati erant, quorum laus & fama etiam apud imperatores, reges, principes vigeat, cum propter sanctitatem vitae, tum propter scientiam sacrarum litterarum: comesque ille de consilio suorum, & mandato *Moguntinensis* episcopi ODEGarii a RHABANO impetrauit quindecim fratres, & abbatem eis LINDEBERTVM, seu LUITBERTVM senem venerabilem ex nobili familia *Sueviae* ortum praeposuit, qui nouum coenobium anno 838. Indict. I. ingressi sunt. Fuit deinceps hoc illustre seminarium episcoporum, abbatum, ac tot integrarum monasticarum congregationum, sub S. WILHELMO praesertim abbate, virisque ex eius disciplina prodeuntibus. Seculo XVI. cum ceteris in *Württembergia* secularium cessit rapinae.

Fortzheimium.

Situm est hoc monasterium non procul ab oppido *Kalw* ad sinistram seu orientem. Ea
autem

autem ex caussa *Stutgardia Fortzheimium* viam instituimus, quod spes, vana equidem, nobis facta esset, insignis antiqui liturgici operis inspiciendi in catholica parochia prope *Fortzheim*. *Beatus RHENANVS Orcynheim* dici debere putat a filua *Orcynia* seu *Hercynia*, cuius etiam porta a nonnullis dicitur; verosimilius vtique, quam ex equo *Troiano* a quodam PHORCY, *Troia* expulso, quae sententia fuit Io. REVCHLINI seu CAPNIONIS patriae nimis indulgentis, quam hic nactus est, natus 28. *Decembris* 1454. Linguam is *Hebraicam & Graecam* intulit *Germaniae*, ac maxime excoluit: celebris cum primis ob controuersiam cum doctoribus *Coloniens.* propter *Iudaeorum* libros, de quibus iussus est a MAXIMILIANO I. sententiam scripto referre, num omnes (sicut quidam faciendum putabant) *Vulcano* essent tradendi. Fecit id libro, quod *oculare speculum* inscripsit ad archiepiscopum *Moguntinum*. Igni adiudicauit quaedam scripta, quae blasphema, haeretica, famosa & reprobatae lectionis essent, quum contra ea *Colonienses* doctores, quibus etiam *Parisienses* fauebant, abolendos ad vnum omnes contenderent. Sed vicit *Romae* REVCHLINI eruditio, ac patrocinium VLRICI ducis *Würtembergiae*, & *Francisci* de SIKINGEN sui quondam discipuli, contra *Iacobum HOCHSTRATVM*, qui *Colonia Romam* ad il-

lum

lum oppugnandum profectus erat. Praecipue autem contra REVCHLINVM litem commouit Iudaeus baptizatus PFEFFERKORNIVS, qui tum *Coloniae* degebat, postea ob SS. Eucharistiam profanatam *Halae Saxonum* viuis exultus. REVCHLINVS etiam in relata caussa hostes domesticos nactus est; eius rei gratia sepeliri noluit apud PP. *Praedicatores Stutgardiae*, vbi iam prius sibi hoc epitaphium ipse posuerat:

ΑΝΑΣΤΑ-	ל מ יהי
ΣΙΣ	מ
ANN	
CHR. M. D. I.	
SIBI ET PO	
STERITATI	
CAPNION	
IAE IOANN	
ES REICHL	
IN PHORC	
ENSIS.	

Extra natale solum in *Württembergiam* studia, ac vitae institutum REVCHLINVM abstraxerunt, quo minus fatum obiret in *Forzenheim*. *Ingolstadio* enim *Tubingam* vocatus professorem ibi agebat, ac morbo correptus *Stutgardiam* transferri voluit, vbi 30. *Iulii* 1522. aetatis suae anno 67. obiit. *Phorzhemii* vero sepulturae locum habere consuevit Marggrauiorum

rum *Badensium* ea stirps, quae etiam *Phortzheimensis* fuit dicta, sectae *Lutheranae* nunc addita, dum istic sedem ac domicilium habuit usque ad an. 1565. quo CAROLVS II. illud *Durlachium*, cui adiacet turris ad lacum *Thurnberg*, vnde nomen *Durlach* est, transtulit in nouam arcem *Carolinam Carlsburg*.

Carlsruh.

Sedes annis paullo superioribus inde rursus transuecta est in *Carlsruh* insignem Regiam, ad quam, ducta linea, plateae singulae adiecti oppidi ceu radii collimant, vti iam antea *Rastadii* catholica *Badensis* familia sedem ac domicilium suum conformari curauit. In marchionatu hoc *Badensi* quinque adhuc superstites sunt columnae leucares itinerariae, sub *Romanis* imperatoribus positae, ex quibus *Steinbachii* sec. XVI. tres, & *Nöttingae* duae anno demum 1747. & sequenti erutae: quatuor in horto serenissimi marchionis visuntur, & una *Badae*, praeter alia primae antiquitatis monumenta. Est hic *Alba* (vnde pagus *Albegouiae*) *Badensis* marchionatus annis. Ex *Würtembergicis* montibus is scaturit, ac sicut ab *Albae* fluuio in silua nostra *Martiana*, nunc *nigra*, fratres ad *Albam* nos *San-Blasiani* olim vocati sunt. *Mart. Gerbert. Iter Alem.* Y mus,

mus, ita & hic nomen dat monasteriis adiacentibus, quorum prius *Alba dominorum*, *Herrenalb* in ditioe adhuc *Württembergica* auitam religionem, ac institutum cum aliis monasteriis amisit, altera in *Badensi* ditioe *Alba dominorum*, *Frauenalb* etiamnum floret. Inde *Etlingen* oppidum alluit *Alba*, in cuius vicinia non longe a ruinis *Furstenzell*, an. 1480. erutus est lapis, cui anaglyptico opere *Neptunus* insculptus est, dextra delphinum medium tenens, sinistra tridentem, ad pedes habens monstrum marinum cum inscriptione ad latus *Neptuni* IN. H. D. D. D. id est, *in honorem domus diuinæ Deo* NEPTVNO CONTVBERNIO NAV-TARVM CORNELIVS ALIQVANDVS D. S. D. scilicet *de suo dicat*. Habetur hodie prope pontem *Albae* ad oppidi introitum cum tabula ad latus, cui fata lapidis (quae varia subiit, *Etlingensibus* subinde sublati, ac denuo vindicatus) insculpta leguntur. Suppar ac conforme monumentum, nisi quod in monstro marino variet, anno primum 1748. in oppido *Badensi*, quod tribus ab *Etlingensi* distat leucis, repertum est eiusdem CORNELII ALIQVANDI, contubernii nautici nomine, positum.

Baden.

Columnae leucares (quae hic loci ob vicinam *Galliam* a columnis milliaribus distinguuntur,

tur, de quibus antea in *Rhaetia* ac *Vindelicia*) in via publica positae fuerunt a *Rheno* ad ciuitatem *Aquensem* seu *Baden*, indeque ad *Nicrum*: quae omnes respiciunt urbem *Aquensem* iuxta distantiam locorum, in quibus sunt repertae. Ex his vna, vt diximus, *Badae* in horto collegii *Iesuitarum* visitur, ac praeterea alius lapis litteratus in ecclesia collegiata *Badensi* caeteris antiquior, ad introitum templi cum inscriptione M. AVRELIO. ANTONINO. CAES. IMP. DESTINATO. IMP. L. SEPTIMI. SEVERI. PERTINACIS. AVG. FILIO. RESP. AQV. Vnde quidem loci celebritas ex nomine reipublicae colligitur, quum in caeteris lapidibus ciuitas *Aquensis*, & ciuitas *Aurelia Aquensis* dicatur: quod nimirum nomen imperatoris thermis his datum est, vti celebres sunt thermae ANTONINI nomine *Romae*. Thermae hae nostrae in tergo montis, quo ad arcem conscenditur, a longe prospectantibus spectaculum singulare praebent, dum per plures domos distributae, ac passim scaturientes, fumosa tecta, ac montem obiciunt; pauperibusque beneficium praestant suo calore simul ac falsugine, vt sine igne ac sale *panem atrum ex iure vorare*, phrasi *Terentiana*, possint.

Antequam hinc discedamus, mentio adhuc iniicienda est duorum cipporum sepulchralium,

qui muris horti PP. *Capucinatorum* sunt inserti, quorum vnus *AEmilio* CRESCENTI militi legionis XIII. alter *Reburrino* CANDIDO militi cohortis XXVI. inscribitur. In vertice autem montis *Stauffenbergensis*, ad cuius radices oppidum est situm, anaglyptico opere *Mercurii* simulacrum cernitur sinistra caduceo innitentis, hirco ad eius pedes iacente: totus nudus est, pileo etiam caret alato, alis ipsi capiti inhaerentibus. *Badam* alluit *Osa*, paruus amnis ex montibus filuae *Martianae*, qui oppido *Badensi* vicini sunt, per vallem descendens, qui *Argentinensem*, *Spirensensem*que episcopatum transit, atque *Alemanniam* a *Francia* noua disternit. Nihil hoc impediisset, quo minus iter meum *Alemannicum* direxissem vltius ad *Moguntiam* vsque, sedem archiepiscopalem, cui pleraeque *Alemannicae* ecclesiae sunt subiectae. Allectus etiam fueram insigni litteraria suppellectili *Fuldensis* monasterii, sed turbae bellicae columnam mihi posuerunt. Quando feralis *Mars* non eo procedit quidem, vicinus tamen armorum strepitus circumspectos reddit, vt sua in tuto ponant cimelia, ac recondant, quin peregrinis ad ea accessus pateat.

*Pagus Ortenau. Monasterium Schu-
terense , Gengenbacense , Etin-
heimense, Schwarzachense.*

Igitur ad *Rhenum* orientem versus nos conuer-
timus , compositis iam rebus in *Ortinbau-*
gia pago , in quo antiquiora christianae *Aleman-*
niae indicia nobis praebent monasteria ordinis
S. BENEDICTI , imprimis *Schuterense* , cuius au-
ctor iam ineunte seculo VII. OFFO *Angliae*
princeps creditur , restaurator vero S. PIRMI-
NIVS , qui RVTHARDVM comitem induxit ad
Gengenbacense (quo eodem tempore in finibus
Mortinaugiae ad nigrae siluae pedes sub *Cellae*
monachorum nomine , monasterium *Etinbei-*
mense HEDDO *Argentiniensis* episcopus , abbas
olim *Augiae diuitis* , primus instruxit) consti-
tuendum , eundem nempe ipsum , qui mona-
sterii *Arnolfes Augiensis* trans *Rhenum* fundator
fuit circa annum 724. quando S. PIRMINIVS in
Alsatiam venit : quod exustum postea in hanc
Rheni partem translatum *Schwarzach* est dictum ,
potius ab amne *Schwarzach* , quam a nigro ,
quod quidam putant , *Benedictinorum* colore.
Hic enim non adeo constans olim fuit , si to-
gam spectes , quae , postquam etiam ratus fuit
color *Benedictini* habitus , alba cum nigro sca-

pulari frequens fuit apud nos, vt ex haud adeo antiquis imaginibus passim, & domesticis etiam monumentis deprehendi, atque MABIL-
LONIVS ex antiquo codice *Vaticano*, olim *Cas-*
sinensi, notauit cum variis monachorum & ab-
batum iconibus, etiam S. BENEDICTI imaginem
cum cuculla atra, & toga alba, qui est habitus
Cisterciensium, a quibus alias monachi nigri *Be-*
nedictini distinguebantur. Sic in statutis CON-
RADI archiepiscopi *Coloniensis* an. 1260. a) sta-
tuitur: „Quod omnium monasteriorum nigri
„habitus monachi ordinis S. BENEDICTI, diui-
„num officium in cantando & legendo, secun-
„dum quod regula eiusdem S. BENEDICTI prae-
„cipit, exsequantur.“ Et in concilio *Vindo-*
bonensi b) episcopis praecipitur: „vt quilibet
„ipforum intra dimidium annum assumtis secum
„duobus abbatibus *Cisterciensis* ordinis, omnia
„claustra nigrorum monachorum suae dioecesis
„visitent &c.“ Inuenimus in bibliotheca *Schwar-*
zuchensi, manuscriptis destituta, libros ex pri-
mis editionibus, quae MSS. aequiparantur: sunt-
que Io. de TURRECREMATA *Breuis expositio &*
utilis super toto psalterio 1473. ZACHARIAE
Chrisopolitae Concordantiae Euangelist. 1473.
Eiusdem anni Thomae DORNBERG de *Memmin-*
gen Compendium Theologiae. Homiliae super
euangelia

a) Conc. Germ. T. III. pag. 594.

b) Aa. 1267. pag. 635.

euangelia per *Conradum* de HOMERBACH sine anno impressionis.

Alsatia.

Hinc nos iter in *Alsatiam* parauimus, regionem amoenitate fertilitateque nulli secundam, quae sub periodo *Alemannica*, postquam fato pugnae *Tolbiacensis* cum caeteris succubuerat, *Francico* iugo subdita, sub *Merouingicis* regibus primum hoc sibi proprium sumsit nomen, necdum a S. GREGORIO *Turonensi* memoratum; primumque apud GREGORII epitomatores seu continuatores FREDEGARIVM hoc vocabulo nominatur. Iunguntur *Suggetenses*, id est, *Sundgovienses*, in eodem terrae tractu sita, eodemque referendi. Vernaculum *Elsaß*, *Elsasser*, *Elli* accolam denotat, regionis nimirum ad *Ellum* seu fluvium *Ill*, qui per maximam *Alsatiae* partem decurrit, aureumque dicunt ob ingentia eius commoda. *Alsatia* hæc *Brigouiam*, *Ortenouiam*, & marchionatum *Badensem* ab ortu, *Palatinatum* a septentrione, *Burgundiae* comitatum & *Lotharingiam* ab occasu, *Heluetiam* nouam & *Elsgaudiam* a meridie respicit.

Triplicem eius periodum cel. I. Dan. SCHOEFFLINVS sistit in primo tomo *Alsatiae illustratae*, *Celticam*, dum nempe ad antiquam *Galliam*, qua

Celtas circumscribit, pertinuit ; *Romanam* a IV-
 LII *Caesaris* temporibus, qui anno urbis con-
 ditae DCXCVI. ante aeram christianam LVIII.
 postquam ARIOVISTVM ex omni *Sequanorum* re-
 gione cum *Germanis* suis trans *Rhenum* reie-
 cisset, apud *Sequanos* *Alsatas* *Romanae* domina-
 tionis fundamina posuerit, ita, ut sub AVGV-
 STO, IVLII *Caesaris* successore, quum cis-*Rhe-*
nana institueretur *Germania*, inferior *Alsatia* ei
 fuerit adscripta ; dum nimirum AVGVSTVS am-
 plicandae *Romanae* maiestatis causa, ut inui-
 ctae *Germanorum* nationi imperare videretur,
Galliam Ripensem ad *Rhenum* adpellavit *Germa-*
niam. Vnde *Germaniae* cis *Rhenum* origo ad
Romanum imperium comparata : quae in supe-
 riorem inferioremque diuisa quum esset, *Alsatia*
 inferior, quae *Mediomatricensis* nuper, nunc
Tribocica, ad *Germaniam* superiorem fuerit
 relata, *Tribocis* nimirum, *Germanico* populo,
Rhenum transeuntibus, interque *Mediomatrices*
 anteriores in perpetuum sedes figentibus. Su-
 perioris etiam *Germaniae* verticem, quatenus ab
 inferiore distinguitur, nec apud *Sequanos*, *Rau-*
racosque, nec apud *Heluetios*, multo minus ap-
 ud *Rhaetos* in *Adula* monte, ad *Rheni* fontes ;
 sed in media *Alsatia*, superioris nimirum infe-
 riorisque collimitio, quaerendum statuit. *Ro-*
manae huic periodo includit *Alemannicam*, qua
Alsatia

Alsatia Romanis erepta , *Alemanniae* adiuncta fuit , prout diximus ; vt pauca vestigia nominum *Romanorum* in *Alsatia* fuerint relicta , caetera omnia nouis *Alemannorum* , & mox *Francorum* , a quibus tertiam periodum incipit , ad *Rhenum* dominantium designata sint. Nec mirum , quando irruptionibus barbaricis omnia sursum deorsumque conuersa fuerunt , ita , vt ex lingua , regimine , toto coelo diuersa , & *Alemannia* *Rhen*o nuper terminata , terminaretur iam *Vogeso* : vnde distinctio *Alemanniae* in trans- & cis-*Rhenanam* exorta. Nomina haec postea etiam secundum pagos recenset : *Sisgouiae* , *Salzgouiae* , *Elsougouiae* , *Sundgouiae* , *Nordgouiae* , *Wasgouiae* , *Spirigouiae*.

Argentoratum.

Alsatiam obituri , adiuncto nobis humanissime a Reu.^{mo} abbate *Schwarzachensi* comite , principem petiuimus urbem *Argentoratum* ; quod eius nomen in monumentis *Romanis* celebre , postea immutatum fuit , dum ex ruinis , quas *ATTILAE* , qui merito *Rheni* terror fuit dictus , & *Alemannorum* irruptiones fecerant , noua iterum vrbs paullatim surrexit , *Francica* siue *Germanica* adpellatione *Strateburgum* vocata , qua locus munitus ad *Stratam* , seu viam

publicam denotatur , denominatione desumpta a traiectu per *Rhenum* , qui, si vnquam , tunc, fociato regno , frequentissimus fuit , atque etiam promptiori restaurationi occasionem dedit ; semperque non solum memoria, sed vsus etiam veteris nuncupationis mansit , vti GREGORIUS *Turonensis* a), non longe aetate remotus ab eius exstructione , distinguit *Argentoratensem* urbem , quam nunc *Strateburgum*, ait, vocant. Vix ex prima eius ruina supersunt rudera ac monumenta *Romana*, praeter sepulchra nonnulla a duobus seculis detecta , ex quibus tria sunt lateritia, duo vero lapidea cum variis vasis figulinis , & vitreis diuersae formae. In illis legio VIII. *Augusta* constanter notatur , siue sarcophagi fuerint eius legionis militum, siue opus. Sub regno *Francico* celebre fuit regium palatium , ac paullatim tandem in eam vrbs , qua nunc cernitur , excreuit amplitudinem , munitissimumque *Alsaciae* propugnaculum hodie constituit, quod nouis munimentis, arce imprimis, a LVDOVICO XIV. instructum est , postquam in pace *Rismicensi* ei cum *Alsatia* cessit.

Cathedralis ecclesia B. MARIAE sacra, in formam crucis constructa, foris & intus solidissimis ex lapide operis *Gothici* ornamentis superbit.

a) Hist. Fr. lib. X. c. 19.

bit. Rotundo (biennio abhinc) fornici versus orientem, aevo CAROLI *Magni*, vel PIPINI eius patris constructo, ruinam cum tota vastissima structura minitatus est repetitus fulminis ictus, dum fuso ab igne coelesti tecto plumbeo fornices disrumpuntur in ipso sacro adyto, quassato etiam altari summo, quod recentiore quidem opere elegantissimo, forma tamen vetusta, exstructum est a Card. *Fürstenbergico*, huius vrbs superiori seculo episcopo, columnis marmoreis, quae magnificentissimum sustinent baldachinum in medio presbyterii, cui a tergo chorus est in semicirculi figuram. Salua saltem fuit naus, circumiectae partes, ac facies ecclesiae, quae praecipuam habent elegantiam, magnificentiamque. Eminent imprimis portae, ac principalis quidem, cui ex parte meridionali altissima turris insidet, tota ex sculpto lapide exquisitissimo opere constructa, frustra aemulam exspectans in area hunc in finem e regione parata, supra principalem portam ipsamque ecclesiam prominente, vbi ipsa iam exurgere turris deberet; cuius dimidia fere reputatur pars altitudinis, quousque nos conscendimus, ac vnde notabiliora quaeque vrbs loca, ac aedificia probe distinguere potuimus, vnaque circumspeximus *Alsaciae*, *Brisgoiae*que amoenissimam planitiem a *Vogeso* vsque ad *Martianam* seu *nigram*

nigram nostram *siluam* ea ipsa parte, qua monasterium nostrum *S. Blasii* respicit. Inter alia id mirum nobis est relatum, turrim paucis abhinc annis facto terrae motu ita concussam, ut aquam ex puteo ultra duos cubitos profundo excusserit, atque in aduersam turris partem euacuauerit. In naui ecclesiae, dum descendimus, volupe fuit considerare pictas fenestras, quae ornatam quidem, attamen obscuram reddunt ecclesiam; horologium item in parte australi varii ac praestantissimi operis, ad temporis non solum omnia momenta, ac motus designandos, sed & curiosa quaedam exhibenda spectacula.

Ab his iam ad litterarias nostras nos res conuertimus, cuius rei causa primum nos ad instructissimam *Iesuitarum* bibliothecam contulimus, cui praest P. LE FEVRE, quondam regis *Hispaniarum* confessarius. Vir iste egregius sane plures nobis horas adfuit in perlustranda bibliotheca, quae quotannis accessionem librorum habet pro 1600. libris *Gallicis* ex legato illustr. Principis ac Cardinalis *Fürstenbergici*; vix tamen in antiquis monumentis aliquid reperimus, quod nostro instituto seruiret.

Feliciores fuimus in bibliotheca *Protestantium* academica, quae instructa est in monasterio olim Ord. *Praedicatorum*, ubi celebris *Ioh. TAVLE-*

rus tumulum habet, cuius in muro imaginem synchronam conspeximus. In bibliotheca omnia nobis patuerunt; dumque catalogum MSS. primum lustramus, mox inter alia in VBALDI opus de *Musica* incidimus, quod hactenus inter perdita fuit habitum; cuius cum *Ioanne* de FVLDA nobis copia facta est pro collectione scriptorum ineditorum de hoc genere, operi ipsi de *Cantu & Musica ecclesiastica a prima ecclesiae aetate usque ad praesens tempus*, posterioribus tomis subiicienda. Nec minus prompte alia ad manus fuerunt, ut supellectilem nostram factis excerptis augeremus officiosissimi bibliothecarii *Andreae* LAMEY beneuolentia, imprimis vero cel. *Dan.* SCHOEPLINI, qui vastissimae eruditioni ornamenta illustria ingenuitatis humanitatisque iungit, & quamdiu *Argentorati* sumus commorati, praesentiam suam, ac doctissimam conuersationem lubentissime indulgit, cum usu instructissimae bibliothecae ac pinacothecae, a quibus magnum aliquando bibliothecae publicae *Argentoratensi* incrementum, ac ornamentum accedet. Qua de vrbe, tum ob *Alsatiam* a se tam splendide illustratam, tum eo etiam titulo immortaliter meritus est SCHOEPLINVS, quod artis typographicae primordia ei vindicauerit; ita tamen, ut nec *Moguntia*, nec *Harlemium* iustam querelam habeat.

COSTERO laudem praecipuam non inuidet litterarum ligneis tabulis insculptarum post quasdam praelusiones chalcographiae, & xylographiae apud *Chinenses*, e. g. in chartis lusorii *Augustanis* & *Norimbergensibus*. Quod vero typographiam proprie spectat, quam in *Vindiciis typographicis* nuperrime editis describit, artem litteras mobiles sculptas vel fusas in paginam componendi, paginae compositae illinendi colorem, illitum colorem imprimendi chartae; ita *Moguntiam* inter & *Argentoratum* transigit, ut vrbs utraque in ciue suo GVTENBERGIO de primitiis artis gloriari ex aequo possit, ac praeterea *Moguntia* singularem laudem litterarum fusarum habeat in *Petro* suo SCHOIFFERO. Itaque tres distinguit artes veluti per gradus pedetentim exortas. Prima speciem illam xylographiae constituit, quae tabellas paginis librorum similes litteris fixis insculpsit, quorum inuentorem *Bataui* COSTERVUM *Harlemensem* constituunt. Secunda litteras fixas commutauit in mobiles; unde versatilis illa typographia exsurgit, cui proprie nomen typographiae debetur; quam GVTENBERGIUS *Argentinae* inuenerit. Tertia litteras sculptas vertit in fusas. Primam vocat *Costerianam*, secundam *Gutenbergicam*, tertiam *Schoifferianam*. Solus Io. FVST, cui passim primae, ac praecipuae tribuuntur partes cum primoribus inuentoribus, in nullam venit classem,

fem, imo ob fraudes malamque fidem vapulat. Ipfis sibi profecto primi auctores adscribere debent, si pro merito haftenus non sunt laudati, qui lucri quam gloriae magis studiosi, artem primum occuluerunt, vt scilicet libros impressos pro MSS. carius venderent.

Atque ita GVTENBERGIVM *Argentorati* primum fecisse probat, simulque nobis etiam monumenta *Argentorati* exhibuit ex publicis tabulis vrbis, remque explicauit. *Moguntiae* quidem natus erat GVTENBERGIVS, quem tamen, quum ciuis postea factus esset *Argentinenfis*, societatem circa artem occultam cum aliis habuisse, ex publicis senatus actis anni 1439. testium effata (lis enim ea de re GVTENBERGIO mota erat) primus produxit SCHOEPELINVS, atque ex tempore *Argentinenfes* monuit, ne porro MENTELIVM suum GVTENBERGIO *Moguntino*, sed GVTENBERGIVM *Moguntinum* *Moguntinis* opponerent. Nimirum GVTENBERGIVS modico patrimonio instructus, artique perficiendae non sufficiens solus, socios sibi parauit, qui pecunia eum operaque iuuant. Hos inter vnus, quum morte decederet, fratremque defuncti in societatem, quam petierat, non admitterent focii, hic GVTENBERGIVM principem societatis citauit ad iudicem. Senatus, postquam testes vtrimque magno numero audiuiisset, pro GVTENBERGIO pronuntiauit. Socios tabulae

lae nominant RIFFIVM *Lichtenauensem*, trans *Rhenum* iudicem, *Nicolaum* & *Andream* DRITEHENIVM, & HEILMANNVM *Sanspachium*; litteram autem mouit *Georgius* DRITEHENIVS, *Andreae* defuncti frater; testes proferuntur, quorum effata in tabulis descripta habentur, qui praecipuas typographiae, & utensilium eius partes in testimoniis singuli tam aperte exponunt, ut indolem artis vel obiter noscens, eam facile in effatis eorum reperiatur. Memoratur prelum, columnae subiectae iam prelo, typi solubiles a typotheta concinnandi, praecipuum artis arcanum, quod ne in publicum efflueret, GVTENBERGIVS sollicitè cauit, mortuo *Andrea* iubens, ut cochleae, quae mobiles constringebant typos sine mora aperirentur, quo nempe possent typi illi dissolui.

Haec primus sagacissimus SCHOEPFLINVS ex commentariis publicis produxit, mihi quoque exhibuit, quibus artis typographicae primordia *Argentinesibus* suis vindicat, litteris nimirum sculptis: coniicitque, quod inter expensas ad artem exercendam mentio quoque fiat plumbi, quo palam fieri adserit, GVTENBERGIVM litteras suas non solum ex ligno, sed etiam ex plumbo sculpsisse. Primitias typographicas ad annum 1436. refert, primumque typographicum prelum *Conradum* SASPACH in *Mercatorum vico* confecisse.

confecisse. Ex schola *Gutenbergica Ioannem*
MENTELE, & *Henricum EGGSTEIN*, licet diu
 postea arte typographica *Argentinae* inclarue-
 rint, prodiisse putat *SCHOEPFLINVS*, quorum al-
 terum an. 1442. priorem an. 1447. in vestiga-
 lium indicibus reperit, *GVTENBERGIVM* vero ad-
 huc an. 1444. vnde ei verisimile est, illum an. 1445.
 discessisse. Instrumentum litis inter *GVTENBER-*
GIVM & *Io. FAVSTVM Moguntiae* an. 1455. do-
 cet, circa an. 1450. *GVTENBERGIVM* cum *FAV-*
STO societatem iniisse, *FAVSTO* suggerente sum-
 ptus, vt typographicum perficeretur opus. Of-
 ficina *GVTENBERGII* pro suppeditata pecunia op-
 pignorata fuit, ac etiam in *FAVSTI* manus, sen-
 tentia iudicis 1455. deuenit.

Petrus SCHOIFFERVS, seu *SCHOEFFERVS*, latine
OPILIO, *Gernsheimensis*, librarius calligraphus
 (cuius manuscriptum codicem, quem *Lutetiae*
 an. 1449. scripsit, in bibliotheca academica *Ar-*
gentinenſi cernere licuit) operas suas *FAVSTO*
 impendit, litteras sculptoribus praeformando.
 Cuius generis specimen in bibliotheca *Schoepfli-*
niana vidi, atque etiam pro opere meo musi-
 co delineatum accepi cum notis musicis ex in-
 signi psalterio *Moguntiae* 1457. impresso litte-
 ris vncialibus maioribus, illis alias simillimis, qui-
 bus impressa sunt biblia, quae integra tribus
Mart. Gerbert. Iter Aleman. Z tomis

tomis possidet bibliotheca nostra *San - Blasiana*, de quibus supra egimus artic. *Memmingen*. Concordant litterae capitales variis coloribus, quales etiam in *DVRANDI Rationali* 1459. conspicuae sunt, partim rubro, partim caeruleo colore impressae, vt *SCHOEPFLINVS* nobis indicauit; quarum vsum ferius plerique ponunt, & certe in aliis libris impressis diu postea non habentur, postquam typorum fundendorum ex matricibus inuentione ars typographica perfecta est, quod *Petro SCHOIFFERO* debetur, atque *Moguntiae* vrbi, dum contra gloria litterarum sculptarum *Argentorato* adferitur. In tabulario *Argentin.* exstant excerpta MSS. *Daniel. SPECKLINI* architectonicae rei apud *Argentineses* praefecti, in quibus reliquias adhuc typorum illorum sculptorum a se oculis conspекtorum ita describit: *Die buchstaben waren von holz geschnitten, auch gantze wörter und sylben hatten nebenszu löcklin das mans mit einem drat oder starcken faden köndte zusammen fassen. so war die preß auch hülzin, und wie ein trott, damit man allerhand saft austrottet, formiert.* Ipsos vero typos *Argentineses* sculptos ita laudatus *SCHOEPFLIN* c. IV. §. 2. in *Vindiciis typographicis* describit: *Primae ergo Argentinesium typographiae omnes illos vindicamus libellos, in quibus litterae sunt pingues, rudes, crassa sculptae*

ptae minerva, quarum nulla suae sociae aequalis, sed una modo tenuior, crassior, modo longior, modo rotundior altera, ita ut eidem non infusas matrici, sed singillatim sculptas fuisse facillime appareat. In libellis his lineae longiores raro rectae, plerumque sunt curvae. Linearum compages elegantia symmetrica caret; atramentum librarium pallet; nulli paginarum sunt numeri: nulli sunt duerniones, terniones, quaterniones chartarum, alphabeticis signis, signaturam quam vocant, distincti. Argentorati ante annum 1471. nullum librum prodiisse dicit, qui typographum, annum impressionis, & locum typis expressos designet. Biblia MENTELII an. 1466. cuius supra meminimus in Stutgardia, annum, locum, typographum notatos habeant manu calligraphi. Vult, libros sculptis litteris impressos maximam partem esse Argentoratenses, qui ita imprimere diu perrexerint, posteaquam etiam fusæ in usu fuerint. Quod beneficium orbi litterario allatum, licet omnes magni habeant, aliquid tamen plusculum hic SCHOEFFLINVS Argentorato suo favet, dum sculptis solis artes, atque scientias non minus, ac fusis propagari potuisse dicit, fusilibus etsi litteris orbis caruisset. TRITHEMIUS nobis ex ore SCHOEFFERI testatum reliquit, quantis operis impensisque litteræ sculptæ, atque ad typum

perfectae sint; resque per se loquitur. Gratias tamen maximas debet viro erudito respublica litteraria, quod, sicuti *Moguntiae* res (patefacta lite GVTENBERGII cum FAVSTO) sunt in aprium deductae, ita sua solertia in lucem protractis actis de discordia eiusdem cum DRITHEONIO *Argentorati*, maior lux primordiis typographicis sit accensa.

Id vero mirari non satis possum, GVTENBERGIVM, qui ad annum vsque 1468. vitam protraxit (vt ex reversalibus litteris, ADOLPHO electori datis, patet, apud quem gratosus fuit, an. 1465. inter aulicos receptus) nusquam recurrere, sed FAVSTVM & SCHOIFFERVVM in conspectu eius *Moguntiae* totum, quidquid est gloriae, sibi vindicare in libris editis cum aliqua typographica nota: vti in psalterio 1457. in *Rationali* officiorum divinorum 1459. Ianuensis *Catholico* 1460. Bibliis latinis 1462. in *Officiis* CICERONIS 1465. & 1466. Praeterit etiam GVTENBERGIVM Io. SCHOIFFER, *Petri* filius, & in arte successor, in epigraphe, compendio chronici TRITHEMII, *Moguntiae* 1515. edito, adiecta, quamquam in LIVIO Germanico 1505. *Moguntiae* edito, GVTENBERGIVM an. 1450. typographiam invenisse, atque perfecisse sumtibus, & opera Io. FAVSTI, & *Petri* SCHOIFFER

FERI fit professus, quod ore etiam eius pater *Petrus* OPILIO, seu SCHOIFFER, TRITHEMIO falsus est, ut is ad an. 1450. narrat: ad quem annum alii fere haecenus inuentionem typographiae *Moguntinae* figunt, quemque SCHOEPFLINVS epocham *Argentinensem*, & *Moguntinam* discernere dicit, atque ex documentis *Argentinesibus* prodit, iam ab anno 1436. cum GV TENBERGIO ciues *Argentineses* occupatos fuisse, qui an. 1740. secularia typographica celebrarunt: qua occasione programma de hoc argumento edidit primum SCHOEPFLINVS, ac nuperrime *Vindicias typographicas*, postquam plura adhuc ex scriniis *Argentinesibus* publicis documenta reperit, in quibus GV TENBERGIUS ante artem exercuisse *Argentorati* dicitur, quam *Moguntiam* rediret: quum secus haecenus fuerit existimatum, GV TENBERGIUM a FAVSTO, postquam didicisset artem, *Argentoratum* concessisse, ut eam ibi clam excoleret. Post amissam officinam *Moguntia* excessisse GV TENBERGIUM etiam SCHOEPFLINVS a) concedit, verisimilius vero existimat, discessisse *Harlemum*. „ Ita (inquit) decennalis vitae *Gutenbergianae* lacuna „ ad annum vsque 1465. quo in *Moguntinis* „ documentis rursus adparet, completur. Ita „ ratio patet, cur FAVSTVS ab anno 1457. fal-

Z 3

„ laces

a) Vindic. Typogr. C. IX. §. 3.

„laces suas formulas, GVTENBERGIO nimirum
 „absente, propalare sit ausus. Nostra tabularia
 „post annum 1445. quo *Argentina* discessit, de
 „de eo nihil proferunt. Sed & *Moguntina* vf-
 „que ad annum 1465. quantum nouimus, fi-
 „lent. *Harlemensia* nobis succurrere deberent.,
 Refert porro, scriptores *Brittannos*, typogra-
 phiæ in *Angliam* translatae originem exponen-
 tes, GVTENBERGIO, eam exercenti *Harlemi*, do-
 lo furtoque ablatam contendere, remque *Ro-*
berto TVRROWIO, & *Guilielmo* CAXTONO popu-
 laribus suis attribuere, qui post simulatam per
 aliquot annos cum GVTENBERGIO amicitiam,
 artem denique per sodalem eius *Antonium* de
 CORSELLIS surripuerint, surreptam an. 1464.
Angliæ intulerint.

Operæ pretium est, catalogum librorum
Argentinæ primum impressorum hic attexere
 ex SCHOEPFLINI Vindiciis. *Gesta Christi* XI.
foliorum quartæ formæ libellus columnis binis
impressus. Soliloquium Hugonis. Vnde speci-
 men typis aeneis ex suo exemplari dedit. *De*
Missâ liber qui XXVIII. foliorum est. Quem in
 bibliotheca acad. *Argentorati* vidi. *De Iudæo-*
rum & Christianorum communione liber. fol.
minoris. Quem in bibliotheca *Commendæ*
S. IOANNIS videre est. *Henrici de Hassia Ex-*
positio

positio super dominicam orationem XV. foliis per columellas impressa. Consuetudines feudorum fol. Vbi primae voces typis miniatis excusae his verbis: Incipiunt consuetudines feudorum &c. Psalterium latinum form. duodec. Hi sine nota typographi, temporis, vel loci sunt. Subdit vnum ex sua, vbi eum conspeximus, bibliotheca, ac etiam specimen scripturae refert, qui annum saltem exprimit. Liber de miseria humanae condicionis Lotarii diaconi Sanctorum Sergi & Bachi Cardinalis, qui postea Innocentius tercius appellatus est. Anno domini 1449. Dialogos S. GREGORII his accensere falsa temporis nota vetat: Praesens hoc opus factum est per Iohann. Gutenbergium apud Argentinam anno Milesimo CCCCLVIII. Bibliorum MENTELII 1466. iam non semel meminimus. Anno postea 1458. prodierunt EGGSTEINII biblia, quae habentur in bibliotheca Commendae S. IOAN. Hierosol. Argentorati. ASTEXANI Summae de casibus miniator annum 1469. adlevit. GRATIANI decretum cum typographi, EGGSTEINII nempe, nomine, loco impressionis, & anno, exstat in bibliotheca Commendae laudata, vti etiam Clementinae eiusdem anni, ac CICERONIS officia an. 1472. typis Eggsteinianis; quibus iisdem, eodem anno, typis quoque sculptis prodierunt IUSTINIANI Institutiones cum Constitutio-

nibus feud. fol. Sequenti deinde anno litteris fuffis quatuor maximae chartae voluminibus primum imprefsum eft *Speculum hiftoriale* VINCENTII Bellovac. Quam tamen alia editio litteris fculptis fine die & confule praeeffit, ut in bibliotheca Schoepfliniana videre eft, ac etiam in noftra D. Blafii. Adhuc pofttea anno 1474. BERTHORII Reductorium morale per C. W. id eft, interprete SCHOEPFLINO, *Cephaleum Wolpbium* 1475. RODORICI Zamorenfis *Speculum*, per Martinum FLACH. NIDERI Praeceptorium divinae legis 1476. per Ieorium HVSNER. *Proceffus iudiciarius Belial* per Henricum KNOBLOCHZERVUM, litteris quidem aeneis, fed fculptis, vt difcernere licet ex inaequalitate earum in bibliotheca Commendae S. IOAN. Argentorati, vbi vnacum prioribus fervatur. Univerfimque ftatuit SCHOEPFLINIVS canonem: *Libri litteris fculptis, rudibus & fcabris fine anni, loci & artificis indicio imprefsi, ex Argentinenfium prelo maximam partem prodierunt.*

Haec copiofius ex ore, fcriptove amiciffimi SCHOEPFLINI hic edifferere haud abs re vifum eft, noviffimum quum fit, quod de re litteraria urbis *Argentoratensis* proferri poffit in argumento non adeo a noftris temporibus remoto, obfcuro tamen adeo, tantisque partium ftudiis

studiis distracto : cui novum lustrum doctissimus SCHOEFFLINVS dedit , quocum multus nobis ea de re fermo , atque de prosequendo meo itinere consultatio , quod , ut per superiorem tantum *Alsatiam* facerem , auctor fuit. Discessum igitur *Argentorato* paravimus per eam urbis portam , ubi olim abbatia *Ord. S. Bened.* S. ARBOGASTI , episcopi *Argentinenſis* erecta erat , & qui celebrior adhuc fuit , *S. Stephani* parthenon extra veteris ciuitatis moenia sub CHILDERICO II. exstructus ab ADALBERTO *Alsatie* duce , ETHICONIS filio , qui monasterio filiam suam ATTALAM praefecit , cuius adhuc pallium , quod amplissimum est , ostendunt Canonissae saeculares , ad initium huius seculi ad Catholica sacra a *Lutheranis* reuersae , atque in vetustissimis aulaeis gesta ATTALAE & S. ODILIAE. Huius gratia , quae S. ATTALAE amita fuit , sub eodem CHILDERICO II. ETHICO pater *Hohenburgensem* parthenonem dotavit : vbi praeter imaginem , lapidi anaglyptico opere incisam , qua sedens filiae ODILIAE librum porrigit , adhuc eiusdem sarcophagus , muro cappellae angelicae insertus , cernitur.

Ebersmunster.

CORPUS vero ETHICONIS ostenderunt nobis foudales *Ebersheimenses* in ecclesia ad meridionale

dionale latus egregie ornatum, sed, quod solemmniter ab ecclesia in Sanctorum numerum relatus non sit, publico cultui haud expositum. *Ebersheimenses* eum ceu suum fundatorem colunt; licet sint, qui monasterium istud fundatum, nominatumque velint tempore S. ARBOGASTI Ep. *Argentoratensis*, ex occasione miraculi, quo Sanctus ille filium DAGOBERTI regis, ab apro percussum, restituerit. *Novigentum* etiam vocant chartae antiquae *Ebersheimenses*, quae antiqua *Romana* est denominatio. Vbi etiam ferunt, primo ecclesiae saeculo S. MATERNVM, primum apostolum ex Christi discipulis, templum paganicae superstitioni hucusque dicatum consecrasse Christo, & presbyteris diaconisque instruxisse. *Nec prorsus de nihilo est ea fama. Vidimus enim ipsi vestigia antiquitatis illic in nemorum collibus, quos vulgus a paganis adhuc cognominat, sunt verba RHENANI (a), qui istic terrarum vixit, sic dictus a patria Rhenaugia, seu Rhenaui, quod Argentorato Ebershemium iter agentibus ad laevam est. Agunt prolixius ea de re chronica monasterii Ebersheimensis, sed sequioris aevi.*

Nihil etiam in monasterio admodum antiquum reperimus, ac pauca Mss. liturgica, ex quibus excerpta fecimus. Inter alia sunt quaedam *Iob. de DEO* scriptoris saeculi XIII. in cod.

(a) *Rer. Germ. Lib. III.*

saec.

faec. XV. post nonnulla GERSONIS opuscula. Ibi:
Incipit libellus poenitentialis a magistro de Deo
Hispano editus doctore decretorum. Inscr. *Vene-*
rabili patri ac dno M. divina providentia ur-
bis Bononiensis episcopo & venerabilibus viris
&c. In fine: *Explicit liber septimus ad hono-*
rem primae Trinitatis & individuae Unitatis.
In nomine Patris & filii & Spiritus Sancti A-
men. *Explicit libellus primalis a magistro Io-*
hanne de Deo Hispano, utriusque iuris doctore
editus, Deo gratias. Item. *Excerpta seu au-*
thoritates sive flores Ioh. de Deo doctoris utrius-
que iuris Hispani de peniten. & remission. Inc.
Cura pastoralis: Fin. Aliquis hic passus fuit. Et
sic est finis huius. Deo gratias. Expliciunt au-
thoritates confessionales Iohannis de Deo doctoris
decretorum Hispani. Habetur etiam Synodale
 cum apparatu a Petro magistro de Samplone com-
 pilatum. Inc. *Quoniam in Sacramentorum col-*
lationibus &c. Sequitur dialogus inter BERNAR-
 DUM & Cardinalem. *Dum nobis concedatur &c.*
 Item. *Bulla renuntiationis Papatus per dnm Fe-*
licem. Sequitur *Forma absolutionis, & plura a-*
lia. Ioh. a STEIGA: *Alphabetum auctoritatum sui*
nominis iste liber vocabulum est sortitus, eoquod
Sanctorum atque philosophorum auctoritates in
ipso secundum litteras Alphabeti ordinatas colle-
ctae ponuntur. Ex S. GREGORIO, AMBROSIO,
 CHRY-

CHRYSOSTOMO, ISIDORO, CYPRIANO, AVGVSTINO, HIÉRONYMO, ANSELMO, CASSIODORO, SENECA, BOETHIO. INC. *Abbas dicitur pater spiritualis. Alsata famosus &c.*

Selestadium.

A monasterio *Ebersheimensi* prope abest urbs munita *Selestadium*, seu *Schletstatt*, inter palatia olim regum *Francorum*. Imprimis CAROLI *Crassi* plura praecepta *Selestadii* signata reperiuntur. Limes hic *Nortgoviae* & *Sundgoviae* maiorum *Alsatiae* pagorum figitur, quibus nempe in septentrionalem & australem disternitur. Fuerunt, qui hanc *Helvetum* in *Itinerario* ANTONINI, in *Tabula Theodosiana Hellesum*, PTOLOMAEO *Helkebum* dictam existimarent, inter *Argentoratum* & *Argentovariam* sitam ad *Ellum*, commodissimum *Alsatiae* fluvium, unde hodieque *Ell* vocatur villula, superstes ex ATTIAE & *Alemannorum* grassationibus, tribus a *Selestadio* distans leucis. Ibi copia *Romanorum* numismatum, vasa fictilia, ollae, lateres ex antiquitate *Romana* reperiuntur. *Palladis* cum peplo imaginem, & inscriptionem hic loci repertam SCHOEPFLINVS in *Alsatia illustrata* producit.

ducit, existimatque, plures adhuc ex ruinis lapides litteratos superstites fore, nisi, quum *Benfelda* vicina tricennali bello fortiter munitur, a *Suecis* magna eorum copia ex *Helveti* ruderibus protracta, ad munitiones illas fuisset adhibita: quales supersunt lapides, quibus Numinum apud *Romanos* cultorum imagines repraesentantur in muro monasterii propinqui, quod olim *Guilielmitarum ordinis* fuit, nunc *S. Francisci*. Plura adhuc vidisse se testatur RHENANVS *Gentilis* (a) simulacra *Mercurii*, *Dianae*, & aliorum Deorum in muris templi in *Hello*, veteri *Helveto*, qui ostendere etiam sese testudines subterraneas rusticis arantibus, asserit. Idem de ruinis veteris *Argentovariae*, quae post *Helvetum* seu *Hellelum* proxima *Romana* statio in *Itinerario ANTONINI* & *Tabula Theodosiana* occurrit, inscriptiones, signa, vasa, nummos effossos suo tempore testatur RHENANVS, quod & de nostra aetate SCHOEPFLINVS ait.

Colmaria.

Quae sane vrbis haud mediocris *Romanae* reliquias indicant in agro *Horburgensi*, qui subur-

(a) Lib. III. rer. Germ.

suburbanus est *Colmariae*, quae olim *Columbaria* fuit dicta, seu etiam *Columbra* tempore CAROLI M. quo ceu villa regia occurrit: cuius etiam nomen *Genitium* ex NOTKERO memorat SCHOEPFLINVS, dictum a *Gynecaeo*. *Genecium* ISIDORO *textrinum* graece dictum, quod ibi conventus foeminarum ad opus lanificii exercendum conveniat. Hodie, licet varia, bello praesertim tricennali, perpeffa sit fata, floret haec civitas, situ sane amoena, quam *Cereris* & *Bacchi* filiam ex soli fertilitate dixeris. Ex Catholicis & *Lutheranis* incolis componitur etiam senatus; at consilium supremum, parlamentum vocant, quod rex *Galliarum* hic constituit, postquam in eius ditionem cum *Alsatia* venit, totum ex membris catholicis constat, praecipuum vrbis ornamentum, nec parvum incrementum.

Murbach.

Apud *Gebenwilare* oppidum monachi *Murbacenses* iam sedem habent, eremo *Murbacensi* relicta, institutoque monastico cum Canonico commutato. Qua quidem in metamorphosi id in *Murbacensium*, nunc *Gewilarensium* gratiam dici debet, difficulter eos tandem ad hoc permotos esse, *Lutrensibus* sodalibus rem-
vrgen-

urgentibus, quae est abbatia *Murbacensi* vnita, libera olim etiam *Romani* imperii. Vnde abbas, qui ex quatuor primariis principibus Ordinis S. BENEDICTI est, duplici gavissus est in comitiis suffragio. Qui nunc praeest, invitus tandem, renissus diu pro viribus, ad mutanda sacra inductus est vir singularis modestiae ac humanitatis, qua nos excepit incredibili, ipseque deduxit mox in archivum, ubi ingentem copiam diplomatum a plus mille annis in originalibus inspeximus, quorum collectionem *Argentorati* in vasto volumine apud SCHOEFLINUM iam videramus. Dum vero nos *Murbacium* adspiraremus sequenti die, comitem esse voluit ipsum D. Decanum, qui secundum post Principem tenet locum, ac *magnus* vocari solet, in *Lutrensi* autem Prior *magnus*, qui illic post principem abbatem praeest congregationi. Monasterium *Murbacense* in praeruptis montium faucibus situm est, ubi paullatim ab occidente exsurgit *Belus* mons, *Belch* germanice, quod VRSTISIO genericum est nomen, quo excelsa montium cacumina olim designata fuerint, eoque nomine alius adhuc in comitatus *Burgundici* finibus, versus *Alsatiā* situs; alius item in *silva* nostra *nigra* seu *Marciana*, aemulus altissimi e regione adhaerentis montis
Feldberg,

Feldberg , aemulus item *Beli Alsatici*. Sed ut hinc in *Murbacium* nostrum revertamur, fatis mirari non potui, consilium tunc demum capi potuisse, postquam nova monasterii structura amplissima fere perfecta est, locum hunc deferendi, unde tot illustres pietate, doctrina, ac dignitatibus ecclesiasticis viri prodierunt ab ineunte saeculo octavo per S. PIRMINIVM in honorem S. LEODEGARII M. condito monasterio sub THEODERICO V. opera & impensis EBERHARDI comitis, vt ex authentico constat diplomate, eiusque sepulchrum cum excisa in lapide imagine ante annos quingentos adposita superstes est, dum nuper primum destructa veteri ecclesia chorus saltem haud profanatus in facellum aptatur, vbi ad laevam EBERHARDI sepulchrum relinquitur.

In bibliotheca insignis est MSS. adparatus omnis generis veterum scriptorum, ac characterum. Ac litteris quidem vncialibus perscriptus codex monasterii natales exaequat, aut superat, continetque tredecim ORIGENIS homilias in *Exodum*. Cyclus paschalis VICTVRII, seu VICTORII ad HILARIVM P. mixta cum minuscula vnciali, pulcherrime scriptus habetur in eodem codice, cum GEDVLII carminibus characterem *Anglo-Saxonico*; quo etiam perscriptae habentur epistolae PAVLI. Elegantissimus porro
adest

adeſt codex euangeliorum charactere *Scotico*, *Murbaceniſi* abbatiæ condendæ occaſionem dedit Colonia *Scotorum*, quæ in hodierni monaſterii viciniâ ad finem ſæculi VII. confedit, locusque hinc adpellatus *Viuarium peregrinorum*. Quædam S. AVGVSTINI opuscula & S. GREGORII *Moralia* litteris *Merovingicis* ſunt ſcripta. Habetur etiam codex huc ſpectans cum hoc initio : *In nomine Patris , & Filii , & Spiritus ſancti incipit ecloga , quam ſcripſit Lathcen filius Baith de moralibus Iob , quos Gregorius fecit. Inc. Inter multos ſæpe quaeritur &c.* Item in cod. ſec. circ. XI commentarius in IOB cum præuia epiſtola PHILIPPI præbyteri , & commentatoris ad NECTARIVM epiſcopum : *Incipit epiſtola Philippi præbyteri, & commentatoris ad epiſcopum Nectarium. Adbortante te, imo potius compellente, Nectari pater beatiffime ! aggredior opus mihi valde arduum atque difficile , quod de ſancti Iob libro aliqua explanare præſumam, Inc. Expoſitionum in Iob. L. I. Sanctus Iob vir ſummae potentiae. Epilogus ad eundem NECTARIVM ſic finit : Dum incondita eius corrigenda retractas , & perfectâ emendatione caſtigas. In alio codice , quo continentur *Conſtitutiones apoſtolorum*, in fine epiſtola CLEMENTIS ad IACOBVM ita habet : *Finit epiſtola , ut putatur, S. Clementis. Codex eſt ſec. Mart. Gerbert. Iter Aleman.* A a X.*

X. vel XI. vnde patet, iam tunc hanc epistolam dubiam haud immerito habitam fuisse. Collectio Canonum codd. 2. sec. circiter X. Ex recentioribus codicibus inter alios sunt acta concilii *Basileensis*. Tract. de *Scrutinio scripturarum* Io. BVCHLER, rectoris scholarum in *Morbach* 1466. Ad rem liturgicam quae pertinent, fere etiam sequioris sunt aevi, ac frustra ordinem sacrae scripturae, prout ante mille annos in officiis diuinis legi consueuerunt, a MARTENIO, & aliis recensitum quaesui, imprimis autem sacrae scripturae codicem graecum, litteris vncialibus perscriptum. Forte adhuc in angulo quoquam delitescant, vnde plures extraxi, ac ordinaui vno quodam repositoio, auctorque fui illustrissimo Principi, vt ibi signatos clausosque tantos thesauros custodiat, quod is gratanter accepit.

Ensisheim.

De lapide ceraunio, vt quidem MVNSTERS *a)* & VRSTISVS *b)*, & alii reputarunt, supra mentionem iniecimus, Chronicon Msc. monasterii *Murensis* recensentes, quem etiam *Sebastianus* BRANDIVS peculiari carmine decantauit. Sic vero TRITHEMIVS *c)* in Chr. *Hirsaug.* descri-

a) Cosmog. Lib. III. c. 125.

b) Chron. Basil. Lib. VI. c. 16.

c) Ad. an. 1492.

describit casum : Eodem anno septima die Nouembris cecidit e nubibus aëris in pago, qui nuncupatur *Suntgave*, prope oppidulum, quod dicitur *Ensisheim*, haud procul a *Basilea* ciuitate Germaniae, fulgetra, siue lapis mirae magnitudinis, pondus, sicut audiuius ab his, qui viderunt, librarum videlicet 255. hoc est centenariorum duorum simul ac semissis & quinque librarum. Qui quidem lapis ex violentia cadendi duas in partes fuit diuisus, cuius pars maior ante fores ecclesiae memorati oppidi *Ensisheim* cum ferrea catena in testimonium veritatis, & memoriam usque in praesentem diem videtur suspensa. MÜNSTERVS ad relatum annum dicit, lapsum esse desuper ex nubium coagulatione edito magno tonitru. *Paulus LANGIVS* in chron. *Cizizen-si* testatur, tempestate exorta, igniuoma inter tonitrua grandem valde lapidem e nubibus prope oppidum *Ensheim* ad agros proprios *FREDERICI* imperatoris cecidisse cum ingenti fragore. Testimonium vero omni exceptione maius petitur ex edicto *MAXIMILIANI Romanorum* regis de *Cruciata* seu Societate *S. Georgii* an. 1503. contra *Turcas* instituta, vt legitur apud *Io. Phil. DATT* a) his verbis: „Imprimis „*DEVS* omnipotens nos tanquam supremum „caput Christianitatis ante aliquod annos cum

A a 2

„ VNO

a) Vol. rer. Germ. lib. II. c. 1. p. 214.

„vno diro & graui lapide indifferenter duorum
 „centenariorum . . . qui cum magno attonitu e
 „coelo ante nos, cum in exercitu nostro ad re-
 „sistendum temerariis *Gallorum* conatibus fui-
 „mus, in patenti prato cecidit. Quem nos et-
 „iam in ecclesia oppidi nostri *Ensisheim*, apud
 „quod cecidit, vbi anteriorum dominiorum no-
 „strorum circumiacentium regimen nostrum ob-
 „seruari, & teneri consuevit, appendi iussi-
 „mus. „ Ibi eum conspicuum habuimus, cum
 inscriptione: *De hoc lapide multi multa, omnes*
aliquid, nemo satis. Dan. SCHOEPEFLINVS T. II.
 p. 68. nouissime in *Alsatia illustrata* post ope-
 rosum examen ita scribit: „Naturam lapidis
 „quod attinet, substantia eius est insipida, in-
 „odora, nigricans, ex squammis coagmentata,
 „venulis albidis striata, & particulis splenden-
 „tibus eiusdem coloris conspersa, minerae mar-
 „tialis species. Durities tanta vt Chalybe per-
 „cussus euomat ignem. Massa ignita, & in a-
 „qua extincta in puluerem redigitur facile.
 „Quodsi eidem oleum vitrioli affundatur, nul-
 „lum nec efferuescentiae, nec solutionis si-
 „gnum, foedissimum vero sulphuris reddit odo-
 „rem. Tantam molem in aëre non gigni,
 „nec haerere potuisse nos ratio docet. Violento
 „fulminis igni generatio eius nequit ad-
 „scribi, quod argillam continet, quae omni ca-
 „lori resistit. Adde, quod nullum fusionis si-

signum in omni massa occurrat. Substantiam
 „ fossilem, in modum omnium glebarum me-
 „ tallicarum sub terra generatam, in lapide nostro
 „ reperiunt chymici. Hic certe vel in loco ge-
 „ nitus, vbi repertus, vel ex montibus haud a-
 „ deo longinquis, vbi minerae gignebantur, tem-
 „ pestate, & torrentibus aquis abruptus, longo
 „ saeculorum tractu in plano prouolutus, atque
 „ *Ensisheimium* versus fuit promotus.„ Me fa-
 teor, vt cetera historicorum testimonia taceam,
 perplexum tenent aperta MAXIMILIANI verba
 in monumento publico: *Qui cum magno at-*
tonitu e coelo ante nos, cum in exercitu nostro
... fuimus in patenti prato cecidit. Ita cer-
 te situs est oppidi *Ensisheim*.

Arlesheim.

B*runtrutum*, sedem nunc episcopi *Basileensis*,
 cogitabamus, dum nuntiata nobis absentia
 Celsissimi S. R. I. Principis propositum mutandi
 consilium ingessit. Pro nostro etiam instituto
 parum inde sperare poteramus, cum episcopus
 extorris a cathedrali sua ecclesia ibi degat ab eo
 tempore, quo catholica religio *Basilea* exulat,
 atque episcopus vna cum cathedrali capitulo, cu-
 riaque episcopali exire compulsus est, relicto
 omni sacrae antiquitatis apparatu an. 1529. sub
 PHILIPPO a *Gundelsheim* episcopo. Quo tem-

pore etiam curia & capitulum *Constantiense Vberlingae* exulabat, litterisque exules *Basileenses* monuit, vt caesaris ac regis *Vngariae & Bohemiae* openi implorent. Quod feliciter cessit *Constantiensibus*, quam *Basileensibus*, quibus postliminio redire haud licuit, nec tutum fuit, etsi senatus *Basileensis* litteris inuitaret capitulum, vt rediret. Igitur curia episcopalis *Altkyrchium Sundgouiae* oppidum translata, cathedrale autem capitulum *Friburgum Brisgoiae* in alienam quidem *Constantiensem* dioecesim secessit, vbi in maiori vrbis illius templo iterum sacris defungi coepit die 1. *Septembris* S. VERENAE sacra; quibus tranquille vacabat vsque ad an. 1632. quando *Suecis Brisgoiam* occupantibus res Capituli in miserrimum abiit statum, episcopoque HEINRICO ex *Oxsteiniorum* familia clerum omnem, sustentatione intercepta, dimittere consultum fuit; vbi omnis simul psalmodia, aliaque sacra ad annum vsque 1651. intermissa. Quo anno iterum in eadem ecclesia diuinum officium celebratum vsque ad annum 1678. dum inito Canonorum cathedralium consilio, *Bruntrutum* conuocato Capitulo a Io. CONRADO de *Roggenbach*, tunc episcopo laudatissimo, decreta est sedes deinceps cathedralis ecclesiae ac capituli *Arleshemium*, vicus *Basileae* propinquus, ad ditionem episcopi spectans, quorsum se episcopo-

scopus eodem adhuc contulit anno. Omnibus, quae ad ecclesiae exstructionem, ac Canonico-
rum habitationem pertinebant, ordinatis, alacri-
que manu operi admota 1680. ecclesiae sur-
rexit aedificium, quae an. 1681. solemnī pom-
pa, si qua vnquam, dedicata est. Nunc vero
splendidissime restauratur, ornatissimaque veluti
noua exurgit marmore ex *Italia* allato, auro,
opere anaglyptico, picturis &c. praestantissimis
artificibus vndique accitis.

Singulari illic humanitate a Reu.^{mo} *Cb. F. Carolo* ab EBERSTEIN eiusdem ecclesiae Cano-
nico exceptus, atque deinceps etiam, prout in
se receperat, adiutus in meis rebus *Bruntruti*.
Praesenti mox mihi inter alia *Acta ecclesiae Ba-
sileensis*, id est *Constitutiones synodales*, quae in
Reu.^{mi} ac Cels.^{mi} episcopi *Basileensis* archiuo
manuscriptae asseruantur, vel typis editae sunt,
vno abs se collectas volumine ac conscriptas,
ad vsum meum indulgentissime tradidit: Vbi
post capitula AHYTONIS a DACHERIO edita, ha-
bentur *Statuta & Constitutiones Basileensis epi-
scopi, quas tum Praelatis, & Capitulo suo anno
dni MCCXCVII. post Martini in synodo sua pri-
ma edidit atque fecit. Item annorum MCCXCIX.
& MCCC. Deinde MCCCC. Constitutiones
HUMBERTI episcopi: MCCCCXXIII. IOANNIS*

episcopi in prima synodo, & MCCCCXXXIV. in secunda synodo vigente concilio generali *Basileensi*. Atque haec quidem MSS. sunt. Sequuntur in ea collectione impressa *Statuta synodalia* sub CHRISTOPHORO episc. MDIII. item MDXXXI. in synodo *Thelspergensis*, variae item insignes litterae pastorales, imprimis Ios. WILHELMII *Rinck de Baldenstein*, qui tunc praefuit episcopus, pietate ac zelo praecipuus: atque illustri apostolicae vitae exemplo, non ouibus tantum concreditis, sed coëpiscopis etiam *Germanis* aemulandum se praebuit. Vtinam etiam alienae, quae olim erant ex hoc ouili, reuocentur oues in caulam piissimi pastoris, ipsaque se dedat imprimis, quae fuit princeps eius locus *Basilea*.

Basilea.

Urbs haec est inter *Heluetiorum* florentissimas, in quam post ruinam *Augustae Rauracorum* sedes episcopalis fuit translata. Prius in antiquitatibus *Romanis* occurrit *Arialbinum*, quam primum SCHOEPELINVS in *Basileensi* suburbano *Binningen* quaerendam ostendit, computatis VI. mill. pass. quae in tabula *Theodosiana* eius distantia ab *Augusta Rauracorum* ponitur. Ciuitas autem *Basiliensium* in notitia prouinciarum, & ciuitatum *Galliae* veteris, a SIRMONDO edita,

edita, occurrit, adque sec. V. refertur, ac AMMIANO a) etiam ante ea tempora est memorata. Sunt tamen qui testimonio FLEGONTIS, *Liberti* HADRIANI Imp. natales urbis ultra ea tempora usque ad AUGVSTVM efferant, quae ineunte sec. V. a *Vandalis* idem cum aliis, ad ripam *Rheni* sitis urbibus, experta sit fatum. SALVIANVS b) circa ea tempora inter ciuitates *Romanas Basiliensium* cum *Moguntiatensium* dirutas testatur. *Non enim, inquit, hoc agitur iam in Moguntiatensium atque Basiliensium ciuitate, sed quia excisa & deleta est, ut quidem legendum censuit Hadr.* VALESIVS, cum quidam codices haberent *Massiliensium*. *Stephanus* vero BALVZIVS in notis testatur, veterum codicum auctoritatem docere, hic de sola *Moguntia* agi. Ea est causa, cur scriptores antiquitatum *Basileensium* illo SALVIANI loco supersedeant.

Ex ruinis postea sub *Francico* imperio, superatis *Alemannis*, surrexit, circa an. 917. ab ingruentibus *Vngaris* diruta. Ab HENRICO II. an. 1019. sub ADALBERONE episcopo cathedralis ecclesia in frequentia episcoporum consecrata est, nouis bonis, & redditibus, nec non insignibus donariis ab imperatore ditata. Fre-

A a 5

quen-

a) Lib. XXX. c. 2.

b) Lib. VI. de prouid.

quentibus terrae motibus postea saepe concussa vrbs : an. 1356. praesertim , die S. LVCAE sacro , vbi in aede quoque sacra Sanctuarium concidit; restaurauit vero IOANNES episcopus, & an. 1363. 25. Iunii consecrauit. Successu temporum minor , quae vocatur *Basilea*, adiuncta est vrbi , vicus antea aere a *Basileensibus* episcopis redemptus. Iungitur ponte maior ac minor *Basilea* super interfluentem *Rhenum*, qui sub HENRICO episc. an. 1225. est instructus. Quae origo haud dubie est turris ac portae ad *Rheni* littus , quam nonnulli ex *Romana* vrbe superstitem existimarunt. Alii verisimilius huc referunt subterraneos fornices , ac testudines, quae etiamnum ad munditiem vrbis corradendis vndique & abluendis fordibus seruiunt, inter alia decora vrbis memoratae *Aeneae* SYLVIO, qui postea PIVS II. pontifex academiam instituit, quae superiore anno seculare festum solemniter egit.

Vrbis descriptio inter *Aenae* SYLVII epistolas habetur ad IULIANVM Cardinalem *S. Angeli* , qui legatus EVGENII IV. in concilio generali *Basileensi* fuit, quod an. 1431. est coeptum. Indeque repetunt non pauci singularem vrbis *Basileensis* consuetudinem , vt horologia vrbica vnam semper horam alia anteuertant. Qui ex Praelatis hic mortui sunt complures per septendecim

decim annos, plerique in ecclesia, quae ante mutata sacra *Carthusiensium* fuit, sunt sepulti. Inter haec tempora electus est contra EVGENIVM IV. (qui *Florentiae* aemulum *Basileensi*, sibi aduerso, concilium conuocauit, Orientis etiam confluentibus illuc episcopis, ipsoque imperatore) FELIX Papa anno MCCCCXL. ex *Sabaudiae* ducibus, qui tamen postea sponte pontificatui renuntiavit. FELICIS imaginem esse dicunt in celebri, quem vocant *den Todten-Tanz*, saltum mortuorum, pictura, qua omnis conditionis homines cum mortis sceleto saltando abrepti inducuntur. Nimirum Papam ibi FELIX iste repraesentat, imperatorem SIGISMUNDVS, regem ALBERTVS II. *Romanorum* rex, qui praesentes concilio aderant. In grassantis durante concilio pestis memoriam factas ferunt tabulas has coloribus oleo tinctis, dum artem istam labente seculo XIV. *Batauus* pictor *Io. van Eyck* excogitauerat. Persistit adhuc aliquoties renouata, in publico foro exposita pictura. Sed neutiquam comparanda venit iam picturis celeberrimi HOLBEINII, quae passim in hac vrbe cernuntur, in curia, aula *Durlacensi*, armario bibliothecae academicae coniuncto, vbi cernitur ipsius etiam HOLBEINII effigies, sua manu depicta. Eius viuam imaginem ERASMVS *Roterodamus* (cuius in principe ecclesia illustre epita-

epitaphium, in bibliotheca vero autographum testamentum vidimus) contemporaneus, & contubernalis, in moria sua reliquit numero stultescentium artificum. Ostenditur ibi prima eius operis editio ex officina FROBENII, cui ad oram imagines manu HOLBEINII affictae sunt, prout postea figuris aeneis exsculptae prodierunt in edit. *Basileae* adornata an. 1676. Inter alias autem picturas praecellit Christi imago in sepulcro depositi, ad viuum, si ita de mortuo corpore dicere fas est, expressa. Praeter nummothecam seruantur ibi etiam nonnullae Deorum, Dearumque imagines, aliaque ex ruderibus veteris *Augustae Rauracorum* monumenta, praeter ea, quae apud FAESCHIOS, florentem *Basileae* familiam, habentur.

Bibliotheca publica, quae in nouis libris non adeo magnam habet copiam, nullis fixis sumtibus ad eius augmenta suppetentibus, instructa est insigni MSS. adparatu, graecorum etiam complurium inter alios antiquissimorum S. Scripturae codicum. Hos inter praestat cod. IV. Euang. scriptus caractere quadro, & rotundo, prout cuiuslibet characteris fert natura, quem MILLIVS celebri ALEXANDRINO aetate aequiparandum existimauit. Scriptus est codex in vsum ecclesiasticum, habet enim in margine adscri-

scriptas ἀναγνώσεις. In aliis nonnullis graecis, & latinis, desideratur comma 1. Ioan. V. 7. Τρεῖς εἰσιν οἱ μαρτυροῦντες κ.τ.λ. *Tres sunt &c.* Psalterii graeci cum interpretatione latina character conuenit cum simili psalterio apud MONTFAUCONIVM in *Palaeogr. graeca* pag. 237. S. ATHANASII opera in charta bombicina praecipue ornant hanc bibliothecam in codice, quo olim COMELIVS est vsus, vt inscriptio edit. an. 1600. prodit: *Graece nunc primum (descripto vetustissimo & integerrimo Basiliensis academiae archetypo, & cum aliis MSS. collato) in lucem data.* Eundem codicem prae aliis laudant Benedictini *San-Maurenses* in noua edit. GREGORII etiam *Nazianzeni* opera manuscripta cum ineditis commentariis AELIAE *Cretensis*. De aliis longum esset hic differere, qui mihi ad excerpta liturgica imprimis facienda praesto fuerunt, bibliothecario BECKIO theologiae, & GERNLERO historiarum professore publico eos ad manus praebentibus. Multam etiam humanitatem, ac in iuuandis studiis meis operam praestitit iurisprudentiae professor ISELINVS, celebris Io. Christophori nepos. Bibliotheca haec etiam instructa est raris primae typographiae editionibus, quas inter sunt PII II. epistolae impressae *Mediolani* per magistrum *Antonium* de ZAROTIS *Parmensem* MCCCCLXXIII. Maii XXV.

Augu-

Augusta Rauracorum.

Ingens nos desiderium tenuit vrbis olim sub *Romana* republica celebratissimae *Augustae Rauracorum* videndi rudera, quae etiamnum *Basileam* inter & *Rhenfeldam* ad *Rheni* littus *Gallicum* conspicua sunt. *Rauraci* ad utrumque latus montis *Iurassi* incolae, an inde nomen acceperint, an ab his vrbis, incertum est. Ad hoc littus frequens *Romanis* in *Germaniam* seu *Alemanniam*, his vicissim in *Galliam*, postea *trans - Rhenanam Alemanniam*, fuit transitus. *ATTILAM* etiam circa *Hercynium* saltum *Rhenum* transiisse, cum aliis *Sidonius APOLLINARIS* testatur.

Deducta huc est colonia *Romana* sub *AVGVSTO*. *Augusta Rauracorum* in *Itinere ANTONINI*, & *Tabula Theodosiana* nominatur. Coloniam deduxisse *Lugdunum* & *Rauricam* in antiquo lapide *L. Munatius PLANCVS* memoratur. *Rheni* munimentum fuit haec colonia, moeniis fortiter instructum. Vrbis amplitudinem etiam rudera testantur variorum aedificiorum in collibus, subiectisque terris, ac campis late patentibus. Circuitus tamen determinari nequit, quod exigua tantum parte moenia supersint, ea tamen adhuc integritate, quae opus
nostra

nostra demum aetate extructum videri queat. Multiplices comparent muri ad cingendum theatrum, cuius ibidem haud obscura vestigia persistunt in colle. Haud longe inde aquaeductus vestigia in subterraneis meatibus experiri licet versus *Liechtstallium*, & *Laufen* vsque *Betkam*, trium horarum spatio, vt iam VRSTISIVS notauit. Prope collem autem fornices sunt ac camerae, ad distribuendam quaquauersus aquam. SCHOEPFELINVS etiam ibi templi reliquias detexit.

De numinibus penatibus iam mentionem fecimus, quorum imagines in bibliothecae *Basileensis*, ac *Fäschiano* armario custodiuntur, dum proximis saeculis ad nostram vsque aetatem subinde repertae sunt statuae, *Mercurii* praefertim, *Apollinis*, ac *Palladis*. Nuperrime instrumentum effossum hic est, ac machina cudendis monetis apta, antiquo *Romanorum* vsu *flando*, *feriundo*; ingentemque litem inter rei nummariae peritos dirimet, si genuinum comprobetur instrumentum, ac sincerum. Nummi passim hodieque effodiuntur in agro illo *Raurico*, omnis generis metalli & formae, gemmae, vasa &c. Vias *Romanas Itinerarium ANTONINI*, & *Tabula Theodosiana* in utroque *Rheni* latere designant, atque *Ammianus MARCELINVS*, qui sub THEODOSIO scripsit, urbis huius

ius adhuc vastae meminit, cum *Vesontione* comparatae; donec illi *Alemanni* ruinam intenterunt.

Discimus ex AMMIANO a) sub CONSTANTIO ac IULIANO numerosas hic copias fuisse, VADOMIRO fratre GVDOMANDI in *Alemanniae* partibus haerente, quae silvam *Marcianam*, *Abnobamque* montem comprehendunt cum hodierna *Brisgoia*. Vterque nihilominus hic *Rhenum* patentem sibi fecit, vt postea vicissim ATTILA, & *Alemanni*, qui hoc cum aliis ad *Rhenum* sitis *Romanorum* munimentum destruxerunt. In paullo ante citata notitia prouinciarum *Gallicae* sec. V. *Rauracensis* castri tantum nomine venit, quod ipsum etiam dirutum, esse desiit, totaque gloria ac splendor auitus in vicinam *Basileam* abiit, hodieque solum nomen superest in villa *Augst* dicta. Deinceps tamen adhuc in diplomatibus occurrit pagus *Augustoniae*; & comitatum *Augusta* ab HENRICO III. an. MXLI. ecclesiae *Basileensi* donatum legimus apud P. HERRGOTT b) in pago *Ougestouue* & *Sisgouue*. *Ougestouue* haud dubie ipse est pagus, ab *Augusta* hoc nomen adeptus. Huic orientem versus, vnde pronus *Rheni* fluuius decurrit, adiacet *Frickouia*, a *Felina*, quae *Augustam*

a) Lib. XIV. c. 10.

b) Tom. II. Geneal. Habsb.

gustam perlabitur, & infra *Rhenoueldam* *Rheno* se inuoluit, vsque ad *Arolam*, vbi haec *Rheno* miscetur apud *Confluentes*, quousque se mons *Iura* protendit. Quae regio pars dicitur veteris *Rauriciae* vsque ad portam *Petraeam*, seu *Petram pertusam*, in medio fere montis inter *Biennam* & *Bruntrutum*, quae rupes stupendo opere ea ex caussa a *Romanis* perfossa est, vt ab *Heluetio Auentinensi* agro ad *Rauracensem*, quos medius mons *Iura* dirimit, via pateret. Auctorem *Romani* posteritati commendarunt insculpta rupi inscriptione. Viam autem tum *I-ter ANTONINI*, cum *tabula Theodosiana Augusta Rauracorum*, *Solodoro*, *Petinesca* ad *Auenticum Heluetiorum* designat.

Vrbes quatuor siluestres.

Ad agrum *Rauricum* secundum tractum *Rheni Gallicum* pertinent Ciuitates, *siluestres* dictae. Ex his prope *Augustam Rauracorum* est *Rhenfelda*, quam *Tschvdivs* in *Msc.* delineatione veteris *Helvetiae Robur*, castellum *Romanum* esse putauit. Inde autem pagus seu comitatus *Frickouiae*, *Rheinfeldensis* ceu a loco principe est dictus. Sequitur *Seckinga*, quam plerique geographorum *Sanctium*, seu *Sanctionem* *AMMIANO* memoratam esse putant. *Lo-Mart. Gerbert. Iter Aleman.* B b cus

CUS vero vel inde memorabilis est, quod hic S. FRIDOLINVS, tempore, vt creditur, CLODOVEI, prima reliquerit christianae religionis femina, ac vitae etiam monasticae, extructo parthenone, quem nunc nobiles Canonicae sub principe antilita tenent. Sunt hic sancti viri cineres; antiquitatis monumenta *Vulcanus* absumsit. Inde porro aduerso *Rheni* flumine *Laufenburgum* oppidum est ac castrum, a quo dynastiae Comitum *Laufenburgensium* nomen celebre est. Deinceps *Waldshut* ceu *Siluae custodia cis-Rhenum*, procumbentibus haud procul inde ad *Confluentiam* villam *Iurassi* montis radicibus.

Pagus Brisgoiae.

Praeter alias vias ad *Augustam Rauracorum*, quae eadem nobis veneranda *Romanae* antiquitatis monumenta, *Iter* inquam ANTONINI, & *Tabula Theodosiana* designant, ea est, quam nos, at in aduerso *Alemannico Rheni* littore prope secuti sumus; ac duplex fuit: altera paululum a *Rheno* deflexa versus *Vruncos*, altera recta ad *Rheni* ripam *Arialbino* ad *Basileam*, *Stabula*, e regione *Neoburgi* oppidi, ad *Bantenheim*, vbi iam RHENANVS *Romanae* antiquitatis monumenta reperta testatur. In hanc nos *Rheni* partem abstraxit *Brisiacus* ipse mons,
iam

iam in nostra *cis-Rhenana* plaga situs, mutato alueo. Quum enim sub *Romana* republica montem *Brisiacum*, vt in *Itinere ANTONINI* vocatur, ad partem orientalem *Rhenus* allueret, atque adeo *Galliae* seu *Sequanis* adiiceret, postea diuiso flumine medium tenuit, *in modum insulae cingens*, vt *LVITBRANDVS* sec. X. scriptor loquitur, deinceps vero totum se in aduersam partem traiecit; nunc vero periculum est, vt veteres redundet in meatus. Pagus *Brisachgoue* ab hoc loco dictus, *Brisgoia* nostra *cis-Rhenana* est, magnam partem *Marggrauatus Badensis* continens, quam pertransiuimus.

Sizenkilch.

Videmus loca nonnulla ei assignari apud *BESSELLIVM* lib. IV. h. V. in *Chron. Gottw.* quae prope *Cantern* sunt sita cum ipsa hac villa, haud procul a *Sizenkilch*, quod fuit coenobium monialium, vbi plures illustres matronae iuxta *S. BENEDICTI* institutum vitam traduxerunt. Altare, quod in superiore choro adhuc cernitur, *AGNES, ALBERTI Romanorum* regis filia, *ANDREAE Hungariae* regis vidua fieri curauit. In ecclesia lapideum mausoleum marchionum *Hachbergensium* superest: ibique conditi quiescunt *OTTO, HUGO, HENRICVS* mar-

chiones de *Baden* seu *Hachberg*, MARGARETHA nata de *Bion*, RVDOLPHI marchionis mater, VRA marchionissa nata de *Fürstenberg*, nec non tres nobiles de *Rötelen*.

Bürglen.

Inde in montem conscensus patet, vbi virorum monasterium fuit, cuius chronicon seculo XII. scripsit CHVNO, seu CONRADVS de *S. Blasio*, quod a sodali meo P. *Rusteno* HEEER nuper in lucem editum est, eiusdemque puto esse chronicon, quod adhuc Msc. in monasterio *Murensi* asseruatur. Facit *Bürglense* illud chronicon ad *Brisgouiae* illustrandam historiam, in qua versamur: atque hinc ad ipsum illum locum magis appropinquauimus, vnde nomen suum accepit *Brisacum*, haud ita pridem munitissima adhuc vrbs; nunc subrutis ab imo munimentis miserabilem adspectum praebet.

Friburgum.

Idem subiit fatum *Friburgum* *Brisgoiae* vrbs praecipua, quae primam originem suam a metallicis falso habere creditur, qui ad vicinas aerifodinas plures istic domos exstruxerint, vnde locum aedificandae vrbis acceperit BERTHOL-

DVS III. *Zaringiae* dux, quae tum situ suo, cum forma, augusta est. Princeps ecclesia, nulli secunda in *Germania* vnacum turri opus est *CONRADI Zaringensis* ducis, medio sec. XII. exstructum. Turris paullo inferior *Argentinenfi*, eam tamen elegantia superat, ac ornatu, qui haud exiguus etiam ecclesiae est, maxime ex picturis *Holbeinianis*. Post hanc ecclesia PP. *Praedicatorum* insignis est. Absidam dicunt ab ALBERTO M. fieri curatam, cuius etiam cathedram, in qua plures annos *Friburgi* docuit, hic ostendunt.

Instituta est postea hic post medium seculi XV. academia vniuersarum scientiarum sub ALBERTO duce *Austriae*, coniugis MECHTILDIS, ex *Palatinis* comitibus *Rheni*, suasu, quam eandem auctorem academiae *Tubingensis* superius commemorauimus, qui sunt duo *Alemaniae* ocelli. *Friburgensem* hanc illustres imprimis rexerunt complures, etiam ex *Germaniae* primoribus doctissimis comitibus, cum aliis nobilibus viris, ac scientiarum professoribus ERASMO *Roterodamo*, HENRICO *Glareano*, IODOCO *Lorichio*, monacho in propinqua vrbi ad radicem montis (cuius tergo castellum triceps inuictum stetit) *Carthusia*, vbi pleraque eius opera sua manu scripta adhuc seruantur, cum aliis compluribus MSS. non adeo quidem antiquis, praeter ele-

gantissimum euangeliorum codicem sec. circiter X. Inter alia ad historiam pertinent *Chronica summorum pontificorum*, ac *imperatorum de gestis eorundem per fratrem Martinum de Ordine Praedicatorum dñi papae Poenitentiarium*, & *capellani compilata*, ad an. usque MCCLXVII. vltra aetatem MARTINI Poloni seu Scoti, cui falso tribuitur hoc chronicon. BEDAE Chron. per fratrem IAC. de Spira. *Finitus est iste liber an. 1452.* Obiit IAC. 1493. *Chronicon Bohemiae* quod incipit: „Capitulum „de nomine vnde *Slowani* siue *Bohemi* venerunt, & vnde dicantur. Cum filii hominum „in agro *Genar* post diluuium non recolentes, nec mente pertractantes sponfionem factam „a DEO ad Noe &c. „Procedit vsque ad an. 1326. Finit: „His taliter peractis ad votum, & „ducatu suo *Lucemburgensi* in tranquillitate disposito in regnum *Bohemiae* iterum reuertitur.

In alio codice habentur epistolae MAHVMETIS, qui *Cpolim* expugnauit, cum CLAVDIANI equitis *Hierosolymitani* ad CONSTANTINVM in epistolas has magni *Turci* praefatione. *Epistolas a me nuper in lucem editas ad quem potius mitterem* &c. *Argumentum Maumetes Turcorum imperator*, cui postea ex magnitudine rerum gestarum magnus *Turcus* cognomentum fuit, cum
Asia

Asia potiretur, auctus paterni regni viribus in Europam copias ingentes per Eleſpontum claſſe traiecit, quibus mox Bizantium nobiliſſimam Conſtantini urbem vi captam expugnauit &c.

Sequuntur epiſtolae variae ad ZANCASSONVM regem *Perſarum*, & viciffim ZANCASSONI ad *Turcum* &c. in latinum ſermonem nobili ſtilo conuerſae. Scripta autem manu ipſius LORICHII autographa haec adhuc ſeruantur. *Theſaurus nouus vtriuſque theologiae. Compendium theologiae rationalis. Expoſitio I. partis ſummae theologiae S. Thomae. Item III. partis eiſdem ſummae. Tractatus de virtutibus, & actibus ad perfectionem chriſtianam pertinentibus. De neceſſitate, & uſu mediorum illuminatorum & unitiuorum cum D E O. De vitiis extirpandis, & virtutibus acquirendis. Et de gradibus perfectionis. De vita ſpirituali in 3. libros diſtinct. auctore Henrico Wolffio huius domus profeſſo a P. Lorchio Cartuſiano, & epiſcopali librorum cenſore reuiſus, illuſtratus, & propria manu deſcriptus. Interpretatio interlinearis in totum pſalterium. Exhortationes quaedam ad communicantes Sacramenta.*

Züringen.

Paucis ab vrbe ſtadiis diſtat exiguus hodie vicus *Züringen* ad radices montis, in cu-

ius vertice rudera in vna turri subsistunt arcis gentilitiae ducum *Zaringiae*. Eius nomen primum occurrit anno MCXXX. in cod. probat. apud P. HERRGOTT *T. I. P. II. Geneal. dipl.* a) conditoremque facit GVILIMANNVS b) in *Habspurgicis* BERTHOLDVM, quem monumentum *Herrgottianum* c) an. 1048. comitem in pago *Brischowe* agnoscit. Patrem ei in schemate genealogico assignat PIRTHILONEM, quod a nomenclatura BERTHOLDI, pro illorum temporum ratione, non abit. Quare haud abs re SCHOEPPFLINVS d) in vnum eundemque redire suspicatur comitatus PIRTHILONIS & BERTHOLDI, qui in antiquis documentis in hac *Brisgoiae* parte nominantur. Atque eo utroque nomine prima quidem inflexione comites, secunda duces, qui ex *Zaringensi* prosapia ortum ducunt, plurimum denominantur, qui praeter *Brisgoiae* pagum multis praeterea possessionibus aucti, ducum *Sueviae* *Hohenstauffiorum* aemuli fuere: quae utraque nobilissima familia fatalem exitum nata est, haec in CONRADINO, ferali ferro in *Sicilia* sublato, illa in BERTHOLDI V. filiis, veneno extinctis, ut quidem haud verisimiliter tradunt. Saltem quocunque fato cum stirpe *Zaringensi* etiam arx paullatim concidit,

a) n. XII.

b) P. 149.

c) n. CLXXIX.

d) Tom. I. *Alf. ill.* p. 674. & 675.

cidit, nomine tantum in paruo vico subsistente, qui paucis ante annis ad monasterium *S. Petri* peruenit.

Monasterium S. Petri.

Accidit id quidem singulari fortuna ac notabili casu, vt ad insigne monasterium *D. Petri* in nigra seu *Marciana* filua tandem rediret locus gentilitius ducum *Zaringiae*, quo in monasterio illi sepulturae locum habuerunt, inde a primo eius fundatore BERTHOLDO II. quam sibi ac successoribus ante altare S. Crucis destinavit, quamque plerique cum vxoribus ac liberis vsque ad BERTHOLDVM V. acceperunt. Sollicite locum hunc explorari fecit BERTHOLDVS, abditum & adprime congruum coenobiali vitae, ac religioso secessui; agris insuper, pascuis, siluis, ac aquis abundantem, medium in montano situm tractu, pedetentim fere per circuitum paullulum ex planitie surgentibus collibus.

In nouum monasterium BERTHOLDVS fratres *Hirsaugienses* ex Ord. *S. Bened.* de vico *Wilheim*, vbi a patre fundatoris olim constitutum fuerat coenobium, acciuit, quo peruenire Kal. *Iulii* an. MXCIII. Ecclesia consecrata est a GEBHARDO, *Constantiensi* episcopo, ex

eadem ducum *Zaringiae* familia III. Kal. *Augusti*, in festo *S. Petri ad Vincula*, magna principum, abbatum, ac venerabilis cleri frequentia; nimirum ducis BERTHOLDI, WILHELMI *Burgundiae*, & GOTFRIDI de *Calw* comitum, suffragantibus septem abbatibus, scilicet huius loci, *Hirsaugiensi*, *Schaffhusensi*, *Petershusensi*, *Etenheimensi*, de *SS. Blasio & Georgio*, cum sacerdotibus suffraganeis, praepositis & decanis *Constantiensis*, *Basileensis* & *Argentinenfis* ecclesiae, innumerabili vtriusque sexus concurrente multitudine.

Monasterium saepe incendio consumtum, post novissimam conflagrationem, a militum manu, ad hostem exturbandum missa, igne subiecto factam, vnacum insigni ecclesia ac turribus nunc demum perfectum est. Instructa imprimis est bibliotheca ornatissima simul ac tuta, quantam valet humana opera cautionem adhibere, a voracibus flammis, fatalibus maxime incomparabilibus suppellectilis litterariae thesauris, quibus comparandis totis viribus inuigilat Reu.^{mus} abbas PHILIPPVS IACOBVS, vt hunc suum Parnassum musis aptet, ac conciliet. Facile quisque sibi in animum inducet, non ita succedere, magnos licet, conatus post veteres ruinas in refarcienda veterum monumentorum, manucri-

nuscriptorum praeprimis, iactura ; singularis ta-
 men est codex membranaceus maximae formae,
 vbi primum habetur *Vita REMVNDI* (*Lulli* sc.)
 cum imaginibus pictis , adiuncta simul figura-
 rum singularum explicatione , autographa , vt
 haud obscura produnt indicia, manu. Incipit:
 „ Intentio quare feci fieri picturam subsequen-
 „ tem fuit duplex. Prima intentio fuit , ut
 „ sciretur origo a quo & quomodo orta ars ista,
 „ & aliae REMVNDI artes & libri. „ In duabus
 posterioribus picturis sistitur Canonicus compen-
 diator, cui REMVNDVS codices varios porrigit
 ac committit, sic effatus : „ Dum tamen textum
 „ non laedas, ex omnibus eligas , quod est uti-
 „ lius & magis intelligibile &c. „ In altera
 praesentat REMVNDVS compendiatorem reginae,
Franciae nimirum & *Nauarrae* , cum tribus li-
 bris. Primus indigitatur *Breuiulum praemis-*
sum, medius *Electorium*, infimus, *Primum ele-*
ctorium collectum & ordinatum ad intentionem
Remundi ex libris centum quinquaginta quinque
Remundi. Postea: *Incipit breuiulum ex arti-*
bus Remundi electum ad praeceptum reginae Fran-
ciae & Nauarrae sublimatum. *Pars dispositiua*
intellectus hominis ad artem. *Totum breuiu-*
lum extense consideratum. *Successiua pars*
vel examen, vel confirmatio inuentae veritatis.
 Et haec quidem in prima tabula. Sequitur,
Pars

Pars dispositiva antecedens. Postea *De prima parte, De secunda parte* usque ad octauam partem artis. Demum *Succursus artis.* Haec studiose noto in eorum gratiam, qui forte aliquando editionem operum RAYMVNDI *Lulli*, tantis impensis nuper *Moguntiae* coeptam, perficere in animum inducent; aut qui supplementa actorum *Bollandianorum* dabunt.

Praeter nonnulla MSS. liturgica, ex quibus excerpta dabimus in *Liturgia nostra Alemannica*, imprimis notatu dignus est adparatus, nunc primum maxima cura a vigilantissimo praefule comparatus, Bibliorum latinorum ac germanicorum ex primordiis typographiae fec. XV. Ea inter putat solertissimus bibliothecarius P. *Conradus BORER*, Biblia duobus tomis contenta ipsissima esse, de quibus in bibliotheca *Vffenbachiana* p. 1. & 2. ac *VOGTIVS* in *Catalogo histor. crit. librorum rariorum* post *SCHARZIVM* recenset Biblia latina 2. voluminibus maiorum foliorum comprehensa, typis ligneis, iisque mobilibus impressa. Characteristicum indicium facit locum *ISAIAE XXXVII. Ponam ego circum in aubus eius; ubi nimirum habetur in auribus eius.* Paginae singulae continent lineas 45. Signum papyri simillimum est characteri,
initio

initio veterum diplomatum vbique obuio. Pars secunda a parabolis SALOMONIS incipit.

Aliud exemplar Bibliorum sine die & consule, quod itidem duobus constat voluminibus, characteres habet graciliores, magisque inter se conformes. *Gen. VII.* error est typographicus: *Ex omnibus animantibus mundis colles septena & septena.* Item *Incipiunt Parabolo Salomonis.* Moxque cap. I. 3. *Ad intelligendam verba prudentiae & suscipiendam eruditionem doctrinae.* Lineas habet 49. per singulas columnas. Signum papyri est caput bubulum cum cruce eminenti in stellae modum bis secta per totum opus. Aliud exemplum lat. Bibl. 2. Voll. anno 1473. Volumen secundum ornauit typographus tractatu de sacra scriptura, qui MENARDVM quemdam monachum auctorem habet. Signa papyri duo habentur, caput bubulum, & aliud paullo ante in primis bibliis notatum. Item biblia 2. Voll. 1477. impressa per *Bernardum RICHEL*, ciuem *Basileensem.* Signum papyri est caput bubulum cum singulari figura in capite. Biblia *Vlmensia* vno volumine 1480. per *Iohannem ZEINER*, *Vlmensis* oppidi incolam, de quibus nec *VOGTIVS* nec *SCHOEPFLINVS.* Biblia latina 1486. In fine habetur *Registrum epistolarum & euangeliorum.* Signum papyri est

est caput bubulum cum cordis quodammodo figura in capite lineae perpendicularis. *Biblia Germ.* 1477. Ad calcem leguntur inter alia haec verba: *Hat gedrukht und vollbracht Antoni Sorg am freytag vor St. Ioansen dag des teüffers.* *Biblia Germanica* 2. Voll. 1478. *Vff St. Lucien dag.* Quae manu scripta adduntur. Bibliorum horumce meminit *Theophilus SINCE-RVS*, qui est, teste *WEISLINGERO*, *Iacobus SCHWINDEL*, *Norimbergensis*, in *Bibliotheca historico-critica librorum rariorum* p. 18. *Sine die & consule liber Etymologiarum ISIDORI Hispalensis.* Character simillimus est Bibliis latinis, quae secundo loco antea notauimus. Volumen *Epistolarum S. HIERONYMI* spissum habet in fine:

*Iam decet vt nostris concordent vltima primis.
Sit decus illi qui dedit istud principiare.
Et qui finire dedit ipsum, sit decus illi.
Est decus ecclesiae. Pugilis tot scripta tenere.
Si quibus intendas. Est decus ecclesiae.*

Igitur Sophronii Eusebii Ieronymi orthodoxi ecclesiae Christi propugnatoris charissimi liber Ieronimianus, aut si mauis. quod & ipse velim liber epistolaris explicit. Vt dignitas nominis Ieronimiani egregio viro Iohanni Andreae per-
ma-

maneant. qui hoc ipsum zelo deuotionis erga virum sanctum affectus tempore prisco vulgauit in orbem. est autem praesens opus arte impressoria feliciter consummatum per Petrum Schoiffer de Gernshen in ciuitate nobili Moguntina. Cuius nobilitati vir beatus Hieronimus scribens ad Agerrutiam de monogamia testimonium perhibet sempiternum, multis millibus incolarum eiusdem in ecclesia pro fide catholica sanguine proprio laureatis.

Huic laudatori reddit Moguntia vices

Tot sua scripta parans vsibus ecclesiae.

*Anno Dñi MCCCCLXX. die 7. mensis Septembris
quae fuit vigilia natiuitatis Mariae
Da gloriam Deo.*

Subduntur insignia Petri SCHOEFFERI, veluti etiam in alio eiusdem SCHOEFFERI opera impresso codice decretalium GREGORII IX.

*Anno incarnationis Dñice M. CCCC. LXXIII.
IX. Kalend. Decemb. in nobili vrbe
Moguncia.*

Petrus Schoiffer de Gernszheim suis consummando scutis consignauit Decretales Gregorii IX. a) & carmina quaedam.

Hisce

a) „Cur Deus vltimis temporibus artis impressorie nouum seculo munus inuexerit.

Hisce aliisque decoribus, ac mundo Nympham suam bibliothecam comptam adeo, dotare

Pape quid hec nostris petit ars noua & inclita seclis
 Priscis cur patribus lux ea non micuit.
 Quos pater omnipotens creat. hos vocat. hos simul omnes
 Vult saluos veri noticia fieri.
 Hinc dudum exhibita est cupimus quam vita secunda
 Cuncti. sed multi posse venire negant.
 Hac iterum ydolatrias arte & tinctos & apellas
 Accersire parat quam prius adueniat.

Artis impressoriae commendatio.

Hic verum exemplar mendax non transit in instar.
 Mille valent vno stante caracterio.
 Ast atramentum probat hoc non esse caducum
 Cerotumue rapax aut cineralis aqua
 Quamlibet infuida carta non liquitur vnda
 Tetra. neque atrior hac fallit arte liquor.
 Litera continua & par libros gramma venustat
 Ex vno in cunctis esse memor poteris.

Primorum artis magistrorum typus & Petri preconium.

Scema tabernaculi Moises Salomon quoque templi
 Haud preter ingenuos perficiunt Dedalos.
 Sic decus ecclesie maius. maior Salomone
 Iam renouans. renouat Beselehel & Hiram.
 Hos dedit eximios sculpendi in arte magistros.
 Cui placet en mactos arte sagire viros.
 Quos genuit ambos vrbs moguntina Iohannes
 Librorum insignes prothocaragmaticos.
 Cum quibus optatum petrus venit ad poliandrum
 Cursu posterior. introeundo prior
 Quippe quibus prestat sculpendi lege sagitus
 A solo dante lumen & ingenium.
 Natio queque suum poterit reperire caragma
 Secum, nempe stilo prominet omnigeno.

tare ornareque non cessat litterarum amantissimus, quibus omnibus enumerandis angustiae hae paginarum haud quaquam sufficiunt, nec quo amore ac humanitate secum *Friburgo* ad monasterium suum deductum, exceperit, ac studia

Credere difficile est doctores quam pretiosa
 Pendat mercede scripta recorrere.
 Orthosintheticum cuius sintagma per orbem
 Fulget, franciscum presto magistrum habet.
 Me quoque coniunxit illi non vile tragema
 Publica sed comoda & terrigenum columen.
 O utinam exscobere falsis moliantur ideam
 Qui sintagma regunt & prothocaragma legunt.
 Aureola indubie premiaret eos logothece
 Quippe libris cathedras mille suberudiunt.
 Estimo nec scriptas decretales neque pressas
 Conferri nostris in tribus eximiis.
 In foliis spacium cunctis est marginis equum
 Codicis hoc primum fulget ab arte decus.
 Querere te textui distantem crebro fatigat
 Glossam. hic folium vertere non opus est.
 Te cito certificant monstrantia grammata glossam
 Correctusque liber perficiet docilem.,,

Qui *ambo Iohannes* nominantur, intellige *Ioannem* GVTENBERGER & *Ioannem* FVST. Merito autem SCHOEPLINVS in *Vind. typogr.* sugillat SCHELHOR-
 NIVM, qui T. IV. *Amoen. litter.* p. 301. *Polyandri* nomine nescio quem hominem designari putat: cum allegoria ad *Petrum* & *Ioannem* adludat, vt sicut PE-
 TRUS ad Christi sepulchrum, quod *Polyandri* nomine

Mart. Gerbert. Iter Aleman.

C c

dia mea iuuerit, aegreque tandem aliquando dimiserit, quos iam patria aura reduces ad *Marcianam* filuam adspirarat.

Oberriedt.

Itaque hinc ad monasterium congregationis nostrae *S. Blasii Oberriedtense* descendimus. Annales huius monasterii descripsit ineunte seculo decimo quarto *Conradus STURN*. Vnde discimus, primo inhabitatum fuisse a sanctimonialibus e *Valle Guntheri* (qui etiamnum est illustris nobilium virginum parthenon in *Guntersthal*) illic se abdentibus, ubi primum situm fuit monasterium horrida in eremo inter rupium, ac montium praecipitia, cui postea, quod tenerae virgines ferendi rigoris, tempestatum, variarumque calamitatum impares essent, *S. WILHELM*i nomen inditum est, ab ordinis auctore, cuius institutum professi desertum hunc a monialibus locum anno 1249. occuparunt, postquam ordo iste anno 1157. a *S. GVILIELMO*, magno eremita *Tusco*, *Stabuli Rhodis* incola, prodigiosae sanctitatis viro institutus potius, quam a cognomine duce *Aquitaniae*, & per *B. ALBERTVM* eius discipulum propagatus, in nostris

significatur, postremus quidem aduenit, primus tamen intrauit, ita *Petrus SCHOIFFER* posterior quidem ad opus accessit, artis penetralia tamen primus intrauit.

stris etiam *Germaniae* partibus inoleuit. Viri enim quidam religiosi laudati ordinis ex conuentu *Portae Mariae*, propagandae suae religioni intenti, de loco a monialibus derelicto certiores facti, aduenerunt, locum hunc cum affectu, vt rem narrat P. *Cour. STVRN*, visitantes, & ad propria, cum gaudio referentes quae viderant, redierunt. Facile autem iisdem, quibus olim conditionibus a *Thengensi* familia, hi a nobilibus de *Schnewlin*, quibus terra iure feudi ab abbatibus *S. Galli* concessa erat, eadem bona in *Oberriedt*, & *Verlibach* obtinuerunt, ac statim praedicti coenobii, & Ordinis Prior, habito consilio fratrum suorum, misit illuc Priorem cum tribus fratribus, qui nouae coloniae, vt ordini familiare erat sua monasteria ex nomine B. V. *MARIAE* vocare, *Corona Mariae* nomen indiderunt. Hi, cum nec ipsi essent ferendo loci asperitatem, in suburbium *Friburgi Brisgoiae* an. 1262. se contulerunt. Non ita tamen multo post antiqui repetendi nemoris desiderium incessit imprimis Fr. IOANNEM de *Urberg*, qui an. 1266. obtenta superiorum licentia, adsumto vnico socio BVRCHARDO fratre laico, caeteris in suburbio manentibus, eremum, cui iam nomen a S. GVILIELMO inditum erat, repetiit, nouam rursus auspicatorum coloniam, expetitis a magistris Ordinis in subsidium fratribus. Quod

postea monasterium identidem in locum paulo liberiozem *Oberriedt* est translatum, vbi etiamnum subsistit, anno 1728. cum aliis duobus in *Sion*, & prope *Mengen*, egestate pressis, Ordini ac congregationi nostrae *S. Blasii* additum.

Feldberg.

Situm est ad radicem montis silvae *Marcianae* altissimi, qui *Feldberg*, seu *mons campestris* nominatur. Quamvis alii *Vebberg*, id est, *montem pecorum* dici malint a pascuis pecorum, quae in eo copiosa admodum, & pingua reperiuntur, saginandis pecoribus mire foecunda. Gignit nempe montana tellus, praesertim vbi se circa verticem in plures, easque amplas planities explicat, permixtas graminibus herbas, ac varii generis radices saluberrimas, aequae medendis, ac impinguandis pecoribus aptas, hominibus imo etiam salutares, vt olim iam a diffitis terris earum gratia passim montem hunc obierint botanici.

Vt vero difficilis est ad supremum apicem accessus, ita iucundus sereno praesertim coelo prospectus quaquauersum, non solum per omnem saltum *Hercynium*, late patentem *Marcianam* silvam, ac *Abnoba* montem, verum etiam *Iurassi*, & *Vogesi* iuga, alpèsque *Heluetias*, ac
planas,

planas, quae his interiacent, regiones, vastissimosque campos, in quibus prata ridentia, vineta luxuriantia, agri exuberantes, sinuosa flumina, silvae, vrbes, villae, & quid non? aspectui patet ex monte suapte inculto, ac inhabitabili.

Vulgaris etiam hic est traditio, quam de *Belo* refert SCHOEPFLINVS, spectatoribus summa aestate in fastigio eius dierum sibi succedentium crepuscula & dilucula ita concurrere, ut nocti locus paruo tempore detur. Fallacem hanc opinionem propria cum aliis pluribus didici experientia, ut tamen experiundi nulla amplius incesat libido. Summa quippe aestate, quando calor maximus esse solet, istic vero *Etesiarum* flatu temperatur, quamprimum nox ingruit, quod hic per semihorium saltem serius fit, ita inualuere venti, ut totas *Aeolus* suas vires experiri voluisse visus sit. Nec iam a *Vulcano* contra frigus tuti tectique eramus, ex quacunque eo nos succenso igne fouere parte conaremur, hinc scintillis obruentibus, illinc vento caloris vim in aduersum abripiente, ut nulla nisi in celeri fuga fuerit tutela per asperrimum montis tergum praeruptum, & saxosum, arborum annosarum radicibus impeditum.

Sunt ibi *Albae* fontes riui, quem usque ad monasterium nostrum *S. Blasii* secuti sumus, unde olim primi incolae *Fratres ad Albam* sunt vocati, locusque *Alba cella*, medias inter silvas. Ab alpibus ipsi riuo adhaeret vocabulum, uti supra de *Alba dominorum & dominarum* diximus in simili *Albegouiae*, seu *Alpegouiae* pagus, cum aliis pluribus cognominibus, ab alpibus eiusmodi nomen indeptis.

*Excursio in Bauariam ex Reuthe
in Sueuia.*

Iam laeti ouabamus de perfecto itinere nostro *Alemannico*, cupidissimi insidere thesauris nostris, ac digerere, quos insignes haud vnquam poenitendo labore congeessimus, nec quidquam fractis per itinerum molestias viribus, ut iam tota animi contentione operi liturgico me accingerem: dum ecce nouum, ac insperatum iter ingrediendum fuit, quod recusare religioni mihi fuit, nec quoque inauspicato suscepi.

Mentionem inieci in descriptione itineris, quod superiore anno per meridionalem & orientalem *Alemanniam* feci, Beatae *ELISABETHAE Reuthensis*, quam *bonam*, dum adhuc in viuis erat, vulgo ob eximiam vitae sanctitatem vocabant, ac etiamnum ita vocari solet: quemque
dirum

dirum bellum tricennale sistebat processum elapso seculo ad solemnem apotheosin, feliciter iterum instauratur. Peruicit tandem *Romae* apud Sacram Rituum Congregationem causssae Procurator contra fidei Promotorem, quem dicunt, quique id negotii in eiusmodi causis habet, vt in necestendis difficultatibus, quae obiici possunt, ingenium exerceat; apud vulgus autem *diaboli procurator* nominatur. Nihil is residui fecit, vt, quod adhuc vel leuissimum obstaculum esse posset, opponeret, proponeretque coram Sacra Rituum Congregatione, oblatis libellis obiectionum, quae, ac etiam responsiones Procuratoris, *Romae* ac partim etiam in *Germania* typis editae prostant, ac tandem post longam discussionem die nono *Decembris a. p. 1760.* habita fuit *Romae* S. Rituum Congregatio, postquam ad libellum supplicem eodem anno oblatum *Super dubio, an sit signanda commissio re assumptionis causssae in statu & termino,* ab eadem Congregatione responsum fuit *affirmatiue, iterum proponatur.* Vnde quidem elucescit, quam lento gradu post diutinam demum ventilationem, ac rigidum examen, in eiusmodi causis procedatur *Romae,* solum ad id, vt processus institui concedatur.

Atque in hac quidem *bonae* ELISABETHAE caussa, de cuius sanctitate, miraculisque in vita, & post mortem vsque ad praesentem diem, a tribus iam seculis & dimidio fere, tanta fuit per *Germaniam* fama ac persuasio, continuusque seruae DEI cultus, & postquam etiam iam anno 1625. omnia sunt diligentissime trutinata, electis a Sede Apostolica arbitris, superferendi posse videretur iterata caussae actione, nec tantus necessarius aut expediens rigor, nisi ad hoc assumendus esset, vt alieni ab ecclesia *Romana* catholica videant solis radiis descriptam ecclesiae sanctitatem, nullis non temporibus in suis membris quam plurimis etiam donis extraordinariis illustrem, quae DEVM adesse ecclesiae suae manifesto produnt, suntque apertissima verae ecclesiae nota aduersus quasuis parasynagogas, sparsas praesertim per *Germaniam* nostram; apud fideles autem hoc proficuum est, vt firmi stent ac inconcussi in vera fide, veraque ecclesia. Quod venerabilis *Conradus* KVGELIN, confessorius Beatae ELISABETHAE nostrae *bonae* propositum habuit in conscribenda eius vita, sic auspicatus: „ Vt sancta & christiana
„ fides in multorum peruersorum, mulierum ac
„ virorum tam ecclesiastici quam secularis status hominum cordibus firmiter haereat, &
„ omnis dubitatio rerum credendarum ex iis
„ faci-

„facilius euellatur, atque extirpetur, potissimum in rebus eiusmodi, ad quas ratio naturali lumine vel sensuum notitia pertingere nequeunt, quare ad instantiam multorum venerabilium vtriusque sexus hominum ego *Conradus KUGELIN*, humilis praepositus monasterii in *Waldsee*, Canonicus regularis Ordinis *S. Augustini* inter omnes minimus, *Constantiensis* dioecesis, statui hac scriptura ad honorem DEI, reginae coeli MARIAE, & totius aulae coelestis diuulgare vitam, virtutes, abstinentiam, atque etiam miracula & signa, quae DEVS per piam & deuotam aliquam inclusam Sanctimoniam, cui nomen *ELISABETH*, in quodam inclusorio sito in *Rüttin Haistergam*, prope oppidum *Waldsee* eiusdem dioecesis, operatus est. „ Haec ille tunc, quando necdum ecclesia nostra *Germanica* in tot partes ac schismata discissa miserum in modum fuerat, vti nunc est proh dolor!

Mihi vero nihil adeo manifeste hodie contra aduersarios nostros ab ecclesia extorres ecclesiam veram ostendere videtur, quam tot *canonizationis* Sanctorum *processus*, tanto cum rigore tractari soliti. Refert P. DAVBENTON S. I. in vita S. Io. Fr. REGIS, Praelatum quendam Romanum nobili *Anglo*, quocum longo tempore amicitiam habuerat, acta quaedam ad le-

gendum dedisse, in quibus miracula nonnulla rationibus suis suffulta continebantur. Quae, cum *Anglus* ille attente auideque legisset, scripta praesuli reddens palam professus est, esse hanc egregiam ac securam vera comprobandi miracula viam ac modum. Quodsi, aiebat, omnia ea vestra miracula, quae nobis obtenditis, tam authentica probataque forent, sine tergiversatione a nobis suscipienda essent, neque tam saepe levis credulitas vobis exprobanda. Tum Praelatus, scias vero ait, nullum ex his omnibus miraculis, quae rata habes, sacrae rituum Congregationi probata fuisse, utpote, quae satis asserta haud existimabantur.

Atque rigor iste in toto illo processu tum *Romae*, cum in illis locis, ubi inquisitiones instituendae sunt, servatur, prout hic exemplum prae oculis est in *construendo processu auctoritate apostolica super sanctitate vitae, virtutibus, & miraculis, potissimum vero super casu excepto a decretis VRBANI VIII. P. siue super cultu ab immemorabili tempore exhibito B. ELISABETHAE*. Cauerat nimirum laudatus pontifex bulla 1625. 13. *Maii* data, ne impofterum cultus aut veneratio praestetur servorum DEI ulli, antequam ab Apostolica sede beatificationis, aut canonisationis honore insignitus fuerit; nisi aut per

com-

communem ecclesiae consensum, vel immemorabilem temporis cursum, aut per patrum virorumque sanctorum scripta, vel longissima temporis scientia, & tolerantia Sedis apostolicae, vel Ordinarii celebretur. Eiusdem Pontificis alia postea emanavit bulla an. 1634. 5. *Iulii*, qua tempus immemorabile ab hoc ipso anno figitur centum praecedentium annorum, ac praeterea duplex processus informandus requiritur: vnus super forma sanctitatis, virtutum & miraculorum serui DEI, quem vocant *introductionis*, scilicet an causa venerabilis serui, vel famulae DEI, coram Apostolica sede sit introducenda, & ventilanda. Alter super *casu excepto*, seu cultu immemorabili seruo vel famulae DEI ante bullam VRBANI VIII. exhibitto: etenim si de alterutro non constet, nulla *signatur* a summo pontifice *commissio*, & causa deponitur tanquam vitio laborans, non amplius, aut saltem non facile, reassumenda. Cessit vero iam ex parte feliciter *Romae* in nostra hac causa B. ELISABETHAE; Sacraque Rituum Congregatio litteras expediuit *Remissorias*, quibus nimirum episcopo licentia datur processum instituendi, testes citandi, audiendique per *compulsorias*, quibus potestas datur omnes ac singulos, quorum interest, ad iudicium conuocandi, ad scripta ac instrumenta, quae ad rem faciunt,

faciunt, edenda: nimirum pro construenda inquisitione in pago *Reuthe*, vbi sacrae B. ELISABETHAE exuuiæ sunt depositæ, super fama sanctitatis vitæ, virtutibus, ac miraculis, potissimum vero super cultu a tempore, quod hominum memoriam superat, præfatæ B. ELISABETHAE exhibito, eiusque ad præsentem diem perseuerantia. Quem in finem *Roma* missa sunt *interrogatoria* a Promotore fidei *Romano*. Quæ omnia a Procuratore causæ exhibita clausa ac signata, non aperienda, nisi coram *Promotore fiscali* curiæ episcopalis, & notario: inde vero perficienda omnia, quæ in memoratis litteris præscribuntur: primum circa examen testium, secundum circa *compulsionem iurium* ac monumentorum MSS. vel etiam typis editorum, cum examine ac iudicio peritorum super antiquitate MSS. tertium circa visitationem & descriptionem sepulchri, ac sacelli seu ecclesiæ, in qua sepulchrum erectum est, & altaris, aliorum quoque altarium, ac templorum B. ELISABETHAE, nec non imaginum, atque statuarum, tabellarum votiuarum &c. vnacum examine ac iudicio peritorum, de horum omnium vetustate, quæ superet necesse est centum annos iuxta VRBANI VIII. decreta, vim suam habentia ab anno 1634. ita vt imago, statua vel MSS. confecta esse

esse debeant anno faltem 1534. in eaque imagine, statua &c. adfit titulus *Beata*, vel *Sancta*, vel *Radii*: ac praeterea demonstrandum fuit, cultum ac venerationem ab an. 1634. ad nostra vsque perfeuerasse tempora.

Initium sumpsit processus iste seu inquisitio die 28. mensis *Iulii* anni 1762. iudice, promotoribus, testibus ac notariis iuramento prius obstrictis: quod quidem testibus, qui in examen vocantur, iterandum est singulis sessionibus. Sessiones eiusmodi ad examen testium iuratorum in ecclesia habentur, occlusis ianuis, obsignatis etiam post quamlibet sessionem actis, ne quid quacunque demum arte fraudis ac imposturae accidere queat. Ad finem examinis ultimi testis, apertis foribus, iterumque admis-
sis testibus, qui adhibentur ad *rogitum*, Procurator causae adfuit, ac voce & scripto per supplicem libellum exposuit, se absoluto iam examine testium, tam a se inductorum, quam vocatorum, ex officio nimirum Subpromotoris, iam probare velle sanctitatem vitae, virtutes & miracula B. ELISABETHAE, & potissime cultum a tempore, cuius memoria non extat, eidem exhibitum, per scripturas quoque, historicos, auctores, instrumenta, aliaque iura tam publica, quam priuata, typis edita ac manuscripta, in actis producenda & compulsanda; ideoque hu-
militer

militer supplicare, & enixe petere, mandari fieri dictam productionem & compulsationem, & pro eis faciendis decerni citationes contra fidei subpromotores, nec non monitoria contra detinentes praefatas scripturas.

Diligentia imprimis in hac re, quam *iurium in processum translationem seu compulsationem* vocant, opus fuit, quod in ea situm sit praecipuum huiusce causae fundamentum: quum agatur de beata persona, quae diem supremum obiit haud multo post initium sec. XV. de cuius idcirco sanctitate, atque cultu centum annorum ante VRBANI decreta oculati testes haberi non possunt. Primum citati, qui scripturas ac documenta detinebant, frequentes ex variis locis aduocati sunt. Eo ordine recepta, per condictos, iuratosque antiquarios curate sunt examinata, an authentica forent, quamue ad aetatem referri possent. Tum omnia ex autographis descripta, cum originali collata, per iuratos iterum notarios actis inserta, instrumentorum publicorum vim acceperunt. Post haec auditis etiam iuratis pictoribus, statuariis, architectis de antiquis pictis, sculptisque imaginibus, ac tabellis votivis, examinatoque sedulo sepulchro, omnibus rite discussis, sententia a Reu.^{mo} Iudice solemniter prolata est: constituisse ac constare publicum cultum a tempore im-

memo-

memoriali, & a pluribus quam centum annis ante promulgationem decretorum s. m. VRBANI VIII. quod hic potissimum agebatur, cum alias caussa haec quoad virtutes heroicas & miracula anno 1624. iam esset satis ventilata. Itaque post sententiam pronuntiatam, celebrato pontificali solemni Missae officio a Reu.^{mo} Praeposito Can. Reg. in *Waldsee*, atque pro gratiarum actione decantato hymno *Te Deum laudamus*, absolutum est hoc negotium, notario conceditis actis, vt descripta *Romam* deferenda paret, vltiori examini Sacrae Rituum Congregationis, decretoriaeque sententiae *Romanae* Sedis offerenda.

Monasterium Vrsinense.

Nacti opportunitatem hanc temporis ac locorum, excurrere in *Bauariam* destinauimus, ea loca praecipue, quae *Lico* fluuio *Alemanniae* limiti propius adhaerent. Primum per *Memmingen*, adeundi doctissimum SCHELHORNIVM caussa, ad *Ottoburense* monasterium iter iterum direximus, conferenda MSS. quaedam de veteri musica ecclesiastica, quae superiore anno notaueramus pro collectione veterum auctorum musicorum ineditorum. Inde ad monasterium *Vrsinense* perreximus Ordinis nostri, quod priore itinere praeteriuimus, quod relatum perceperimus,

rimus, incendiis ac aliis funestis fatis vetera monumenta periisse. Nunc vero adlectis humanitate Reu.^{mi} litterarorumque studiosissimi abbatis congerere quaedam in aduersaria licuit pro veteri *Liturgia Alemannica*, ac *Musica historia*. Dolumus vero non ita pridem ante nostrum aduentum obiisse, tam in theoretica quam practica musica insignem socium academiae musicae *Lipsiensis* P. *Meinradum* SPIES, amicum singularem, qui veteri musicae contra recentiorum licentiam reuerentiam seruauit, conseruauitque multa insignia praestantium superiore aetate musicorum opera, quae suo loco recensenda notauimus.

Nec id est praetereundum pro meo in res antiquas studio, volupe fuisse affari virum grandaeuum integrae adhuc sanitatis ac sensuum, parentem ipsius abbatis, quem merito colit, atque paucis ante meum aduentum diebus recurrentem eius natalem centum annorum diem solemni pompa in ecclesia celebrauit cum suo conuentu abbas filius, iam etiam venerabilis senex. Exceptus est senex ad solemnes vesperas profesti S. MICHAELIS, atque altero die mane a toto conuentu deductus in ecclesiam, a filio abbate, Missam ritu pontificali celebrante, communionem eucharisticam accepit; quam grato laetoque

laetoque spectaculo, quisque coniiciat, nosque persensimus, cum nobis narraretur, atque octavam eius festiuitatis diem concelebraremus.

Ab Reu.^{mo} abbate incredibili sumus munificentia habiti pro suo in studia litteraria amore, quae omni conatu excolere studet, atque fovere bonas artes apud suos, quorum multos habet benigna ingenii vena, atque insigni dexterritate peritiaque, praesertim in rebus mathematicis, ex quibus tres sunt professores publici a multis annis, alter in academia *Salisburgensi*, alter in *Cremisfanensi*, tertius in *Frisingensi* schola. Pluribus mecum egit venerabilis vir, quatione etiam sacrationum litterarum, linguarum praesertim orientalium, ac antiquitatis ecclesiasticae principiis apud nos in *S. Blasio* ingenia apta imbui possent. Pro facultatibus etiam is instruit librariam supellectilem bonis ac exquisitis libris, quod ad eruditionis campum emetiendum palmare est: in quem magisterio quidem aliorum recte manu ductio fit, ad consummationem autem longo indefessoque labore decurritur. De his aliisque rebus ad prouehenda litterarum studia pertinentibus diem noctemque fermocinati sumus. Neque finem fecissemus, nisi maturandum mihi fuisset, vel ob ipsam aëris

Mart. Gerbert. Iter Aleman.

D d

ris intemperiem, ac brumale frigus solito citius ingruens, vt quod propositum fuerat, iter conficerem.

Kauffbura.

*A*ugustam Vindelicorum tendens paucis horis *Kauffburae* diuertebam, vt de fama, quae vndique percrebuit, sanctitatis ac miraculorum Ven. CRESCENTIAE, sanctimonialis tertii Ord. S. FRANCISCI, asserti aliquid comperirem. Nec me fefellit opinio: neque tot doctorum proborumque hominum testimonia etiam a catholicorum, in vrbe illa ipsa, confessioni *Augustanae* addicta, suspecta esse possunt, aut minus probata. Ex quibus etiam fuerunt, qui beneficia patrocinio beatae illius virginis accepta, testata voluerunt adpensis anathematibus. Cuiusmodi innumera a dissitis etiam regionibus quotidie fere offeruntur, summorum etiam principum donaria. Irrideant omnia libertini in religione homines, qui sibi soli prudentes ac sapere videntur suffeni; merito nos nobis plaudimus, in sinu Catholicae ecclesiae iugiter inueniri homines, qui illustria dent sanctitatis specimina, atque gratiosi apud DEVM manifestis indiciis, ac signis editis comprobentur, quae Spiritum Sanctum ecclesiae adesse apertissime declarant.

Magnum ego profecto solatium reportavi ex hac vrbe *Augustam Vindelicorum* pergens asperrima tempestate ex casu niuis intempestiuo quarto quidem mensis *Octobris* die. Is per noctem continuans totam obtexit regionem alta niue. Facto postera die coelo sereno tantum inualuit frigus, vt glacies durata & alte concreta plaustra etiam sustineret. Res nobis eo magis mira accidit, quod postea domum reuersis talem coeli intemperiem se haud expertos esse siluae nostrae nigrae incolae, vbi maior anni pars hiems esse solet, sunt contestati.

Augusta Vindelicorum.

Malo id mihi omini fuit *Augustae*, durius enim glacie pectus pulsans emollire haud potui, ac obtinere, vt aditus mihi ad bibliothecam ecclesiae cathedralis pateret, cuius potissimum gratia longum ac graue iter *Augustam* susceperam iam secundo, quod bibliothecam illam refertam esse multis antiquis MSS. liturgicis, praesertim ex *Bernardi PEZII Itinerario*, quod habetur dissertatione Isagogica in *Tom. I. Anecd.* cognoueram, vbi p. XXXV. & XXXVI. nominatim plures recensentur codices potissimum liturgici, quos mihi haud

praesto futuros ad excerpta facienda in argumento religionis nostrae catholicae praecipuo, in animum nunquam induxissem, nisi expertus frustra omnia tentassem obtestationibus meis, ac exhibitis etiam Emin. Cardinalis de ROTH commendatitiis. Dum vero alio tempore ex *Italia*, *Austriae* redux iterum *Augustam* obirem, non quidem in ipsam bibliothecam fui admisus, MSS. tamen non solum aceruatim fuerunt ad manus, praebita indulgentia Reu.^{mi} Decani de VMBGELTER, verum etiam, quae petieram, integra pro vsu meo descripta accepi, opera D. Ant. KHAGER, bibliothecarii nunc *Eystetensis*, cui hortatu meo ordinandae bibliothecae cura est commissa. De qua is nuperrimis ad me litteris sic scribit: *Inueni codices ultra ducentos, quos vel regiae bibliothecae huic Augustanae inuideant. Nunc exspectat me scrinium Eystetense non minimum inter Germana, potissimum tamen constans ex actis sec. XIV. & XV. Accessissem tunc etiam ecclesiam eam cathedralem, nec non Frisingensem, nisi me fatum Augustanum absterruisset.*

Wessofontanum Monast.

Septimo Octobris urbem *Augustam* egressi, amplissimum, cui a *Lico* fluuio celebre nomen est, campum, adhuc fere niue obductum, peragra-

ragrauimus, eodemque die in monasterium *Wessofontanum* aduenimus. Nomen habet a *Wessone* ac fontibus eius indicio detectis, qui adhuc copiose propinquis tribus locis e terra scaturiunt occultis meatibus. Fuit *Wesso Tassilonis II. Bauariae* ducis filius, quem loci fundatorem *P. Coelestinus LEVTNER*, monachus *Wessofontanus*, in historia sui monasterii contra *AVENTINVM* facit, qui id a *LANDERIDO* fundatum contendit. Hoc ex monumentis domesticis, auita traditione ac consensu auctorum ante *AVENTINVM* euincere vult, nec infantiam *TASSILONIS*, nec maiorem monasterii sui senectutem attendit: hisque fundamentis *Wessofontani* elapso anno 1753. millesimi anni a prima fundatione solemnitatem celebrarunt. De *MSS.* nihil opus est hic post *PEZIVM*, veluti etiam de aliis *Bauariae* monasteriis, referre. Antiquissimum est *Capitulare euangeliorum* fec. IX. a fronte lapidibus, auro, argento, ebore anaglyphico ornatum, in quo alia quidem manu diptycha sunt adscripta, ac sequens instrumentum traditionis pro serua seu ancilla: *Omnes Christi fideles nouerint, quod quidam nobilis vir nomine Volchmar tradidit ancillam suam nomine Sophiam ad Wescinesbrunnen ad altare sancti Petri apostoli cum iure summorum, qui ibidem serui sunt eiusdem apostoli. Pro dilectione ip-*

sus Sophiae, ut & ipse gratiam DEI sanctique Petri apostoli acquireret. Hi sunt testes nobiles per aures tracti Hartmann, Adalprecht, Pereuuart, Routpreht, Durinch, Megingot, Weriant, Menuliber. Isti sunt testes serui sancti Petri apostoli. Ecgolf, Hartmann, Waltfrit, Liutpolt, Engilmann, Adalman, Purchart. Anno dominicae incarnat. mill. L.VII. Indict. X. fer. IIII. Luna XX. XI. K. Nou. In dedicat. altaris eiusdem. Anno Heinrichi regis IIII. traditio facta est.

Alia MSS. adhuc supersunt seculo XII. a LVDOVICO praeferim monacho, maximam vero partem a DIEMODE inclusa sanctimoniali elegantissime exarata, quorum catalogum LVDOVICVS in libro euangeliorum contexuit, a PEZIO & LEVTNERO editum. Ex quibus dudum complures sunt desiderati, tum alii, tum quos maxime expetieramus, liturgici nobis ad *Liturgiam Alemannicam* perutiles; monasterio licet trans *Licum* sito in *Boiaria*, ad episcopatum tamen *Augustanum* pertinente: notaturque in ipso catalogo LVDOVICI monachi liber *Officialis cum baptisterio*, qui datus est episcopo *Augustensi*. Antea: *Liber Missalis cum Graduali & Sequentiis*, qui datus est episcopo *Treuerensi*. Vnde patet, quo in pretio fuerit manus huius
bea-

beatae virginis; cuius sepulchrum media in ecclesiae naui hodieque cernitur, atque etiam WELFONVM monasterii restauratorum mausoleum, supra quod erecta stat antiquissima Crucifixi imago cum corona aurea, perizonio, clavis duobus in pedibus scamno insistentibus. Est obseruatum a theologis, *Albigenses* in imaginum contemptum Crucifixum vno clauo utroque pede suffixo pingere solitos esse. Quod si verum sit, mirum videatur, vsum istum tam inoleuisse proximis apud nos seculis.

Pollinga.

In vicina monasterio *Wessofotano* canonica regulari *S. Augustini Pollingana* picta Crucifixi imago haud absimilis colitur, nisi quod diadema in capite *Orientis* more efficta videatur; ac longe antiquior censetur, quae terris effossa subito casu foundationi monasterii locum dedit, factae itidem a TASSILONE. Imaginem illam ex *Oriente* sub imperatoribus iconomachis in *Boiariam*, vbi frequentes tunc *Graeci* furore illo expulsi aduenerint, allatam tradi, retulit mihi Reu.^{mus} Praepositus, a quo anno praeterito prodiit *Succincta Informatio de Canonica Pollingana ex authenticis domesticisque monumentis ac documentis eruta*. Doctissimus hic

Praeful, quem viuam etiam bibliothecam merito dixeris, de rebus eruditis prompte colloquitur, bibliothecam suam optimis libris ex *Italia* etiam & *Gallia*, quibus in regionibus eidem cum celebribus viris commercium litterarium intercedit, instaurare non cessat, ut vix ulli monasteriorum *Germaniae* bibliothecae, selectum quod spectat librorum, cedat. MSS. licet iam PEZIVS notauerit, pleraque recentioris aevi papyracea esse, mihi tamen *Eusebius* AMORT, editis tot libris celebris, ac venerabilis nunc decanus codicem insignem Canonum sec. IX. ostendit. In quo id singulare est, quod ante canones concilii *Sardicensis* quoddam concilium *Nicaenum* 29. episcoporum habeatur a generali *Nicaeno* distinctum, in quo inter alios canon ille, iam olim a PP. *Africanis* vexatus, de adpellatione ad summum Pontificem habetur. Notabilis etiam est *Io. Baptistae* FIVLERI *Historica descriptio Concilii Tridentini* autographa manu. Alia complura inedita abs se collecta solertissimus AMORTIVS mihi ostendit, cui DEVS vitam proroget ac vires, ut haec aliaque orbi litterario possit inferre opera.

Benedictobura.

Aegre tandem a doctissimo alloquio AMORTII auulsi, ad monasterium *Benedicto-Buranum*
con-

contendimus, nihil mali nobis praefagientes ex casu, quem MABILLONIVS acerbe in *Itinere suo Alemannico* narrat. Importuno enim, si quod vnquam fuit, tempore *Gallici Turcici*que belli hoc iter dum adiit, pronum fuit aliquid accidere, quod non tam moribus *Germanicae* nationis vniuersim, quam studiis & temporum iniquitatibus adscribi potuerat. Sane nos a R.^{mo} abbate, Congregationis *Bened. Bauaricae* sub tutela SS. Angelorum praefide, humanissime excepti, promptissime ad manus habuimus, quae inspicere auebamus tam in archiuio, quam bibliotheca, quae prudentissimo consilio, seorsim a reliquis aedificiis, sunt vno tecto sibi iuncta. Deducti eo fueraimus a professoribus, qui illuc paullatim confluxerant ad commune totius congregationis instituendum studium, prout per temporum vices ac pro locorum commoditate ab vno monasterio ad alterum transferri solet.

Manuscripta magna copia bene ordinata reperimus, facem accendente diligentissimo PEZIO, cuius manum ac operas haud raro deprehendimus, qui cum forulos omnes lustraret, rariora quaeque vel notauit, vel edidit, etiam antiquos MSS. catalogos, tum breuiorem librorum, quos KISYLA, ex regali *Francorum* stirpe,

monialis *Cochalensis* huic primum monasterio obtulit, vnde postea in *Benedicto-Buranam* bibliothecam transferunt, tum copiosiore, circa annum MCCL. scriptum; ipseque PEZIVS alios adhuc notabiliores adnotavit, ex eoque P. ZIEGELBAVR, & LEGIPONTIVS in *Historia litteraria Ord. S. Bened.* Vnde atque ex ipsa perlustratione patuit, inter ditissimas in hoc genere codicum hanc bibliothecam iure censerī, vti inter antiquiora ac opulentiora habetur monasteria, quae his etiam thesauris, nisi fatalibus casibus consumpti essent, abundare solent.

Gloriantur hi fundatoribus, quos alii detrectant, LANDFRIDO, WALDRAMO, & ELILANDO, vnacum germano suo GVNDRAMO & sorore GAILSVINDE, qui viri clarissimi tam virtutum, quam diuitiarum dignitate inclyti, *primates regni, regis consobrini* in antiquis monumentis dicuntur; CAROLOMANNI putat auctor chronici *Benedictoburani* P. Carolus MEICHELBECK, auctor etiam historiae *Frisingensis*, ac aliorum operum; quamuis editor P. *Alphonsus* HAIDENFELD fateatur, nullam nobis satis certam ex antiquitate relictam huius rei notitiam; vti nec de determinato foundationis anno, quam anno DCCXL. iam factam fuisse MABILLONIO haud est visum; dum contra eo ipso
anno

anno integrum aedificium absolutum fuisse, omnes chronistas conuenire testatur laudatus editor, existimatque LANDFRIDVM hunc citius, & forte iam anno DCCXXXIII. quo, suadente D. BONIFACIO, monasterii structura coepta videatur, aulae nuntium misisse: qui, vnaque alii, superius recensiti, fundatores monastica veste a D. BONIFACIO in ipsa ecclesiae, a se constructae, dedicatione donati fuisse perhibentur; quod adfigendum foret tempori, quo S. BONIFACIVS *Boiariam* subiit circa an. DCCXL.

Tegernsee.

Haud absimilis fuit *Tegernseensis* monasterii, totius *Bauariae* facile principis, quo nos *Benedictobura* contulimus, origo, ALBERTO & OTKARIO fundatoribus: quae in antiquissima historia foundationis monasterii *Tegernseensis*, auctore, vt visum est PEZIO, FROMVNDI coenobita *Tegerns.* sec. X. ad annum DCCXLVI. refertur. „ Euolutis (ita historiam illam auspica-
 „ tur auctor) antecedentibus temporibus, quo-
 „ usque instaret annus Dominicae Incarnationis
 „ septingentesimus quadragesimus sextus, cum
 „ S. BONIFACIVS, *Moguntiae* sedis archiepisco-
 „ pus auctoritate ZACHARIAE, *Romani* Pontificis,
 „ & consensu PIPINI principis, terminos episco-
 „ patuum distribueret, & venerabiles viros BVR-
 „ CHAR-

„CHARDVM *Herbipolensi*, WILLIBALDVM *Eysten-*
 „*tenfi*, GAIBALDVM *Ratisponensi*, IOANNEM Salz-
 „*burgensi*, ERINBERTVM, fratrem sancti CORBI-
 „NIANI successoremque eiusdem, *Frisingensi* ec-
 „clesiae praeficeret, & monasteria monachorum
 „ac sanctimonialium plurima in *Germania* suo
 „consilio & auxilio fundata fuissent, erant in
 „partibus *Noricorum* duo fratres ALBERTVS &
 „OTKARIVS ex patre *Burgundi*, ex matre *Ba-*
 „*uari* . . . hi erant praedicto regi PIPPINO,
 „CAROLI magni patri consanguinitatis affinitate
 „proximi ac prae caeteris fide & consilio pro-
 „piores . . . cumque huius mundi opibus v-
 „bertim adfluerent videntes in praediis suis iux-
 „ta lacum *Tegrinse* locum ad diuini seruitii cul-
 „tum idoneum, in quo basilicam in honorem
 „domini Saluatoris construxerunt: deinde fil-
 „uam, quae locum & lacum plurimum valla-
 „bat, cum omni diligentia eradicantes, mona-
 „sterium cum aedificiis sufficientibus vsibus mo-
 „nachorum continuo iuxta praedictam basili-
 „cam fundare coeperunt.„

Refert deinceps ALBERTI & OTKARI *Romam* susceptum iter, adlatum inde corpus S. QVIRINI M. depositumque in nouam ecclesiam *Tegernseensem*, dum dedicaretur; monachatum item ALBERTI & OTKARI, quorum ille primus abbas fuit. Vtriusque sepulchrum,
 sed

sed recentioris operis, in ecclesiae naui conspicuum est, vti etiam B. ELLINGERI abbatis sec. XI. cuius non solum apud *Tegernseenses* sancta est memoria, sed etiam in vicinis monasteriis, praesertim *Benedictoburano*, quod reformauerat. Vidi in bibliotheca *Tegernseensi* codicem euangeliorum, litteris vncialibus totum elegantissime perscriptum ab ELLINGERO abbate, qui fuit electus 1017. vt in fronte libri adnotatum est manu sec. XIV. Collectio canonum sec. XII. a canonibus apostolorum sic orditur: „Incipiunt ecclesiae, sticae regulae sanctorum apostolorum prolatae, per CLEMENTEM pontificem, quae ex graecis, exemplaribus in ordine primo ponuntur, quibus quamplurimi quidem consensum non praebuere facile, & tamen postea quaedam constituta pontificum ex istis canonibus adsumpta esse videntur., Pro collectione mea veterum auctorum de musica ecclesiastica multa hic, vt semper speraram, reperi, ipsiusque *Ioannis KECKII*, de quo multa PEZIVS, ac complura adhuc supersunt opera inedita, praesertim concilium *Basileense* concernentia. Quod vero aliquid de musica scripserit, nec ipsis *Tegernseensibus* fuit cognitum, donec curiosius scrinia euoluens id detexi: quod Reu.^m abbatem grandaeuum (cuius iubilaeum sacerdotii paucis ante meum aduentum hebdomadibus fuit summa

ma pompa celebratum) multum oblectauit, meisque studiis conciliauit; cum principio, PEZIVM iam omnia exhaustisse, saepe repetens, ad instantiores petitiones meas vetera perscrutandi monumenta mihi paullisper alienus esset visus.

Salisburgum.

Ingens me desiderium tenuit adeundae vrbis *Salisburgensis*, veteris *Iuuauii*, mutato nomine ab adluente fluuio *Salza*. Est hic percelebris academia *Benedictinorum* Patrum, in qua ab haud longo tempore liberales artes & scientiae florem acceperunt. Multus mihi mox post aduentum meum cum Rectore vniuersitatis P. ZALLWEIN fuit sermo de studio iuris ecclesiastici, serio & diligenter a nostris tractando, dum illud isto tempore omni ex parte lacefitur, atque illi, qui ius dicunt, tam auide principia amplectuntur eorum, qui postrema hac aetate statum ecclesiasticum pessumdederunt. De genuinis iuris ecclesiastici fontibus egregia scripta in lucem publicam edidit P. Rector, prius iuris canonici professor in academia *Salisburgensi*; dolendumque, virum eruditum & strenuum variis curis a prosequendo instituto reuocari.

Alte-

Altero die MS. antiquissima bibliothecae monasterii *S. Petri* lustrauimus, de quibus plura MABILLONIUS & PEZIUS, ille in *Itinere Germanico*, hic in *Isagoge ad thes. nou. anecd.* Ab humanissimo abbate, olim professore philosophiae academico, ad instructissimum ordinatissimumque archiuum etiam sumus deducti. Inde archiuum archiepiscopale accessimus: cui adiecta est bibliotheca, in qua inter varios codices liturgicos auro picturisque ornatissimos sec. potissimum XIV. & XV. *Euangeliarium* sec. X. reperi. Insignis cumprimis est *Codex traditionum* sec. etiam X. circiter.

Inde ad archiuum & bibliothecam MSS. capituli metropolitani dum concessimus, mirum est, qua humanitate ab ill.^{mo} Decano comite de ZEIL sumus excepti, qui & tunc temporis, & postea cum *Vindobonae* agerem, atque etiam litteris ad monasterium reduci missis, nihil non egit, vt mei ad dirigenda ordinandaque monumenta vetera copiam impetraret. Quod quidem facile suscepissem, si per me resque meas, non ita multo post in alium statum mutatas, licuisset. Leui saltem tum brachio thesaurum praestantissimum antiquissimorum monumentorum peruoluimus. Rarissimus inter MSS. codd. est *Scotice* scriptus cum inscriptione

ne † *Cutbercht scripsit ista IIII. euangelia prae-*
cat nos omnia oramus pro anima sua. Prae-
mittitur canon, ac capitula in MATTHAEVM,
MARCVM, LVCAM, IOANNEM &c. Incipit prae-
fatio euangelii. Singulis euangeliiis praefixa est
pictura non inelegans. Forte codice hoc vsus
sit S. RVPERTVS, eumque scripserit S. CVTBER-
TVS archiepiscopus Cantuariensis, cuius episto-
lae inter S. BONIFACII M. extant. Alter seculi
VIII. codex sermonum inscribitur: In nomine
Patri & Filio & Spiritui sancto incipiunt com-
mentarium de singulas lectiones orthodoxorum
atque Catholicorum. Sequitur Lectio prima de
aduentum domini die octabo ante natale domini.
Sanctam, desiderabilem atque gloriosam &c.
Sermo S. Augustini de natale Domini &c. &c.
Dydimi de Theophania. S. Augustini de Quadra-
gesima &c. S. Fulgentii de Symbolo ab eo, quod
ait, Proximum autem erat Pascha Iudaeorum.
Abhinc sequuntur homiliae in Euang. Sermo
S. Augustini de die Paschae &c. &c. Item
homelia XXXIIII. dōm Gregorii. Sermo S.
Augustini de natiuitate S. Io. Baptistae. Sermo
S. Augustini de natali beatissimorum Petri &
Pauli. Item eiusdem Sermo de eorundem pas-
sione. Item eiusdem sermo de eodem. Sermo
S. Augustini de natali martyrum. Item eius-
dem sermo de natali MM. Item sermo de mar-
tyribus.

tyribus. *Homelia in natali omnium virginum.*
Omel. lect. eiusdem in natale omnium apostolorum,
vel in conuentu episcoporum. Codex sec.
 IX. vel X. BALDONE curante scriptus, AR-
 CVLPHI episc. de locis sanctis *Hierusalem.*

Hunc humilis librum fecit perscribere Baldo

Reddat in aeternum mitis cui proemia Christus,

„Orditur praefatio libri ARCVLPHI episcopi ma-
 „xime de locis sanctis *Hierusalem.* ARCVLPVS
 „episcopus gente *Gallus* diuerforum longe re-
 „motorum peritus locorum verax index, & fa-
 „tis idoneus in *Hierosolymitana* ciuitate per
 „menses VIII. hospitatus & loca sancta coti-
 „dianis visitationibus peragrans mihi ADOMNA-
 „NO haec vniuersa, quae infra craxanda sunt
 „experimenta diligentius percuntanti & primo
 „in tabulis describenti fidei & indubitabili nar-
 „ratione dictauit, quae nunc in membranis
 „breui textu scribuntur.,

Eiusdem aetatis codex inter alia epistolam
 S. HIERONYMI ad SVNIAM & FRETELLAM con-
 tinet cum titulo: *Incipit psalterium, quae de*
septuaginta interpretum editione corrupta sint.
 Alius coaeuus habet S. HIERONYMI epistolas
 quasdam, & librum *Hebraicarum* quaestionum.
 In alio suppari habentur epistolae & tractatus
Mart. Gerbert. Iter Aleman. E e ali-

aliqui S. HIERONYMI. Epistolae S. GREGORII
 55. quarum vltima *Epistola missa in Bauariam
 de diuersis causis continens capitula XIII.* Nempe
 GREGORII II. Codex, scriptus caractere
Francico, continet varias formulas epistolarum,
 inter alias ad TASSILONEM ducem, & VIRGI-
 LIONEM (VIRGILIUM) episc. Alius eiusdem
 characteris S. CYRILLI *Alex.* epist. ad monachos.
 Item ad NESTORIVM. COELESTINI ad CYRIL-
 LV. NESTORII ad COELESTINVM. Acta synodi *E-*
phesinae. Codices plures seculi X. quibus varia
 SS. PP. HIERONYMI, AVGVSTINI, GREGORII,
 BEDAE, ALCVINI continentur. S. GREGORII *libb.*
Moralium vsque 34. Homiliae S. CHRYSOSTO-
 MI in MATTHAEVM. OROSII Chron. RHABA-
 NI super MATTHAEVM libb. IV. Nouellae IV-
 STINIANI. HIERONYMI comm. in *Ezechielem* &c.
 Eiusdem tractatus super libro psalmorum. In
 euangelia. Catena in quatuor euangelia. S.
 AVGVSTINI de symbolo contra *Iudaeos.* De fi-
 de & operibus. ALCVINI opera varia. ADO-
 PTVLI de tonsura & vestitu clericorum, & mo-
 nachorum. LAVRENTII liber de duobus tem-
 poribus. Codex perantiquus, sed mutilus, in-
 ter alia continet expeditionem in terram *Scla-*
uorum, in terram *Becheim* per *Burgundos*, *Ba-*
ioarios, & *Alemannos.* Item in *Corficam.* Re-
 fertur deinceps eclypsis *Lunae*, & transitus *Iouis*
 per

per *Lunam*, *Mercurii* per *Solem* ad an. 806. Sec. X. circiter glossae *Latino - Thectiscae* habentur alio in codice in canones apostolorum, & conciliorum: in epistolas summorum pontificum: in libros dialogorum & alios S. GREGORII: in lectionarium: in vitas Patrum: super focum. In fine legitur:

Adollioꝝ glossam tibi Heripato donat istam.

Glossa super prologum historiae ecclesiasticae. Sec. porro X. collectio canonum SIRICII, LEONIS &c. vsque ad GREGORIVM iuniorem. Sec. XII. IVONIS *Carnotensis* collectio canonum. Apographum litterarum EVGENII P. qua archiepiscopum *Salisburgensem*, episcopos, & abbates eiusdem prouinciae vocat ad concilium *Trecis* celebrandum Dominica *Laetare*. Datae *Alti-fiodori* III. Id. *Octobr.* Sec. XII. regula parua S. AVGVSTINI, cui subiungitur epistola P. ad R. (quae nomina aliis diuinanda relinquimus) ecclesiae *Sprinberbacensis* praepositum, & eius fratres, de moderatione regulae circa officia, ieiunia, laborem manuum &c. Item mandatum eiusdem, vt fratres contumaces ex ordine emittantur. Regula S. AVGVSTINI prolixior. Ad calcem cuiusdam codicis sec. XIII. exhibetur catalogus brevis librorum *Salisburgensis* ecclesiae. Eiusdem aetatis sunt MSS. IVONIS *Carno-*

tenfis epistolae CCII. cum indice in fine, & verbis *Leoninis* ac distichis in laudem IVONIS. ODDONIS sermones de tempore & de Sanctis. In fine extat fragmentum sermonis IOANNIS de *Villa* abbatis. Fr. IOANNIS *Walensis* Ord. Min. collectiones de gubernatione reipublicae. In alio PETRI *Remensis* bibliotheca metrica seu *Aurora* ab AEGIDIO *Parifino* in ordinem redacta. Eiusdem aevi summa BERNARDI episcopi *Trauentini* super decretalibus ab eo compilatis. In alio BENEDICTI XII. constitutiones de monachis & ecclesiis cathedralibus. Scriptum vidimatum a notario an. 1338. In cod. sec. XV. epistola SOLDANI ad papam contra PHILIPVVM regem *Francorum* & alios regulos. Eiusdem epistola ad CAROLVM *Hungariae* regem. Codices huius bibliothecae vniuersim sunt 387. ex quibus membranacei 332.

Ratisbona, cum Austriae Monasteriis.

Longe adhuc amplior est thesaurus manuscriptorum codicum, etiam praestantissimorum inde ab octauo vsque, potissimum autem nono seculo, in bibliotheca monasterii S. EMERANI *Ratisbonae*. Codices ultra nongentos hic reperi, quorum catalogus prodiit an. 1748. Exactiorem vero cum suis etiam eruditis parat ob-

obſervationibus P. *Frobenius* FORSTER, qui a multis annis Prioris ſimul ac bibliothecarii munus obiit, amicitia mihi dudum coniunctiſſimus (valde autem timeo, ne nunc temporis in abatis & S. R. I. Principis dignitatem ſuffectus tam cito & facile ſtare poſſit promiſſis.) Iuſtum vero his rebus ſuis ac cimeliis *San-Emeramenſes* ſtatuerere nouiſſe pretium tum iam, cum paſſim apud noſtrates minus curarentur, declararunt, reiecta conditione a rege *Galliarum* LUDOVICO XIV. poſt MABILLONII iter *Germanicum* oblata, optioneque, quae vellent edita tunc in *Galliis* tam inſignia, ſplendida, vaſtiſſimaeque opera pro ſingulis codicibus MSS. permutandi.

Exemplo *San-Emeranenſium* catalogos MSS. typis ediderunt *Lunaelacenſes* & *Mellicenſes* ſociales; atque hi quidem ſtudioſius, accuratiusque opera P. *Martini* GROPP; tantum quod numerum Anonymorum *Mellicenſium* mirum in modum auxerit: nimirum quorum paſſim operum auctorem in MSS. deſideravit, ſuis fere adſcripſit, quod non vno exemplo deprehendi, dum illic aderam, redux ex *Italia* *Auſtriae* bibliothecas perſcrutatus. Neque uſpiam gentium tam egregia monumenta tum pro *Liturgia Alemannica*, quam etiam *Hiſtoria musicae*

ecclesiasticae, scriptoresque de re musica inueni, quam in caesarea *Vindobensi* bibliotheca clementia Augustae Imperatricis, indulgentia illustris VAN-SVIETENII, atque singulari erga me humanitate beneuolentiae doctissimi COLLARII, primi bibliothecae custodis, qui iam totus in eo est, ut coeptos a LAMBECIO commentarios in manu exaratos codices Augustae bibliothecae *Vindobonensis*, perfectos, retractatosque, quam amplissimos edat. Praetereo reliquas praeclaras *Austriacae* bibliothecas monumentis antiquis refertas, praeprimis *Lambacensem*, *Gottwicensem*, *Neoburgensem*, quas lustrauimus, atque *Zwetlensem*, a qua adeunda nos animus abbatis, quem *Vindobonae* sumus experti, reuocauit.

Vnum hic in gratiam rei antiquariae studioforum commemoro, acerbitatibus temporum tribuendum, quod celebratissimum Reu.^{mi} BESSELI abbatis chronicon *Gottwicense* integrum haud prodierit, prout typis paratum eo in monasterio reperi: cuius operis integer adhuc tomus secundus rem diplomaticam *Germaniae* prosequitur, alteram chartarum speciem minus principalem, chartarum nimirum priuatarum, quae a MARCVLPHO in formulis nuncupantur *pagenses*, quarum extrinsecam faciem & stilum intrin-

intrinsecum liber IV. considerat. Liber V. tractat de ducibus & comitibus *Germaniae* mediae aetatis per quinque maiores eiusdem provincias. Quo sensu accipi potest locus *LVITPRANDI lib. II. histor. cap. 7.* dum sub *CONRADO I.* quinque potentissimos principes, *ARNOLDVM* in *Boiaria*, *BVRCHARDVM* in *Suevia*, *EVERHARDVM*, comitem potentissimum in *Francia*, *GISELBERTVM* ducem *Lotharingiae*, & demum *HENRICVM* in *Saxonia* nominat. Reperiuntur complura quinquenarii huiusce vestigia in aliis regni negotiis, electionibus praecipue imperatorum, *Lotharingiae* loco passim *Burgundia* nuncupata. De *Germaniae* diuisione plura in liturgia *Alemannica*; nunc in *Bauariam* redimus, eiusque metropolim.

Monachium.

Vano timore eo nos contulimus, dum memoriae occurrit, *MABILLONIVM*, licet instructum commendatitiis illustrissimi *Meldensium* episcopi, atque ipsius praesentis oratoris regii extraordinarii, ob absentiam tamen Electoris ad bibliothecam electoralem non fuisse admissum. Vix non eodem momento forte fortuna ac ego, *Reu.^{mus} praepositus Pollinganus* insignis studiorum meorum fautor aduenerat ad

diei vesperam, dum proximo mane ipse me ad bibliothecarium electoralem Dominum OEFELIVM deduxit, virum diligentissimum in colligendis anecdotis *Bavaricis*, quorum duos iam tomos typis commisit, alterum ex parte, alterum omnino perfectum, cum copiosissimo accuratissimoque indice, propria sua industria confecto. Qua collectione vtilitati communi optimo consilio concedit reconditos thesauros bibliothecae praesertim electoralis. Mihi vero ad meum institutum tam graeca, quae in hac bibliotheca prostant, quam latina MSS. ad liberum obtulit usum, quotidie etiam, cum *Monachii* degerem, facillimum ad bibliothecam tribuit, quando, & quamdiu lubebat, accessum. Dum primum ipsum conueni, inueni illic aliunde iam mihi notum D. LORIVM, professorem olim *Ingolstadiensem*, nunc a variis Electoris consiliis inter primos efflorescentis academiae litterariae *Bavaricae* promotores, cui a secretis hactenus fuit, sed cum muneri ob varias occupationes vacare non posset, id P. *Ildephonso* KENETI *Benedictino* *Scoto* ex monasterio *Ratisbonensi* est iniunctum, qui in nouo insigni palatio, quod *Fuggerianum* dicitur, custodiae commissa habet physica ac mathematica armaria, quae in scientiis peritissimus est: in eisdemque ac historia occupatur laudata academia *Bavarica*,
quae,

quae, quo ipso tempore *Monachii* fui, suo in senatu, qui singulis hebdomadibus bis congregari solet, praemia ad praepositas quaestiones, alteram naturalem, alteram historicam decreuit duos nummos aureos, quorum quisque 50. aureos nummos valet, duosque argenteos. Oblatum mihi inter membra academica locum non potui detrectare, vti & postea regalem nummum.

Mons sanctus Andechs.

M*onachio* nos ad montem sanctum *Andechs*, qui illustrissimae comitum fundatorum familiae nomen dat, aduenimus tandem, iam fere desperabundi concubia nocte, quod deerrantes itinere, quo veheremur pariter cum vectore ignoraremus. Et ecce procul in editiore loco rutilantia conspicati lumina, veluti coelitus praelucens astrum, suspeximus, montemque dum attigimus laete ipsissimum *Andecensem* inuenimus. Quo conscenso humanissime a sodalibus accepti ac refocillati, altera die, quae erat dominica festi anniuersarii Reliquiarum pro more nostri Ordinis, id eo maiore religione hic celebrandum duximus, quo sunt augustiora in hoc loco sacra huiusmodi lipsana. Non tamen integro hic substitimus die, sed post peracta

442 MONS SANCT. ANDECHS.

Sacra obeuntes bibliothecam, libris optimis, argumenti praesertim historici instructam, dum MSS. indagaremus, ad sacrarium deducti, post inspectas tres capellas, in quibus habentur sacrae reliquiae, quarum vna duabus clauibus Electoris *Bauariae* & monasterii clausa eminus tantum patet, exhibitus nobis est *Liber Sacramentorum*, noni vel decimi seculi, religiosissime inter sacra cimelia seruatus in pretiosa capsula, indeque non paucis in nostra aduersaria relatis, discessimus, iterque ad *Licum* nostrum carpsimus.

Aquarum inundatione prohibiti, celebre monasterium *Dieffense* Can. Reg. praeteriuimus, perque *Wessofontanum* ad *Steingadense* Ord. S. NORBERTI perreximus, quod an. 1147. *Bauariae* duces, GVELPHO *Sextus*, & cognominis filius eius, erexerunt ad *Licum*, montibus circumquaque fere cinctum. Ibi postquam pernoctauimus, humanissime habiti, summo mane ad sacrum faciendum deducti sumus in locum, horaria leuca distantem, vulgo *auf der Wiß*, seu ad *Pratum* dictum, qui non multis abhinc annis ingenti hominum frequentia celebratur, ad imaginem *flagellati Christi Domini* confluentium. Non sine inspiratore piarum mentium superno actum piis ac sagacibus videtur, tam
fre-

frequentes in desertum tam subito conuolare populos. Vult DEVS, quantum coniecimus, etiam, quin praecipue, tandem aliquando mysteria passionis dominicae vera solemniter coli.

Faucense Monasterium.

Nauicula traiecti *Licum* loco tuto, ob aquarum inundationem ex continuis pluuiis, in littus *Alemannicum* expositi sumus. Ad quod profecti, post duarum horarum iter ad monasterium *Faucense* peruenimus, in editiore oppidi loco, olim *Abusiacum*, seu *Abusacum*, *Abuzacum*, ad *Licum* fluium inter montium angustias situm, vnde *Fauces*, ac *Faucense* monasterium nomen habet vulgo *Fuessen*, quod EKKHARDVS iunior de casibus *S. Galli*, monachos nostros imperite *Fauces* reddidisse dicit. De fundatione huius monasterii vulgati isti habentur versus:

*Coenobium Fuessen regali dote Pipinus
Fundauit Sancti permotus numine Magni
Vastatum caesar reparauit Carolus idem,
Atque Augustana Simpertus praeful in vrbe:
Austriacae posthaec Leopoldus marchio terrae
Guelpho Sueuorum dux ampliter augmentarunt.*

Quisquis PIPINVS iste sit, monasterii ortus vulgo repetitur a facellulo, quod adhuc ad latus ecclesiae maioris ostenditur, a S. MAGNO in honorem

rem S. Saluatoris extructo, vbi cum discipulis suis diuinas laudes celebrasse traditur. Huc ego adueniens, cum adhuc quaedam diei horae superessent, a Reu.^{mo} Abbate in bibliothecam admitti rogavi, quorsum ab eodemmet deductus, dum manuscripta perlustro, reperi, quod iam MABILLONIVS notauit, recentiores esse plerosque codices. Ex quibus postquam nonnulla excerpfi, in crastinum discessum parauī, quod aegre ab humanissimis sodalibus obtinui. Interim ingruens hyems ac tempestas dubia, reditum vt domum maturarem, omnino postulauit. Iter vero ad coenobiolum *Reuthense* direxi, quo diutius in negotio canonizationis B. ELISABETHAE fueram commoratus. In via paullum diuertī *Aulendorffii* comitum de KÖNIGSECK fede, vbi muro ecclesiae illatum reperi epitaphium:

EDONE CONIVGI SABINIANO IN
PACE.

cum monogrammate Christi. EDONEM celebrant *Aulendorffenses* martyrem & virginem, cum epitaphium SABINIANO sit positum coniugi.

Weingarten.

Inde dum monasterium *Weingartense* mox iterum discessurus oboeo, a Reu.^{mo} Abbate facile sum detentus, narrante mihi, dum rogatu meo ac multa obtestatione indagandis formulis

mulis *Andegauensibus*, quas ex codice *Weingartensi* edidit MABILLONIVS noster, incumbere, cum codice illo, in quo ante formulas iisdem litteris *Semi-Merovingicis* codex *Theodosianus*, si recte memini, continetur, magnnm numerum MSS. subito casu fuisse reperiunt, quos cum aliis ordinandi ardor atque coaptandi ad formandum bene catalogum, quem edere propositum habet Reu.^{mus} Abbas, facile frigoris molestiam non modicam vicit.

Weissenau.

Inde discedentes, atque vt die dominico idoneum sacris operandi locum haberemus, apud vicinam *Augiam candidam*, seu minorem, vulgo *Weissenau*, diuertentes, quemdam etiam adparatum MSS. inuenimus, quorum potissimam partem descriptam leges apud *P. Ludouicum Carolum HVG O S. Norberti* Canonicum *Æstualensem* in *Lotharingia*, T. II. *Annal. Norbertin.* miraturque, innumerabiles pene & omnigenae scientiae libros, scriptos vt plurimum in pergamento, euasisse e tot calamitatibus, quas tumultuantes rustici, & deuastatores *Sueci* in *Sueuia* suscitauerunt. *Augia candida* seu minor primo eremitarum BRV SCHIO dicitur sedes, postea vero GEBIZONE de *Wisenburg* opulentissimo milite, & LORCARDA sorore eius, HENRI-

ci militis ex *Asenhusen* coniuge, dotem suppe-
 ditantibus, in praeposituram, deinde in abba-
 tiam Ord. *Praemostratensis* adoleuit an. 1145.
 CONRADO rege III. EVGENIO III. pontifice. Msc.
 quaedam hic reperimus aetatem hanc non pa-
 rum superantia; pulcherrimum imprimis codi-
 cem legum *Alemannicarum* sec. IX. vel. X. cum
 collectione ANSEGISI, in multis diuersa ab edi-
 tione BALVZII & GEORGISCHII. Seruatur ibi-
 dem anonymus in psalmos sec. XII. Inc. *Quo-
 niam illo auxiliante sine quo omnis actio & in-
 tentio cassa est &c.* Fin. *Omnis spiritus id di-
 citur non caro, non sanguis, non corruptio, sed
 homo spiritualis: nam secundum carnem mors
 est.* Alia expositio in psalm. sec. XIII. Inc. *Cum
 omnes prophetas Spiritus sancti reuelatione con-
 stat esse locutos.* Fin. *Vitae aeternae vox est,
 omnis spiritus laudet dominum.* Eiusdem sec.
 anonymus in MARCVM. Inc. *Consummatio ab-
 breuiata inundabit iustitiam Is. X.* Fin. *Ista
 signa debent sequi praedicationem, primum com-
 punctio auditorum, secundum conuersio pecca-
 torum, tertium confirmatio iustorum.* Nonnul-
 lorum codicum, qui vsui esse poterant, copiam
 haud grauate fecit R.^{mus} D. Praepositus. Ean-
 dem gratiam cum Excell.^{mus} D. Abbas *Salemi-
 tanus*, ac passim alii etiam praesules ac biblio-
 thecarum custodes alibi fecerint, ouans prospe-
 ro itineris successu domum redii.

ITER
ITALICVM

ANNIS

MDCCLXI. MDCCLXII.

INITVM.

THE

ATLANTIC

COAST

OF THE UNITED STATES

AND



AD

Summe Reuerendum ac Illustrissimum

IOSEPHVM

COMITEM DE GARAMPI,

Canonicum ad S. PETRVM in Vaticano,

SANCTITATIS SVAE Secretiorum

Archiuorum praefectum.

Iucundissima mihi semper erit recordatio do-
ctissimae, amicissimaeque Tecum conuersa-
tionis in *Germania*, cum & iterato meo me
in musaeo inuiferes, liceretque Tecum mihi
pagos quosdam *Hercyniae*, *Heluetiae*, ac *Bris-
goiae* obire. Omnium vero maxime delectat
Mart. Gerbert. Iter Alem. Ff inopi-

inopinatus in monasterio *Mellicensi* occurfus. In *Gallias* abieras, cum ego *Italiam* peterem. Nihil non egeras, vt Te reduce *Romae* adhuc effem; ego vero cogitabam *Vindobonae* Te conuenire; quam ne in itinere Tuo praeterires principem *Germaniae* urbem auctor eram. Iam eo ego in itinere *Salisburgo* excefferam, dum postero die illuc me incscio aduenires. Edoctus vero quem incederem cursum; presso me infecutus pede apud *Mellicium* subito ades, inque amplexus ruis. Societate itineris inita urbem ingredimur, bibliothecam augustam indiuidui frequentamus continuos dies, donec Te *Italia* reuocaret. Habes iam, quod pollicitus tum fueram de itinere meo *Italico* perscribere. Neque vero post duumuiros nostrates *MABIL-LONIVM* & *MONTEFALCONIVM* in explicandis antiquis thesauris litterariis *Italiae* Te morabor. Suo etiam referuabo loco ac tempori, quae
perampla

perampla sane feci collectanea , speciatim pro historia *Musicae ecclesiasticae*, graeca imprimis, palaeographia notarum musicarum per duodecim secula deducta , descriptisque auctoribus ad ornandam collectionem scriptorum musico- rum ineditorum ad triginta vsque, quorum singuli, paucis exceptis Anonymis, aliunde in orbe litterario sunt celebres viri. Solum mihi propositum est de illis fere loqui *Italiae* viris litteratis, quos ipse conueni, ac familiares habui diuersis in vrbibus. Id vero vni Tibi, illustrissime Vir! inscribendum fuit , qui ad ple- rosque per *Italiam* Doctos litteras commenda- titias mei caussa, quas ipse deferrem, scripseras. Vale. Dabam in *D. Blasii* Id. Febr. A. R. S. MDCCLXV.

Oenipontum.

Ingressurus *Italiam Tirolim* obii, vbi *Anton. ROSCHMANNVS* veterem *Veldidenam* post *LAMBECIUM & GLVVERIUM* in agro *Wiltinensi* prope *Oenipontum*, non inuita nomenclatura, sitam fuisse contendit, *LIPSIO*, *SCALIGERO*, *GRVTERO* in alia abeuntibus; imprimis *VELSERO* pugnante pro sua *Augusta Vindelicorum*, quam non *Vindeliciae* solum, sed *Rhaetiae* etiam urbem principem facit, utramque confundens prouinciam a prima origine *Augusta*. Distinguit autem *ROSCHMANNVS* singulari libro inscripto *Veldidena vrbs antiquissima, Augusti colonia, & totius Rhaetiae princeps, in tractu praecipue Wiltinensi, & Oenipontano e tenebris eruta, & vindicata*.

Facile quidem *VELSERO Augusta* *AVGVSTI* coloniam, *Vindeliciae* principem relinquit, ut tamen *Veldidenam* suam illustrissimam *AVGVSTI* etiam coloniam, & totius *Rhaetiae* principem adstruat, quae sane in *ANTONINI Itinerario* apertissime ab *Augusta Vindelicorum* distinguitur, *Augusta Vindelicorum, Abutaco, Parthano, Veldidenam* numeratis passibus milliariis. Non semel etiam in *Itinerario ANTONINI* occurrit *Veldidena*. Superfunt cippi *Augustaei* sine inscriptione,

ptione, quorum alter adhuc terrae inhaeret, alterum truncum in bibliotheca *Wiltinensi* Canonicorum *Praemonstratensium* S. NORBERTI videre est.

In area *Omerasensi*, vbi cimelia Augustae familiae *Austriacae* feruantur, lapides milliarii SEVERI & CARACALLAE visuntur, vnus apud *Wiltinenses* cum hac inscriptione sed mutila. IMP. CAES. LVCIO. SEPTIMIO SEVERO PIO PERTINACI AVG. ARABICO ADIABENICO PARTICO BRITANNICO P. MAX. T. P. III. IMP. VII. CS. II. P. P. PROCOS ET IMP. CAESARI. M. AVR. ANTONINO PIO INVICTO AVG. PARTICO MAXIMO BRITANNICO MA. TR. P. XVIII. IMP. III. P. P. PR. FELIC. PRINC. Id est *Patri Patriae Proconsuli Felici Principi*. Alter lapis est DECII, qui fuit Caesar an. Christi 249. IMP. CAES. CAIO MESSIO QUINTO TRAIANO DECIO PIO FELICI INVICTO AVG. P. M. TRIB. P. II. P. P. & MESS. DECIO & QUINTO NOBILISSIMIS CAESARIBVS AVGVSTI CAESARIS FILIIS MILLIA PASSVVM CXII. Ex miliaria columna DECII in musaeo *Veronensi* confirmatam accepi hanc lectionem. IMP. CAES. G. MESSIVS Q. TRAIAN. DECEP. (sic) P.

F. AVG. P. M. TRIB. POT. II. COS. II. P.P. Equidem non respondent millia passuum centum duodecim in nostro illo lapide DECII, si *Veldidenam* spectes in *Itinerario ANTONINI & Tabula Theodosiana*, vulgo *Péutingeriana*, sed haec inter tempora DECII lapis est positus. Dolendum, lapidem SEVERI integrum non esse, propius ad ANTONINI aetatem accedentem. *Veldidenam* ab ATTILA, ut pleraeque *Germaniae* vrbes, dirutam esse, admodum verilimile est, ut ex eius ruderibus paullatim *Oenipontum* surrexerit, veluti ex *Augusta Rauracorum*, par fatum ab ATTILA experta, *Basilea* splendorem ad *Rhenum* accepit. Rudera murorum sub terra, si paullulum effodiatur, in amplissimo campo passim sese prodere, *Wiltinenses* mihi renunciarunt, urnas lacrimales, cineralesque, cineribus ac ossiculis refertas cum fibulis, acubus &c. ex crematis cadaveribus meis oculis vidi, nummosque a CAESARE usque VALENTEM.

Maulsa.

Inde conscensis *Rhaetiae* montibus in vico *Maulsensi* marmor muro infixum offendi ad ipsam viam publicam, vbi spelaeum *Mithrae* fuisse tradunt, prout a IUSTINO M. TERTULLIANO, & HIE-

RONYMO etiam *Mithrae* initiationes notantur, quae singillatim circum insculptae lapidi *Maulsenfi* cernuntur. Innuitque haec sacra ac cultum in his locis S. VIRGILIUS Episc. *Tridentinus* epistola ad IOANNEM vrbis *Capolitanae* episcopum, CHRYSOSTOMVM scilicet, in qua martyrium SS. SISINII, MARTYRII & ALEXANDRI MM. describit. Consimilem lapidem vidi in musaeo *Veronensi* cum inscriptione DEO INVICTO MITHRAE, quae in *Maulsenfi* desideratur. Prope eundem lapidem alter muro infertus est cum litteris insculptis :

D. V. M.
AVRELIAE. RVFFINAE. MATRI.
AELIVS QVARTINVS.

Stertingae autem iste :

V. F.
POSTVMIA. VICTORINA SIBI. ET TI.
CLAUDIO RAETICIANO.
GENERO. PISSIMO.

Brixina.

Haec obiter a me visa indico publica in via versus *Brixinam*, vbi breui mora *Ioseph. RESCHIVM*, auctorem annalium *Sabionensium* conueni. Inter alia hic loci codex insignis ostenditur

stenditur traditionum *Brixinensium* sec. IX. in quo nominantur testes aliqui vocari soliti *per aurem tracti*.

Tridentum.

Inde *Tridentum* progressus, libenter inspexissem lapidem, ad quem prouocat ROSCHMANNVS, indicem, ab AVGVSTO instauratam hanc esse regionem, viasque publicas, vt a STRABONE memoratur. *Tridentinum* illum lapidem a nonnemine in dubium vocatum, ROSCHMANNO teste, vindicat P. *Benedictus* BONELLI, *Ord. S. Francisci Reform.* tum pro aliis antiquitatibus *Tridentinis*, sanctisque tutelaribus ac patronis ecclesiae *Tridentinae*, praecipue vero pro sanctitate & martyrio ADELPERTI episcopi *Tridentini* sec. XII. acriter decertans; cuius solemnem cultum iam eius successor SALOMON ab ALEXANDRO III. impetrauerit, atque coeua manu in celebri sacramentario *Vdalriciano* fuerit adnotatus dies festus. Percupieram huius cum aliis compluribus insignibus liturgicis codicibus, passim etiam ex *Alemannia* huc in bibliothecam cathedralem congestis, vsum facere pro liturgia *Alemannica*; quos R.^{mus} ac Cels.^{mus} episcopus *Tridentinus* de meo aduentu monitus parari iusserat. Sed rebus tum
turbatis,

turbatis, dum ad meum reditum rem omnem differendam puto, interim moritur episcopus, ac codices omnes in castrum recluduntur.

Roboretum.

Turbas intelligo *Roboretanas*, quae nec quidem, me altero anno reduce, penitus erant sedatae, ex morte *Hieronimi TARTAROTI* commotae, qui causae *Tridentinae* maxime aduersatus, indignationem episcopi in se conuerterat, ut nec honores ferret, eius manibus a *Roboretanis* decretos. Sed enim

Sunt aliquid manes, letum non omnia finit

Lucidaque effictos effugit umbra rogos.

ut canit *PROPERTIVS*, iustaque ea deberi, sunt rati *Roboretani*, cui de musis patriis, ac bonis artibus bene merito, quae non minus ea in vrbe, quam ciuiles efflorescunt, constituta etiam academia litteraria nonnullis abhinc annis, sub auspiciis Augustae Reginae *Vngariae*, ut palam est publicis ex litteris, quae vnaque leges academicae sunt orbi litterario proditae in diariis litterariis *Florentinis*, *Mantuanis*, *Venetianis*, *Ratisbonensibus*, *Hamburgicis*, *Luxenburgicis* vno eodemque an. 1754. quo fere tem-

pore me quoque in focium adoptarunt, qui iam plus 400. numerantur.

Verona.

Sunt plerisque in *Italiae* vrbibus societates litterariae, certis quibusdam nominibus insignitae; cuiusmodi est *Veronae*, quorsum recta *Roboreto* iter conuerteram, Philarmonicorum, composita ex choro doctissimorum huius vrbis virorum, cui nunc praesidet post ill. marchionem MAFFEIVM *Dominicus VALLARSIVS*, qui opera S. HIERONYMI decem voluminibus edidit, accessitque iam primum volumen RVFFINI *Aquileiensis presb.* vt alia taceam, quae partim in lucem prodierunt, partim in promptu sunt. Meditatur is *Historiam patriam sacram & profanam.*

Hoc clericis *Veronensibus* praeprimis laudi tribuendum, quod bonis litteris egregie incumbant, quos inter eminent presbyteri par nobile fratrum, *Hieronymus & Petrus BALLARINI*, suis indiuidui, ac indefatigati in studiis, quibus debemus editionem operum *S. Hilarii. S. Leonis. Vitam & sermones S. Zenonis episc. Veronensis. Vitam & constitutiones GIBERTI episc. Veron.* Nouam editionem operum S. RAYMVNDI.

S. AN-

S. ANTONINI cum notis seu praelectionibus. Cardinalis item *Norisii*. Sub prelo nunc sudant, eorum cura & studio, *opera Ratherii Veron. episc.* Taceo, quae varia ediderunt, anonyma opuscula contra *MAFFEIVM*, *Probabilismum*, capitulum *Veronense*, quo in capite aduersarium habent ill. March. *Io. Iac. de DIONYSIIS*, a quo varia opuscula in lucem venerunt, quae ad nonnullos controuersos episcopos, ecclesiaeque *Veronensis* antiquitates spectant. Incepit scribere vniuersim *de priscis Veronaepiscopis*. Affectum habet praeterea, *de vicissitudine ac mutatione palaeographiae*, & *de Gothicae origine ac fato diatribam* in lucem emittendi. *Anecdota etiam acta SS. primorum MM. siue apogrypha, siue sincera* ex codice fere millenario capituli *Veron.* Cui praeest pariter ac bibliothecae capituli, quae, si quae alia, instructissima est antiquissimis MSS. magno numero litteris vnicialibus seu *Romanis* perscriptis, quae inter *psalterium Graeco-Latinum*, quod creditur initio IV. seculi scriptum.

Edidit *Ios. BLANCHINIUS Veron.* ex antiquissimis codd. *Veron.* scriptis litt. vnicial. *Psalterium duplex cum canticis iuxta vulgatam, Graecam LXX. seniorum, & Latinam Italiam versionem.* De prima S. *HIERONYMVS* de episc.
ad

ad SVNIAM & FRETELLAM num. 2. De secunda S. AVGVSTINVS lib. II. de doct. Chrïst. cap. 15. quem locum *in ipsis autem interpretationibus Itala caeteris praeferatur* VALLARSIVS in mendo cubare existimat, forte legendum ratus *ita illa*, loco *Itala*; nec putat fuisse aliquam versionem veteris saltem testamenti eo nomine dictam. Quod nunc non discutimus, prosequentes codices antiquissimos *Veronenses* litteris vncialibus perscriptos, qui omnes mille annos aetate excedere creduntur: vti sunt *libri Regum iuxta S. Hieronymi versionem*, vel *VI. Epistolae S. Hieronymi XXX.* Item sub *S. Ambrosii nomine ad Fritigil reginam. S. Gregorii Liber psalmorum, cum commentar. S. Hilarii episc.* codex membranae tenuissimae, optimae notae. Ad finem litt. IV. legitur: *scribit antiquarius Eutalius.* In fine psalm. CXXI. alia manu *Merouingicis* litteris: † *In nomine Dni. nostri Ihu Xpi Arigento rege fuit vera iustitia . . . Basilius abbas de monasterium S. Thomae apostoli, cui vocapolo est pinedo. S. Hilarii de Trinitate. Vbi lib. II. n. 27. p. 802. edit. Mauriana adoptatur* (vti etiam in antiquissimo cod. archini *Vaticani*, non obstante litura aperta) in codice *Veron.* adoratur legitur. *S. Hieronymi aduersus Iovinianum. S. Augustini de Ciuitate DEI. Recognitiones Clementis. Cas-*
sio-

siodori senatoris (vti post praefationem legitur) *Iam Dño praestante conuersi, explicit praefatio, incipiunt complexiones in epistolis apostolorum. Suplicii Seueri de vita B. Martini &c. cum hac nota chronica: Explicit vita beati Pauli monachi Thebei. Perscriptus codix hac Verona de vita beati Martini episcopi & confessoris, & beati Pauli SS. sub die Kal. Aug. Agaptio V. C. C. i. e. Viro clarissimo consule ind. decima per Vrsicinum lect. ecclesiae Veronensis. Collectiones praeterea duae canonum litteris vncialibus, vnaque aliae quinque, & septem codices conciliorum inter millenarios codices centum circiter, vno in scrinio contentos, numerantur. Ex quibus vnum adhuc notarim, Missale Mozarabum Merouingici aevi cum hac nota chronica Maurero Caneuarius loros de anfora vino de bonello in XX anno Luitprandi Regis. Post initium scilicet sec. VIII. hodieque loros mensura dicitur, qua infundibulo vinum in dolia mittitur; Bonellus locus vicinus Veronae. Ex Romana antiquitate superest amphitheatrum multo integrius Romano & aliis, cura singulari senatus Veronensis, vt semper in antiquis vrbis legibus cautum habetur.*

Patauium.

Non eadem cura Patauii conseruandi amphitheatri fuit impensa, quorsum nos Verona contu-

contulimus, parua mora *Vincentiae* facta. *Patauina* non recenset LAVNOIVS in libro de celebrioribus scholis a CAROLO M. potissimum erectis, cui sunt, qui hanc adscribunt. Certe a sec. XIII. inter praecipuas semper est habita, nec hodieque defunt in omni disciplinarum genere professores illustres huius academiae, scriptis suis in orbe litterario clari; quae singula longum esset recensere.

S. Scripturae professorem agit P. *Bonau.* LVCHI Ord. Min. Conuent. frater abbatis LVCHI *Brixienfis* Ord. S. BENEDICTI, qui non pauca typis edidit, quocum *Veronae* amicitiam iniit. P. *Antonius* VALSECHI Ord. *Praed.* professor theologiae primarius vnacum P. *Francisco* LEONI, Ord. S. FRANC. min. Conuent. SS. Canonum P. *Alb.* RYSTICI, Ord. S. BENEDICTI. Philosophiae P. *Iac.* STELLINI, D. *Laurentius* SOARDI, vterque LAVEGROLO, pater & filius, ille medicinae professor, qua in facultate etiam eminet Io. *Baptista* MORGAGNI, anatomiae professor. Linguarum Orientalium P. *Mich.* ANG. CARMELI. Historiae *Iac.* FACCIOLATI. Humaniorum litterarum Io. *Ant.* VOLPI. Quibuscum quantum mea studia expetebant, egi *Patauii*, imprimis vero cum abb. Io. BRVNACCIO insigni, ac indefesso antiquario, qui praeter

ter edita quaedam opuscula singularia, grandem veterum *diplomatum* fecit *collectionem ad historiam diplomaticam Patauinam*, quam absoluit nonnullis abhinc annis. Documenta ex archiuis auspiciatur ab anno 819. charta, in qua fines *Patauorum*, & *Venetorum*, id est regni *Italici* & ducatus *Veneti* designantur. Primam vero autographam chartam habet anni 855. *LVDOVICI* nimirum *secundi*: profert vsque ad annum 1199. ter mille instrumenta, praeter ducenta circiter, omnia inedita, quae singula ad dioecesin & comitatum *Patauinum* pertinent. Qui quidem *codex diplomaticus* in diario *Florentino* refertur 6000. instrumenta complecti, amplius adhuc in litteris *VALVASENSIS Veneti*, octo scilicet vsque nouem millia. Mea vero est relatio, quam ex ore ipso *BRVNACCII* tuli, meisque oculis vidi, omnia concinne, & accuratissime sua manu esse exscripta, sigillaque delineata egregie, quorum ac nummorum medii aevi adparatum insignem possidet, non solum *rei nummariae Patauinorum*, de qua scripsit, sed & totius *Europae* historiae medii aeuui illustrandae aptum.

Venetiae.

V*enetias Patauio* adnauigauimus, vbi amplissimum nummophylacium nobilis familiae
TIR-

TIEPOLORVM tenet, cuius catalogus duobus voluminibus prodiit. Statuarum, anaglyphorum, inscriptionum musaeum est penes illustrem familiam de S. TROVASO, quorum pars a variis antiquariis doctis lucubrationibus est illustrata, quos inter celebris P. PACCIAVDI, *Teatinus*, bibliothecae ducis *Parmensis* praefectus, quam bonis libris instruendi causa mecum *Romae* degebat. Ex musaeo marchionis *Antonii* de CANALREGIO multos nummos P. FROELICH publicauit.

Antonius LALNETI, custos bibliothecae *S. Marci* (celebris imprimis ex MSS. Cardinalis Bessarionis & Petrarchae) antiquas statuas, quae in atrio eiusdem bibliothecae conspicuae sunt, commentariis illustrauit duobus tomis maiori forma, totidemque vnacum defuncto iam abbate BVONGIOVANNI catalogum MSS. eiusdem bibliothecae dedit. Sunt praeterea insigniores bibliothecae nobilis familiae BISANI in paroecia *S. Stephani*: Cl. *Apost. ZENO*, historiographi & poetae caesarei, cum viueret, quae custoditur apud PP. *Dominicanos* obseruantes: PP. *Benedictinorum* ad *S. Georgium* a) cuius MSS.

a)

CATALOGVS

Manuscriptorum bibliothecae *S. Georgii* maioris monast.
Ord. *S. Bened.* Venetiis.

Epistolae Venerab. *Ambrosii* monachi in translationem

MSS. ac rariores efflorescentis apud *Venetos* typographiae editiones, quum a *MONTEFALCONIO* notari non potuerint, per faturam exscribere operae pretium duxi: quod praesertim multa

quorundam sermonum beati *Ephrem* Diaconi. In eodem cod. *Serapionis* de contemptu mundi.

Magister sententiarum in psalmos.

Valerii Maximi dictorum & factorum memorabilium. *Suetonii* de Vita Caesarum.

Historiarum insulae S. Georgii maioris libb. V. auctore *Fortunato Vlmo* eiusd. inf. monachi.

Mauri Orbinii mon. Bened. Congreg. Melitensis ad Coenobitas libb. V.

F. B. Teutonis Abb. S. Io. Gualb. Congr. Vallis vmbrosae fundatoris discipuli in S. P. Benedicti regulam expositio, & magistri *Hildemari* Abb. in eandem regulam commentar. excerpta.

Bernardi Cassinensis expositio regulae S. Bened.

B. *Bernardi Ayglerii* Galli Abb. Lerinensis mox monachi Cassinensis ac S. R. E. presbyt. Cardinalis speculum monachorum.

Pauli Diaconi Expositio in reg. S. Bened.

Hieron. monachi Vallis vmbrosae de vita solitaria ad eremitas.

Io. Cassiani Collationes.

Acta schisma Auenionenfe attinentia sub Gregorio XII. Subscribit potissimum *Dalmatius de Porta*.

Waldacii de Fortiuio Ord. FF. Eremit. S. Aug. tract. de resurrectione mortuorum.

Mariani Solini Senensis I. V. Doct. celeberrimi, opus insigne de Visitatione ecclesiastica ad Ioan. de Agatharia Grossetti episcopum.

Ordo de celebrando Concilio.

B. *Anselmi* Lucensis Collectio regularum & sententiarum SS. PP. & auctorabilium conciliorum.

Mart. Gerbert. Iter Aleman.

G g

multa sint opera auctorum, qui primum in *Italia* bonas litteras instaurarunt.

Inter viros doctos primo loco nominandus est ipse serenissimus dux *Marcus FOSCARINI*,
variis

Iob. Belli nobilis Panormit. de SS. Eucharistiae Sacramento.

Donati Ionoſtii Eccl. hist. Epitome.

Pandulphi Pisoni Card. de Vitis Rom. Pont. (scripsit sub Gregorio XIII.) Item *Alexand. Geraldini* Amerini eiusdem oratio coram Franciso christianissimo Francorum rege. Item Elegia de Latii & Romae laudibus, & antiquitatum praestantia. Item Vita S. Benedicti ex S. Gregorii M. lib. dialog. Saphicis versibus. Elegantia scriptorum Italorum eius aevi perspecta est eruditis.

Chronici Cassinens. Epitome iussu Stephani II. conscripta ab *Anastasio* Seniore Sedis apost. bibliothecario. Eiusdem Historia ecclesiast. S. Hieronymi Epistolarum volumen.

Nicolai Card. de Aragonia Gesta summorum Pontif. (tempore Innocentii IV. an. 1350.) quae in chronicis non habentur. Ex diuersis registris & libris Camerae apostolicae.

Varia opuscula *Onuphrii Panuinii* & *Oſtawii Caietani*. Libellus de rebus fidei a S. *Thoma* Aquin. editus.

Varia *Petri* Diaconi opera concernentia potissimum monasterii Cassinensis historiam.

Fr. Wilhelmi Prioris Lugdun. Ord. S. Ben. de Profefs. monachorum.

B. Helinandi, Galli, monachi Coenobii Montis frigidi Ord. S. P. N. Ben. Congreg. Cisterciensis Liber de Commendatione S. Bernardi Abb. Clareuallensis, eiusque dictis & floribus.

Desiderii Abb. Cassin. (qui postea fuit *Victor* III. Papa) libelli miraculorum.

Astronomici Canones, Msc. Graecum.

variis legationibus etiam in nostra *Germania* cognitus, in orbe autem litterario clarus *historia litteraria Veneta* grandi volumine edita. Vicissim *Victor SANDEVS historiam civilem Venetam*

Mag. *Flori* monachi, Coenobitae S. Trudonis Leodiensis dioecesis Ord. S. Bened. Expositio Missae.

Honorii Augustodunensis Gemma animae sex libris I. De Missa. II. De ecclesia. III. De Ministris. IV. De horis canonicis. V. De Solemnitatibus. VI. De Concordia Officiorum.

Dialogi S. *Gregorii* Italice pulcherrime scripti.

Martini Poloni Chronicon.

Sermonum B. *Zenonis* Episc. Veronensis libb. II. cum Vita. In calce: *Hoc opus scripsit Bartholomaeus Fabius Mutinensis ultimo die Augusti M. CCC.*

Historiarum vice-comitum epitome *Iulio Roscio Hirtino* auctore an. 1590.

Chronicon antiquum monasterii olim celeberrimi S. Vincentii de Vulturno Ord. S. Ben. prouinc. Capuanae.

Chronicon Monast. S. Bartholomaei Ord. S. Bened. in Pennensi comitatu a domno Alexandro eiusdem monasterii monacho conscriptum.

Sermones S. *Leonis* Papae pulcherrime scripti.

Vbertini Casali Arbor vitae crucifixi IESV.

Bernardi de Rosergio Tolosani (sub Eugenio IV.) de Sac. Rom. Eccl. Cardinalium Collegio Sacrosancto.

Fr. *Telesfori* Heremitae de Deuotione religionis & ecclesiae militantis.

Ioannis Barotti Patauini Carmina.

Dialogus *Petri Alphonsi*, qui ex Iudaeo sacrum baptismum suscepit in ciuitate Oscensi in Hispania per manus Stephani eius vrbis episcopi anno dni M. CVI. festo apostolorum Petri & Pauli, Alphonso Hispaniae rege.

Catharinae Senensis libr. diuinae Doctrinae reuelatae.

Iuuenalis Satyrae.

netam sex tomis vulgavit; FLAMINIUS vero COR-
NARO octodecim voluminibus *historiam ecclesia-*
rum ac monasteriorum dioecesis Venetae, duobus
voluminibus *Cretam sacram*, ac alia plura. Hos
inter

Franc. Petrarcae Canzioni Cod. elegantissimus.

De Dignitate & praestantia Basilicae Vaticanae S. Petri
apostolorum principis de vrbe. Inc. *Romae funda-*
tam fuisse ecclesiam.

Io. Cassian Institutiones.

Platonis Phedron de animae immortalitate.

Critonis Epistolae.

Xenophontis Apologia Socratis.

Didascalicon *Ugonis de S. Victore.*

Ioan. Candidi libri octo Historiarum Aquileiens.

De Exemplis naturalibus liber.

Memoriale, sub compendio, acquisitionis ciuitatis sanctae
Ierusalem totius terrae sanctae per melitissimum prin-
cipem dnum Godefridum de P^olem, aliosque reges Lati-
nos suos successores temp^ois, possessionis, ac lamen-
tabilis eiusdem perditionis, postquam sectatores pseu-
do-prophetae Machometi ipsam ciuitatem siue terram
primitus obtinuerunt.

De origine vrbium Italiae, & ipsius Italiae primo inco-
latu, per *Ricobaldum Ferrariensem*, qui plura ex his
habuit ex antiquissimis libris Rauennae repertis.

De acquisitione insulae Siciliae per Archadium facta re-
bellione Maniachii, cum aliis in eodem codice ad
Calabriae praesertim historiam pertinentibus.

Aristotelis Topicorum libri graece.

In libros biblicos vet. & noui test. commentarius poë-
ticus.

Isidori Clarenfis monachi de arte amandi libri.

Sermones *S. Augustini* graece translati &c.

Laurentii Instiniani, primi patriarchae Venetiarum lib.
de disciplina & perfectione monasticae conuersationis.

inter doctos nobiles *Venetos* praecipue connumerandus est *Blasius* V^GOLINI, cuius opera iam XXI. voll. prodierunt *thesauri antiquitatum Iudaicarum*. Grandaeus presbyter *Nicolaus* COLLETI,

Laurentii Iustiniani De humilitate.

- De obedientia.
- Consultatio animae deuotae ad amorem Sponsi sui.
- De vita solitaria.
- Sermones.
- Fasciculus amoris in expositione dominici sermonis in Coena vltima.
- De Corpore Christi.
- De regimine Praelatorum.
- Lignum vitae. Sunt omnes auctori coeuae scripturae.

Libri de Imitatione Christi sub nomine *Ioannis Gersen*.

Item sine nomine annotato anno 1465.

Statuta Capituli generalis Cisterciensis Ordinis, anno M. CCCC. LXXXIII.

Ascetica variis ex SS. PP. collecta.

Pauli Diaconi Carmen de vita & miraculis S. P. N. Benedicti.

Clar. Viri *Poggii* Florentini de infelicitate Principum. *Bonauenturae* libb. de formis Nouitiorum. De reformatione mentis. De profectu religionis.

Nicolai Begani sermones.

Constantini Caietani scripta quatuor voluminibus sua potissimum manu, multa adhuc inedita.

Bernardi Flori archiepiscopi Iadrensis Voll. quinque in *Pauli Sarpi* historiam Conc. Trident.

Sermones Dni Episcopi *Bernardi* Papiensis.

Antonii Lusci viri eloquentissimi explanatio in X. orationes Ciceronis.

B. *Walteri* in sacra pagina Magistri Parisiensis liber de reformatione animae.

LETI, assiduus nihilominus in studio litterarum
 praeter *amplissimam editionem conciliorum* (quam
 non obscurabit recentissima P. MANSI) praeterea
ampliolem, correctioremque editionem Italiae sa-
crae Vghellii adornauit.

Ex

Polentoni liber confessionis christianae.

Leandri Perusini in M. T. Ciceronis carmina.

Edit. Venetae post ortam typographiam, quae seruan-
 tur in Monast. mai. S. Georgii Venetiis.

Per Nicolaum Ienson Gallum
 Georgii Trapezuntii expositio Eusebii.

Hoc Ienson Veneta Nicolaus in urbe volumen

Prompsit cui felix Gallica terra parens.

Scire placet tempus Mauro Christophorus urbi

Dux erat, aequa animo musa relecta suo est.

Quid magis artificem peteret dux Christus & auctor

Tres facit aeternos ingeniosa manus.

M C C C C L X X.

Laurentii Vallae elegantiae an. 1471. Eiusdem anni
Quintiliani opera per eundem.

Eodem vero anno *Valerii Max.* dictorum & factorum
 memorabilium M. CCCCLXXI.

Impressum formis iustoque nitore coruscans

Hoc Vindelinus condidit artis opus.

Item *Laſtanti* Institutiones an. MCCCCLXXII. ab eo-
 dem Vindelino de Spira Venetiis.

M. Terentii Varronis, qui rem rusticam expoliuit libri
 tres. Hos diligentissime atque venuste impressit Ni-
 colaus Ienson Gallicus genere Venetiis MCCCCLXXII.

Auli Gelii noctium Atticarum commentarii impressi Ve-
 netiis per Nicolaum Ienson Gallicum Truno Duce
 Venetiarum inclyto.

Ex clero regulari multis variisque editis operibus inclaruit *Io. Fr. BERNARDI* M. de *Rubeis* Ord. *Praed.* quae historiam ecclesiae *Aquileiensis* ac *Venetae* concernunt, ac liturgiam *Foro-iuliensem*. Scriptores etiam quosdam *Graecos* illustrat. Sc. *Areopagiticos*, *GEORGIVM* siue *GREGORIVM Cyprium*, ac *THEOPHYLACTVM*. Editionem porro nouam operum *D. THOMAE Aquinatis* parauit. *De gestis, scriptis ac doctrina S. THOMAE Aq. dissertationes criticas & apologeticas*, ac *contra monachatum eiusdem doctoris angelici apud Cassinenses. Tractatus de peccato originali &c. De charitate virtute theologi-*

Antonini summula confessionis *MCCCCLXXIII.* *Nicolaio Duce Venetiarum* regnante impressum fuit hoc opus feliciter.

Ioan. Bocatii de montibus, filiis &c. *Venetiis* Id. Ian. *MCCCCLXXIII.*

Nicolaum IENSON miror missis litteris minusculis, pulcherrimo typo, se accommodasse *Gothicis*, quale est *AVGVSTINI* opus *De Ciuitate DEI* an. 1475. mox tamen sequenti anno caractere minusculo iterum impressit *Nonnii MARCELLI* de proprietate sermonis. Reliquas praetereo editiones plerasque *Nicolai IENSON* an. 1475. 1476. 1477. Ex his vnum noto codicem in eadem bibliotheca *S. Georgii* seruatum, litteris minusculis impressum cum hac epigraphe :

Hoc Conradus opus Suueynheim ordine miro

Arnoldusque simul Panarts vna aede colendi

Gente Teutonica Romae expediere sodales

In domo Petri de Maximo M. CCCCLXVIII.

logica &c. *Dissertationes variae eruditionis, quæ argumenta siue pridem tractata, siue nunc primum proposita diligentius illustrantur, ac vindicantur.* Nempe non omnia sua omnibus probata fuere, imprimis *Tractatus de peccato origin.*

Ex eodem Ord. *Praed.* in theologicis quaestionibus famam sibi comparauit P. PATVZZI. In notitia linguarum P. FINETTI. Ex Ord. S. *Benedicti Camaldulensium* abbas Io. *Bened.* MITTARELLI & P. *Anselmus* COSTADONI annalium *Camaldul.* iam septem in lucem protulerunt tomos; quibus plura interferuntur tum caeteras *Italico* - monasticas res, tum historiam ecclesiasticam, remque diplomaticam illustrantia. Post annales edendae *bibliothecae monasteriorum Camaldulensium* laudabilem impendunt operam. Ex eodem Ordine D. Abbas *Angelus* COLAGERA edidit collectionem seu *Racolta di opusculi scientifici & filologici* tomulis sexaginta in forma duodecima, quod actorum loco esse potest tot litterariarum academiarum *Italiae*. Interferuntur quaedam ill. *Augustini* GRADENIGO, qui cum primum ex monacho S. *Georgii* Ord. S. *Bened.* a senatu *Veneto* in episcopum *Clodiensem* electus, *Romae*que ab ipso summo Pontifice, praesente me, est consecratus. Non is est

est vnus ex nostratibus monachis Ord. *S. Benedicti*. episcopus hodie in *Italia*, sunt praeterea *Veronensis*, *Eserniensis* ac *Vintemeliensis*. Tres archiepiscopi *Panormitanus*, *Siracusanus* ac *Salernitanus*.

Ferraria, Bononia.

Venetiis conscensa naui, *Ferrariae* per tempus moram feci apud doctissimum *Ioan. Bapt. PASSERI*, qui egregium de *lucernis veterum* edidit opus atque coeptum etiam ab *E. mo GORIO* de *diptychis* perfecit. Inde *Bononiam* perrexi, moxque *P. Io. Baptistam MARTINI* Ord. *S. Franc. Conuentual.* conueni. Quocum multa antea egeram per litteras de historia musicae, partita inter nos amice opera, vt is vniuersim historiae illius, ego singillatim ecclesiasticae musicae a prima ecclesiae aetate vsque ad praesens tempus prouinciam acciperem. Stupui ad numerum decem & septem millium auctorum theoreticae partim, & practicae musicae, quos omnes vir sedulus collegit. Nihilominus, quod praefiscine nunc dixerim, ex meo selectu potissimum ex *Germaniae* bibliothecis facto, plures ipsi ad rem idoneos scriptores suppeditaui, quam meo palatui ex tanta illa sua congerie arriserint, dum nostra om-

nia nos inter conferimus, ac mutuo communicamus.

De his etiam, ac praesertim liturgicis rebus, saepius, dum *Bononiae* degebam, agere licuit cum Reu.^{mo} *Io. Chrysost.* TROMBELLI, Canonorum Regularium Congregationis *Rhenanae* SS. Saluatoris abbate generali, suis scriptis orbi litterario notissimo, libris potissimum *de cultu* SS. cum *appendice de cruce*, quorum etiam *vindiciae aduersus Io. Rud. KIESLINGII* prof. publ. in academia *Lipsemi* exercitationes *anti-Trombellianas* prodierunt *Bononiae*, sub nomine *Philaethes Aphobi* eiusdem congreg. Canonici 1751. Vulgavit idem TROMBELLIVS tres tomos *de vita B. V. MARIAE*: quartus sub prelo est, quem sequentur tomi duo *de cultu eiusdem B. V.*

Eiusdem quoque cura a Canonicis Regul. SS. Saluatoris *Bononiae* in lucem emissi sunt tres tomi *Anecdotorum*, quorum primus complectitur *Psalms cum interpretatione Marci Marini Canon. Regul. addita explicatione Cantorum*, quibus *Romana ecclesia* vitur, auct. *Io. Aloysio MINGARELLI* Can. Reg. Constat duobus voluminibus. Secundo tomo continentur opuscula quaedam SS. CYPRIANI, HILARII, aliorumque latinorum PP. Tertius complectitur

tur BEDAE, CLAVDII *Taurinensis*, itemque quorundam alia veterum Patrum opuscula. A TROMBELLIO ad celebre, quod vocant, Institutum ductus, diuersis in cameris artis & naturae cinnelia conspexi, Caietano MONTI, professore in historia naturali praestantissimo, interprete. De celeberrima academia *Bononiensi* (in qua primum ius canonicum, & ciuile doceri coepit) iussu BENEDICTI XIV. opus parat sub tit. *de claris scholarum Bononiensium professoribus ab antiquiori aeuo ad annum vsque M.CCC. RR. abb. Maurus SARTI*, a pluribus iam annis *Romae* abbas monasterii *S. Gregorii* in monte *Caelio* Ord. *Camaldulensium*, vbi familiariter admodum sum vsus viro hoc officiosissimo doctissimoque, aliis iam scriptis claro: qualia sunt, quae *de casula diptycha: De episcopis Eugubinis*, & ecclesia *Eugubina* edidit; aliaque ad urbem *Eugubinam* & antiquam *Picentum* ciuitatem *supra montana spectantia* &c.

Roma.

Bononia recta iter *Roman* institui, aliquantum in sacra aede *Lauretana* B. V. MARIAE religionis gratia detentus. Quemadmodum autem in vrbe complexus quidam est supellectilis litterariae *Italiae*, ita *Vaticana* bibliotheca *Romae* eminet, in quam tot aliae insignes bibliothecae

thecae coiere ab aliquot seculis. Prodierunt iam tria ingentia volumina catalogi huius bibliothecae, primus *Hebraicos*, secundus *Chaldaicos*, tertius *Arabicos* recenset codices, quales etiam complectitur quartus: qui parantur opera ASSEMANNIORVM, Ios. SIMONII Canonici ecclesiae *Vaticanae*, in orbe litterario celeberrimi, primi custodis, & *Stephani* EVVODII archiepiscopi *Apameensis*, scriptoris bibl. *Vat.* qui etiam in lucem dedit catal. MSS. *Orientalium Mediceo-Laurentianae, Florentinae, & Palatinae*, quae ex *Germania* nostra *Vaticanae* illata, ornandae etiam liturgiae *Alemannicae* insignem mihi adparatum suppeditavit; pro historia autem musicae ecclesiasticae *Graecae* potissimum ipsa *Vaticana, Barberina, Chisiana, & Basilianorum*, quas abunde celebrarunt MABILLONIVS, & MONTEFALCONIVS.

Post ea tempora instructa est, ac publicae utilitati concessa a *Laurentio* CORSINI, dein CLEMENTE XII. P. amplissima bibliotheca: cuius descriptionem habes in *diario litterario Florentino* an. 1755. p. 146. &c. factam a *Iosepho* QYERCI bibliothecario. Aucta ea bibliotheca quotidie cumulatur cura Eminentissimorum CORSINIORVM Cardd. quantum licet etiam Msc. Eorum catalogus descriptus habetur in tres partes, quarum prima codices ordine, quo dispositi-

spositi sunt, sistit, altera auctores, tertia res notabiliores serie alphabetica exhibet. Desideratur quidem hac in bibliotheca thesaurus ille antiquiorum MSS. quem praeripuerunt priores aliae bibliothecae; nihilominus penus est locuples imprimis ad illustrandam historiam pontificum posterioris aevi. Plurima enim ibi videre est volumina *diariorum*, ac *vitarum summorum pontificum*: *Commentariorum Pii II. libros XII. a Ioh. Gobellino de Lins vicario Bononiensi exscriptos an. 1464. pontifice volente. Fol. pergamen. Animaduersiones, siue dissertationem in praefatum codicem auctore Io. Nicol. Bandeia fol. Diaria Sixti IV. auctore Bartholomaeo Platina. Alexandri VI. a Io. Burchardo scripta IV. voll. In alio habetur vita eiusdem pontificis. Diaria Iulii II. a Paride de Grassis caeremoniarum magistro V. voluminibus conscripta. Eiusdem alia III. voluminibus. Leonis X. duobus voll. Item eiusdem Leonis X. ab eius electione usque ad obitum a Paride de Grassis conscripta. Vol. Tomi III. in 4. rerum Pauli IV. Diarium Pii V. P. ab obitu nempe an. 1565. usque ad an. secundum Pontificatus Gregorii P. XIII. a Cornelio Firmana Caeremoniarum magistro expositum. Eiusdem auctoris vita Pii V. & diar. Gregorii XIII. fol. item diarium caeremoniale Francisci Mucantii I. V. D. & caeremoniarum*

magistri ab initio pontificatus Gregorii XIII. usque ad eius obitum. vol. II. Annales pontificatus Gregorii XIII. vol. II. Sixti V. Ephemerides Guid. Qualtario auctore. Vita Sixti V. Diar. Fr. Germani caeremoniarum magistri ab anno 1589. usque 1599. fol. Pauli Alaleonis caeremoniarum magistri ab obitu Clementis VIII. pontificatus Leonis XI. & Pauli V. voll. II. Raccolta de varie scripture sull'affare dell'interdetto da Paulo V. pubblicato contra la republica di Venetia fol. Eiusdem interdicti historia auct. Ios. Malatesta. Theodori Amidenii summorum PP. & S. R. E. Cardinalium omnium suo aeuo defunctorum elogia fol. Vita Alexandri VII. auct. Card. Sfortia Pallauicino. Vita Innocentii XI. Memorabilia sub Clemente XI. voll. X. Petri Card. de Corsinis tract. iuris & facti super schisma, & initium schismatis tempore Urbani VI. in fol. De ecclesiae primatu & gestis per Latinos & Graecos Patres in Ferrariensi, Florentiam dein translata oecumenica synodo. Dialogus Andreae de sancta cruce Romani apostolici consistorii aduocati in Ludouicum Pontanum fol. Acta in schismate Petri de Luna. Oratio Ambrosii Camaldulensis habita in concilio Basileensi. Lateranensis V. Conc. sub Iulio II. & Leone X. Sessio IX. de reformatione Curiae. De concilio consultatio Petri Albiniani Tretii. Consilium de-
lecto-

lectorum Cardinalium & praelatorum in Conc. Tridentino exhibitum de reformatione Ecclesiae. Relatio historica Concil. Trid. compend. fol. Eiusdem Concilii historia auct. Antonio Miledoni. Traité de la reception & de l'autorité du Concile de Trente en France fol. Compendium omnium decretorum S. Congr. Conc. Trid. ab an. 1596. usque 1695. voll. IX. cum aliis multis ad sacr. officium inquisitionis pertinentibus voluminibus. Decreta item Consistorialia voll. XV. Acta & scripta autographa in sacr. Congr. particulari a Benedicto XIV. deputata pro reformatione Breuiarii Romani an. 1741. voll. III. Volumina varia circa Regalia. Varia scripta ad bullam Vineam Domini & Unigenitus spectantia voll. VII. Raccolta di lettere e scripture diuerse appartenente alle cose di Francia sopra l'acquetatione delle due constitutioni Vineam Domini Sabaot & Unigenitus ab an. 1709. usque 1735. voll. II. Raccolta di memorie Informationi lettere e scripture diuerse appartenenti alle cose di Francia specialmente sull' affare della constitutione Unigenitus di Germania & di Roma. De pacificatione Westphalica voll. II. Collectio variorum operum historicorum & politicorum voll. XXVI. Complura volumina ad historiam Florentinam, Ferrariensem &c. pertinentia. Caroli Sigonii hist. Bonon. libri fol. Relatio de perduto regno

regno Neapolit. Tractatus & documenta varia ad regiam, regnique Neapolitani iurisdictionem spectantia ex autographis regeſtis transcripta voll. XIV. Item alia duo volumina eodem spectantia. De imperio Romano libri tres Andreae Bassetti Piceni. fol. Sebast. Compagni descriptio terreni orbis ad Leonem X. P. Marci Poli de mirabilibus Orientalium regionum in 8. Msc. pergamen.

Haec paucis ex bibliotheca *Corſiniana* viſum eſt notare, cui nunc praefecti ſunt *Io. BOTTARI*, primus antea bibliothecae *Vaticanae* praefectus, & *Petrus Fr. FOGGINVS*, ſecundus bibliothecae *Vaticanae* etiamnum praefectus, indiuidui ſtudiorum focii, vterque libris editis clarus; ac *BOTTARI* imprimis commercio litterarum viris doctis celebrius eſt nomen, quam ſcriptis, ex quibus multa anonyma ſunt, praefertim theologica, ac translationes in linguam *Italicam* variorum operum ſanctorum Patrum, ad ſalubrem etiam indocti vulgi uſum, etſi hac in re aliorum potius uti ſoleat opera. Multa idem ſcripſit de antiquitatibus *Hetruſcis*, ac tribus tomis maioris formae muſaeum *Capitolinum* edidit. In antiquitatibus *Etruſcis* etiam deſudauit *FOGGINVS*, ac inter alia ſcripſit de primis *Florentinorum apoſtolis. De Romano D. Petri*

Petri itinere &c. Patrum ecclesiae de paucitate adultorum fidelium saluandorum, si cum reprobandis fidelibus conferantur, mira consensio. Edidit nonnulla S. Epiphanii opuscula. SS. Augustini, Prosperi, Fulgentii opera selecta de gratia Dei, & libero arbitrio hominis, & de praedestinatione SS. Continuationem eiusmodi operum promittit auctor, AVGVSTINIANO systemati De natura, gratia & praedestinatione cum BOTTARIO addictissimus. Praeter S. Caroli BORROMAEI opusculum de choreis & spectaculis in diebus festis non exhibendis, edidit FOGGINVS collectionem selectarum sententiarum eiusdem aduersus choreas & spectacula ex eius statutis, dictis, institutionibus, homiliis. Quam eandem iterato materiam de spectaculis ex S. Caroli, S. Francisci Salesii, ac S. Philippi Nerei animi sententia tractauit.

Altera bibliotheca Romae recentius instituta est ab Em. Cardin. PASSIONEI collectis vndique libris, ac composita in classe biblica ex omnibus polyglottis ac rarioribus editionibus. Quoad Patristicam complectitur rariores veteres, & recentiores omnes Congr. S. MAVRI editiones. *Theologos & controuersistas solidiores tum catholicos, cum etiam haereticos, veluti etiam circa historiam ecclesiasticam.*

Mart. Gerbert. Iter Ital. H h *cam,*

cam, & exoticam, tam generalem, quam singularem regnorum omnium, ac municipalem cuiusque ciuitatis. Quoad controuersias Gallicanas reconditiora quaeque. Potissimum autem in iure publico excellit. Nec MSS. desunt omnis generis etiam antiquioris aevi, quae singillatim percurrere non licuit, quod necdum in ordinem redacta esset, dum primum bibliotheca *Sapientiae PP. Augustinianorum* adiuncta fuit, emta magno aere a Reu.^{mo} magistro generali *Franc. Xav. VASQUEZ*, Maecenate praecipuo. Huic iam ordinandae curam impendit *P. August. GEORGIUS*, Ord. *Erem. S. Augustini*, qui praeter alia, nunc primum vulgauit *Alphabetum Tibetanum*, praemissa disquisitione, qua de gentis origine, moribus, ac superstitione fuisse differitur. Explicantur vero plura obscurissima monumenta mythologiae *Tibetanae*, atque superstitionis aduersus eorundem Deos *Butta & Xaca*: quorum priori *Tibetani* varios characteres *Messiae* tribuunt, natum etiam ex virgine fabulantes. Seculo tertio MANES errores suos *Tibetanis* adiunxit. Qua de re multa discutit auctor, contra *BEAVSOBRIVM S. AVGVSTINVM* vindicans. Adiicit etiam grammaticam linguae *Tibetanae*, atque tabulam praceptorum magiae vniuersique cultus religiosi eorundem. Qua posteriori operis parte de origine

rigine characterum *Tibetanorum* tractat eorumdemque analogia cum litteris *Phoenicianis*, *Aegyptiacis*, *Chinensibus*. Prodit autem hoc opus ex typographia de *Propaganda fide*, prae aliis omnibus instructissima litteris diuersissimarum linguarum, *Graecis*, *Illiricis* utraque scribendi ratione, *Hieronymiana* nempe & *Cyrilliana*, *Ibericis* seu *Georgiano* duplici alphab. *Hebraicis* nouis, & antiquis seu *Adamiticis*, *Chaldaicis* antiquis *Estrangelo* dictis, *Chaldaicis* nouis seu *Nestorianis*, *Samaritanis*, *Arabicis*, *Armenicis*, *Aethiopicis*, *Copticis*, seu *Aegyptiacis*, *Persicis*, *Brachmannis*, & *Indostanicis*. Prostant libri in hac typographia excusi in plerisque hisce linguis.

Speramus etiam inde *Liturgiam Graecam S. Iacobi* cum adiecta interpretatione *Arabica*, ex rotulo mille annorum, vnacum altero rotulo, *Ruthenicam liturgiam* continente, litteris *Ruthenicis* perscripto, quos inspiciendos dedit P. Ios. BLANCHINVS p. m. presbyter Oratorii S. PHILIPPI NERII perinde religiosus ac doctus, librisque editis celebratus: cuiusmodi sunt *Euangeliarium quadruplex latinae versionis antiquae seu veteris Italicae* voll. II. *Vindiciae Canonicarum scripturarum*. *Prolegomena*, tractatus, notae & appendices in opera Ven. Ios. M. Tho-

masii Cardinalis. Integram editionem adornauit P. Fr. Ant. WEZZOSI *Theatinorum* antea Generalis, omnium operum *Ven. THOMASII* (cuius nunc caussa canonizationis apud S. Congreg. Rituum agitur) posteaquam BLANCHINIUS in primo substitisset volumine; qui praeterea in lucem emisit *Demonstrationem historiae ecclesiasticae quadripartitae, comprobatae monumentis pertinentibus ad fidem temporum & gestorum. De vitis Romanorum pontificum, seu praefationes, prolegomena, & notas in Anastasium bibliothecarium. Spiegatione storica del lib. I. delle magnificenze di Roma antica e moderna, que contene le porte e mure di Roma, diseguate & incise da Giuseppe Vasi.*

Auspicatus est nunc primum Io. ZEMPEL, typographus *Romanus*, tabulis aeneis incisum dare, quod in collegio *Romano* S. I. seruatur, praestantissimum *Musaeum Kircherianum*, vt a P. Athanasio KIRCHERO S. I. nomen habet, in quo ipse collegit rara naturae & artis, praesertim antiquitatis opera: auctum vero subinde nouis accessionibus fuit. Diuisum opus ordinatim in classes suas erit, ac cuiusque rei explicatio praemittetur.

Subla-

Sublacus. Casinum.

Roma *Neapolim* usque excurrendum duxi religionis etiam gratia, ad inuisenda loca sancta *Sublacum*, sacramque specum, in qua primum eremiticam vitam duxit S. BENEDICTVS, indeque digressus in *montem Casinum*, scripta regula, singulare institutum monasticum instauravit: quo de loco vnum hic post MABILLO-
NIVM & MONTEFALCONIVM noto, lapidem quatuor abhinc annis inter rudera amphitheatri *Casinatis* repertum cum hac inscriptione: VMI-
DIA CAII FILIA AMPHITHEATRVM ET
TEMPLVM CASINATIBVS SVA PECVNIA
FECIT. Vnde loci celebritas ac nomen, non
vni monti proprium, in quo praealto S. BE-
NEDICTVS monasteria instruxit, patescit.

Neapolis.

Neapolim impetu quodam, ac ingenti desiderio rapiebar, coram intuendi *Herculani* reliquias dicam, an ex ruinis ruderibusque emergentem maiestatem, de qua tota re intellexeram apud nostrates addubitasse nonneminem. Sed nunquam respondere potest fama tanto huic rei euentui. Non dicam nunc de aliis antiquis urbibus nostra aetate detectis *Pompeiorum*, *Strabiorum*, *Pyteolorum*, *Cu-*
marum,

mirum , quae regno *Neapolitano* splendorem conciliant : non de vrbe veteri *Industria*, regni *Sardiniae* nouo ornamento, cuius descriptionem Cll. RIVATELLAE & RICOLIRO debemus, aut de *Velleia Parmae* gloria, quam harum rerum gnari amplissimam *Herculano* tribuent, quum latentes ibi in apricum proferentur gazae, quod iam fieri regiis sumtibus cernimus.

Vrbs haec post XVII. ferme seculorum ruinam caput erigit, *Vesuei* igneo profluente obruta, tam cumulata manatione & colluue, praecipitanteque grandine ignitorum lapidum, ac coaceruato ardenti cinere, vt aggestum, montis instar, post ruinam reliquerit, in qua iacebat sepulta, donec non ita multis abhinc annis regio iussu perfodi coepta est terra, imo dura illa concreta glarea metallica, quam euomit, ac propulit *Vesueus*. Ad *Porticum*, villam regiam, duplex iam patet in *Herculanum* aditus sub terram, seu congestam illam molem. Ingresso mihi ex ea parte, qua proxime ad theatrum descenditur, integrum hemicyclum percurrere licuit. Medius adparet elatior proconsulis locus. Sedilia integra in circuitu, ac cunei, quibus diuisa erant in theatri spectatorum sedilia per singulos gradus, per quos binae quaeque scalae radiorum instar in altumeductae

eductae cuneos repraesentant. Parietes ab ipso ingressu per pilas lateritias opere tectorio politi, ac exornati spectantur rubro colore, perinde ac si recens inductus esset. Occurrunt lapides etiam coloribus picti, frustra coronidum, epistyliorum, columnarum.

Itur egesta glarea per vias magnis lapidibus stratas, utroque ex latere, ut libere expediteque pedibus incederetur, directo margine quodam. Viae alicubi etiam fornicibus teguntur. Occurrunt rudera domuum ac aedificiorum etiam splendidiorum, quae pluribus sunt instructa porticibus, quorum arcus ac fornices columnae striatae suffulciunt, quibus ex aduerso minores aliae respondent; ac frontem parastatae diuidunt. Comparent etiam camerae ac conclauia, integri parietes, ex quibus artificiose detractae sunt iam magno numero picturae. Sacrarum etiam aedium reliquiae fornicibus tectarum, cum parietibus columnis distinctis, quas inter tabulae marmoreae, ac etiam simulacra picta sunt reperta. Ara in medio confurgit in base marmorea perampla.

Pauimenta vario opere musiuo seu tessellato ex discolore marmore, eleganti forma ac artificio, nunc atria & cameras replent aedificio-

rum peramplorum, quibus ornamenta quaeque
 veteris *Herculani* illata ibi apto ordine distri-
 buta ostenduntur. Quorum mox in vestibulo
 utrimque equestres statuæ sunt erectæ ex albo
 marmore. Vna necdum penitus redintegrata,
 tabulato inclusa non omnino patuit aspectui,
 ut altera, quæ elegantia sua M. AVRELII in
 capitolio conspicuam superare harum rerum
 gnaris dicitur. Summam hæc sui ingerit ad-
 mirationem, ex frustis comminutis ab artifice
 scientissimo integerrime restituta, cum inscrip-
 tione, a statuario inconsulte in elegantio-
 rem formam redacta, cum partes mutilas suppleret:
 quod suspicionem ingerere potuerat peritis an-
 tiquariis *vo. Δεῖλας*, nisi luculenti fuissent testes for-
 mæ prioris ac primigeniæ litterarum. Inscrip-
 tio hæc est:

M. NONIO. M. BALBI F.
 PP. HERCVLANENSES.

Id quod certum nominis indicium præbet,
 confirmantque non modo marmorei, sed etiam
 picti *Hercules*, qui cultum & religionem eius,
 testantur.

Nonnullæ statuæ ex aere & marmore graeco
Vindobonam missæ sunt, hoc ineunte iam se-
 culo, ad principem *Sabaudiae* EVGENIVM, casu
 reper-

repertae, cum terra aedificii caussa effoderetur in *Portico*, vbi nunc praecipuo ornatui sunt, elegantia sua caetera post se relinquentes antiquitatis monumenta. Sunt complura Deorum Dearumque simulacra ac statuae ex aere & marmore, aliae integrae, truncae aliae. Minores magno numero integrae inueniuntur. Dii Penates & Lares ex aere, suis locis superiore aedium parte sunt ordinati. Primo sacrificialis adparatus est dispositus, arae, tripodes, cippi, paterae, cultri victimarii, asciae, tabellae votivae & similia. Deinde veniunt lucernae aeneae, fictiles ampullae, & vasa lacrimatoria, quaedam etiam vitrea: inter lucernas plures *Veneri* sacrae. Instrumenta musica, chirurgica item. Larvae cum eorum formis, ad quas effictae. Deinceps vasa aenea, marmorea, fictilia varia, sequuntur staterae pondera, ac mensurae aridorum & liquidorum, ansis seu manubriis instructa: nonnunquam signis & figuris anaglyphicis eleganter caelata. Vna statera *Vespasiani* nomen habet, facta ad pondera statuenda.

Varia inter capita aeneum vnum nomen *EPICURI* praefert. Sunt etiam *NUMAE POMPILII*, *ALEXANDRI M. ANTIOCHI*, *PLATONIS*, *SENECAE* &c. Numismata etiam & gemmae non modico numero, pleraque *CLAVDII*, *NE-*

RONIS, GALBAE & VESPASIANI, nonnulla etiam DOMITIANI, etsi ante eius imperium vrbs sub-ruta sit. Inscriptiones variae, tabulae, ac alia monumenta scripturarum, scalpro, viriculo, seu stilo, calamoque exarata. Haec inter lamina argentea graecis litteris inscriptis. Inter tabulas aeneas liber etiam aeneus, qui in regia feruatur, ex quatuor laminis, quibus incisa legitur honesta missio militaris. Fibulis aeneis scite compositis clauditur liber. Editus est tabulis aeneis incisus cum commentario.

Volumina librorum magno numero graeca & latina litteris quadratis, seu vncialibus a P. Antonio BIAGIO, *Piarista*, scitissime euoluuntur. Votum est Doctorum omnium, vt *Titi* LIVII, CICERONIS, POLYBII, & quae sunt alia deperdita veterum opera, reperiantur. Ad id spem facere possit loci situs, cuius in vicinia CAESAR, CICERO & alii rusticando musas excoluerunt. Immobiles ex aere litterae pro impressione, sigilla, annuli, candelabra aenea ac lychni magno numero vna in camera ordinata cernuntur; in altera vero vasa culinaria, ollae, testae, paropsides, tripodes, scyphi, lancea escariae. Sequuntur ferrae, pessuli, clauae, fibulae, clauae, inaures, dextrocharia, amuleta, tali, cassides, aurea & argentea ornamenta,

ta, filamenta aurea sine serico contexta, panni ferici, lanei, linei, purpurae etiam frusta, soleae, pisces, triticum, hordeum, integer panis, placentae, amigdalae, fici, oliuae, pineoli, vuae siccae, vinum, vt quidem adparet, condensatum in ampulla vitrea, liquore subrufo ex parte repleta, pilulae, colores, quae in alia camera sunt fere collectae; in alia item anaglypha cum picturis.

His vero altera aedium pars potissimum est exornata per complura conclauias dispositis, prout sunt singulari arte e porticibus & parietibus subtiliter dissectae, in tabulis ligneis cum repagulis ferreis accurate compositae, sicque parietibus adplicitae, pleraeque integerrimae, ex quibus non pauci sunt parietes, rubro peruenu-
sto colore tincti, auiculis, ferisque adpictis, quibus coronae aut flores impliciti concinne admodum sunt, etiam arbores, ac fructus; praecipuae sunt fabulae graecae, aut latinae historiae, non eadem equidem in omnibus colorum pulchritudine, partium concinnitate, ac totius picturae artificio, quas inter praestant *Minotauri victor Theseus*, *Orestes ac Pilades*, itemque *Paridis iudicium*, *Virginia* ad tribunal *Appii Claudii* decemuiri, *Chironis Centauri*, & *Achillis* fabula, citharae numeros discentis, quae
caete-

caeteris omnibus praecellit. Pluribus tabulis praecipuae magnitudinis, *Herculis* labores repraesentantur. Quadam tabula exhibetur volumen veteris membranae depictum, codex item, atramentarium, cum calamis scriptoriis ex cannis, vnde litterae pingues, quadratae, ac maiusculae antiquissimorum codicum. Praesentantur etiam theatra, scenae, aedes, templa, inter alia vicina *Puteolorum* vrbs.

Puteolis tres ingentes adhuc columnae erectae stant, plures deiectae iacent templi. Infixus pavimento circulus est, in quo ligatae victimae. Inde per gradus quosdam ad aram ascenditur. Tres illic lapides offendi cum inscriptione:

D V S A R I S S A C R V M.

Forte *Diis aris sacrum*, pro *diuis*, nisi pro numine *Arabum* & *Dacharenorum* accipere malis. Supersunt vestigia balneorum, sellae complures ad eam omnino formam, qua *Romae*, & *Casini* sellae stercoreariae ostenduntur, quae certe balneariae sunt, de quibus id iam **MABILLONIVS** coniecerat aduersus fabellam de sexu pontificum explorando. Vellem, ad has etiam sellas *Puteolanas* attendisset, ex quibus res omnino liquet. Illinc mari, prope pontem **CALIGVLAE**, terraque excurrimus ad alia locorum

locorum horumce memorabilia visenda, *Baias*, *Cumas*, *centum cameras*, forte carceres *NERONIS*, *campos Elysios* cum suis tumulis, *Avernum*, *Antrum Sybillae*, *sulphurariam*, *thermas*, *sudatoria*, *spelaeum canis*, idque coelo fereno. Procumbentibus nobis ad *spelaeum canis* (ut vocant, quod iniici soleant canes ad mortiferi vaporis experimentum faciendum) obseruatum fuit, caeruleum prope terram vaporem ascendere tanta altitudine, quousque experientia docet, infestum ac lethalem esse aërem. Caetera praetereo integris explicata libris, quod nunc quoque studiose & diligenter agitur circa antiquitates *Herculanæ*. Iam anno 1752. *Octau. Ant.* BAIARDI prodromum antiquitatum *Herculanearum* dedit; sed cum expectationem peritorum falleret, accuratiori studio id modo prosequitur academia virorum doctorum in eum instituta finem; quibus monumenta distribuuntur, explicata autem, ut alia eiusmodi eruditorum acta, digeruntur vna peritiori manu. Haëtenus praecipuas partes egit celebris MAZZOCHIVS, qui explicationem tabularum *Herculanensium* & alia dedit, praeter praestantissima in sacram scripturam commentaria, in quibus ex orientalium linguarum penu quaestiones singulares pertractat &c. quem in decrepita iam aetate assiduum in studiis *Neapoli* inueni,

in flore autem aetatis clar. ANTONIVM *Genuensem*, scriptis philosophicis orbi litterario cognitum, quae pleraque iam secundis cunctis auctiora eduntur: veluti modo sub prelo sunt *Elementa rerum metaphysicarum*, quarta edit. *Neapolit. tomis quinque in octava distributa, multo emendatiora & auctiora*. Additusque est nouus libellus *De origine mali*. In eorundem elem. defensionem edidit *Epistolas philos. ad amicum prouincialem*. Noua item editio multo limatior & auctior paratur egregii operis *Element. artis logico-criticae. Partitiones & institutiones Logicae. Breuis institutio disciplinarum metaph.* Dissert. *De vero fine scientiarum*. Prodiit lingua italica primus tomus *Meditationum philosophicarum super religione & morali*. Sequentur duo tomi alii eiusdem argumenti, & quaedam ad rem oeconomicaam spectantia. Inedita adhuc sunt *Vera idea scientiarum metaphysicarum, ac methodus eas cum fructu tractandi. De scientiis moralibus ex fundo ipsius hominis ac natura. Elementa iuris naturae & gentium. Breuia elementa disciplinarum physicarum in eorum usum, qui non admodum sunt in scientiis geometricis & arithmeticis versati. Tentamen de prudenti reformatione scholarum Italiae, quo sint reipublicae utiliores. Elementa Theologiae christianae, quae nec perfecta, nec*
limata

limata fatis adhucdum sunt, vt ipse mihi est contestatus auctor, cui eorum caussa graues sunt motae lites, atque spe cathedrae theologiae deiectus fuit, quam nunc tenet in academia *Neapolitana* professor primarius *Thomas TAGLIALATELLA*, egregius sane, ac solidae doctrinae theologus. Non omnia, quae optaram, inuenire *Neapoli* licuit in bibliothecis, praesertim quod graecam litteraturam ac codices spectat, protendente se in hanc vsque *Italiae* partem *Graecia* (quae magna dicta est, ob varias, vt creditur, *Graecorum* colonias) ac continuatum fuit ad sequiora vsque tempora *Graecorum* istis in partibus regnum. Etsi vero imprimis bibliotheca *S. Angeli ad Nidum*, & *S. Ioannis de Carbonario PP. Augustinianorum* orientalibus MSS. instructa sit, non vno tamen casu horum spoliis aliunde terrarum bibliothecae sunt auctae.

Florentia.

Neapoli Romam redux, postquam duos adhuc fere menses res meas litterarias curauim, inde eam repetiturus patriam, *Florentiam* versus iter conuerti, rem meam illic instituturus potissimum cum Cl. *Ang. Maria BANDINIO*, regio celeberrimae bibliothecae *Mediceo-Laurentianae*, nec non instructissimae bibliothecae *Maruscel-*

ruscellianae, nobilis cuius *Florentini* eius familiae, praefecto. Prodiit iam primus tomus, & alter sub prelo est eius opera, *Catalogi Graecorum patrum*, qui extant in octo pluteis bibliothecae *Mediceae*; opus nouitate ac vtilitate sua eruditis omnibus futurum gratissimum. In singulis enim excutiendis veterum Patrum codicibus, quae in iis habentur vel minima, vt epistolas, prologos, carmina, sententias siue eiusdem, siue diuersi essent scriptoris, picturas, & ornamenta integra fide descripsit, adposito cuiuscunque opusculi auctore, titulo, initio ac fine; eorum vero operum, quae inedita visa sunt, specimen dat, auctorumque omnium, quorum in iisdem testimonia afferuntur nomina ordine alphabetico, improbo prorsus labore digessit. Mox instituta cum editis comparatione, lectionis, aut dispositionis varietatem, vel quae nondum typis vulgata comperit, adfert, quibus nouae SS. Patrum editiones exornari quam maxime poterunt. Neque omittit supposititia a genuinis secernere, alia inter dubia recensere, alia suis auctoribus vindicare, corrupta emendare, faedata restituere, male digesta in ordinem redigere. Quam vero in ecclesiasticis scriptoribus eruendis diligentiam adhibuit, eandem in astronomicis, mathematicis, poëticis, philologicis, historicis, medicis, chirurgicis, ac no-

micis

micis pertractandis praestare promittit, quos DEO dante tribus aliis ingentibus voluminibus recensendos suscipiet.

Mox eodem pluteorum ordine seruato ad *Latinos*, denique ad *Italicos* scriptores properabit. Tabulas praeterea aeri incisas, plurima veterum characterum specimina exhibentes singulis pluteis, vt etiam insigniores codicum picturas, adferre non praetermittit. Ad haec quum in contexendo *Graecorum* Patrum catalogo plurima occurrerint insignia veteris aevi monumenta, adhuc ignota, quorum pleraque opportunis in locis interferuntur, rei tamen familiaris, laboris ac diligentiae in publicum commodum gratia, speciminis loco *Graecae* ecclesiae vetera monumenta dat tribus voluminibus in 8vo. Duo tomi iam prodierunt. Horum primo habetur *IUSTINIANI imperatoris epistola* satis longa *aduersus nonnullos, impium* nempe *THEODORVM MOPSVSTENVVM, atque iniqua eius dogmata*, & *epistolam Ibae dictam, nec non THEODORETI libros contra catholicam fidem scriptos*. Item *EUDOCIAE augustae poema de martyrio S. CYPRIANI* adhuc deperditum, sed cuius *PHOTIVS Cpolitanus* meminerat in sua *Bibliotheca* cod. 183. nunc vero ex antiquissima & ferme euanida erutum membrana.

Mart. Gerbert. Iter Ital.

I i

To-

Tomo II. continentur *Ioannis Chrysostomi Homilia in poenitentiam Niniuitarum. Anastasii presbyteri Sinaitae Sermo tertius, in quo declarat, quare duos sermones in illud dictum: ad imaginem conscripserit. Ostendit quoque quam ob causam, atque unde initium duxerit disputatio de operationibus atque voluntatibus in Christo: deinde vero proponit, quinam recte vel secus haec in Christo docuerint.* Huius ANASTASII duo primi Sermones editi iam fuerant ad calcem *Philocaliae Origenis* graece & latine cura Io. TARINI Parisiis 1618. 4to. Sequitur eodem in tomo *Formula abiurationis Atringenorum* ex codice membraneo XI. seculi excerpta. S. GREGORII Nazianzeni epigrammata XXXVI. quae in editione Billiana desiderabantur, ab Antonio Mar. SALVINIO latinis versibus reddita. *Vetus Octateuchi in capita diuissio* ex antiquissimo, & insigni codice descripta. *Recensio cod. VIII. plut. VIII.* in quo *Ioannis Cantacuzeni imperatoris magnum opus adhuc ineditum* continetur contra *Palamam, Barlaam, & Acyndinum haereticos, vnacum omnibus synodis, quae hac super re gesta sunt.* Huius operis prooemium, cum totum sit historicum, integrum profert. Item in laudem S. MAXIMI carmen.

Ter-

Tertio tomo, qui sub prelo est, prodibunt IOANNIS *Diaconi Orestiadis* (vulgo *Hadrianopolis*) *poëma versibus politicis contextum in laudem IOANNIS Palaeologi*, qui *Florentino* interfuit concilio: *Specimen insignis codicis XIII. plutei IX. seculi XI. in quo Expositio adhuc deperdita S. Ioan. Chrysostomi in Iobum* continetur: *Descriptio optimi codicis, in quo habetur Nicetae Choniatae thesaurus orthodoxae fidei in libros XXVII. digestus, ex quo singulorum librorum argumenta, prout iacent in ipso codice, proferuntur: Basilii M. de syni-* factis *commentariolus: Nicephori Calisti Xanthopuli sermo in sanctam & apostolis aequalem Mariam Magdalenam: Epistola ad Imperatorem Anastasium scripta a Theodosio Archimandrita, & aliis, qui morantur in eremo: Epistola Anastasii imp. B. abbati Theodosio Archimandritae: S. Andreae Cretensis sermo in natalem diem Deiparae, & semper virginis Mariae, & demonstratio ex antiqua historia, diuersisque auctoritatibus, quod ex semine David descendit: Moschionis sententiae ex antiquo codice seculi X. erutae: Descriptio insignis, & vetustissimi codicis VIII. plut. IV. in quo GREGORII Nazianzeni orationes continentur cum commentariis anecdotis Basilii minimi, Georgii Marcesii, Maximi, Theophili, Apolinaris, & aliorum,*

quos nemo haftenus animaduertit: Demum
antiqua sacrorum biblicorum in capita diuifio.

Ad haec tot ac tanta idem BANDINIUS ex
 Plut. IX. cod. 13. *Commentar. S. Ioan. Chri-
 fostomi in Esaiam, Ieremiam, & Ioannem no-
 bis promittit; Ios. QUERCIVS* vero *Florentinus,*
*bibliothecae Corsinianae Romae praefectus, ope-
 ra Georgii Pisidae diaconi Eccl. Cpol. sub HE-
 RACLIO. Hexam. ed. de vanitate vitae inter*
*poëtas Graecos: ined. de bello Abares inter &
 ciues Cpolitano.* Omnia versibus iambicis. *De*
expeditione Heraclii contra Persas. Eiusdem in
SS. D. N. I. Ch. resurrectionem. Heraclias:
*scilicet secunda expeditio Heraclii, in qua mor-
 tuus est. Eiusdem contra Acephalos. Item epi-*
grammatum varia fragmenta ex Suida, Theo-
phane, qui sua fecit, semel tantum facta men-
tione Pisidae. Praeterea Florentiae anno 1755.
Deliciae eruditorum, seu veterum ἀνεκδότων o-
pusculorum collectanea sunt edita Io. LAMIO
colligente illustranteque, auctore diarii Floren-
tini eruditorum: qui idem historiae Florentinae
illustrandae operam dat, pariterque Dominicus
Maria MANNI, aliis etiam eruditis operibus,
imprimis collectione sigillorum viginti tomis
clarus: cuiusmodi nouis rebus e tenebris eru-
tis noua lumina rei litterariae accenduntur, v-
tilissi-

tilissimo fane labore, indefessa tabulariorum & bibliothecarum perscrutatione, quarum tanta ac tam insignis est in *Italia* copia.

Mutinae, Mediolanum &c.

Ex quibus solas adhuc a me in reditu lustratas *Mutinensem*, & *Mediolanensem Ambrosianam* nomino, vnde potissimum celeberrimus MVRATORIVS tantam optimarum rerum segetem protulit, seseque aemulandum suis successoribus proposuit *Ambrosianae* bibliothecae praefecto Baltas. OLTROCCHI *Mutinensi*, & P. Franc. ZACHARIAE S. I. vbique suis scriptis cognito, descriptione etiam itinerum per plures *Italiae* ciuitates peractorum ab anno 1757. vsque ad praesens, quo iter illud litterarium primum prodiit: vnde plura quoad statum rei litterariae cognoscere licet: plurima autem ex vastissimo opere ill. comitis Io. Mariae MAZZUCHELLI *Brixiani*, de scriptoribus scilicet *Italiae*, seu notitia historica & critica circa vitam & scripta litteratorum *Italiae*, quorum integra quatuor volumina in maiori forma solas litteras A. B. ordine alphabetico, quo decurrit, continent. Mihi ego haec breuiter de illis, quas adire meo in itinere vrbibus, atque viris doctis, quibus familiariter vti licuit,

describenda sumsi, potissimum ad instimulandos nostrates, sollicitandosque, vt pari solertia, ac selectu bonarum vtiliumque artium & disciplinarum sese addicant studiis, excusso veterno, ac scholastico puluere, missisque sequioris aevi tricus, ex quibus nullum profectum scientiarum sperare vnquam licet. Earum vtique discussio nec ecclesiae nec reipublicae quidquam vtilitatis adfert, & tamen nullus ducendi feram contentionis finis est.



ITER

ITER
GALLICVM

ANNO
MDCCLIX.

THE

CLIFF

ROAD

1880



Consilium capienti mihi, aliquid additamenti loco, iungendi *Itineri Alemannico* de peregrinatione mea *Italica*, auctores fuerunt amici, ut quidpiam etiam de itinere *Gallico* adicerem. Diu ego multumque fui cunctatus varia caussatus. Quippe cum iam sex abiissent anni, a quo tempore iter illud susceperam, essentque schedae illae & aduersaria distracta, quae tum feceram, priuatorum quidem meorum studiorum caussa potissimum, ut ea conferrem cum doctissimis sodalibus *Benedictinae* familiae, firmaremque, ac continerem iam iunctam partim amicitiam commercio litterarum, partim conciliarem praesens atque inirem societatem. Ut tamen amicorum cederem consiliis, praecipua *Gallici* itineris sub compendio hic transcribo.

Itaque *Rhenum* apud *Brisacum* traieci, inde ad alpes progressus *Vogesum* transscendi. Desiderio sodalium religionis ac scientiae studio inclarescentium primum excurri ad

*Medianum monasterium**S. Hydulphi.*

Quod cum alio ad *Verdunum* urbem celebri congregationi Ordinis nostri *D. Benedicti* nomen dat, non solum per *Lotharingiam*, sed quasdam etiam *Galliae* prouincias, *Burgundiam* nempe & *Campaniam* patenti. Ipsa etiam per *Gallias* cum *Cluniacensi* expansa congregatio *S. Mauri* eundem famigeratissimae congregationis suae suspicit parentem & institutorem venerabilem *P. Desiderium* A CVRIA : quod eius epitaphium testatum facit apud *S. VITONVM Verduni*, vti etiam *Philip. FRANÇOIS* e praecipuis reformationis propagatoribus, sancti ac docti ascetae, quod pii ab eo editi libri testantur. Superfunt etiam codices *P. A CVRIA* manu descripti, inter alios methodus ediscendae linguae hebraicae. Vidimus horum virorum in monasterio *Mediano* imagines, atque singulari solatio fuit, ipso profesto *S. HYDVLPHI* eo nos adtigisse, quam proxima die festiuitatem, quatenus quidem potuimus, in sacro cum aliis sodalibus habitu ornare conati sumus, religiosissimo abbate *Huberto BARROIS*, quocum multa nobis de rebus theologicis in *Gallia* nunc controuersis fuit sermocinatio, missam pontificalem

calem decantante ; sacraque S. HYDVLPHI lipfana fumus venerati, quae in argentea arca feruantur, quam periti quique ad feculum faltem duodecimum referunt, qua gefta fancti pontificis exhibentur figuris extantibus , feu opere anaglyptico. Doctiffimis eas notis hiftoricis illuftrauit Reu.^{mus} BELHOMMIVS, eiusdem monafterii abbas, in *Antiquitatibus montis Vogefi, Argentinae* editis an. 1733. in 4. p. 47. & feqq. Infra arcae operculum ifta comminatio infulpta legitur :

HAC SI ME TVNICA QVISQVAM NVDAVERIT
VLTRA :

CONQVERAR HOC IVSTIS IN DEXTRA PAR-
TE FVTVRIS.

Senonenfe.

Aderat illi folemnitati cum monachorum *Senonenfium* caterua etiam abbas D. FANCHET, nepos ac fucceffor fcriptis fuis celeb.^{mi} abbatis CALMETI, qui nos fecum in fuum *Senonenfe* abduxit monafterium, & ftudia nofta pro viribus iuuit. In vtroque monafterio bibliotheca non tam mole quam felectu eft infignis, & in *Senonenfi* monafterio imprimis nummotheca, infuper variis naturae & artis curiofitatibus cura CALMETI aucta, poft cuius bibliothecam *Lotharingicam* nihil opus eft fingulatim recenfere.

Fla-

Flauiniacense.

Idem in monasterio *Flauiniacensi* reperimus, cui tunc adhuc praefuit celeberrimus D. *Remigius CEILLIER*, qui (postquam an. 1718. *Apologiam doctrinae moralis SS. PP.* edidisset contra BARBEYRACIVM, qui in praefatione ad GROTIUM *De iure naturae & gentium* Patres corrupisse doctrinam euangelii adseruerat) ultra quadraginta annos in adornanda *Bibliotheca ecclesiastica noua* post DV-PINIVM, BENEDICTO XIV. Pontifici commendatissima elaborauit. Dum aderam, vigesimus tertius tomus sub prelo erat, vigesimus quartus sub manu. Integrum opus viginti octo tomis se comprehensurum sperabat, sed morte praeuentus imperfectum reliquit. Proposuerat, ad calcem voluminis vltimi, binas edere BENEDICTI XIV. epistolas, alteram latino, gallico alteram ad se datas sermone. Earum exemplum, vt ad me transmisit, operae pretium fuerit, atque dignum memoria & amicitia viri immortalis hic exscribere. a) Intercessit mihi quippe non paucis

a) BENEDICTVS P. P. XIV. Dilecte Fili, salutem & apostolicam benedictionem. Per manus dilecti Filii nostri Cardinalis PASSIONEI septemdecim recepimus volumina tuae *Bibliothecae Ecclesiasticae*, meritasque ex corde referimus gratias. Non erat opus nobis inognitum, cum honorificam eiusdem mentionem feceri-

cis annis cum eo litterarium commercium, ac mutua studiorum communicatio, quae in praesentia non potuit non esse iucundissima.

Inter alia cimelia ostendit is mihi idololum aureum, nuperrime e muris veteris castelli prope *Flauiniacense* erutum, cum bacillo & angue in circum voluto, vt solet *Aesculapius* in manu gestare. Animal quadrupes, canis vt videtur, ad latus dextrum, ad sinistram bipes est gallus. Monasterium istud *Flauiniacense* sec. X. sub ODDONE I. fundatum, distinguendum est ab altero eius nominis in *Burgundia*, vbi celebris

Hvgo

mus in nonnullis nostris operibus prelo datis, & signanter in epistola nostra praefixa editioni Martyrologii *Romani*. Opus tuum nobis visum est perpolite scriptum, & ex his, quae hucusque in eo legimus, sano non infano criterio abundant, medelasque parant vulneribus apostolicae Sedi & veritati impactis in aliis quibusdam *Bibliothecis* praecedenter editis. Sexdecim volumina nobis commodata Domino restituemus, & septemdecim a te nobis dono data in nostra bibliotheca priuata reponemus; idemque fiet de aliis voluminibus a te edendis, si ea nobis dono dederis. Agemus cum Cardinali PASSIONEO de modo ad te transmittendi volumina a nobis edita, quae pro animi tui ingenita bonitate speramus tibi grata esse futura; & dum te plenius vlnis amplectimur tibi apostolicam benedictionem peramanter impertimur. Datum *Romae* apud Sanctam Mariam maiorem die 4. *Septembris* 1751. Pontificatus nostri anno duodecimo.

Inscriptio: *Dilecto Filio Remigio CEILLIER monacho Benedictino e Congregatione Sanctorum Vitonis & Hydulpbi.*

HUGO *Flauiniacensis* abbas fuit, antea tamen in hoc *Lotharingico* monachus.

Flauiniaco acceptis a Reu.^{mo} abbate litteris ad amicos *Parisienses*, hanc in urbem iter ingressus sum via plane regia, quae peregrinantibus perinde commoda ac iucunda accidit, ac *Gal-lorum* ciuilitas, morumque facilitas, animusque officiosus, & supra vulgi opinionem sincerus aduersus eos, quos aliquo loco habent, inque amicitiam recipiunt. Plena relinquitur apud *Gallos* ea libertas, quae definitur a CICE-RONE potestas viuendi vt velis; non licentiam viuendi intelligo, nec laudo, sed indulgentiam quamdam suo ingenio viuendi cum humanitate coniunctam. Promptus vbique est aditus atque congressio cum litteratis. *Parisi.*

En François.

BENEDICTVS P. P. XIV. Dilecto Filio salutem & apostolicam benedictionem. Nous auons reçu par les mains du Cardinal PASSIONEI le XVIII^e tome de votre savante *Histoire générale des auteurs sacrés & ecclesiastiques*, accompagné aussi de l'*Apologie de la Morale des Peres de l'Eglise*; deux ouvrages heureusement sortis de votre plume, dont nous vous rendons très distinctement nos remerciemens, vous assurant que nous admirons toujours de plus en plus votre vrai merite soutenu & fortifié par votre infatigable application aux études sacrées & profitables au bien de l'Eglise. C'est pour vous marquer cette sincere disposition de notre part & pour procurer en vous la continuation de votre zele, que nous vous donnons avec une tendresse paternelle notre benediction apostolique. Datum Romae apud Sanctam Mariam maiorem die 4. Iulii 1753. Pontificatus nostri anno XIII.

Parisi.

Id vero *Parisiis* primum erat, vix salutato hospite, quae mea esset de controuersis, quas *Ultramontanas* vocant, animi sententia. Quibus ego, vos, aio, perinde ac *Itali* pro indole inferbuiſtis, *Germanus* fors sanguine frigido (*de sang froid*) medium se opportune interponat. Exposui tum meam de *communione potestatis inter summos ecclesiae pastores pontificem Romanum & episcopos* per orbem catholicum mentem, paullo etiam feruentius pronuntians, oppositas in vtraque parte opiniones schismati fauere, ordinemque inuertere charitatis & vnitatis a Christo positum in collegio apostolorum, quod episcopi repraesentant, **non** excluso PETRO in suis successoribus. Esse hanc adieci ipsissimam contentionem factam inter apostolos, *quis eorum videretur esse maior*: theologi esse, ex verbis Christi rem agere dicentis: *Vos autem non sic*; pii autem christiani, cum Christo rogare coelestem Patrem, *ut sint vnum*. Per similes contentiones D. PAVLVM in *Corinthiis* damnasse quod unusquisque *vestrum* dicit: *ego quidem sum Pauli*: *ego autem Apollo*: *ego vero Cephae*: *ego autem Christi*. *Diuisus est Christus?* Haecenus, addo, acerrimos libertatum *Gallicanarum* vindices *Roma-*
nam

nam sedem centrum vnitatis agnouisse. Quid inde consequatur palam esse.

Exprobrabant mihi, *Iansenismum* phantasma, aiunt, illud, ceu in rerum natura existat, nominare me subinde in opere theologico, cuius tunc priores quatuor partes in lucem prodierant. Respondi, *Iansenistam* me neminem denunciaſſe aut nominaſſe in theologia mea, qui quinque propositiones propugnet: apud nos autem *Iansenistas* dici etiam IANSENII defensores, atque QUESNELLI: de quo me iterum inceſſebant, quod bullam *Vnigenitus* in ecclesia receptam edixerim. Respondi, de ſenſu propositionum determinato, vnde poſſit eſſe regula fidei, nihil me ſtatuerē: *Gallicanos* praefules receptionem bullae illius grauius iam etiam vrgere, quam ipſum *Romanum* pontificem. Namque acciderat, dum *Parisiis* degebam, vt Sacramenta moribundis iuſſu archiepiſcopi negarentur, eam receptionem detrectantibus. Vniuerſim vero, quod controuerſias *de gratia* ſpectet, non diffitebar, me in nonnullis capitibus deceptum fuiſſe ab ipſis theologis *Gallis*, TOURNELIO imprimis, cui apud nos plurimum ea in re deſertur, quod agitandae cauſſae *Ianſenianae* primum *Duaci*, deinde *Parisiis* ab exordio adfuerit, mihiſque a celebri Praelato *Gal-*
lo,

lo, quem ea de re, antequam manum admo-
uerem operi theologico, consulueram, fuerit
hisce commendatus verbis: „Quant a ce que
„vous demandez, qu'on vous marque les ar-
„ticles controuersés en *France* pour la theolo-
„gie, si vous avez chez vous la theologie de
„TOVRNELY, vous y apprendrez toutes les
„controverses dans nos ecoles. Cet auteur
„explique fort bien & avec nettété les diffe-
„rentes opinions de nos theologiens &c.“
Quanta ad haec verba in TOVRNELIVM voci-
ferationes! hominem, aiebant, venditum *Ie-*
suitis, ac versipellem, qui ad extremum muta-
rit etiam sententiam, dum se spe episcopatus
deiectum intellexerat.

Propositum mihi fuit in reditu ex *Galliis*
mutare positiones quasdam meae *Theologiae*
mysticae, nisi abbas *Mediani* monasterii, tunc
praeses congregationis SS. *Vitoni* & *Hydulphi*,
Humbertus BARROIS, qui pro doctrina S. AV-
GVSTINI quibusdam editis opusculis egregie
certauit, dissuasor consilii fuisset cum *Germa-*
nis theologis, atque quibusdam etiam *Italis*:
etsi postea *Italiam* peragratus non minus acres
doctrinae S. AVGVSTINI de *Gratia* defensores
vbique locorum, *Romae* praecipue inuenerim:
neque etiam in *Germania* desunt, crescetque

eo-

Mart. Gerbert. Iter Gall.

K k

eorum numerus. Reu.^{mus} Io. de MOLINA in
 Ministrum generalem Ord. S. FRANCISCI *Man-*
tuae electus, in litteris encyclicis *Romae* die 4.
Octobris anni 1762. datis, serio districteque
 praecipit de tuenda in quaeſtionibus *de natura,*
gratia, & *praedestinatione* S. AVGVSTINI do-
 ctina.

Regrediendum iam est ad rem litterariam, lit-
 teratosque *Parisienses*, doctissimos imprimis so-
 dales ex congregatione S. MAVRI, praecipuum
 ornamentum ac fulcrum solidioris eruditionis,
 quam fere iam fastidit volubile *Gallorum* inge-
 nium, delicati magis quam solidi in selectu &
 cultura bonarum artium saporis, vt ipsi saga-
 ciores confitentur; quique seuerioribus studiis
 animum intendunt, posthaberi lucubrationes
 suas & labores pro commodis & incrementis
 reipublicae litterariae, conqueruntur; neque ad-
 eo dolent, deesse aequos aestimatores, quam
 typographos & bibliopolas, qui in suas curas
 & impensas suscipiant egregia opera potius,
 quam ludicra quaeque & curiosa ad gentilitium
 genium composita. Iam satis est, tenebris ad-
 dicere luce dignissimos praestantissimosque li-
 bros, si latino fermone sint perscripti. Sic lin-
 gua haec, quam propriam sibi semper dicauit
 orbis litterarius, neglectui despiciatuique habe-
 tur

tur prae gallica, proiectitia linguae latinae prole, quae quam etiam eleganter excomatur, semper puerile quid sapit, nec adaequat maiestatem, vim, & proprietatem rerum, quae sunt palmaria doctarum lucubrationum argumenta, sacra praeprimis & antiquaria.

Memini, me ex doctissimo abbate CEILLIERIO audiisse, se, cum duo priora volumina *Bibliothecae scriptorum ecclesiasticorum* latine conscripta *Parisiis* detulisset, neminem reperisse, qui in se reciperet editionem, nisi gallice redderet, prosequereturque opus, eiusmodi scilicet, quod historiam criticam, atque analyses complectitur omnium antiquorum monumentorum ecclesiasticorum, quae aut latina sunt, aut ex graeca potissimum lingua in latinam iamiam accurate a viris doctissimis translata. Frustra fuerunt ex meis etiam syncellitis congreg. *S. Blasii*, qui opus istud in linguam latinam conuertere tentarent, quod digne nemo praestare possit, nisi eundem prope in se susciperet laborem, quo ipse perfunctus est auctor, ipsa nimirum singula autographa syllabatim perlegendo, ut aptae & genuinae fierent analyses, seruata vi & proprietate verborum.

Id longe expeditissimum futurum sibi fuisse, ut palam est, profitebatur diligentissimus.

CEILLIERIVS, si latinas verbum pro verbo analyses reddere licuisset; tum vero facile accidisset, interpretationem etiam gallicam parare pro gentilibus ignaris linguae latinae; exteri enim nos etiam alias melius semper latina latine legimus, quam circumscriptionibus gallicis infuscata. Id quod idem locum habet in omnibus illis scriptionibus argumentorum seu materiarum, in quibus docti solummodo versantur, quarum notiones & significatus verborum proprii ciuitate latina pridem sunt donati. Aliquando necessariae emergunt causae alia vten-
di lege.

Exemplo sit nouus tractatus de re diplomatica, quem gallice contra *Gallos* quosdam omnem rei antiquariae fidem laceffentes post latinum P. MABILLONII elaborandum instituerunt duo indiuidui studiorum socii e congregatione S. MAVRII P. TOVSTAIN & P. TASSIN, qui coniunctis etiam viribus nouam editionem operum S. THEODORI *Studitae* adgressi sunt. Immensus autem labor, quem in nouo opere diplomatico susceperunt atque praematura mors P. TOVSTAIN in causa sunt, cur nondum THEODORVS lucem adspexerit. Necdum tomus secundus diplomatices perfectus erat, cum mortem oppeteret P. TOVSTAIN. Adiunxerant qui-
dem

dem identidem socium superiores congr. S. *Mauri* Patri TASSIN, sed alter & ipse praemature e viuis excessit, alter expectationi non respondit, vt P. TASSIN consultius existimaret in se solum transferre laborem improbum, vixque ferendum humanis humeris onus; cui equidem propemodum succubuit eo ipso tempore, quo *Parisiis* eram hospitio coniunctus eius cellae, in qua graui decumbebat morbo.

Maximus fuit apud omnes de viri huius valetudine luctus, qui perspiciebant animo, quantam in eius morte iacturam faceret res literaria. Palam quippe eloquebantur, siquidem quiscunque alius Doctorum *Parisiensium* e vita eriperetur, qui aliquid noui operis eruditi infectum relinqueret, alios futuros qui coeptam perficerent telam; huic autem grandi operi diplomatico neminem iam parem fore. Neque vero leuis potuit esse animi mei dolor, qui totus studio rei antiquariae tum eram addictus, nouum etiam adgressus diplomates, musicae nimirum, genus: quod dum ex me audiuit, quantum fractae corporis animique vires permiserunt, delectauit optimum virum, praesertim dum intellexit, ex notis musicis vetustis certa quaedam antiquitatis criteria constare, eorum seculorum potissimum, quorum scripturae

rae difficilius inter se discernuntur , seculi noni videlicet & decimi, maxime vero vndecimi & duodecimi. Quum enim seculo vndecimo lineolas primum ad discriminandum notarum musicarum situm excogitarit GVIDO *Aretinus*, perinde fixum ratumque est , ac si annorum epocha in MSS. adiecta esset, quando in codicibus liturgicis, & si qui alii cum notis musicis sunt exarati , lineolae ductae comparent, MSS. illa posteriora GVIDONE *Aretino* esse, qui vixit adolescente seculo vndecimo. Peroptarat vir summus ex vastis aduersariis suis, quae ad rem meam facere possent , feligere, sed destitutus robore haud valuerat. Et hoc eum in deplorato statu moerens reliqui, dum in *Germaniam* redii.

Sparsus est postea apud nos de ipsa morte Patris TASSIN rumor, firmabaturque apud me ob diuturnum eiusdem ad litteras meas silentium. Quo de cum mihi sermo esset cum amico quodam *Italo* tunc *Germaniam* peragran-
te, res ceu asserta in nouis litterariis *Florentinis* a doctissimo LAMIO est denunciata, dum ego breui post comperi, P. TASSIN conualescentem postremam manum operi diplomatico impositurum. Nec spes fefellit, prodiit enim iam sextus ac vltimus consummatissimi diplomatici

matici operis tomus. Certior autem factus de morte P. *Prudentii* MARAN, causam falsae famae de morte P. TASSIN animaduerti.

Cum *Parisiis* essem, P. MARAN editioni operum S. ATHANASII insudabat, quam adhuc ante fatum absoluit, Eidem debemus opera S. IUSTINI, S. CYPRIANI, ac tertium tomum operum S. BASILII. Praeterea scripsit de diuinitate Verbi latine librum maxima refertum eruditione, eundemque contractum gallice edidit tribus tomis in forma duodecima. Scripsit etiam dissertationem gallicam, cui titulus: *Dissertation sur les Semi-Ariens*; item librum gallicum inscriptum: *Doctrine de l'écriture & des Peres sur les miracles: alium des grandeurs du Messie* aduersus P. BERRVIER *Iesuitam*.

Superuixit huic P. *Vrsinus* DVRAND, socius olim itinerum & laborum P. *Edmundi* MARTENE: tum vero, cum *Parisiis* degerem, continuationi litterarum pontificum *Romanorum* incumberebat, prae caeteris omnibus, quos impaluisse chartis socios vidi, vegetior, octogenarius iam, ut sciscitanti mihi responsum est; additum vero: cauere dicere ei, quod tam profectae esset aetatis, ne forte de impenso quiddam remitteret studio ac diligentia: quod festi-

uum admodum ac iocundum auditu fuit , vi-
rum hunc adeo sui immemorem aetatem suam
in otio litterario consumpsisse , vt dedisceret
dies vitae. Quidquid vero rei sit , testem ego
eius cito doctissimum P. *Franciscum* CLEMENT,
qui edidit duas dissertationes gallicas de *Penta-
teucho Samaritano* , a P. *Mauritio* PONCET in
viuis adhuc agente , & P. *Antonio* RIVET de-
functo, scriptas , sed a se in multis emendatas.
Cuius etiam P. CLEMENT est tomus vndecimus
l' Histoire litteraire de France. Tomum duo-
decimum cum P. *Carolo* CLEMENCET concin-
navit; ab hoc eodem tomus decimus est elab-
oratus , post mortem scilicet P. *Ant.* RIVET,
quae an. 1749. accidit , postquam priores no-
uem tomos digessisset. Scripsit idem P. CLE-
MENCET vtilissimum librum, cui titulus *l' Art
de verifier les dattes*. Item *l' Histoire de Port-
Royal X. Voll.* in forma 12.^{ma} *Refutation de la
fable de Bourgfontaine*. *Lettres au S.^r Morenas
sur son abrégé de l' histoire ecclesiastique*. Prae-
fatio , quae praefixa est bibliis gallicis P. SAB-
BATIER , est eiusdem P. CLEMENCET.

Cum illis , quos haecenus viuos *Parisiis* so-
dales laudavi , quotidiana mihi consuetudo fuit
in monasterio *des Blancs-Manteaux* (quod fuit
olim *Wilhelmitarum*) vbi in otio litterario de-
gebant,

gebant, ego vero hospitabar. *San-Germanenses* enim nonnihil de persona mea principio ambigui esse sunt visi, quod nullas abbatis mei peculiares ad Superiorem Generalem detulissem commendatitias. Est is Reu.^{mus} DELRUE, iam quartum in suo officio ac dignitate confirmatus, quod fieri solet singulis trienniis: qui nulli operae in promouendis litterarum studiis parcit, ac meis etiam plurimum haecenus fauit. Ex *San-Germanensibus* praecipua erga me humanitate usus est P. BREZILLAC. Absoluit is *Historiam veterum Gallorum* a P. Iacobo MARTIN inceptam. P. Vincentius DE LA RVE operibus ORIGENIS post auunculum suum P. Carolum DE LA RVE ultimam manum imposuit. P. Franciscus HENRI *Galliam christianam* perfecit, cuius iam tum undecimus tomus est editus. P. HAVDIQVET *Collectionem historicorum Gallicorum* adornat; tum decimus tomus sub prelo fuerat.

Plures sodales congregationis *S. Mauri* operas partiuntur in condendis *Historiis singularium prouinciarum*, quae solent esse probata sinceris authenticisque documentis, & accurata opera. P. SALARAC iam absoluerat *Historiam Burgundiae*. P. HOVSSEAV *Historiae prouinciarum Turonensis & Andegauensis* incumbibat;

Historiae Biturcensi P. BRETIEUX ; *Historiae Picardiae*, *Historiae prouinciae Piclaniensis* P. FONTENAV ; *Historiae Laudunensis* P. BUGNIATRE ; *Campaniae* P. ROUSSEAU ; *Normanniae* P. LE NOIR ; *Guienniae* P. DE VIENNE ; P. TUSSEANUS DU PLESSIS edidit *Historiam Meldensem* satis elegantem, sed mendis erroribusque refertam, *Historiam Curiacensem* parui aestimatam , *Topographiam Caletensem* satis accuratam, tribus tomis in forma quarta. P. BOVROTTE parat *Topographiam Ouitanensem*. P. BERNETTI scripsit *Dictionary Picturae & Sculpturae* ; edidit *Systema peculiare de Mythologia*, in quo ad alchymiam omnia reuocat : *Opus inauspicatum*. Nunc *Genealogiae Noalliorum* insudat. Sanctius opus suscepit P. MASSANE, *Dissertationes in Scripturam sacram* a P. GALBAUT inceptas absoluendo. P. DUBVSQVE parat nouam editionem *Operum* S. AMBROSII. P. CASTEL operam dat editioni PHOTII, sed per decursum demum multorum annorum perfecturum se sperat vir in flore aetatis constitutus. De quo ego insignia quaeuis ominatus sum ex erudita, placidissimaque conuersatione in monasterio S. Dionysii prope Parisios cum eo habita.

Instituebatur tunc regio illo in coenobio cursus philosophicus iuniorum. Paradoxum vero mihi

mihi fuit audire ex iuvene professore philosophiae (cum eum ad lectionem & studium philosophiae nouae eclecticae in *Germania* excultae hortarer) esse suam nationibus propriam & peculiarem philosophiam. Aderant mecum alii professores ex *S. Germano*, cum quibus iocunde degebam. Nec abs re fuerit narrare, quod aliquando, dum priuatim in mensa confidebamus, confabulabamur. Aderat inter nos procurator rei domesticae. Quem vt animaduerti multo sale perfricari, partes ego curatoris suscepi, &, vt aio, iure merito pro more *Germaniae* nostrae. Erat haud pridem, pergo, apud nos in monasterio *D. Blasii* monachus congregationis vestrae *S. Mauri*. Is, cum confidentius nos inter colloqueremur, id sibi permirum videri apud nos *Germanos Benedictinos* dicebat, eos qui curant res domesticas, prae illis, qui litterarum studiis insudant, in honore haberi. Respondi, me prandio sumto responsum daturum. Cum igitur tolleretur mensa, ciuiliter is oeconomum salutauit, pro lauto prandio gratias persoluens; tum ego manu prehensum compellaui, veluti dicam impingens, quod mihi officium istud humanitatis haud praestiterit; respondit ille, hoc sibi visum debere ei, qui pararit conuiuium. Tum ego, eo nos, inquam, *Germani* consilio erga illos, qui

qui omnia, quae ad viuendum necessaria, subministrant, gratos nos & officiosos exhibemus, dum incuriosi nos & quieti in cellis nostris studiis placide vacamus. Pro commento hoc me procurator *San-Dionysianus* plurimum amauit. Ego vero ex animo viri causam egi, qui ultra centum monachis quotidianum suppeditat victum in hoc regio totius *Galliae* florentissimo monasterio, inde a *Merouingicis* temporibus, vt nihil voluptius potuerit esse videre, quam tot *DAGOBERTI* praesertim regis chartas, diplomata seu praecepta, quae largitionum monasterio factarum fidem adstruunt in papyro etiam *Aegyptiaca*, quae post *DVBLETVM* curatius *MABILLONIVS*, & laudati auctores *Tract. dipl.* partim ediderunt, partim recensuerunt, vindicaruntque contra *GERMONIVM*, exteri etiam, ac inter alios *Iustus FONTANINVS*.

Quis ergo dubitet, *Galliarum* reges ampliari voluisse locum, in quo ornamenta suae inaugurationis, ipsaque corpora post mortem deposita esse volebant ad *S. DIONYSII* tumulum, de quo studiose indagaui: cumque indigaretur mihi hiatus in columna templi post altare princeps, id vnum pro *San-Emeranensibus Ratisbonae* monachis (qui corpus *S. DIONYSII* ab *ARNVLPHO* imperatore sublatum, apud se repositum

tum

tum contendunt) dixi mirum videri, venerandum adeo ac incomparabilem thesaurum absconditum occultari, vbi caetera omnia tam magnifice ostententur in armario, sacratioque non facile vlli per orbem Catholicum secundo.

Aderam in festo D. PETRI tutelarisi loci cum S. DIONYSIO. Patebat tum altare princeps, totum ex auro coelato, gemmatoque tam splendide ac copiose, vt lapidum singulorum descriptio grande volumen impleat. In officio summo epistola, & euangelium veteri more in ambonibus fuerunt decantata, diaconus & subdiaconus sub vtraque specie, quod aliis etiam festis, singulisque dominicis diebus fit, communicabant. In praecipuis etiam quibusdam festis totum graece celebratur Missae officium ab antiquissima aetate, vt vetusta sacramentaria produnt. Ex quibus tamen vetustius est latinum sec. IX. in quo oratio dominica inter alia cum notis musicis legitur, quas delineavi pro historia musica: dumque domum postea redux eius genuinum cantum; notis recentioribus explicatum, *Parisiis* remitterem, facile a Reu.^{mo} Superiore Generali non tantum accuratiorem etiam scripturae delineationem, quam petii pro mea diplomatica musica, sed ipsam tabulam aeri incisam obtinui.

Iam

Iam memoraui, *San - Germanenses* fodales principio nonnihil de me dubitasse; unde in bibliothecam admissi variis modis in re antiquaria peritiam tentarunt. Exhibito inter caetera psalterio notis *TIRONIS* exarato, haesi paullum, fateor, cum nullum antea monumentum eiuscemodi meos subierit oculos, nec statim, quod eo de codice legeram, in animum venit. Steti nonnihil, ora tenui, dum ecce redeunt imagines notarum eiuscemodi, quas aeri incisas non semel videram. Ohe! exclamo: Notae *Tironianae*, notae *Tironianae* sunt! Itaque non solum conciliaui mihi fodalium animos ac studia, sed aliorum etiam per urbem litteratorum, ad quos illi de me retulerunt ultra meritum laudes.

Liberrimus mihi erat ad bibliothecam regiam accessus etiam praeter constitutos *Martis & Veneris* dies, vsusque promptissimus, quod maximam iam partem catalogus typis esset excusus, estque numerus MSS. plurimum auctus accessione bibliothecae *Colbertinae*, quemadmodum *San-Germanensis* magnum accepit incrementum ex praestantissimis MSS. bibliothecae *Coislinianae*. In regiam etiam bibliothecam dudum translata sunt MSS. bibliothecae *Mazarinae*, quae est inter praecipuas urbis bibliothecas, certis etiam diebus omnibus studiosis aperta, veluti illa Canonorum *S. Victoris*,

ris, ac nouissime ciuica, vt praeteream bibliothecas publicas aduocatorum, doctrinae christianae, facultatis medicae. Inter praecipuas, quas frequentavi, litteratorum etiam causa, sunt *S. Genovefae*, *Patrum Oratorii*, *Sorbonae*, *Iesuitarum*, ducum *Robanitorum* prope monasterium *Benedictinorum des Blancs-Manteaux*, quibus maximae commoditati vsuique est, paulloque ante laudatis eruditissimis Patribus ex congregatione *S. Mauri*. Hi cum P. Priore conuentum seu chorum eruditorum faciunt, qui mihi iocundissimus rebusque meis litterariis peraccommodus fuit. Eroque, dum viuam, memor officiorum, quae omnes illi mihi certatim impenderunt, praefertim P. *Franciscus CLEMENT* fidissimus comes per urbem. Semel is edoctus a bibliothecario regio, virum quemdam doctum ingenti studio antiquae musicae graecae incumbere, eo me deduxit. Inuenimusque in quodam domus angulo abstractissimum decem iam, vt asseuerabat, annis indagando veterum trium musicorum generum *Enharmonici*, *Chromatici* & *Diatonici* discrimini totis ingenii viribus incumbere, nec tamen eo profecisse, vt aliquid dignum luce publica, ad quod eum studiose hortabar, proferre possit. Dici non potest, quanto gestierit gaudio, dum insperato me videt, auditque id genus studii excolere, in quo se vnum

ac solum operam ponere putarat. Contulimus sententias, cantando etiam animi sensa expressimus, de genere potius quodam mixto ex *Diatonico* & *Enharmonico*, non quale quidem vulgus musicorum *Chromaticum* esse censet hodiernum musicae systema, sed subtilius quoddam usu interuallorum *Enharmonicorum* ad veterum mentem, quod tamen accommodari possit simplicissimis modis musicae ecclesiasticae in genere *Diatonico*, ut quo paucioribus varietatibus neuma musicum (ut vocare solebant scriptores musici melodiam) constat, eo aptius sit. Sed haec longius abeunt a meo instituto *historiae Musicae ecclesiasticae*, in quo etiam celebris abbas LE BEVE elaboravit *Parisiis*, quem tum graui decumbentem morbo, vehementer dolui conuenire pro libitu haud potuisse. Propositum ei erat, amplum tractatum *de origine & progressu Cantus ecclesiastici* edere; eamque in rem collectanea multa ac varia fecerat, quorum epitomen tantum quandam an. 1741. edidit *Parisiis*.

Taceo de aliis doctissimis lucubrationibus dignissimi academiae scientiarum focii: cuiusmodi tres singulare urbis *Parissinae* sunt ornamentum, academia nimirum linguae gallicae; deinde academia inscriptionum & liberalium
disci-

disciplinarum (*Belles lettres*) tertia academia scientiarum κατ' ἐξοχήν. Quarum prima vetustior, duae alterae sub magno LUDOVICO cum bonis litteris effloruerunt, eduntque ad hunc usque diem docta sua commentaria. Sparguntur per orbem litterarium academici focii, nec solum *Gallia* aut *Parisiis* continentur, etsi Senatus academicus, cuius sunt statim in Lupara regia conuentus, in vrbe consistat, in quam uti in aliis rebus omnibus, ita etiam in litterariis robur veluti ac splendor *Galliarum* collectus habetur, ut recte vniuersae *Galliae* compendium dici possit.

Compendium.

Quod nomen est urbis, famigeratissimae imprimis sub stirpe *Carolingica*, cuius ad eundae desiderium inflammavit bibliotheca percelebris monasterii *S. Cornelii* antiquissimis MSS. praesertim *liturgicis* referta, quae inter *antiphonarium* & *responsale* seu liber officialis. Codex picturis, litteris purpureis ac aureis magnifice exornatur, quibus passim notae musicae inscriptae sunt: scriptus est sec. IX. Ex eo antiphonae, versus, responsoria, quae ad antiquum cursum ecclesiasticum pertinent, in noua operum *S. GREGORII* editione a *San-Maurensibus* adornata, sunt desumpta.

Mart. Gerbert. Iter Gall.

L1

Mon.

Monast. Clareuallense, Fauernense.

Diuertimus etiam ad monasterium *Clareuallense* tum religionis causa, cum etiam studio, ac contentione, afferti aliquid de libris S. BERNARDI de musica indagandi. Sed monachis adseuerantibus, bibliothecam in cumulo iacere ob recentem magnifici monasterii structuram, destructo veteri, nec ullum videre librum licuit, nec adloqui hominem, qui notitiam eiusmodi rerum aliquam haberet. Sic vero omnia comparata reperimus, ut vere tumulum S. BERNARDI inuenisse me ingemuerim. Pretiosissimas sacras reliquias, ex oriente per expeditiones sacras allatas, ornat tum habitus S. BERNARDI, cum praecipue eius sepulchrum, super quod celebrato summo mane Sacro in calice S. BERNARDI, iter repetii *Lingonas* versus; inde ad monasterium *Fauernense* perrexii, de quo grande miraculum superiore seculo ineunte circa S. Hostiam factum iam narraui in *Itinere Allemannico*.

Luxouium.

Istihinc *Luxouium*, quod primum S. COLUMBANVS monasterium exstruxit, venimus, ubi eiusdem generis thermae calidae sunt, quales in *Plombaria* aliquot leucis distante. Salubres

lubres etiam tunc mihi fuerunt. Descripsit eas singulari libello abbas CALMET. Reperta ante paucos annos est *Luxouii* urna ossibus plena, quod est reconditae antiquitatis *Romanae* monumentum, quando adhuc cremari cadauera, ac in urnis condi ossa consueuerunt. Reperta simul sunt instrumenta veterum ad scribendum in cera & cortice. Quae vnacum aliis antiquis monumentis, ac MSS. antiquissimis in bibliotheca conspexi summa cum voluptate, imprimis vetustissimum lectionarium *Gallicanum* quod prae gaudio exiliens dum reperit I. MABILLONIVS, hac inuentione permotus, opus de *liturgia Gallicana* adgressus est.

Mons sanctus Romarici.

A bhinc plana per *Gallias* patet via a *Vogesi* faucibus ac montanis, tot sanctis coetibus a prima religionis christianae liberiore propagatione certatim constitutis celeberrimi; vt dum ethnica superstitione Deus est habitus *Vogesius*, christiana religione iure merito diuus ac sanctus dici possit, quomodo singulariter *mons sanctus* vocatur, vbi S. ROMARICVS vixit, ac celebre fuit castrum *Hauendum*, palatium *Austrasii* & *Carolingicis* regibus frequentatum. Vnde sunt, qui, perperam quidem, celebris in

Argouia castri *Habsburgici* originem nomenque deducunt, atque adeo origines *Habsburgo-Austriacas*. In eo monte adhucdum monachi S. BENEDICTI persistunt, postquam, parthenone ab *Vngaris* destructo, Sanctimoniales (quae sunt hodie Canonissae ex nobili prosapia sub principe CHARLOTTA *Lotharingica* in singulis domibus priuatim degentes) sec. X. descendissent in amoenissimam vallem ad oppidum *Remiremont* pagi *Habendensis*, quam subiuiimus, vestigia indagantes veteris viae *Romanae*, cuiusmodi esse volunt vicum.

*L'Etrée vestigium veteris viae
Romanae.*

L'*Etrée*, ex strata via nimirum composito nomine, quod pluribus adhuc *Galliae* locis inhaeret, quae ad stratas olim vias *Romanorum* sita sunt ex mente SCHOEPFLINI. Hic autem locus inter *Romarici* & *Bussanum* montem est, haud procul a *Mosellae* fontibus ad *Vogesi* radices, *Mosa*, *Arari*, *Ello*, *Morta* eodem ex monte originem capientibus, quem

Frankenberg

Adpellant, *Galli Framont*, qui vero a latere occiduo *Vogesi* habitant *Donon*; ex senten-

sententia vero TRITHEMII & aliorum *Frauenberg* dictus est a primorum *Francorum* regum a PHARAMVNDI vsque sepultura, coniectura facta ex reliquiis variarum sculptarum imaginum, quae tamen potius *Romanae* antiquitatis peritis simulacra censentur Deorum Dearumque.

Tan.

Ad eius radices processit vetus illa *Romana* via; nunc etiam ad *Mosellam* per *Vogesi* iugum regio plane opere complanata est via ad vallem S. AMARINI. Inde ad oppidum *Tan* itur, ubi vetus ecclesia, ac turris est insignis, quam compendium vocant *Argentiniensis* operis exquisitissimi, quantum tulit *Gothica*, quam vocant, statuaria, ubi etiam praeter spem, occasione Sacri faciendi monasterium PP. *Franciscanorum* obeundo, ac dum interim in hospitio prandium pararetur, bibliothecam subeundo, ad rem nostram liturgicam non proletaria inuenimus. Hinc per *Ensisheimum*, *Brisacum*, iuga montium, ex altera *Rheni* ripa *Vogeso* aemula domum repetimus.

I N D E X

R E R V M M E M O R A B I L I V M .

A.

Abbatibus priuilegium confirmandi suos subditos concessum. 152. 196.

Academia litteraria Bauarica. 440. Item tres Parisiis institutæ. 528. Item Roboretii. 457. Cujus membrum Hieronymus Tartarotus episcopi Tridentini indignationem incurrit. *Ibid.*

Achates cum Crucifixi imagine in Fischingenſi monasterio magni olim æſtimabatur. 86. Qua arte pingendi etiam nunc quidam pollent. 330.

Alba Marchionatus Badensis fluuius vbi oriatur, & quae loca praeterfluat. 337.

Marcianae siluae fluuius vndenam oriatur. 406. Nomen olim dedit monasterio & incolis S. Blasii. *Ibid.*

Alcuini epitaphium. 299.

Alemannia singularis Germaniae provincia. 3. Vnde dicta aliquibus putetur.

3. 133. 312. Sueviae nomen adsumit. 131. Trans-Rhenana distinguitur a Burgundia Trans-Jurana. 5. In Helvetiae partem se protendebat. 6. Medio aevo Burgundia Trans-Jurana terminabatur. 8.

Alemanni Sueuis coniuncti a Gothorum exercitu vincuntur. 135. Et demum a Francis. *Ibid.*

Alsatiae nomen quando ortum? 343. Eius triplex periodus a Schoepflino statuitur. *ibid.*

Andegauenses formulae ex MS. Weingartenſi cuius aetatis. 250.

Antonii Genuensis opera. 494. Lites ei mouentur. 495.

Aquensis ciuitas in lapide literato reipublicae nomine venit. 339. Item alio nomine. *Ibid.* Urbis huius thermae. *Ibid.* Et duo cippi sepulchrales hic inuenti. *Ibid.*

Areobindi consulare diptychon Tiguri. 48.

Argen-

INDEX RERVM MEMORAB.

Argentoratum nomen suum mutat. 345. Pauca ibi supersunt rudera & monumenta Romana. 346. Cathedrali ecclesiae ruina minatur fulminis ictus. 347. Ara princeps a quo exstructa. *Ib.* Quae alia illius ecclesiae decora. *Ib.*

Argentoratenfis collegii S. I. annui reditus pro bibliotheca. 348.

Argentoratensem parthenonem S. Stephani quis fundauerit, & quando? 361.

Argouiae pagum ad Alemaniam spectasse probat Herrgottus. 8.

Assumptione (de) B. V. in codice San-Gallensi locus insignis 117.

Augia candida seu Weissenau quando & quomodo orta? 445.

Augia diues sanguinem Christi cum cruce celebri asseruat. 276. *Et seq.* Litterae initiales eius crucis, quomodo forte legendae. *ibid.* Confoederationis formula inter hoc monasterium, & S. Blasii 278. *Et seqq.* Formulae professionis monasticae huius monasterii. 285. *Et seqq.* Fridericus e S. Blasio celebris huius monasterii abbas. 282. *Et seqq.* Qui coloniam in hoc mo-

nasterium e S. Blasio aduocauit. 286. Bibliothecam instruxit. *ibid.* Sub eo celebris Augiensis schola. *Ibid.* Elogium huius abbatibus ex MS. Augiensi. 282. Catalogus monasteriorum, qui rotulos suos ad Augiam miserunt. 277. *sq.*

Augustae Rauracorum rudera. 382. Ex quibus vrbis amplitudo colligitur. *ibid.* Quis eo coloniam Romanam deduxerit. *Ibid.* Instrumentum ac machinacudendis monetis apta ibidem effossa. 383.

Augusta Vindelicorum, quo conditore gloriatur. 181. Capitolium cum templo ibidem exstructum. 190. Quam ciuitatem SS. Vdalricus & Afra illustrarunt. 181. Quae numina ibidem coluerint veteres. 188. *Et seqq.*

B.

Badae templum Deae Isidis exstructum dicunt. 34.

De quo inscriptio. *Ib.*

Badensi in arce columna itineris index exposita. 32.

Bandini Florentini egregia studia & opera. 496.

Basileensis ciuitatis aetas dubia. 376. *sq.* Ciuitatis & ecclesiae fata. 377. *Et seqq.*

Concilium hic congregatum.

tum. 378. In quo Felix anti-papa creatus. 379. Vnde repetatur diuersitas horologiorum huius vrbis ab aliis. 378. Quis academiam in illa instituerit. *Ib.* Quo tempore pons super Rhenum instructus. *Ibid.* Basileens. capit. & episcopi fata tempore mutatae religionis. 373. Quo tempore Capitulum cathedrale Basileense Friburgum concesserit. 374. Et quando Arleshemium. *Ib.*

Benedictinae Regulae non eadem semper capitum diuisio erat. 61. Benedictini habitus color niger non adeo constans olim erat. 341. Ipsa S. Benedicti imago cum toga alba & cuculla nigra picta. 342. Ex nigro alias colore Benedictini a Cisterciensibus distinguebantur. *Ibid.*

Benedicto-Bura a quibus & quo tempore fundata creditur. 426.

S. Bernardi epistola singularis quae desideratur in edit. Mabillonii. 228.

Biblia Schelhornii cum San-Blasianis primam editionem praeferunt. 164. 165. Quae eius rei argumenta.

Ib. & *seqq.* Quae utro-
rumque diuersitas. 167.
& *seq.* Bibliorum Germanicor. S. Blasii descriptio. 289. Illorum ab exemplari Stutgardiensis discrimen. 327. & *seq.* Bibliorum primae typographiae insignis adparatus in monasterio S. Petri in silua nigra. 396. Bibliorum codex in monast. Murensi ad Zwinglii vsum. 68. In quo textus *cap. III. Genes.* ab ipso corruptus. 69.

S. Blasii monasterium Rhenaugiensi vnitum. 293. Quando sui iuris factum sit nescitur. 294. Ex Rhenaugia forte S. Blasii patrocinium est. *Ib.* Ac regula Benedictina. *Ibid.* Monasterium hoc cum Hirsaugiensi, & Murensi confoederatum. 217.

Brisacus mons mutat. 387.

Brunacii abbatis opus diplomaticum. 463.

Burgundiae trans-Iuranae terminos constituere perdifficile. 4. In Heluetiam protendebatur. *Ib.* Quae pars Germaniae iterum accessit. 5. Quin eius procures ducibus Alemaniae subiecti fuerint. 6.

Burgundionibus Schoepfli-
nus

MEMORABILIVM.

nus non modo cis-Vrfa-
nam, sed & trans-Vrfa-
nam vindicauit. 11.

Buxhemii nummi antiqui
mirabili casu a mulieribus
inuenti. 180.

C.

Campidunense monaste-
rium fundat Hildegardis
Caroli M. uxor. 144.
Quod successisse se gloria-
tur in locum ducum vel
comitum Sueviae. 149.
Circa quem locum Legio
III. stationem habuit. 142.

Campidunense diploma Ca-
roli. Quantis impugne-
tur machinis. 144. *& seq.*

Campidunensibus Capitula-
ribus crux e collo suspen-
sa conceditur. 152.

Caracalla Alemannici nomen
vsurpat. 132.

Casini theatrum olim exstru-
ctum. 485.

Catalogus MSS. & editio-
num Venetarum post or-
tam typographiam mona-
sterii maioris S. Georgii
Venetiis. 464. *& seqq.*

Ceillier Benedictini Flau-
niacensis opera. 508. Duae
epistolae a Benedicto XIV.
ad ipsum datae. *Ib. seqq.*

Ceraunius lapis Enfishemii
66. 370. Testimonium insi-
gne de eo ex edicto Maxi-

miliani Rom. Regis. 371.
Mens Schoepflini. 372.

Codex Blasianus praestantis-
simus quinquaginta duum
operum. 67.

- - - insignis Canonum Pol-
lingae. 424. In quo con-
cilium quoddam Nicae-
num singulare memora-
tur. *Ib.*

Codices vncialibus litteris
exarati cuius plerumque
sint aetatis. 93.

Columnae leucares a Roma-
nis positae in Marchiona-
tu Badensi quando inuen-
tae. 337. Vbi positae olim
fuerint. 339.

Comites de Sulz officium
iudicum in iudicio Roth-
wilano olim sustinebant.
317. Nunc principes
Schwarzenbergici. *Ib.*

Conradus III. non instituit
iudicium Rothwilanum.
316. Quinam ab hoc iu-
dicio eximantur. *Ib.*

Constantia Vitodurum non
est. 264. A quo condita
putetur. *ibid.* Monnu-
mentum antiquum ibi in
ecclesia cathedrali. *ibid.*
Varii Cardinales & episco-
pi ibi sepulti. 270. Io-
annes XXIII. in concilio
generali ibi depositus. 271.
& Martinus V. electus.
269.

INDEX

Corfinianae bibliothecae varia MSS. 476. *Et seqq.*

Crescentia Ven. sanctitate & miraculis insignis. 418.

Cui ipsi acatholici vota-ua dona obtulere. *Ibid.*

Crucis Christi pars transversa cuius ligni fuisse putetur. 206.

Crucifixum pedibus uno clauo transfixum pingendi mos Albigensum erat. 423.

Crux Blasiana celebris Christi sanguine tincta. 243.

Crux in monasterio Creuzlingano a flammis miraculo seruata. 267.

Crux Pollingana celebris. 423. AEdificandae eius canoniae occasionem dedisse dicitur. *Ibid.*

Crux S. Vdalrico episc. Augustano coelo data. 184.

D.

Decumates agri ubi? 311. Praecipua Alemannorum ibi sedes. 313.

Diplomata sec. XII. anteriora inique a quibusdam vt falsa aut suspecta saltem traducuntur. 146. *seq.* Illorum fidem non quiuisset error historicus aut subscriptionis tollit. 150.

E.

Ebersheimensis monasterii fundatio dubia. 362. S.

R E R V M

Maternus ibi fuisse dicitur. *Ibid.*

Egino episcopatu Veronensi renuntiat, fitque Augiae diuitis monachus. 274.

Eius sepulchrum. *Ibid.*

Et sandalia. 275.

Einfidlensis Taumaturga celeberrima. 73. Quanta ad ipsam peregrinantium frequentia. 74. Vnde eius imaginis color ater. *Ib.*

Elisabetha de Waldkirch caeca libros dictat. 288.

Elisabethae Bonae monialis Reuthensis canonizationis processus denuo instauratur. 407. *Et* 231.

Rigor in eiusmodi causis Romae obseruatus. 408.

Qui verae ecclesiae nota est ac argumentum contra quasuis falsas. *Ib.* *Et seqq.*

Ac securus modus vera a falsis discernendi miraculis. 410.

Casus exceptus ex decretis Urbani VIII. *ibid.*

Ordo processus in hac ipsa causa. 413. *Et seqq.*

Epistola Eminent. Card. de Rodt hac de causa. 231.

Et seqq.

Episcopi & Archiepiscopi ex Ord. S. Benedicti in Italia, quot? 472. & 73.

Epistola Eminent. Card. de Rodt, episc. Const. ad authorem data. 266.

F.

MEMORABILIU M.

F.

- F**aucense monasterium vulgo Füessen unde ortum ? 443. *Et seq.*
- F**eldberg montis siluae Marcianae altissimi situs & vtilitas. 404. In quo fontes albae. 406.
- F**ischingenses originem suam a persecutione Traiani deducunt. 85.
- F**lauiniacensis monasterii in Lotharingia fundator quis? 509. Afferuatum in eo idolum aureum. *ibid.*
- F**ortzhemium unde Rhenano putetur dictum. 335. Et unde Reuchlino. *Ib.*
- F**riburgi Brisgoiae natales falso a metallicis deducuntur. 388. A quo instituta academia. 389. Quos celebres habuerit viros. *Ib.*
- S.** Fridolinus mortuum e sepulchro suscitatur. 129.
- F**rowinum abbatem Montis angelorum Blasianum fuisse ostenditur. 76. Eius opera. *Ib.*
- F**ust, Ioan. Primis typographiae inuentoribus non adnumeratur. 350. Qui tamen societatem cum Gutenbergio habuit. 353. Eique officina Gutenbergii adiudicata est. *Ib.*

G.

- G**aii iudicis gentilis egregium de sanctitate religionis christianae testimonium. 182. *Et seq.*
- G**allia Mariana P. Gabrielis Buzelini. 75.
- G**alli Decumates agros occupant. 313.
- S.** Galli monasterii initia. 90. Eius schola inter celebriorum. 92. Quae alia exterior alia interior fuit. 119. Monasterium hoc bonis insigniter auctum patet ex insigni diplomate. 90. S. Benedicti regula quo tempore in hoc monasterium inducta. 91. MSS. thesaurus plurimus. 89. *Et seqq.* Praecipue ad editiones SS. PP. ordinandas. 108. Eminent inter illa codex antiquissimus. 92. Cuius series describitur. 94. *Et seqq.*
- S.** Gallus litteris excultus. 89. Eius labores. *Ib.*
- G**ebisdorff, seu Gabinii villa 16. Bustum ibi fuisse putatur. *Ib.*
- S.** Georgii monasterium quando & a quo fundatum. 308. Largiter dotatum. *Ib.* In Apostolicae sedis tutelam susceptum. *Ib.* Ab Aduocatis misce-

INDEX RERVM

misere vexatum & dire-
ptum. 309.

Germaniae cis-Rhenanae ori-
go respectu imperii Ro-
mani. 344.

Germaniae superioris vertex,
quatenus ab inferiore di-
stinguitur, vbi quaeren-
da. *ibid.*

Germani quae numina co-
luerint. 188. *sq.* Etiam astra
212. Vt patet ex tem-
plo Soli dicato. *Ib.*

Gerfauenses vicani in Hel-
uetia supremum sibi ipsis
ius dicunt. 74.

Gothici characteres ex libris
etiam Germanicis expel-
lendi. 140.

Gutenbergius Moguntinus
primus typographiam Ar-
gentorati occulte exercet.
351. & 357. Societatem
cum aliis contrahit. 351.
eius socii. *ib.* Lis ipsi mo-
uetur. *Ib.* Qui etiam litteras
suas ex plumbo sculpfisse
dicitur. 352. Quinam ex
eius schola prodiisse cre-
dantur. 353. Argentorato
excedit, & quorsum di-
uerterit. 358. *seq.* A riuali-
bus suis vt inuentor sem-
per tacetur. 356.

H.

Habsburgici castri funda-
tor quis? 24. Vbi si-

tum. 25. Quo nomine
in antiquis monumentis
veniat. 24.

Heluetiae magna pars olim
Sueviae nomine venit.
135. Quae nempe ex hae-
reditate Habsburgica Au-
striae ducibus paruit. *Ib.*

Herculanum vetus in regno
Neapolitano denuo inue-
nitur. 485. Quando haec
vrbs subuersa sit, & qua
ratione. 486. Theatrum.
ibid. AEdificia. 487.
Templa. *ib.* Monumen-
ta cameras nunc replent
aedificiorum regionum.
ibid. Herculis ibi cultus.
488. Academia Docto-
rum ob Herculanum in-
stituta. 493.

S. Hilaria S. Affrae M. mater
aediculam super filiae se-
pulchrum non exstruxit.
183. Eius illustre mar-
tyrium. *Ib.*

Hildegardis Caroli M. vxor
Campidunense monaste-
rium fundat. 144.

Hirsaugiense monasterium in
Wirtembergia antiquissi-
mum. 333. A quibus in
illo & quomodo instituta
regula Benedictina. 334.
Quis primus eius Abbas.
Ibid. Secularium cedit
rapinae. *Ibid.*

Hochen-

MEMORABILIVM.

Hochenburgensem Parthenonem quis fundauerit. 361.

Horologium ex dimensione umbrae humani corporis ad horas Canonicas. 156. *Et seqq.*

SS. Hostiae variae miraculis prodigiosae. 192. *Et seqq.*

I.

Idola in Christianorum templis permansere. 34. *seqq.*
 Isis sub nomine Herthi, cultus apud Alemannos. 137. & 189. Quem cultum Sueui in alias etiam regiones intulerint. *Ibid.*
 Templum Isis in loco praetorii stetit Peutingeri sententia fuit. 188.
 Montemque Isenberg ab hac Dea adpellatum. *ibid.*
 Campiduni quoque templum habuisse diu ante Christum natum dicit Crusius. *Ib.* Ad urbem Badensem quoque eius templum stetit. 34. Cui Deae nauium inuentio tribuitur. 137. Et ad Sueuum regem venisse dicitur. *Ib.*
 Isnen a flumine sic dictum. 137. Statio Romana hic fuit. 138. Quod lapis probat. *Ib.* Quando & a quibus monasterium Benedictinum hic exstructum.

138. Monasterii cum vrbelites. *Ib.* Quae caussa fuerunt durissimorum fatorum monasterio. *Ibid.*

K.

Keyserstuhl, vulgo forum Tiberii nominatur. 15. Sed errore manifesto. *Ib.* Vnde error natus. 16. Glareanus primus hanc urbem latine reddidit. 15.
 Königsveld monasterium, a quo & quando excitatum. 25. Elisabethae, Alberti ducis Austriae & Regis Romanorum vxor ibi sepulta. 26. Filia eius Agnes ibi vixit ac sepulta est. *Ibid.* Cum pluribus Domus Habsburgicae personis. *Ib.* *Et* 27. Plures ibi inuenti sarcophagi, quorum catalogus nectitur. *Ibid.* *Et seqq.*

L.

Latina lingua litteratis propria quam immerito a Gallis despectui habeatur. 514. Eique Gallica proles latinae linguae praefertur 515. Quod abbas Ceillierius expertus est. *Ib.*
 Legio XI. non Gemina sed Claudia vocata. 18. Vnde

de inscriptiones corrigenda. *Ibid.*

Lemanus, fluuius Aleman-
niae. 3. A quo quidam
falso Alemanniae nomen
deriuant. *Ibid.*

Libri Scotice scripti, quan-
to olim in pretio. 103.
Et quam rari. 104.

Lindaui origines suas ad
Romanorum tempora pro-
rogat. 123. Cui opinioni
locus quidam Strabonis
fauere videtur. *Ib.* Glo-
bus coelestis insignis in
hac vrbe seruatur. 121.

Lindaiensem urbem inter &
Parthenonem qualis con-
trouerfia. 121. Quis litem
mouerit. *Ib.* Quanto stu-
dio agitata. *ibid.* Lis ma-
xime de diplomate Ludo-
uici *Pii*, vel *Germanici*.
ibid. Quid in eo suspectum
videatur. 122. Quomodo
defendatur. *Ibid.*

Longinus miles, qui Christi
latus aperuisse dicitur,
quis fuerit dubitatur. 244.
Vnde quidam eius nomen
enatum putauerint. *Ibid.*
Vbi S. Sanguinem abscon-
disse dicatur. 245. Vbi
martyrio coronatus sepul-
tusque putetur. *Ib.*

Lorichii monachi scripta au-
tographa in carthusia Fri-
burgensi. 389.

M.

Martini, P. Io. Bapt. stu-
dium historiae musi-
cae. 473.

San-Maurensum opera &
studium. 514. *seqq.*

Mentelius ex schola Guten-
bergica exiisse creditur.
353. Eius biblia Argen-
tinsula Stutgardiae. 330.

Missae sacrificium Parisiis sae-
pe graece celebratur.
525. Sub eo in domini-
cis & festis diaconus &
subdiaconus sub vtraque
specie communicant. *Ib.*

Mithrae Deo cultus in Ty-
roli exhibitus. 455.

Monialium monasteria olim
sub monachorum cura. 60.
De quo insigne monu-
mentum. *Ibid.*

Murbacenses institutum Be-
nedictinum cum canonico
commutarunt. 366.
Quo tempore & cuius o-
pera exstructum illorum
monasterium. 368. Eius
abbas duplici gauisus est
in comitiis suffragio. 367.

Murense monasterium a qui-
bus conditum. 59. Vnde
nominatum? *Ibid.*

- Chronicon Cunonis seu
Conradi abbatis Muros e
S. Blasio postulati partus
videtur. 62. Notata quae-
dam ex hoc chron. *ib. seq.*

Cui

MEMORABILIVM.

Cui quoque Chronicon
Bürglenſe & acta Murenſia
P. Ruſtenus Heer vindi-
cauit. *Ibid.*

Murenſe Chronicon Regino-
niſ. 63. In quo tria potiſſi-
mum monaſteria in regno
Teutonicorum celebran-
tur. 64. *Et ſeq.*

Muſicae notae antiquitatis
quoddam criterium fa-
ciunt. 517. Quis lineo-
las ad diſtinguendum ſi-
tum notarum excogitarit.
518.

Muſicum inſtrumentum Ti-
guri inuentum. 55. Eius
deſcriptio. *Ibid.*

N.

Neptunus lapidi inſcul-
ptus in marchionatu
Badenſi inuentus. 338.
Item in oppido Badenſi.
ibid.

Neumayr, P. Franc. S. I.
concio in deſenſionem
Probabiliſſimi proſcripta.
191. Quam cenſuram
non elicuerit P. Reichart.
192. Vapulat P. Neu-
mayr, quod hanc deſen-
ſionem pro argumento
ſermonis ſacri adſumpſe-
rit. *Ibid.*

Nicri fontes vbi ſint. 311.
Fluuius hic Alemanniae
Romanae ſeu agrorum De-

cumatium finitor dici po-
teſt. *Ibid.*

Nordgouiae & Sundgouiae
Alſatiae pagorum limes
vbi figuratur. 364.

O.

Oberriedtenſe monaſterium
a monialibus prius in-
habitatum. 402. Dehinc
a Wilhelmitis. *Ibid.* De-
mum Ordini ac Congre-
gationi S. Blaſii addiſtum.
404.

Ochſenhufanum monaſteri-
um quis fundauerit. 222.
Quis monaſterium inſtru-
xerit. *Ibid.* Olim mona-
ſterio S. Blaſii adſtriſtum.
223. Quocum conſtitu-
tiones Fructuarienſes com-
munes habuit. *Ibid.* Quan-
do ſui iuris factum ſit.
Ibid. Quis primus ibi
abbas. *Ibid.* Illius mo-
naſterii manuſcripta. 227.
Et ſeq.

Oſa amnis quas terras tranſ-
eat. 340.

Ottoburani monaſterii fun-
dator quis? 154. Mil-
leſimum foundationis an-
num celebrare parat. *Ib.*
Huius monaſterii MSS.
155. *Et ſeqq.*

Owe oppidum ad veterem
Alemanniam adtinebat. 4.

P.

P.

Pallustris quaedam terra
saepius per aestatem in-
cenditur. 305.

Parisiis Archiepiscopus mo-
ribundis sacramenta de-
negat, si detrectent re-
ceptionem bullae *Vnige-
nitus*. 512.

Patauina schola celebris.
462. Eius hodierni pro-
fessores. *Ib*.

S. Petri monasterium in fil-
ua nigra quis fundauerit.
393. Vnde primae eius
incolae acciti. *Ibid*. Quan-
do, a quo, & quo con-
cursu consecrata eius ec-
clesia. *Ib.* & *seqq.* Adpara-
tus praecipuus bibliorum
primae typographiae hoc
in monasterio. 396. & *seq.*

Peutingerianae seu Theodo-
sianae chartae illustres.
190. Vnde sic dictae. *Ib*.
Vbi & a quo inuentae.
Ibidem.

Pingendi ars coloribus oleo
tinctis a quo, & quando
inuenta. 379.

Porta Petrea, seu Petra per-
tusa in terminis Rauriciae.
385.

Psalterium graecum MSS.
praestantissimum Tiguri.
49.

Puteolis sellae stercorariae
vti Romae, & Casini.
492. Quae faciunt con-
tra fabellam de sexu pon-
tificis explorando. *Ibid*.

R.

Rappeswila duplex. 82. No-
ua a quo exstructa. *Ib*.
Ad quos dominos transie-
rit. 83.

Ratholdus episcopus Vero-
nensis oppidum fundat.
272. Qui S. Marci E-
vang. lipsana in Augiam
diuitem transportasse di-
citur. 273.

Ratisbonenses Benedictini
quanti sua fecerint MSS.
437.

Remundi Lulli codex mem-
branaceus insignis in mo-
nasterio S. Petri in filua
nigra. 395.

Reuchlinus seu Capnio vbi
natus. 335. Quae eius
cum DD. Colonienfibus
de Iudaeorum libris con-
trouersia. *Ibid*. & *seq.*
Quale posteritati suae epi-
taphium posuerit. 336.

Rhenaugiae monasterium a
quibus exstructum. 292.
Huic monasterio illud D.
Blasii vnitum. 293. Insi-
gnis hic MSS. thesaurus
295. & *seq.*

MEMORABILIVM.

Rhenus per lacum Acronianum feruato alueo coloreque perfluere dicitur. 120.

Romae Vaticana bibliotheca insignis. 475. Aliaeque. 476. *Et seq.* Viri in hac vrbe celebres, eorumque opera. *ib.* *Et seqq.*

S. Romarici mons insignis. 531. Vbi fuit castrum Hauendum. *ibid.* A quo perperam quidam castrum Habsburgicum deducunt. *Ibidem Et seq.*

S.

Salisburgum olim Iuuauium dictum. 430. Vnde modernum nomen. *Ib.* Celebris ibidem Benedictina academia. *ibid.* Archiepiscopalis bibliothecae thesaurus MSS. insignis. 431. *Et seqq.*

Schoifferus Gernsheimensis operas suas Fausto impendit. 353. Qui typos fusos inuenit. 354. Cum Fausto omnem typographiae inuentae gloriam sibi vindicauit, praetermisso Gutenbergio. 356.

Schutterensis monasterii fundator quis credatur. 341. Quis restaurator. *Ibid.*

Schwarzachenſe monasterium vbi prius situm, *Mart. Gerbert. Itinerar.*

& quomodo vocatum. 341. Vnde hodiernum nomen. *Ib.*

Selestadium aliquibus Heluetum vel Helkebum dictum putatur. 364. Antiquitatis Romanae rudera ibi inueniuntur. *ibid.*

Senex quidam venerabilis natalem centum annorum solemniter celebrat. 416.

Sepultura regum Francorum a Trithemio in Frankenberg assignata. 533. Sed a peritis reiecta. *Ibid.*

Stutgardiae ducum Würtembergiae sedes a quo, & quando ibi fixa. 326. Quando status ecclesiasticus ibi mutatus. *Ib.*

Sueviae regio quasnam regiones seculo VI. conterminas habuerit. 9.

Sylueſter II. Papa, ante Pontificatum Gerbertus, ob profundiorē doctrinam magiae insimulatur. 257. *Et seqq.*

T.

Tassin, & Touſtain (PP.) studium & opera. 516.

Tegernſeense monasterium quando, & a quibus fundatum. 427. Corpus S. Quirini M. ibi depositum. 428. Celebris ibi abbas. D. Ellingerus. 429.

M m

Ture.

Turegum vrbs Heluetiae olim Burgundiae adnumerata. 5. Quantum huius vrbis aetatem aliqui prorogent. 40. Controversia de eius nomine. 41. *Et seqq.* Eius aetatem gentilem probant varia monumenta circum effossa. 43. Vbi Legio XL. Galliarum exstitit. 41. MSS. quoque insignia. 49. 53. *Et seq.* Et primae typographiae libri. 51.

Tonsura clericalis in vetustis imaginibus soli S. Petro adpingitur. 116.

Tonsura monachorum primorum qualis fuerit. *ibid.*

Tournelius apud Gallos vapulat. 513.

Tubingensem academiam quis instaurauerit. 321. Quis primus eius rector. *Ibid.* Quis hic innovationem auitae religionis inceperit, & quando. *ibid.* Huius academiae viri celebres. 322. Quorum aliqui sectam suam in Orientem quoque, sed incasso conatu, propagare contenderunt. 324.

Tubingenses comites Palatini. 325.

Typographiae primitiae ad quem annum referantur. 352. Ad quem annum

inuentio typographiae Moguntinae. 357. Primae typographiae partes & utensilia. 352. Quis primum typographicum prelum inuenerit. *ibid.* Quales fuerint primae litterae sculptae 350. Et quantae earum expensae. 170. Argentorato Schoepflinus primitias typographiae vindicat. 349. Vt tamen Moguntiae nihil detrahat. *Ibid.* Typographiae classes tres distinguit. 350. Et quis cuiuslibet classis inventor. *ibid.* Quibus loanem Fust non accenset. *Ibidem.* Quando primus Argentorati liber cum caracteristicis & chronologicis notis prodierit. 355. Quae Britannorum mens de typographia in Angliam translata. 358. Qui libri Argentinae primum impressi. *Ib. Et seq.*

V.

Valdi opus de Musica. 349.

Veldidenam non vero Augustam Vindelicorum totius Rhaetiae principem esse con-

contendit Roschmannus.
452.

Veronae academia litteraria.
458. Clerus Veronensis
studiis addictus. *ibid.*
MSS. hic antiquissima.
459. Amphitheatrum
singulari senatus cura
conseruatur. 461.

Versio totius S. Scripturae in
linguam Italicam, omni-
um prima typis expressa.
52.

Versum illum 1. Ioann. 7.
Quoniam tres sunt &c. a
librariis non suppositum,
sed saepius omisum esse
ostenditur. 105.

Vindonissa iam ineunte sec.
VI. Burgundiae accensita
fuit. 21. Sedequ epi-
scopali gaudebat. 20. Quae
postea Constantiam trans-
lata Vindonissae seruato
tribunali ecclesiastico. 22.
Vindonissenis comitatus
an unquam extiterit? 23.
& seq.

W.

Weingartensemonasterium
a quo fundatum. 246.
Adseruat hoc monasterium
sacratissimum Sanguinem
Domini. 241. De quo
insignis controuersia, an
ex S. latere fluxerit. *ibid.*
Mons S. Thomae de gut-

tis Sanguinis in quibus-
dam ecclesiis adseruatis.
242. Sacrum hunc San-
guinem Weingartensem
Leo III. P. M. adproba-
uit. 245. MSS. huius mo-
nasterii. 247. Et editio-
nes primae typographiae.
251.

Wessofontani monasterii
fundator quis? 421. In
quo adseruatur instrumen-
tum traditionis pro ancil-
la. *ibid.* Et antiquissima
Crucifixi imago. 423.

Wettingensis monasterii fun-
dator quis? 36. In eo
Autographum diploma
Habsburgicae stirpis cer-
tissimum exhibens ordi-
nem. 37. Alterum exhi-
bet solemnem donationum
ritum. 38. Monasterium
hoc ex aliis quoque or-
dinibus expetiit abbates.
ib. Cuius quidam Abbas
circa religionem cum aca-
tholicis conuenisse dicitur.
33.

Wiblingense monasterium
colonia ex D. Blasio. 206.
Cuius Abbas primus B.
Wernherus ex D. Blasio.
ibid. MSS. huius mona-
sterii contra Thomam
Kempens. testantur. 210.
De hac controuersia iu-
dicium. *ibid.*

INDEX RERVM MEMORABILIVM.

X.

Zaringensium exitus. *ibid.*

Xylographiae inuentio cui
tribuatur. 172. & 350.
Et quando inuenta. *Ib.*

Z.


Zaringiae arcis quis condi-
tor. 392. Fatalis ducum

Zurzachium non a Certo mi-
lite, sed aliunde vocatum
eruditi putant. 12. & *seq.*
Forum Tiberii olim fuis-
se creditur. 14. & *seqq.*
Eius nundinae. 15. Et
protectrix S. Verena. *Ib.*

FINIS.

Corrigenda.

Pag. 1. lin. 15. pro & lege *ut.* p. 38. lin. 12. pro
monasteris lege *monasteriis.* p. 70. lin. 26. pro *denuato*
lege *denudato.* p. 146. lin. 3. pro *inquiores* lege *iniquio-*
res. p. 222. lin. 3. pro *sibi* lege *sibi.* p. 229. lin. 11. & 12.
pro *vitorum* lege *vitiorum.* p. 262. lin. 17. pro *molindi-*
narum lege *molindinorum.* p. 276. lin. 25. pro & lege τ̃.
p. 438. lin. 2. pro *Vindobensi* lege *Vindobonensi.*



Tab. I.

Scala quatuor Pedum Fig.

HIC SIT VSI ST
LAELVRBICV
QVIVIXTA
VN M VDV
VN O VGLIB
PP STATVR C
XI CEA SECW
PDVLCISSIMF



INCĒPROLO G SEPTĒEPISTOLR

Non ita ordo ē apud graecos qui
integresapiunt. et fidei rectā
sectantur. Epistularum septem
quae canonice nuncupantur.
sicut in latinis codicibus inuenitur.

quod quia petrus primus in numero apostolorum.
primus etiam eius epistulae in ordine
10. ceterarum. sed sicut euangelistas dudum
ad ueritatis lineam correximus. ita
has proprio ordine dō nos iubante reddi
dimus. Et enim prima earum una
iacobi. petri duae. iohannis tres. et iudae
15. una. quae si ut ab eis digestae sunt. ita quo
que ab inter praetab. fideliter in latinum
eloquium uerterentur. nec ambiguitate
legentibus facerent. nec sermonum sese
uarietas in pugnaret. illo praecipuo loco
20. ubi de unitate trinitatis in prima iohan
nis epistula positum legimus in qua etiam
ab infidelibus translatoribus multum
erratum. ēē. fidei ueritate conperimus.
trium tantum modo uocabula. hoc ē. aquae

25. sanguis et sps. in ipsa sua editione ponentes
et patri uerbiq. ac sps testimonium com
mittentes. in quo maxime et fides catholica
roboratur et patris et filii et sps scī. una
diuinitatis substantia conprobatur
30. In ceteris uero epistulis quantum antea
aliorum distet editio. lectoris prudenti
ae derelinquo. sed tu uirgo xpi eutochi
um. dum a me in pensus scripturae ue
ritatem inquiris. meam quodam modo
35. senectutem in uidorum dentibus. conro
dendam exponis. quum falsarium. cor
ruptoremq. scārum pronuntiant scriptu
rarum. sed ego in tali opere. nec aenulo
rum meorum in uidentiam peritimesco. nec
40. scāe scripturae ueritatem. poscentibus dene
gabo. **EXPLICIT PROLOGUS**

Et haec ē uictoria
qua euincit mundum. fides nra. quis ē qui
45. uincit mundū. Nisi qui credit qm̄ ih̄s ē filius dī
Hic ē. qui uenit per aquam et sanguinem ih̄s
xpi. non in aqua solum. sed in aqua et sanguine
Et sps ē. qui testificatur. qm̄ xps ē ueritas. qm̄
tres sunt qui testimonium dant. sps aqua et san
50. guis. Et tres unum sunt.

INCH
SEPTER

1848
1849
1850
1851
1852



1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900


Taf. III

g C a




Δ Ε Ι Σ Α Α Π Α Β Ε Γ Μ Δ Ε Η Α 0 0 2
4 a m c L o i n 7 0 0 η 3 e t η B η

Dieser Stab ist 1 Schuh mit dergleichen Zoll lang, breit $\frac{3}{4}$ Zoll







cum esset dispensata mater eius maria ioseph aine-
 quam conuenirent inuenta in utero habens despu sco
 JOseph autem uir eius cum esset homo iustus a nollet
 eam traducere seculoluit occulte dimittere eam Hæc
 eo cogitante ecce angelus dñi in sompnis apparuit ei
 dicens ioseph fili dauid nolitimere accipire mariam
 conigem tuam quod enim erea nasca despu sco+



Nedicat modus dictus est quia penem seulo
 quenclo reu scribendo q̄c q̄nem ostentes
 pronuntiamus **N**edicat q̄q; modus ē ex li
 praesentem **I**pone p̄māe pen sonāe nūm
 sinḡ littere ultims genēre intelleguntur ut ip̄o
 unon exae cunctae uñ pen soñ li cougāt
 colliguntur quia in ipsis cougāt plenur
 nerrenemur **I**mpenactiur dicitur est q̄p
 eum quo sto p̄ accienclum impen ammus cuius
 p̄nōprium est quia neque p̄aetentum
 tempus neque p̄māem potus hābe ne pen
 sonāem nemo enim aut sibi ipsi solum quā
 aut cuiquam in p̄aetentum inpenāt



LVITHE RV


IS
GALL
W




IN THE TIVE

Incipit liber bresibz que nos genesim
 A principio creauit deus celū dicim⁹.
 et terram. Terra autem erat inanis et
 uacua: et tenebre erāt sup faciē abissi.
 et sps dñi ferebat sup aquas. Dixitq;
 deus. fiat lux. Et facta ē lux. Et uidit
 deus lucem qd esset bona: et diuisit lucē
 a tenebris. appellauitq; lucem diem et
 tenebras noctem. factūq; est uespe et
 mane dies unus. Dixit q; deus. fiat
 firmamentū in medio aquarū: et diui-
 dat aquas ab aquis. Et fecit deus fir-
 mamentū: diuisitq; aquas que erāt
 sub firmamento ab hijs q̄ erant sup
 firmamentū. et factū ē ita. Vocauitq;
 deus firmamentū celū: et factū ē uespe
 et mane dies secūd⁹. Dixit uero deus.
 Congregent aque que sub celo sūt in

Handwritten text in a single column, likely a list or inventory, written in a cursive script. The text is heavily faded and difficult to decipher, but appears to consist of approximately 15 lines of entries. The entries are separated by small gaps, suggesting a list format. The ink is dark, and the paper is aged and stained.








Joh. Hoff Del. et Sculp.







SPECIAL

88B

19381

THE GETTY CENTER
LIBRARY

